



Dicimus nono illam veram  
 sponsam Christi esse dici-  
 mus, cui ceteræ omnes  
 pudoris, & honestatis,  
 præminentix item, & di-  
 gnitatis, honorificentissimum & di-  
 rissimum testimonium reddunt, at-  
 que reddiderunt semper. *Vna est co-  
 lumba mea, perfecta mea: vna est matris  
 sue, inquit scriptura, electa genitricis  
 sue. Viderunt eam filia, & beatissimam  
 predicauerunt: regina, & concubina, &  
 laudauerunt eam. Vt igitur eas Eccle-  
 sias, quarum reges atque principes  
 publicè spectante orbe terrarum, ex  
 eo tempore, ex quo fidem recepe-  
 runt Christianam, ad sedis Apostoli-  
 cæ pedes obedientiam atque subie-  
 ctionem suam, iuxta Prophetarum  
 prædictiones, deferunt ac detulerunt  
 semper, prætermittamus. Et venient  
 ad te, inquit Isaias, cur vi filij eorum, qui  
 humiliauerunt te, & adorabunt vestigia  
 pedum tuorum omnes, qui detrahebant ti-  
 bi, & vocabunt te ciuitatem domini, Sion  
 sancti Israel. Et, erunt Reges nutrices tui,  
 & Regina nutrices tue, vultu in terra de-  
 misso*

Cant. 2.


Isaia 60.

Isaia 49.

misso laudabunt te, & puluerem pedum  
 tuorum lingent. Et scies quia ego Domi-  
 nus, super quo non confundentur, qui ex-  
 pectant eum. Ecce dabo, inquit Ioannes,  
 de Synagoga Sathana, qui dicunt se Iu-  
 daos esse & non sunt, sed mentiuntur. Ec-  
 ce faciam illos ut veniant, & adorent an-  
 te pedes tuos, & scient quia ego dilexi te,  
 quoniam seruasti verbum patientiæ meæ;  
 & ego seruabo te ab hora tentationis qua  
 venturæ est in orbem vniuersum, tentare  
 habitantes in terra. Ad Austrum nos  
 reframus, quanti que Australes Ec-  
 clesiæ fecerunt semper Romanam  
 Ecclesiam paucis videamus. Vbi in-  
 primis inter præcipuas Aphricæ Ec-  
 clesiæ occurrit celebris illa Cartha-  
 ginensis, quæ Numidicis, & Maurita-  
 nicis inuigilabat; & qui huic tanta  
 cum laude præfuit fortissimus mar-  
 tyr Cyprianus: Hic profitetur Cathe-  
 dram Petri, super quem à domino æ-  
 dificata fuit Ecclesia, principalem ef-  
 se, vnde vnitas sacerdotalis exorta  
 est, cuius fides Apostolo prædicante  
 laudata est, & ad quam perfidia non  
 possit habere accessum. Et alibi: Deus  
 vnus

Apo. 3.

Rom. 1.



B. 110-411

Elogans D. Hieronimi de  
Carthagine Elogium folio 186  
et alia doctorum Silla. vide. lxx

E. VXXIX 15

DE VERAE  
ET FALSAE ECCLE-  
SIAE DISCRIMINE,

Ad Serenissimum STEPHANVM I.  
Poloniae Regem,

STANISLAI SOCOLOVII  
LIBRI TRES.

*Ex sacris Scripturis, vetustissimorum-  
que Patrum sententijs collecti  
ac confirmati.*

Quibus adiecta est pro dignoscendis  
& fugiendis falsis dogmatibus,  
eiusdem concio.

*Aeditio secunda, ab ipso Auctore prio-  
ri & emendatior, & locuple-  
tior reddita.*

COLONIAE,  
Apud Maternum Cholinum.

M. D. LXXXIII.

Cum Gratia & Privilegio Cas. Maiest.

17410



1910 - 2579

AD SERE-  
NISSIMUM STEPHA-  
NUM, POLONIAE REGEM,  
VICTOREM ET TRIVMPHA-  
TOREM MAGNICVM,

IN LIBROS DE VERAE ET  
*falsae Ecclesiae discrimine,*

P R A E F A T I O.



ULTAS QUIDEM  
& varias, easq; pul-  
cherrimas ex multi-  
plici genere potentis-  
simorum hostium vi-  
ctorias, STEPHA-  
NE REX, dulce  
presidium, dulce de-  
cus meum, tibi hoc toto sexennio, quo apud  
te officio concionatoris fungor, coram gra-  
tulatus sum, nunc absens, propter hanc me-  
am affectam valetudinem, ipsum quasi vi-  
ctoriarum finem, hoc autem est, optatissi-  
mam pacem, letus & ex animo gratulor:  
quam eandem tibi, nominiq; tuo amplissi-

PRÆFATIO

mo, nobis Republica q̄ nostra, ac toto orbi  
 Christiano felicem ac faustam in omne æ-  
 um euenire, à Deo Opt. Max. precor. Ne-  
 que qualemcunque ac vulgarem aliquam  
 pacem M. V. gratulor, sed eam, quæ pul-  
 cherrima & magnificentissima, hoc nostro  
 seculo, in toto terrarum exstitit orbe, &  
 quæ tot tantis q̄ præteriti temporis difficil-  
 limis, ac plusquam propemodum Herculeis  
 laboribus, contentionibus, bellis ac præstan-  
 tissimis tuis rebus gestis extremam quasi  
 manum imposuit, eas q̄ pulcherrima cata-  
 strophe, hoc tempore conclusit, ad omnem-  
 quæ immortalitatem obsignauit. Qua-  
 rum quidem admirabili rerum gestarum  
 tuarum virtute atque gloria tu superbis-  
 simum ac potentissimum hostem perdomu-  
 isti, ad pedes q̄ tuos, sedis q̄ sanctæ Aposto-  
 licæ matris tuæ inuitum, multis q̄ tempo-  
 ribus reluctantem, supplicem tandem ali-  
 quādo confugere coëgisti. Quæ eadem præ-  
 stans tua virtus potentis inimici iniurijs,  
 continuis q̄ diuexationibus, afflictissimas  
 gentes erexit, ac consolata est, illis q̄ inui-  
 ctum & insuperabilem tranquillitatis &  
 securitatis parietem excitauit, ac mul-  
 tos mortales ab impotentissimi hominis do-  
 minatus

## PRAEFATIO.

minatu liberavit, opprobrium ex Israel  
 sustulit, ac nescio quam superioribus tem-  
 poribus contractam ignavia maculam ab-  
 sterfit, nomenq; ac decus gentis pristinum  
 restauravit. Quae virtutem, & regni ro-  
 bur multi temporis otio ac desidia quondam  
 veluti consēpulta denuo reuocavit, arma-  
 que obtusa situ, pulvere, ac arugine, prop-  
 ter diuturnum otium obducta excussit, ac  
 expoliuit. Quibus iisdem rebus gestis, tu re-  
 gnum tibi, tuorumq; erga te animos, nisi et  
 beneficiorum ingrati, & publica saluti in-  
 festi videri velint, mirifice confirmasti, ste-  
 rilitatemq; superiorum Regum tua vberē  
 fecunditate sustulisti, totq; pignora atque  
 aras aeterni amoris sponsa tua, regno, in-  
 quam tuo, tot inquam nobilissimas ac cla-  
 rissimas victorias, tot munitissimas arces,  
 & munitiones, tot vberrimas provincias,  
 tot populosissimas vrbes, flumina, portus,  
 ac integras regiones, tanquam liberos quos-  
 dam adiecisti, ut neque tu illi, neque illa ti-  
 bi sterilis & infœcunda permaneat; ut iam  
 de reliquo tempore, aequè tu illam, atque il-  
 la te, tanta, tamq; illustri, & multiplici in-  
 tercedente prole, non nisi amare possit. Vi-  
 cinas gentes perterruisti. Irruit, inquit



P R A E F A T I O

Scriptura, pavor Domini super uniuersa re-  
 gna terrarum, cum audissent, quod pug-  
 nasset Dominus contra inimicos Israel. A-  
 pud Reges atque Principes externos, tibi  
 magnum & immortale nomen compara-  
 sti. Te illi mirantur, tuam amicitiam expe-  
 tunt, te sibi perfectum Imperij exemplar  
 proponunt, in te omnium oculi sunt conuer-  
 si, te omnes in caelum iure ac verè ferunt.  
 Quae eadem rerum gestarum aeternum ce-  
 lebranda gloria, ora inimicarum ac emu-  
 larum gentium ad maledicendum quon-  
 dam aperta magnificè obstruxit, ad nouas  
 autem laudes tuas praedicandas aperuit,  
 ita ut tuas praestantissimas virtutes inui-  
 ti praedicent, vel tacendo iuxta Comici di-  
 ctum, satis laudent. Quae religionem Ca-  
 tholicam, ordinem sacrum, cultum litera-  
 rum, omnemque humanitatem ad eas ip-  
 sas hostis immanissimi crudelitate affli-  
 ctas ac planè desolatas gentes denuò intu-  
 lit, ipsumque Christum Dominum in su-  
 am possessionem quasi postliminio redu-  
 xit: quae templa atque delubra: arasque ip-  
 sas earum gentium, auarissimi hostis cu-  
 piditate denudata, tua insigni pietate &  
 munificentia, vestimentisque tuis propemo-  
 dum

PRÆFATIO

dum, omniq̄ aurea & argentea suppelle-  
 Et ilidenuò vestiuit, pristinoquē splendori  
 reddidit. Auditusq̄ post multum luctum  
 & lamenta in terra nostra sonus Cytha-  
 ræ & Buccinæ, vox exultationis et latitiæ,  
 ac iubili: ille inquam: Reuersus est omnis  
 Israël & Iosaphat Rex antè illos in Ierusa-  
 lem, cum latitiæ magna, eo quod dedisset  
 illis Dominus gaudium de inimicis suis. In-  
 gressique sunt in Ierusalem cum Psalterijs  
 & Cytharis & tubis in domum Domini.  
 Talem inquam, tam raram, tam illustrē,  
 tam magnificam, totq̄ fructibus & doti-  
 bus grauidam, & dotatam pacem, tibi gra-  
 tulator, ac perpetuo firmam & stabilem à  
 Deo immortalis supplicor: neue hos i-  
 psos tuos veros & æternos triumphos agra-  
 tudo contaminet aliqua, æterno parenti,  
 cōceptis in eā rem votis supplico. Verū cum  
 oīs gratulatio quæ dono caret, inops, ieiuna  
 & sterilis sit, minusq̄ grato animo accipi  
 soleat, vacuumq̄ ante conspectū Dei atque  
 regū comparere, vel ipsa scriptura teste, nō  
 conueniat, eā ob causam tractationis de Ec-  
 clesia Dei apud M. V. aliquādo suscepta, eā  
 partē quæ de discrimine vera et falsæ Eccle-  
 sia agit, eiusq̄ signa, indicia, & verissimas

PR AEFATIO

*notas explicat, M. V. mitto: ut quemadmo-  
 dum quondam falsos Prophetas, verissi-  
 mis & maxime proprijs coloribus depinxi-  
 mus, ita nunc veram sponsam Iesu Chri-  
 sti, inter tot innumerabiles eius amulas &  
 inimicas, veramq; eius formam & speci-  
 em demonstremus. Tuum enim illud sem-  
 per fuit sapientissimum iudicium: qui ve-  
 ram Dei Ecclesiam demonstrauerit, qui di-  
 scrimen eius à falsis cœtibus inuenerit, e-  
 um omnes hæreses, hoc vno factò sublatu-  
 rum & interempturum esse. Et verissime  
 quidem. Nam illud quidem inter omnes  
 sectarum huius seculi homines, qui modò  
 sanæ mentis aliquid reliquum habent, con-  
 uenit, Ecclesie Dei parendum esse: ut qua  
 sit domus Dei viuentis, columna & firma-  
 mentum veritatis, corpus Christi, cui qui  
 non pareat, ille in loco Ethnici & Publica-  
 ni sit habendus. Quæ autem vera sit, quæ  
 falsa Ecclesia, in eo cardinem negotij ver-  
 sari, omnemq; causam controuersiam, omni-  
 bus id sibi falsò tribuentibus constitutam  
 esse: quam qui sustulerit, ille omnibus di-  
 sputationibus ac controuersijs finem facile  
 imposuerit. Ita tu, nõ modo de his artibus,  
 quæ tuæ sunt propria, Regijs inquam ac Im-  
 pera-*

PRAEFATIO.

peratorijs, sed de alijs quoq; ita sapienter,  
 ita acute statuere soles, tanquam eas ipsas  
 solas didiceris: sic ut te earum disciplina-  
 rum artifices & doctores plerunque mirentur,  
 tuasq; sententias atque iudicia laudēt,  
 atque appellent. Ita autem M. V. eam no-  
 bilissimam pacem gratulor: ut simul De-  
 um immortalem orem, ut qua felicitate et  
 successu externos fregit & perdomuit ho-  
 stes, nullaq; vi submouendam gloriam, sibi  
 posteritatiq; sua peperit, eadem contra  
 quasdam internas ac domesticas utatur  
 pestes. Pestes autem cum dico, non homines  
 sed hominum vitia intelligo: hoc autem est  
 extremam impietatis ac male de Deo, re-  
 busq; diuinis sentiendi, tot iniquissimis le-  
 gibus ac foederibus communitam licenti-  
 am, totq; foedissimas haereses, & ea qua sub  
 haeresibus latent, indeq; oriuntur flagitia,  
 cultus inquam diuini abrogationem sacra-  
 mentorum, ac sanctissimarum ceremoniarum  
 profanationem, templorum expilati-  
 onem, sacrorum vasorum conflationem, do-  
 tis Ecclesiasticae direptiones, sacri ordinis  
 in ordinem reductionem, pudoris alieni in-  
 cestas oppressiones, priuatorum bonorum  
 per luxum & ambitionem immoderatam

PRAEFATIO.

profusionem: unde rapina, & sura, simonia,  
unde mater omnium malorum promanat  
avaritia, furtiva denique, rapinas, publicos  
peculatus, innocentissimorum hominum  
impunitas vexationes, vulnera, pulsatio-  
nes, caedes, aliaq̄, infinita vitia prodeunt.

Quibus malis tantò diligentius, cum ma-  
ioreq̄ studio, hoc tempore tibi erit obsisten-  
dum, quantò magis pax ipsa talia vitia a-  
lere, illisq̄ fomitem quendam subijcere so-  
let. Cum enim pax & tranquillitas, omnia  
quæ optima humano generi esse putantur  
secum ferat, hoc tamen nisi prudenter &  
sapienter regatur habet vitij, ut sub illius  
umbra infinita succrescant mala, ocium,  
inquam, ex quo luxus & profusio, inde te-  
meritas & curiositas: inde haereses & mul-  
tifarj errores, inde legum contemptus, le-  
gitimiq̄ magistratus despectio: inde turba  
domesticiq̄ tumultus: bella civilia: inde ad  
extremum occasus & interitus rerumpub.

Quibus malis ita tu facile obsistes, si pri-  
mum iniquissimas leges quasdam, cum na-  
turaq̄ & omni honesti legibus pugnan-  
tes, omniq̄ aequitati inimicas publico Rei-  
pub. sancito sustuleris, si licentiæ frena im-  
posueris: si à fœcibus externis, quæ hanc  
Rem-

PRAEFATIO.

*Republ. iam olim turpiter defcedant, re-  
 gnum maturè expurgaueris: si nullum vi-  
 tium impunitum, nullam virtutem præ-  
 mio non affectam esse volueris, si beneme-  
 ritos homines amplissima dignitate, sum-  
 misq; honoribus ornaueris: si robustos cla-  
 matores, quos Demosthenes ac tota Græcia  
 δῆμαγωγούς vocat, contempseris: si facinoro-  
 sis merita supplicia irrogaueris: si ius su-  
 um cuique reddideris: si Tro Tyrusq; nul-  
 lo tibi in tanta nationum, quibus cælitus  
 præes, diuersitate, iuxta Poeta dictum dis-  
 crimine agetur, sed veluti sol quidam beni-  
 gnus ex æquo te omnibus illis amandum et  
 fruendum exhibebis, si Sacrosanctis Eccle-  
 siis Episcopos sanctissimos & doctissimos  
 præfeceris, publicas præfecturas præfectis  
 integerrimis ac innocentissimis viris, qui  
 non ambitione certent, sed dignitate &  
 merito gradum sibi ad veram laudem  
 comparent, non tam ad humana varia &  
 incerta iudicia, quàm ad vñctionis ipsius,  
 spiritusq; sancti, qui tuo muneri astat, in-  
 ternum instinctum contuleris: aulam  
 militesq; tuos, quod facis, quodq; etiam  
 atque etiam in tanta licentia,  
 morumq; dissolutione facere debes,*

in of-

## P R A E F A T I O.

*in officio continueris, si ipse denique omnes  
 eas virtutes atque sensus, quos ad Regnum  
 & Imperium hoc, Dei immortalis munere,  
 tanquam pulcherrimam quandam &  
 ditissimam dotem affatim attulisti, sacro-  
 sanctos conseruaueris: religionem in quā,  
 pietatem, Zelum decoris domus Domini, in-  
 stitiam, animi aequitatem et moderationē,  
 māsuētinem, & ad maiores obedientiā,  
 morum sinceritatem cum summa grauita-  
 te cōiunctam, gratāq; lenitate conditam,  
 amorem in tuos, in condonandis iniurijs  
 planē inuictum & incomparabilem, verē  
 Stephano dignum, qui nouerat aliquando  
 etiam pro persecutoribus exorare, animū,  
 omnem denique honestatem ac vitæ conti-  
 nentiam, pauperum & orphanorum curā  
 & sollicitudinē, ac reliquas innumerabi-  
 les dotes conseruaueris: neque eam animi  
 tui constantiam suo loco unquam dimoue-  
 ri passus fueris. Quibus quidem virtuti-  
 bus, ita vsque adhuc abundas: ut non cum  
 Regibus tantum, aut alijs tui ordinis & cō-  
 ditionis hominibus: sed cum ipsis etiam in  
 eo genere virtutum perfectis certare pos-  
 sis. Nec modo ab his vlla unquam ratione  
 te deterreri patieris, sed augebis etiam, &*

PRÆFATIO.

cumulabis, ut q̄ extrema conueniant pri-  
 mis, etiam atque etiam uehementer elabo-  
 rabis: memor illius pulcherrimi D. Basiliij  
 dicti: μὴ τροχοπτῆν ἔσθι τροχοπτῆν. hoc au-  
 tem est, ut sanctius interpretur Leo: Non  
 proficere deficere est. Nunc autem sapien-  
 tissime Rex, illud apud te statue, atq; ita iu-  
 dica, hanc ipsam pulcherrimam mulierū,  
 cuius nunc uerissimos colores atque orna-  
 mēta, ex quib. illa cognosci possit, refero at-  
 que explico, non tam à me, quam ab ipso Ie-  
 su Christo in cruce pendente, in qua illa ex  
 latere eius aperto tanquam altera Eua ex  
 costa Adæ profluxit ac progenita, eius q̄  
 sanguine qui inde manauit, sanctificata  
 atque lota est: illis uerbis, quibus quondam  
 dilecto discipulo suo, matrem suam Ioanni  
 commendauit, nunc tibi itidem commēn-  
 dare, STEPHANE REX inclyte: E C-  
 CE MATER tua, qua te in lauacro \*fon-  
 tis cælorum regno genuit, qua Catholicè et  
 Orthodoxè educauit, qua singulis annis  
 corpore & sanguine sponsi sui pascit & re-  
 ficat, qua in Maximum Regem & Prin-  
 cipem unxit. Accipe igitur illam in tu-  
 am, ut quidem iam olim accepisti & ada-  
 masti, & à cuius constanti amore & dile-  
 ctione



P R A E F A T I O.

*ctione non te Doctorem errantium, toties  
 tua causa ne quicquam collecta, impia ma-  
 nus, non patrie communis contagio, non æ-  
 qualium quondam cauillationes, ac conui-  
 tia, non ambitio vlla principatusq; cupi-  
 do, non ciuium ardor, ut inquit ille, praua  
 iubentium, non instantis vultus tyranni  
 abducere potuerunt vnquam. Et mortui  
 sunt illi, qui querebant animam tuam, tu  
 tamen viuis, viuis imò & felicissime vi-  
 ctor & triumphator magnificus regnas, &  
 tamdiu viues & regnabis, dum istum præ-  
 stätissimum animum erga Christum, qui  
 te in partem vñtionis suæ vocauit, corona  
 quæ gloria & victoria induit, eiusq; vni-  
 cam sponsam geres. Scitum est illud & me-  
 morabile, dum ad Polocense bellum profici-  
 scebamur, factum tuum. Ardebant tunc ini-  
 tio belli omnium animi, in apparatuq; tan-  
 ta obsidionis occupati erant, omnia tunc a-  
 lia quisque cogitabat, cum tu de medio illo  
 itinere, diuino ac caelesti quodam furore perci-  
 tus. Collegij sancti patres ( dimidiata ferè  
 cum illis pecuniola, quæ tum victus præsen-  
 tis, in arario satis exigua pro infinitis illis  
 sumptibus fuit ) in Transyluaniam germa-  
 nam patriam tuam fundanda Catholice  
 reli-*

PRÆFATIO

*religionis causa misisti. Cuius diuini tui facti eum fructum cepisti, ut & tu pulcherrima & optatissima victoria potitus sis, & illi Christo Domino nobilem prouinciã tuo studio adiecerint: illudq; magnificè cõprobatum est; primum querendum esse regnum Dei, & omnia adijci nobis. Macte igitur ea pietate & amore erga Deũ, & verã Ecclesiam Iesu Christi esto, nihilq; aut publicè, aut priuatim utile esse cuiquam censeas, quod cum illius incommodo ac dedecore sit coniunctum. Errant enim, errant vehementer pleriq; Principes Christiani, qui vulneribus illius suarum rerum pub. vulnera sanari posse putãt: eius perturbatiõẽ suam pacẽ tuentur, eius paupertate suas diuitias augent. Regnum siquidem Christianũ illa infelice felix esse nõ potest. Pendent. n. à diuinis res humanæ: illas si contẽnamus, has non facile tuebimur: illa si labefactentur, hæ statim corruẽt. Et cũ vera Ecclesia nihil aliud sit, quam regnum illud cœli, de quo prædixit Daniel: In dieb. aut regnorũ illorũ suscitabit Deus regnum cœli, quod in æternũ non dissipabitur, & regnum eius alteri populo non tradent: comminuet aut et consumet vniuersa regna hæc, et ipsum stabit in*

## P R A E F A T I O

bit in aeternum. Cui quidem Regno, omnia Regna subiecta esse debuerunt. cuius regni cetera membra & particula quaedam sūt: qui totum illud violauerit, infecerit, profanauerit, partes item sanas, & incolumes, nullo modo diu tueri ac sustinere poterit unquam. Probauerunt hoc Asia regna, probauerunt Gracia, idq; magna rei Christiana inclinatione & ruina, sed et nostros vicinos, atque adeo nos ipsos ista ipsa nimia, si dijs placet, prudentia, quam parum superioribus temporibus inuerit, quam parum bona nobis frugis attulerit, experti sumus, ac in dies magis ac magis experimur. Eos inquam Principes tali sensu praeditos, Rex prudentissime imitari noli, sed illos potius, quibus cum tibi multa communia sunt, Machabaeos inquam viros fortissimos, de quibus illud scribitur: Dixit autem Iudas & fratres eius: Ecce contriti sunt inimici nostri: ascendamus nunc mundare sancta & renouare. Dauidem autem vel imprimis Regem Pientissimum, de quo itidem pace similiter potito, locumq; Domino & tabernaculo eius quarente, cultumq; eius sollicitè cogitante, illud narrat scriptura: Iurauit Domino Dauid, votum vouit Deo

STANISLAI  
SOCOLO=  
VII DE VERAE ET  
FALSAE ECCLE-  
siae discrimine.

LIBER PRIMVS.

PROOEMIUM.



NON sine diuina ac  
coelesti prouiden-  
tia, quæ regit Isra-  
el, quæ deducit ve-  
lut ouem Ioseph,  
euenisse existimā-  
dum est; vt post se-  
ptuplum vario &

*Psalm. 79.*

multiplici igne, hæreticorum inquā,  
& schismaticorum impugnationib⁹,  
ac calumnijs, probatos omnes fidei  
Christianæ articulos, vltimo tandem  
occidente ac senescente seculo, no-  
uissimis temporibus instantibus, vr-  
gente Antichristo, hic ipse de vera Ec-  
clesia Dei, sponsa CHRISTI, articulus,

A

quæ

quæ, & qualis ipsa sit, ac vbi inueniatur, probandus, ac discutiendus, relictus esse videatur. Vt tanquam impendente altero longè periculosiore ac funestiore orbi terrarum diluuiio, alia arca Noe, in qua tantum effugiat naufragium, populo sit quærenda Christiano. Vt enim nihil salutarius, nihil optabilius esse solet, quàm nocte intempesta ingruente, ventis excitatis, tempestate & procella sæuiente, latrone, & inimico instante, viatori quidem urbem & diuersorium; naufrago portum; fugiētibus ex acie castra; disiectis & errantibus nauibus cynosuram; dispersis ouibus, caulas & ouilia; pauloque post futuram lucem, demonstrare: sic & nunc, ingruente summa illa & vltima nocte, atque rerum omnium occisione, qua charitas refrigescet, fides extinguetur sæuiente infestissimo latrone, & pirata Antichristo, impendente extrema tribulationum & persecutionum tempestate, per tot hæreses & schismata, tãquam inquietissimos ventos, Christi disiectis ratibus, inclinata acie, ouibusq;

busq; dissipatis, nihil magis vtile, magisq; necessarium esse potest; quàm veram IESV Christi sponsam, vnam, Sanctam, Catholicam, & Apostolicam Ecclesiam, Christi ouibus indicare. Ne nocte intēpesta opprimantur: ne naufragium faciant: ne spolientur: ne aberrent: ne à feroci lupo extra caulas & ouile pastoris sui reperiantur: vt denique, quid in tantorum turbine & procella electi Dei sequi, quid fugere debeant, recenti quasi commoneantur præmonitione.

Hæc enim est ciuitas illa in monte posita: hæc est vrbs fortitudinis Sion, Matth. 5. saluator in ea murus & antemurale; Esaiæ 26. columna & firmamentum veritatis: & 1. Timoth. 3. Matth. 16. ideò, ne portæ quidem inferi, ipseque portarum dominus, Antichristus, cōtra illam præualere potest: intra cuius septum, nemo deprædari, nemo spoliari, nemo decipi, aut falli solet. Hæc est tutissima illa statio carinis, vnicusque portus salutis; in quo nemo naufragium patitur, nemo perit, nisi malè & indignè in vocatione sua viuat: hæc sunt castra illa DEI viuē-  
 A 2 tis,

Ioan. 10.

Matth. 5.

Isaia 60.

Luce 12.

Matth. 24.

tis, quæ nullus hostis perfringere aut capere potis est: hæc est fixa, nauisq; gratissima cynosura, portum naufragantibus monstrans; qua duce, nemo aberrat vnquam: hoc est illud ipsum ouile ouium, quibus anteit pastor, & oues cum sequuntur, & vocem eius audiunt; quòd nullus lupus superare, nulla fera pessima adire potest: hæc est illa lucerna ardens, posita super candelabrum, errantibus viam monstrans: hæc est sancta Hierusalem, de qua Isaias: *Ecce tenebra operient terrã, et caligo populos, super te autem orietur Dominus, & gloria eius in te videbitur. Et ambulabunt gentes in lumine tuo, & reges in splendore ortus tui:* hæc est domus Dei viuentis, in qua, ex nuptijs rediēs paterfamilias, vbi suos inuenerit seruos vigilantes; præcinget se, & ministrabit illis: & in qua sola agnus Paschalis manducatur. Extrà quam ne inueniamur, ex qua ne vltimis illis nocentissimis temporibus egrediamur, monet diligenter ipse paterfamilias: *Tunc si quis vobis dixerit: Ecce hic est Christus, aut illic, nolite credere.*

Surgent

*Surgent enim Pseudochristi, & pseudopropheta: & dabunt signa magna & prodigia, ita ut in errorem inducantur (si fieri potest) etiam electi. Ecce praxi vobis: Ecce in deserto est; nolite exire: ecce in penetrabilibus; nolite credere. Sicut enim fulgur exit ab Oriente, & paret usque in Occidentem; ita erit & aduentus filij hominis. Vbiunque fuerit corpus, illic congregabuntur & aquila. Extra hanc domum salus non est, vita non est, fides non est, iustitia non est: extra hanc veritas non est; est enim columna & firmamentum veritatis: extra hanc Sacramenta & cerimoniae non sunt: vel si sunt, non prosunt: spes immortalitatis non est: extra hanc Spiritus sanctus nulli datur, qui illi semper assistit, eiusque propria dos est: extra hanc Christus non est; caput enim eius est: Deus non est, nam hic caput Christi est. In hunc enim modum eam catenam ne* 1. Timoth. 2.

*Et ait Paulus: Volo autem vos scire, quod omnis viri caput, Christus est, caput autem mulieris, vir: caput verò Christi, Deus:* 1. Cor. 11.

*Extra hanc qui est, tanquam ethnicus & Publicanus est: extra hanc virtus*

A 3 non



non colitur, & si colitur, nō prodest.

*Epist. 152. ad Donatistas.* Quisquis ab Ecclesia Catholica, inquit Augustinus, fuerit separatus, quantumvis laudabiliter se vivere existimet, hoc solo scelere, quòd à Christi unitate diuisus est, non habet vitam, sed ira Dei manet super illum. Hāc neminem ignorare debere, monet idem Augustinus. Ut autem hanc nemini ignorare licet; ita eius cognitio est difficillima. Sexaginta sunt, inquit Scriptura, reginae, & octoginta concubinae, & adolescentularum nō est numerus. Vna est columba mea, perfecta mea: vna est matris suae, electa genitrici suae. Octuaginta fuerunt vsq; ad tempora Epiphaniij hæreses: ducentas suouiam demum tempore numerat Picus Mirandulanus: consecutę sunt postea infinitę ac innumerabiles alię: exoriuntur item indies magis ac magis alię; ita, vt bellè Athanasius semper, primę secundam dicat succedere: & secundę tertiam: & sic deinceps, sic vt semper posterior priore sit deterior. Nulla tamen ex his fuit, ac ne nunc quidem in tanta earum multitudine est, quę se non illam vnicam columbam

*Epist. 170. ad Seuerinum.*

*Cant. 6.*

*In Epist. ad vitam solitarię agentes.*

bam atq; dilectam esse dicat: quæ nõ vultum, aspectum, incessum, gestum, ornatum, vestitum eius sibi affingat atq; representet. Quis igitur in hac varietate tanta non aberret? quis id, quod verum est, facile sine duce inueniat? quis non hæsitet? Itaq; multò clariùs, teste Augustino, veteres Prophetæ, sanctiq; Apostoli, tamque prisci, quàm huius sæculi Doctores, de ipsa Ecclesia Christi scripserunt, atq; prædixerunt, q̄ de ipso sponso eius Christo Iesu: Plures illius imagines, colores, ornamenta, ex quibus cognosci ac dijudicari possit, adumbrauerunt, quam ipsius sponsi, quem in ædibus sponsæ facile inueniri posse iudicauerunt.

Sequemur igitur & nos hos ipsos præstâtissimos ac sanctissimos duces, sed longis post passibus: ac quæ sit hæc ipsa pulcherrima mulierum, inquiremus. Quæ item inter sexaginta regis Salomonis reginas, & octoginta concubinas, tot inquam & tam varias, & pugnantes seculi huius sectas atque hereses, vna columba eius, per-

Genes. 24.

fecta eius, vna matri suæ, electa genitrici suæ, priusquam tanta, tamq; horrenda nox incūbat, docebimus. Qui conatus noster, vt meliùs & fructuosius succedat, cum seruo illo, quem ad quærendam & accipiendam sponsam filio suo, primus pater credentium Abraam miserat, patrem Domini mei occurrere nobis hodie precor: & facere nobiscum misericordiam velit, indicetque nobis puellam, quã præparauit seruo suo Isaac, vt per hoc intelligamus, quòd fecerit misericordiam nobiscum. Pius autem lector, nos, qui tantum opus aggredimur eodem prosequatur voto: **DOMINVS** mittat angelum suum coram te, vt inuenias sponsam, & uxorem filij eius.

EA

*BEA SIGNA, QUAE HAERETICI putant vera Ecclesiae indicia esse, vera signa non existere.*

## CAPVT I.



BI igitur pascat, vbi *Cant. 1.* cubet, pulcherrima hæc mulierum, inquiramus; ne post greges alienarum vagari incipiamus: idque ea ratione, vt primum ea signa, (quæ isti, qui falsò sibi nomen Ecclesiæ vendicant, comminiscuntur) referamus ac confutemus: simul illudque doceamus, neque hæc vera signa veræ Ecclesiæ, esse; & si sint, magis tamen huic Ecclesiæ Catholicæ, quàm istis conuenire. Deinde ipsi veras & proprias eius notas & insignia, quibus sacra scriptura, quibus omnes vniuersales Synodi, quibus Patres, quibus vniuersa vetustas vsa est, in medium proferamus. Nam cum isti animaduertissent eas notas, quibus Apostoli, apostolicique viri, atque adedò omnis antiquitas, veram à falsa distinxit Ecclesi-

am, suis sectis & hæresibus conuenire non posse: alia signa, aliaq; notas, quæ illorum cœtibus vtcunque accõmodari possint, quærenda sibi existimauerunt, in quibus astruendis, idem illis euenit, quod in cæteris ferè omnib⁹; vt, primùm à nobis ac vniuersa vetustate recedant, deinde ipsi secum non conueniant. A nobis quidem recedunt, dum alia quædã & nusquam antea nobis audita signa referunt: secum autem dissident, dum alij alia sequuntur. Quidam enim vnum solum veræ Ecclesiæ Dei signum esse statuunt, perfectam scilicet populi Dei sanctitatem, innocentiam, ac vitæ integritatem: vt illa demum vera sit Ecclesia, in qua omnes à minimo ad maximum cognoscant Dominum: in qua omnes sint iusti: per quam non transeat incircumcisis, neque immundus: in qua nemo peccet: quam omnes, qui viderint, cognoscant, quod illa sit semē, cui benedixit Dominus: quæ sit sancta, immaculata, sine macula, sine ruga. Quæ sententia Nouati primò, deinde Donatistarum, Anabapti-

baptistarum deinceps fuit. Quidam duo, puram, & sanam Euangelij doctrinam, & rectum vsum Sacramentorum, quomodo illi omnes, qui Augustinam sequuntur, vel saltem, qui eam se sequi simulant opinantur: eadem Brentij, eadem Caluini, & qui eorum doctrinam imitantur, fuit sententia. Centuriatores ad has duas, addunt alias duas, perseuerantiam in confessione fidei, vsq; ad mortem: & obedientiam, ad ministrum verbi. In qua tamen signorum ac sententiarum varietate illa duo maximè iactant, ac quasi in prima constituunt acie, ac veluti Catholica generatione præcipuè colunt; Verbi Dei, doctrinæq; Euangelicæ, incorruptam professionem, ac Sacramentorum conuenientem diuinę institutioni vsum. Nos verò illud dicimus: Primum quidem hæc talia esse, sine quibus Ecclesia Dei non sit: neque tamen hæc idè vera Ecclesię Dei signa habenda esse, cum non statim sequatur: vt, si quid tale est, sine quo aliqua res esse non possit, illud ei rei notam atq; indicium esse. Nam & le-

ges, & magistratus, & iudicia talia sunt, sine quibus respublica omninò stare non potest: neque tamen ideo, aut leges, aut iudicia, aut magistratus alicuius Reipublicæ notæ & signa sunt. Sic somnus, cibus, potus, ea quidem sunt, sine quibus humana natura omninò consistere non potest; neque tamen aut hominis, aut alicuius animantis hæc sunt insignia, aut propriæ notæ, quin potiùs accidentia quædam, omni generi animantium communia: quibus si quis tanquam proprijs quibusdam signis ac notis uti vellet; hic stultus quidam ac mentis expers esse videretur. Et vitæ igitur integritas, atque sanctitas huic vitæ cõpetens, & purum putumque verbum Dei, rectusque ac legitimus Sacramentorum vsus, perseuerantia item ac obedientia, huiusmodi quidem sunt, si ne quibus Ecclesia Dei esse non solet: signa tamen Ecclesiæ DEI hæc nullo modo esse possunt: & si sint, magis tamen veræ Ecclesiæ, quàm istis, qui se his rebus nimis efferunt, conuenire. Primū igitur hos ipsos, qui hæc signa

Ec-

Ecclesie Dei esse statuunt, qui sine scrip-  
 tura quidquam dicere erubescunt, vel hæc  
 ipsa signa, & indicia Ecclesie, ex eo ip-  
 so verbo Dei, sacraque scriptura demon-  
 strare oportuit, ac aliquem insignent,  
 vel ex lege veteri, vel ex Euangelio,  
 vel ex Paulo, locum adferre, ubi clarè  
 & euidenter hæc ipsa, quæ dicunt sig-  
 na, veræ Ecclesie notæ esse docean-  
 tur: cum nihil admittendum esse tra-  
 dant, quod scripturis non probetur:  
 & quicquid sine illis dicitur, vt verbo  
 affirmatur, ita verbo reiiciendum es-  
 se moneant: cum nihil neque mag-  
 num, neque paruum sit, quod modò  
 ad salutem aliqua ratione pertineat,  
 quod in scripturis clarè & expressè  
 contineri non putent. Docuissent igitur  
 insigni aliquo & euidenti scriptu-  
 ræ testimonio, aut vitæ integritatem,  
 aut purum putumque verbum Dei,  
 aut legitimum Sacramentorum v-  
 sum, aut perseuerantiam atque obe-  
 dientiam in fide, notas veræ Ecclesie  
 esse; verum nihil tale adferunt, neque  
 adferre possunt. Et in eam quidem  
 partem, quæ docet sine scripturis, si-  
 ne-



neque verò Sacramentorum vsu, alijsque eius generis, Ecclesiam Dei non esse, sine omni negotio, plurima sacre scripturæ testimonia, tam in veteri, quàm in noua lege inueniri poterunt; hæc tamen veræ Ecclesiæ signa, atque notas esse, ex quibus illa cognosci possit, nusquam scriptum reperient: quin contrarium potius, vbi vera sit Ecclesia, ibi hæc omnia quærenda esse; ducem & regulam, atque magistram earum rerum omnium, Ecclesiã existere. Quales sunt illi loci: *Si ergo dixerint vobis: ecce in deserto est; nolite exire: ecce in penetralibus; nolite credere. Vbicunq; n. fuerit corpus, illic congregabuntur & aquilæ*: id est, vbi vera Ecclesia, ibi sacri Euangelistæ, eorumque interpretes, ibi verbum Dei, ibi verus Sacramentorum vsus, ibi cætera omnia. Et illud: *Non potest abscondi ciuitas supra montem posita*. Hac ergò reperta, & leges eius, & arcana illius, & reliqua omnia ad eam pertinentia, facile reperire licebit. Et illud Pauli. *Ecclesia, inquit, quæ est columna & firmamentum veritatis*. Cuius tandem veritatis? nū eius, cuius sensus magister est?

Math. 24.

Math. 5.

1. Timoth. 3.

est? nequaquam; nam hæc seipsam spõ  
 tè offert: an eius, quæ per demonstra-  
 tionem quaritur? ne huius quidem?  
 nam hæc Philosophorum est. Illius i-  
 gitur, quæ ex scripturis petitur atque  
 confirmatur. Non scriptura igitur Ec-  
 clesiam, sed Ecclesia scripturam, tan-  
 quam columna & fundamentum om-  
 nis veritatis fulcit atq; indicat. Ag-  
 nitaq; Ecclesia, veram scripturam de-  
 monstrat: est enim scriptura propria  
 eius possessio: est depositum in sinu e-  
 ius conditum: est semen quo is ager  
 confitus viret. Quod præclare expli-  
 cat vetustissimus Doctor Tertullia-

nus: *Deinde quoniam nihil proficiat con-  
 gressio scripturarum, nisi planè, ut aut sto-  
 machi quis ineat versionem; aut cerebri.*

*Tertullianus  
 de præscripti-  
 onibus aduer-  
 sus hereticos.*

*Ista hæresis non recipit quasdã scripturas:  
 & si quas recepit, adiectionibus, & detra-  
 ctionibus, ad dispositionem instituti sui in-  
 teruertit: & si recipit, nõ recipit integras:  
 & si aliquatenus integras præstat, nihilo-  
 minus diuersas expositiones commentatã  
 conuertit. Tantum veritati obstreperit adul-  
 ter sensus, quantum & corruptor stylus. Va-  
 ria præsumptiões necessario nolunt agnosce-  
 re ea,*

*ea, per quae reuincuntur: his nituntur, quae ex falso composuerunt, & quae de ambiguitate ceperunt. Quid promouebis exercitissime scripturarum, cum quid defende-  
 ris, negetur ex diuerso, si quid negaueris, si defendatur. Et tu quidem nihil perdes, nisi vocem in contentione: nihil consequeris, nisi vilem de blasphematone laudem. Ille vero, si quis est, cuius causa in congressum descendis scripturarum, ut eum dubitantem confirmes, ad veritatem; an magis ad haereses deuerget? hoc ipso motus, quod te videat nihil promouisse a quo gradu negandi & defendendi, diuersa parte statutum: certe & pari altercatione incertior discedet, nesciens quam haeresim iudicet. Hac utique & ipsi habent in nos retorquere? Necessesse est enim & illos dicere, à nobis potius adulteria scripturarum & expositionum eorum mendacia inferri, qui proinde sibi defendant veritatem. Ergo non ad scripturas prouocandum est: nec in his constituendum certamen, quibus aut nulla, aut incerta victoria est, aut parum certa. Nam & si non ita euaderet conlatio scripturarum, ut utramque partem parem sisteret: ordo rerum desiderabat illud prius proponi, quod nunc  
 solum*

*solum disputandum est: Quibus competat fides ipsa, cuius sint scriptura: A quo, & per quos, & quando, & quibus sit tradita disciplina, qua fiunt Christiani. Vbi enim apparuerit esse veritatem disciplinæ & fidei Christianæ; illic erit veritas scripturarum & expositionum, & omnium traditionum Christianorum.* Primum igitur nullis sacræ scripturæ locis, hæc vera Ecclesiæ Dei signa esse demonstrant, vel quæ hac sola ratione conuincuntur; cum quicquid apud illos sine scripturis dicitur, id eadem facilitate refelli doceant, qua probatur.

Verùm age, paulò liberaliùs ac munificentius cum illis agamus, intraq; præsidia nostra eos recipiamus. Cumque, vt diximus, nullo euidenti sacræ scripturæ testimonio institutum suum probare possint; doceant sanè, quod vniuersale vel particulare Concilium, quæ Synodus his signis veram à falsa Ecclesiam distinguendam esse, suo canone decreuerit? quis ex veteribus Patribus hæc ipsa signa Ecclesiæ protulit? quis contra sui seculi hæreses hoc pariete, se, Ecclesiamque suam, à

sectis illorum temporum distinxit? quis limitibus istis possessionem Iesu Christi terminavit? Illud quidem docere possunt, sacram Scripturam, verumque Sacramentorum usum, & reliqua his similia, eos omnes in cælum summis laudibus extulisse, principēque in omni doctrina Christiana, fidē & locum tenere docuisse, ac in refutandis omnibus erroribus sacra Scriptura, tanquam præcipua demonstratione, usos fuisse: edoctos à D. Paulo. *Om-nem scripturam diuinitus inspiratam, uti-lem esse ad docendum, ad arguendum, ad corrigendum, ad erudiendum in iustitia, ut perfectus sit homo Dei, ad omne opus bonū instructus*: signa tamen veræ Ecclesiæ hæc esse; nusquam dixisse, nec usquā Ecclesias suas ab alijs Ecclesijs his indicijs distinxisse. Pugnaverunt primis Ecclesiæ initijs contra Valentinum, Martionem, ac reliquos Gnosticos, duo præcipua illius sæculi lumina, Irenæus atque Tertullianus, multis argumentis: plurimis sacrarū literarū testimonijs, eorum errores confutarunt; nusquā tamen his signis veram Ec-cle-

2. Tim. 3.

clesiam, quam sequebantur, ab eorū  
 erroneis sectis separarunt; sed illis po-  
 tius, vt quidem paulò pòst pròlixius  
 demonstrabimus. *Vniuersalitate*, in-  
 quam, Ecclesia, inquit Irenæus, per uni-  
 uersum orbem, vsque ad fines terra semina-  
 ta, & ab Apostolis & discipulis eorum, ac-  
 cipit eam fidem, quæ est in vnum Deum pa-  
 trem omnipotentem, qui fecit cælum & ter-  
 ram, mare, & oīa quæ in eis sunt, et in vnū  
 Iesum Christum filium Dei, incarnatum  
 pro nostra salute: & in Spiritum sanctū,  
 &c. *Vnitate Ecclesia*, inquit idem Irenæus,  
 & quidem in vniuersum mundum dis-  
 seminata, diligenter custodit, quasi vnā do-  
 mum inhabitans: & similiter credit ijs, vi-  
 delicet quasi vnā animam habens, & vnū  
 cor: & consonanter hæc prædicat, & docet,  
 et tradit quasi vnū possidens os. Apostolica  
 successione habemus, idem inquit, adnu-  
 merare eos, qui ab Apostolis instituti sunt  
 Episcopi in Ecclesijs, & successores eorum,  
 vsque ad nos, qui nihil tale docuerunt, neq̃  
 cognouerunt, quale ab his deliratur. Ea-  
 dem omnia contra Iudæos, Hæretico-  
 scq̃; adfert Tertullianus. Pugnavit  
 paulò pòst contra Nouatum Cypria-

Lib. 1. cap. 2.

Irenæus li. 1.  
cap. 3.

Lib. 3. cap. 3.

Cypria lib. 1.  
Epist. 8. & de  
vinitate Eccle-  
siae.

nus: Nusquam huc prouocat, sed il-  
luc: Deus vnus est, & Christus vnus, &  
vna Ecclesia, & cathedra vna super Pe-  
trum Domini voce fundata. Aliud alta-  
re constitui, aut sacerdotium nouum fieri:  
præter vnum altare, & vnum sacerdoti-  
um, non potest. Quisquis alibi collegerit,  
spargit. Pugnauerunt post cōtra Arriū,  
Eunomiū, Accium, Photinum, Atha-  
nadius, Basilius, Naziāzenus, multa p̄-  
clara ex sacris Scripturis testimonia  
protulerunt; nullibi tamen his signis  
Ecclesiam catholicam ab illorum Ec-  
clesijs seiunctam esse docuerunt, sed  
illis potiùs quæ D. explicat Basilius:

Epist. 59. ad  
Antiochenā  
Ecclesiam.

Fidem autem nos neque recentiore[m] ab a-  
lijs conscriptam acceptamus, neque ipsi  
mentis nostræ factus alijs obtrudere aude-  
mus, ne humana putentur pietatis verba:  
sed quæ à sanctis patribus edocti sumus, ea  
rogantibus nos annuntiamus. Est itaque  
ecclesia nostræ à patribus administrata, et  
à sanctis patribus; qui Nicea conuenere, cō-  
scribere, cōscripta fides: quam tamen si arbi-  
tramur oretenus, & apud vos in v[er]su habe-  
ri, non tamen detrectabimus, ne desidie[i]  
crimine notemur, ipsa quoque verba lite-  
ris

ris annotare. Eos verò qui dicunt, erat aliquando tempus, quando non erat, & antequam gigneretur, non erat, & quod ex non existentibus factus sit, aut ex alia subsistentia esse, vel vertibilem aut alterabilem filium Dei dicunt, anathemate Catholica & Apostolica Ecclesia condemnat. Istis credimus. Et in alio loco: Idem, inquit,

Epist. 74. ad  
Neesasarianos.

sunt nostri & vestri Doctores mysteriorum Dei, patres spirituales, qui à principio Ecclesiam nostram fundauerunt: Gregorium illum dico imprimis, & quicumque ordine & successione Episcopatus vestri sedem acceperunt, alter alteri tanquam sidera quadam succedentes, ac iisdem vestigijs incedentes, ut clarè atque facile dignosci possint, sua gubernationis & administrationis signa, omnibus illis, qui eos sequi velint, reliquerit. Et in alio loco: Nos verò illorum parentum filij existentes, qui paucis characteribus communionis nostrae symbola sanxerunt, ut à finibus terra ad alios fines usque illa circumferamus, ac omnes omnium nostrum & domesticos esse putemus, nos ipsos ab vniuersali orbe seungamus, & neq. de singularitate erubescemus, neque eam mutua concordia dissectione-



Contra Dona-  
tistas ubique

nem, maximum nobis damnum adferre  
existimabimus: & alia multa eius gene-  
ris. Pugnauit contra Manichæos, Do-  
natistas, Pelagianos, falsò sibi nomen  
Ecclesiæ vsurpare volentes, Hierony-  
mus, atq; Augustinus; nullibi tamen  
his notis & indicijs vsi esse leguntur;  
sed illis potiùs, quæ sæpiùs inculcat  
Augustinus: *Et eritis mihi testes ab Hieru-  
salem, Iudæa, & Samaria, & vsque ad  
extremos fines terræ. Et: Ego namq; Ca-  
tholicam fidem profiteor, & per illam me  
ad certam scientiam peruenturum presu-  
mo. Et alio loco: Si ad Euangelium te  
tenet, ego ad eos me teneam, quibus pra-  
cipientibus Euangelio credidi, & ijs iuben-  
tibus, tibi omnino non credam. Et: Ego ve-  
rò Euangelio non crederem, nisi me Catho-  
lica Ecclesiæ commoueret autoritas: qui-  
bus ergo obtemperauit dicentibus: Credite  
Euangelio; cur eis non obtemperem dicen-  
tibus mihi, noli credere Manichæo? Elige  
quid velis. Si dixeris; Crede Catholicis, ip-  
si me movent, vt nullam fidem accommodẽ  
vobis. Quapropter non possum, illis credẽs,  
nisi tibi non credere. Si dixeris; Noli Ca-  
tholicis credere: non recte facies per Euan-  
gelium*

Contra Epist.  
fundamenti,  
cap. 4.

gelium me cogere ad Manichæi fidem, quia ipsi Evangelio Catholicis prædicantibus credidi. Si autem dixeris: Rectè credidisti Catholicis laudantibus Evangelium, sed non rectè illis credidisti, vituperantibus Manichæum; usque adeò me stultum putas, ut nulla reddat ratione, quod vis credam, quod non vis non credam? Multò quippè iustius & cautius facio, si Catholicis, quoniam semel credidi, ad te non transeo, nisi me non credere iusseris, sed manifestissimè ac apertissimè scire aliquid feceris. Quocirca si mihi rationem redditurus es, dimitte Evangelium. Si ad Evangelium te tenes, ego ad eos me teneã, quibus præcipientibus Evangelio, Evangelio credidi: & his iubentibus, tibi omninò non credam, & alia his similia. Quæ omnia si recensere vellem, integri illorū mihi describendi, atque huic loco inferendi essent libri. Nusquam igitur scriptura, nusquam sacrę Synodi, nusquam sancti patres, hæc indicia Ecclesiæ, hæcque notas esse docuerunt: non quòd plurimum hæc non valeant, nò quòd sacrosancta nò sint, non quòd summa & prima earum maiestas &

& authoritas in Ecclesia esse non debeat, non quòd ad confutandas omnes hæreses, omnesque errores plurimum non valeant, non quòd omnis veritatis & gratiæ fundamenta & principia non sint, non quòd Ecclesia Dei sine illis rectè consistere valeat; sed quòd omninò eius signa & notæ propriæ esse non possent: hocq; cum vi et natura earum pugnet.

*CVR SVPRADICTA SIGNA,  
neque à sacra Scriptura, neque à Sanctis Patribus inter notas veræ  
Ecclesiæ censeantur.*

CAPVT II.



Quinque sunt earum rerum, quæ vera & propria signa, & notæ esse debent, sapientissimorum hominum iudicio, leges atque conditiones.

Primum, vt natura sua cognita, perspecta, & evidentes sint, quæ enim obscura sunt, illa rebus obscuris, & quæ cognosci debent, nullam lucem  
ad-

De

adferre p

erudit

tet; se

long

yt a

do

dis

tis

gu

ba

o

ECLES.

culos ha-

& ve-

lariò

re rē

lux

ari-

te.

ud

o

.

DISC

ac iura illi  
exposita  
qualia s̄  
nia, reg  
num e  
cunq;  
hoc a  
voca  
dixi  
que  
fac  
at  
fi

ECCLES.

Scrutami-  
testimoni-  
ocidem  
sacram  
s & fo-  
parat:

super  
foris,

lum

quis

ma

lo,

i-

e-

t

c

?

r

.

adferre. *Fi*; quòd omnis prophetia scriptura  
 erudit, a *re* interpretatione non fit, non e-  
 tet; *sa* sicutate humana allata est aliquam  
 longeg, etia, sed Spiritu sancto inspiran-  
 vt a *re* ei sunt sãcti Dei homines. Sed quid  
 do *q*; est in re clara argumētis multis,  
 di *ca* inter tot hæreses nulla sit, quæ  
 tip *ca* verbum Dei, eiusque verum &  
 g *ri* manum sensum, non vsurpet: vbi  
 h *u*en hoc ipsum verbum Dei, aut  
 sac *re* eius verus sensus sit, non ita facile  
 et *re* iudicare: plurimi que ad hunc lapi-  
 si *em* etiam docti nonnunquam of-  
 fendunt. Ita vt præclarè quidam ex ve-  
 teribus verbum Dei, sacram que scri-  
 pturam pulcherrimæ imagini simi-  
 lem esse dixerit, quæ vnum quidem,  
 verum & proprium aspectum habe-  
 at, soli ipsius artificis Spiritui sancto,  
 & Ecclesiæ Dei cognitum; ita tamen  
 affecta sit, vt ex quacunque parte quis  
 constiterit, eum aspicere videatur.  
 Non est igitur clara ratio sacræ scrip-  
 turæ, sed & vsus Sacramentorum eo-  
 dem modo: de quibus itidem iudica-  
 re & statuere non omnium, sed pau-  
 corum esse docet D. Paulus. *Sic nos, in* <sup>1. Corinsh. 4.</sup>  
 quit,



quit, existimet homo, ut ministros Dei, & dispensatores mysteriorum eius : hic iam quæritur inter dispensatores, ut fidelis quis inueniatur. Nam & illud, qui iusti, & sancti in hac vita sint, quod isti non pro mediocri signo ponunt, ad eò est obscurum, ad eò soli Deo cognitum; ut in hoc iudicio, etiam ipsi sancti, & electi Dei, aliquando lapsi esse videantur, illique qui certò spiritu Dei agebatur. Putabat quodam tempore magnus ille Helias, inter tot sui seculi vitia & scandala solum se iustum, verumque Dei cultum relictum esse. At audit: Residuos, inquit, seruauit mihi in Israel septem millia virorum, quorum genua non sunt curuata ante Baal, quorum omnium os non adorauit eum, osculans manum suam. Putabat Ionas propheta in ciuitate infideli Ninive, cui nomine diuino certum denunciabat interitum, nullum esse, qui dignus sit placare iram omnipotentis Dei : donec ab illo cuius oculi vident æquitatem, audit : *Tu doles super hederam in qua non laborasti, neque fecisti, ut cresceret, quæ sub vna nocte na-*

3. Reg. 19.

Iona 4.

ta est, & sub una nocte perijt; & ego non  
 parcam Ninive ciuitati, in qua sunt plus-  
 quam centum viginti millia hominū, qui  
 nesciunt, quid sit inter dexteram & sini-  
 stram suam, & iumenta multa? Itaq; re-  
 ctè monet D. Paulus: Nolite, inquit, an-  
 te tempus iudicare, quoad usq; veniat Do-  
 minus, qui & illuminabit abscondita tene-  
 brarum, & manifestabit consilia cordiū:  
 & tunc laus erit unicuique à Deo.

1. Corinth. 4.

Primū igitur eam ob causā hæc  
 vera Ecclesiæ Dei signa nullo modo  
 esse possunt, quòd non sint ita clara  
 & euidentia, vt ab omnibus facilè co-  
 gnosci ac discerni possint. Sed neque  
 ea ipsa re, ad quam designandam &  
 demonstrandam sunt instituta clario-  
 ra: nam cum Ecclesia Dei ciuitas sit  
 quædam, & respublica rectè ordina-  
 ta, scriptura verò ac verbum Dei, sit  
 eius ciuitatis lex, atque ius, sacramen-  
 ta autem, depositum atq; thesaurus  
 quidam teste D. Paulo; quis non vi-  
 det ciuitatem quamque, atque remp.  
 ipsam cuique nociorem esse, quàm e-  
 ius leges, atque arcana, ac penitiora  
 monumenta, eius item opes, atque de-

1. Timoth. 6.

deposita; quæ plerunque ne ciuibus  
 quidem ipsis omnib<sup>9</sup> cognita esse so-  
 lent? Quot enim in repub. inueniun-  
 tur, qui eius iura, leges, institutaque i-  
 gnorant: quibus neque mores maio-  
 rû, neq; vetera munimenta, neq; san-  
 ctiones vllę sunt cognite? qui eius san-  
 ctiones, thesauros, atq; deposita, atq;  
 adeo res p̄ciosissimas, dōaria, arcana,  
 antiqtates, ne viderint quidē vnquā?  
 multi primò de vita decedunt, quàm  
 hæc, vtrum sint nec ne cognouerint.  
 Neque igitur nota ista atque perspe-  
 cta sunt: neque omninò ea ipsa re, ad  
 quam designandam ab istis referun-  
 tur, notiora; sed neque talia, quæ mul-  
 tis communia non sint, & quæ aliò  
 transferri non possint, quæ denique  
 nō sibi omnes ex æquo vsurpare pos-  
 sint. Nulla fuit vnquā tam foeda, tam  
 absurda, tam præpostera, tam impia  
 hæresis, quæ sibi, & pro se scripturas  
 non vsurparet: quæ verò Sacramento-  
 rum vsu nō gloriaretur. Mōstra homi-  
 num potius quàm homines erāt, Va-  
 lentinus, Martion, Manichæus: quos  
 cūm ob absurditatem doctrinæ, tūm  
 ob

impuritatem vitę postatas veritatis,  
 & serpentis aduocatos, pandoras, so-  
 phistas peruersissimos, non homines  
 sed muta animalia, hominum ym-  
 bras præferentes, pepones deniq; Ho-  
 merico vocabulo vsus vocat Irenæ-  
 us: agrestes, & inanes amigdalas, adul-  
 terantes veritatem, regulæ Ecclesiæ  
 fures, principes ac duces mysteriorū  
 impiorum, animalia immunda, quæ  
 bifidas quidem habent vngulas, mi-  
 nimè autem ruminant; Clemens A-  
 lexandrinus: Vaniloquos, mentis se-  
 ductores, Christum mercantes, verbi  
 Euangelici caupones, sycophantas,  
 fructus mortiferos, progeniem male  
 dictam, inimicos crucis Christi, ra-  
 mos eorum, qui Dominum gloriæ  
 occiderunt, prophetarum interfecto-  
 res, malas herbas, feros homicidas, se-  
 mentum diaboli nequam, inimici se-  
 minarium, cippos & sepulchra mor-  
 tuorum, malos operarios, canes mu-  
 tos, serpentes se contrahentes, dracū-  
 culos squamosos, aspides, basilif-  
 cos, scorpiones, thoes astutos, & fi-  
 mias hominum imitatrices; Ignati-

*Irenæus li. 1.  
 cap. 5.*

*7. Stromat.*

C

us:

*Epist. ad Tra-* Non homines, sed feras crudeles in  
*li. & ad Phi-* humana figura, lupos perniciosos,  
*lad. et ad An-* diaboli organa & iræ filios; Clemens  
*tiob.*

*Lib. 1. contra*  
*hereses 36.*

Romanus: Borborianos, Coddia-  
 nos, Stratiotics, Phibionitas, Bar-  
 belitas, Barbeliotas; Epiphanius ap-  
 pellare solent. Hos tamen omnes, &  
 si nihil præter nomen Christi habentes,  
 propheticis sententijs, Euangelicis  
 dictis, Pauli doctrina, sua dogma-

*Lib. 1. cap. 1.*

ta confirmasse, testis est Irenæus. *Fide,*  
*inquit, digna aptare conantur his, quæ di-*  
*ctæ sunt, vel parabolas dominicas, vel di-*  
*ctiones propheticas, aut sermones Apосто-*  
*licos, ut figmentum illorum, non sine teste*  
*esse videatur: ordinem quidem & textum*  
*literarum supergradientes, & quantum*  
*in ipsis est, soluentes mēbra veritatis. Trās-*  
*ferunt autem & transfigunt, & alterū*  
*ex altero facientes, seducūt multos ex his,*  
*quæ aptant ex diuinis eloquijs, malè com-*  
*posito phantasmata. Similia facientes his,*  
*qui cōtrouersias sibimetipsis quaslibet pro-*  
*ponunt: post deinde conantur Homericis*  
*versibus meditari eas, ita ut idiotæ putent*  
*ex illa temporali declamata controuersia.*

Ho-

Homerum versus fecisse: qui autē scit Ho-  
merica, cognoscat versus, argumentum au-  
tem non cognoscat. Et Tertullianus itē: *De prescripte*  
*Scripturas*, inquit, obtrudunt, & hac sua <sup>omnibus aduer-</sup>  
audacia st atim quosdā mouēt: in ipso verò <sup>sus Heret.</sup>  
congressu, firmos quidem fatigant, infir-  
mos capiunt, medios cum scrupulo dimit-  
tunt. Et paulò post, de hoc toto gene-  
re, tam scripturæ quàm Sacramento-  
rum fufiūs. Nec periclitor dicere, ipsas  
quog, scripturas sic esse ex DEI voluntate  
dispositas, ut hereticis materias submini-  
strarent, cum legem oportere hareses esse,  
quæ sine scripturis esse non possent. Sed quæ  
ritur, à quo intellectus interpretetur eorū,  
quæ ad hareses faciant? A diabolo scili-  
cet, cuius sunt partes interuertendi veritatem:  
qui ipsas quog, res Sacramentorum  
diuinorum, in idolorum mysterijs amula-  
tur. Tingit & ipse quosdam, utiq, creden-  
tes & fideles suos: expiationem delictorū  
de lauacro repromittit, & sic initiat Mi-  
thra: signat illic in frontibus milites suos:  
celebrat & panis oblationem: & imaginē  
resurrectionis inducit: & sub gladio rede-  
mit coronam. Quid, quòd & summum

pontificem in vnius nuptijs statuit? Habet  
 & virgines, habet & continentes? Cate-  
 rum si Numa Pompilij superstitiones re-  
 uoluamus, si sacerdot alia officia insignia,  
 & priuilegia, si sacrificantia ministeria et  
 instrumenta, & vasa ipsorum sacrificio-  
 rum, ac piaculorum, & votorum curiosita-  
 tes consideremus; nonne manifestè diabo-  
 lus morositate illam Iudæa imitatus est?  
 Qui ergo ipsas res, de quibus Sacramenta  
 Christi administrantur, tam emulante  
 adfectu exprimere, in negotijs idolo-  
 latria; utique & idem, & eodem ingenio  
 gestijt, & potuit instrumenta quoque diui-  
 narum rerum, & Sacramentorum Chri-  
 stianorum, sensum de sensibus, verba de  
 verbis, parabolas de parabolis, prophane  
 & amule fidei attentare. Et ideò neque à  
 diabolo immissa esse spiritalia nequitia,  
 ex quibus etiam hereses veniunt, dubita-  
 re quis debeat: neque ab idololatria distare  
 hereses, cum & authoris, & operis eiusdè  
 sint, cuius & idololatria: Deum aut fingūt  
 alium aduersus creatorem: aut si vnicum  
 creatorem confitentur, aliter eum disse-  
 runt, quam in vero est: Ita omne menda-  
 cium de Deo, variatio quodam modo se-

*xus est idololatria, Hæc illi*: Martionem vniuersum Euangelium Lucæ, omnesque Pauli Epistolas ad suum dogma ita trãstulisse, vt putares id Lucã, aut Paulum loquutum, quod ipsi nũquam locuti sunt, demonstrat grauissimus author Epiphanius: Manichæus se Spiritum paracletum esse, verbis Domini auditoribus suis probabat: Paracletus autem Spiritus sanctus, cum venerit, ille vos docebit omnia, & suggeret vobis omnia. Et illis item: Mittam vobis Spiritum paracletum de cœlis, &c Marcus, à quo Marcosiorum sectam fuisse deductã, testatur Epiphanius, se scientissimum ac perfectissimum, & virtutem maximam esse, ab inuisibilibus, & innumerabilibus cœlestibus delapsum locis, sceleratus impostor, referente Ireneo, iactabat. Helcesaitæ, Origenis tempore, non tantum præsentibus sacre scripturæ libris erant contenti; sed librum etiam de cœlis delapsum se habere, & circumferre prædicauerunt: quem qui legisset, & credidisset; aliam longè remissionem peccatorũ

*Lib. 1. heresi 34.*

*Lib. 1. cap. 8.  
Euseb. lib. 6.  
histor. ca. 38.*



Lib. 1. ca. 20

acciperet ab ea, qua Christus peccata remisit. Simon Magus, à multis quasi Deus glorificatus est, inquit Irenæus, & docuit semetipsum esse, qui inter Iudæos quidem, quasi filius adparuerit: in Samaria autem quasi Pater descenderit, & in reliquis verò gentibus quasi Spiritus sanctus aduentauerit. Esse autem se sublimissimam virtutē, hoc est, eum, qui sit super omnia Pater, sustinebat ad extremū vocari se, quodcunq; eū vocant homines. Martionis discipuli, perfectos seipso appellabant, quasi nemo possit exæquari magnitudini agnitionis ipsorum: nec si Petrum aut Paulum dicas, vel alterum quendam Apostolorum; sed plus omnibus se cognouisse, & magnitudinem agnitionis illius, quæ est inenarrabilis virtutis, solos ebibisse. Quòd si tam perditī & absurdi hoīes verbo Dei abutebantur tantum, atq; facile suas nugas probabāt; qd de Arrio, Eunomio, Macedonio, dicemus? Nestorius sacram Scripturam se primum, & solum intelligere, & omnes eos ignorasse iactabat, quicunq; ante se

se Magisterij munere præditi, diuina eloquia tractauissent: vniuersos scilicet Sacerdotes, vniuersos confesso- res, & martyres, quorum alij explanas- sent Dei legem, alij verò explananti- bus consensissent, vel credidissent: to- tã postremò etiã nunc errare, & sem- per errasse adseueraret Ecclesiam; quæ vt ipsi videbatur, ignaros, erroneosq; Doctores, & sequuta esset, & sequere- tur. Quã ob causam magnus ille Na- zianzenus hæreticos plumbeos enses argenteis vaginis inclusos, & occulta- tos vocabat. Tertullianus autem simi- les meretriculis esse dixit; quæ vt ama- tores quotidie sibi fucò lasciuos irre- tiunt; sic & isti scripturis coaceruatis, incautos fallunt & decipiunt. Vincen- tius Lirinensis Pharmacopolis com- parat, qui noxia gramina salubribus titulis coronant. Sed quid attinet ve- teres allegare hæreses? Quis adedò peri- tus est Arithmeticus, qui nostri sæcu- li hæreses rectè numerare possit? quis Dialecticus eorum omnia dogmata ad certa capita & genera reuocare, Nouorum Iudaizantium inquam,

*Ad Nicobro- lum.*

*Lib. de heresi, cap. 35.*

Ebionitarum, Arrianorum, Anabaptistarum, Sacramentariorum, Lutheranorum, Confessionistarum, & id genus aliorum? Quis tamen ex istis est, qui nō se solum verum, & putum verbum Dei, legitimūq; Sacramentorum vsum habere gloriatur, quiq; hoc ipsum sibi plenis & inflatis buccis non vsurpet: & eò magis illi, qui foediores, magisque noxias sententias secuti sunt? Scimus Ebionitas, Arrianos, Macedonianos, hoc solo semper exsultare, quòd spretis concilijs, atque patribus, ad solas prouocent scripturas; quem eorum morem perpetuum fuisse, ante mille annos, testatur Lirinens. illis verbis: *Hic fortasse aliquis interroget, an & Hæretici diuina scriptura testimonijs vtantur. Vtuntur planè, & vehementer quidem: nam videas eos volare per singula quæq; sanctæ legis volumina, per Mosis, per Regnorum libros, per Psalmos, per Apostolos, per Evangelia, per Prophetas. Siue enim apud suos, siue alienos; siue priuatim, siue publice, siue in sermonibus, siue libris; siue in cōuiujs, siue in plateis: nihil unquam penè de*

*Vincētius Lirinens. lib. de hæres. cap. 35*

de suo proferunt, quod non etiam scriptura verbis adumbrare conentur. Lege Pauli Samozateni opuscula, Priscilliani, Eunomij, Iouiani, reliquarumq; pestium;ernas infinitam exemplorum congeriem, prope nullam omitti paginam, qua non noui aut veteris testamenti sententijs fuerit et colorata sit. Sed tantò magis cauendi & pertimescendi sunt, quantò occultius sub diuina legis umbraculis latitant. Sciunt enim factores suos nulli ferè citò esse placituros, si nudi & simplices exhalentur: atque idcirco eos, cælestis eloquij, velut quodam odore aspergunt, vt ille qui humanum facile despiceret errorem, diuina non facile contemnat oracula. Itaq; faciunt, quod hi solent, qui paruulis austeram quaedam temperaturi pocula, prius ora melle circumlinunt: vt incauta etas, cum dulcedinem præsensserit, amaritudinem non reformidet.

Quod etiam his cura est, qui mala gramina, & noxios succos, medicaminum vocabulis præcolorant: vt nemo ferè, ubi supra scriptum legerit remedium, suspicetur venenum: Hæc Lirinen. Falsò inquis isti appellant scripturas. At hoc idem illi de te dicent: quis igitur tantas inter

vos de tantis rebus componet lites? non modò ex his, qui foris sunt, ac nunc primùm sese ad fidem Christianam conferunt; sed ne ex veteranis etiam ipsis atq; benè fundatis. Tūne igitur illud verum & proprium signū Ecclesiæ Dei esse dices, quod ad eò cōmune est multis, vt hoc solo quisque se superiorem & victorem triūphet? vel si hoc ipsum verum & sufficiens signum est, cur inter hos ipsos non distinguit? cur tantas controuersias & dissensiones non aufert? cur tantas inter illos non componit lites? cur nobis non ostendit, quos ex istis potius sequi debeamus, vel illis ipsis saltem? Quomodo item & illa ipsa vitæ innocentia, ac integritas, perseuerantia item atq; obedientia; cur easdem non dirimit rixas? quibus itidem eodem modo veteres hæreses omnes mirè se se ad plebem commendare volebāt. Vnde illa nomina, Angelicorum, Catharorum, id est, mundorum atque

*Lib. 1. cap. 16* piorum, Gnostici, referente Irenæo, albos se & intellectores, perfectos, & semina electionis, ob vitæ sanctitatem,

tem, vocabant. Sabbatianos, & Nouatianos seipfos, Catharos & Aristeros, hoc est mundos, & quasi iustos se vocasse, refert, Canone 7. Concilium primum Constantinopolitanum: qui non vita tantum, sed confictis etiam & commentitijs signis, ac miraculis, sese commendabant: *Nemo, inquit, fabulas vendat, scribit Augustinus: & Pontius fecit miraculum, & Donatus orauit, & respondit illi de caelo Deus (iactantiae hac Donatistarum erant.)* Primum aut falluntur, aut fallunt: postremò, fac illos mortales transferre: si charitatem non habent, nihil sunt. Videamus an habeant charitatem. Crederem, si non diuisissent unitatem. Et contra istos, ut sic loquar mirabilarios, cautum me fecit Deus meus, dicens: *In nouissimis temporibus, exurgent Pseudoprophetae, facientes signa & portenta. Teneamus ergo unitatem fratres mei, praeter unitatem enim, & qui facit miracula, nihil est.* Unde illa praecleara sancti Ignatii In Epistol. ad Hieron. sententia: *Quisquis dixerit praeter illa, quae statutum sunt, etiam si fide dignus sit, etiam si ieiunet, etiam si virginitatem seruet,*  
*etiam*

Tractat. 14.  
in Ioan.

*etiam si signa faciat, etiam si prophetet, lupus tibi ceseatur, sub ouis pelle ouium corruptionem moliens.* Quomodo item nunc se prophetas, Apostolos, Paulos, Angelorum iudices, Elias, mundi que huius sidera & luminaria, Euangelicos item reformatos, ex vtero sanctificatos, plerique appellare solent.

Nullo igitur modo hac parte hæc signa veræ Ecclesiæ esse possunt. Sed neque illud eis conuenire potest, vt vbiunque sint, vbiunque conspiciantur, ibi veram Ecclesiam esse oporteat: cum multi schismatici sint, multi ex graui aliqua causa excommunicati, qui & si verum sensum scripture sequuntur, & legitimo Sacramento- rum vsu vtuntur, & multa probitate illustres sunt, neque tamen illos in Ecclesia esse vel isti affirmare possunt. Et multæ pro veris Ecclesijs habitæ sunt, quibus aliquid horum, propter primam eorum infantiam ac teneritatem, defuit: nam & Corinthij de corporum resurrectione malè senserunt, & Galathæ simul legalia cum Euangelio retinenda esse docuerunt; quos  
eo no-

eo nomine grauiter obiurgat D. Paulus: Cœnæ itidem Domini primario Sacramento, non rectè vlos fuisse Corinthios scribit Paulus: rebaptizabāt hæreticos sub Cypriano, & alijs 86. Episcopis Africanæ Ecclesiæ; pro veris tamen Ecclesijs, quod per ignorantiam errarent, & quod paratæ erant discere, & quod didicissent sequi habebantur: Itaque & Paulus Corinthiorum atque Galatarum, Ecclesias appellat, & in Africa veras Ecclesias fuisse, Hieronymus contra Luciferianos, & D. Augustinus li. 6. ca. 7. cōtra Donatistas docet.

Postremò diximus, signa cuiusque rei exposita, atq; in aperto propalam posita, in ipsoque vestibulo rei constituta esse debere, vt ab omnibus passim videri & agnosci faciliè possint.

Atqui & sacra scriptura, & Sacramentorum vsus atq; administratio, cū in Ecclesia primitiua, tūm apud alias omnes sobrias, sanctaque sanctè colentes, Ecclesias, in arcanis & conditis rebus habita esse legimus: indeq; nomen mysteriorum sortita, ita, vt  
nulli



nulli planè præter hos, quos mini-  
 stros & dispensatores earum rerum i-  
 pse constituit dominus, paterent: id-  
 que ab Apostolis, ac Apostolicis viris  
 edocta semper sanctissimè tenet &  
 obseruat Ecclesia. Cuius rei primus  
 dux & auctor DEVS ipse fuit, qui in  
 monte Sinai legem daturus, ipsum  
 quidem Moysen nubem subire iu-  
 bet: si quis autem Aaron summus sa-  
 cerdos erat, comitem se ascensus præ-  
 bere, atque in proximo stare, extra  
 nubem tamen esse: si autem Nabath  
 quispiam aut Abiud, aut ex seniorū  
 ordine, ascendere quidem illi permit-  
 titur, cæterum procul consistere, pro  
 puritatis suæ merito atq; dignitate: si  
 verò quispiam ex vulgō huiuscemo-  
 di maiestatis & speculationum indig-  
 nus, siquidē omninò impurus ac pro-  
 phanus sit, nullo modo accedere, ne  
 ea temeritate periculū sibi accersat:  
 si autem leuiter saltem purgatus, infe-  
 riori loco manere, ac solam vocem,  
 atq; buccinam audire præcipitur, mō-  
 tem autem circumfusum ac coruscā-  
 tem videre, terrore ac admiratione af-  
 ficien-

*Nazianzen.  
 in prim. The-  
 olog. ordi.*

ficientem eos, qui ascendere nequeunt: quòd si quis bellua sit, sacra conculcans, hunc longiùs à monte abscedere, ne lapidibus opprimatur, aut obruatur, malusque malè pereat. Idem fecit Christus Dominus, qui sublimiorem aliquam doctrinam traditur, cum duodecim illis præstantissimis doctrinæ suæ nuncijs, semper vel in solos montes, vel in deserta, vel in mare se à turbis recipiebat. Vndè illud:

*Vobis datum est nosse mysteria regni cœlestis, alijs autem in parabolis.* Et illud: *Nolite projicere ante porcos margaritas.* Math. 13. Math. 7.

Et illud: *Nolite dare sanctum Dei canibus.* Sed ne his quidem simul omnia manifestabat, sed tum demum; ubi ab illo probati, sanctificati, ac cœlesti spiritu ex alto illuminati sunt. Vnde

illud: *Multa habeo dicere vobis, sed non potestis portare nunc.* Et Paulus: *Sapientiam, inquit, loquimur inter perfectos, sapientiam verò non huius sæculi, neque principum huius sæculi, quod destruitur; sed loquimur DEI sapientiam in mysterio quæ abscondita est.* Et alio loco: *Spiritualibus, inquit, spiritualia comparantes.* Ioan. 16. 1. Corint. 2. 1. Corint. 2.

*Anima-*

*Animalis autem homo non percipit ea, quae sunt spiritus Dei, stultitia enim est illi, & non potest intelligere. Ego autem fratres non potui vobis loqui quasi spiritualibus, sed quasi carnalibus. Tanquam paruulis in Christo, lac vobis potum dedi, non escam, nondum enim poteratis, sed necdum quidem potestis: adhuc enim carnales estis.*

2. Timoth. 1.

*Et Timotheum hortatur, vt arcanum depositum custodiat: Bonum depositum custodi, per Spiritum sanctum, qui habi-*

1. Corint. 10.

*tat in vobis. De Sacramentis vero illud: Vt prudentibus loquar, vos ipsi intelligite, quae dico: quasi non omnes passim haec intelligere diceret. Calix benedi-*

2. Ioan. 1.

*ctionis cui benedicimus, nonne communicatio corporis Domini est? Et D. Ioannes: Plura, inquit, habens vobis scribere, nolui per chartam & atramentum: spero enim me futurum apud vos, & os ad os loqui. Et alio loco: Multa habui tibi scribere, sed nolui per atramentum & calamum scribere tibi, &c. Dionysius Areopagita proximus Apostolorum successor, sic Timothæum Pauli discipulum, ea de re diligenter commonet: Vide, inquit, ne sancta sanctorum enuncies, sed reuerere-*

De Caelesti  
Hierar. cap. 1

ris

ris ea potius, & quæ occulta Dei sunt, cognitione mētis & animi in honore habebis, ac precio: ita tamen, ut ea & minis perfectis non tradas, & cum his solis, qui sancti erunt, cum sancta illustratione, pro sacramentorum rerum dignitate, communices. Et paulò post: Itaque sanctis tuis promissionibus ductus, (eas enim sanctum est commemorare) sacrosancti muneris pontificij, ut quod præstet omnibus rationem, cum alio non communicabis, nisi cum diuinis sacramentorum perfectioribus collegis tuis: quibus suadebis, ut profiteantur ex instituto pontificio se mundos, ac sanctos, ad ea, quæ sancta sunt, tractanda, venturos communicaturosque, & diuina cum diuinis solis, & ea, quæ vim perficiendi habent, cum his, qui perficiunt, & cum sanctis, ea, quæ sunt sanctissima. Nam cū alia munera quæ Hierarchia propria sunt, tum hæc tibi mandauit. Hæc Dionysius. Basilus autem: *In lib. de Spiritu sancto, cap. 27.*  
 Nonne, inquit, ex doctrina quam patres nostri in silentio, quod curiosos & ociosos submolet, seruarunt: pulchrè quidem illi, nimirum docti, arcanorum uenerationem silentio conseruare? Nam, quæ nec intueri fas est, non initiatis; quæ conueniebat horum  
 D doctri-

doctrinam publicitus circumferri scripto?  
 Deinde Moysis exemplo probans, qui non  
 omnes ad penitiora sacramenta admisit:  
 probè, inquit, sciens pro sua sapientia res  
 usu tritas, & undecunque parabiles, expo-  
 sitas esse contemptui: caterum id, quod de-  
 positum est, quòdque rarum est, huic natu-  
 ra coniunctum esse, summam admiratio-  
 nem & studium. Ad eundem profectò mo-  
 dum, & qui in primordijs Ecclesie certos  
 ritus perscripserunt Apostoli, & Patres,  
 in occulto silentioq; mysterijs suam serua-  
 uerunt dignitatem: neque enim omninò  
 mysterium est, quod ad populares & vul-  
 gares aures effertur. Est autem etiam si-  
 lentij species ipsa obscuritas, qua utitur  
 Scriptura, mentem ad contemplationem  
 dogmatum inhabilem exercens, idque ad  
 utilitatem in scripturis versantium. Ha-  
 etenus Basilus. Vnde ille communis  
 vetustissimorum patrum dicendi mo-  
 dus: Origenis. Nouit, inquit, qui myste-  
 rijs intentus est, & carnem, & sanguinem  
 verbi Dei: non ergò immorentur in his, ut  
 qua & scientibus nota sunt, & ignorantibus  
 patere non possunt. Chrylostomi:

Qui

Qui mysterijs initiati sunt, intelligūt quæ dicuntur: *Mysteriorum Dei consortes norunt quod dicitur: Initiati, quæ dicuntur, norunt fideles.* Vnde illa contra doctrinæ atque Sacramentorum profanatores Nazianzeni grauis querela: *Illud saltem, inquit, inter nos conueniat, ut mystica mysticè, & sancta sanctè proloquamur, nec in profanas aures, quæ in vulgus efferrī nefas est, proyiciamus, ne alioqui cōstet eos, qui demones adorant, & turpium fabularum, ac verum cultum profitentur, nobis grauitate superiores esse: quippe, qui his, qui non iisdem sacris initiati sunt, cruorem potius suum, quàm sermones quosdam impertirent.* Nostra quidē hac insana ætate, ebrij magistri stulto populo omnia in publicum protulerunt, planeque prostituerunt, indeq; preciosæ margaritæ ante porcos proiectæ, foedè conculcatæ iacent.

Cùm igitur signa & indicia cuiusq; rei clara, & cuique obuia esse debeāt, omniumq; oculis patere; scriptura autem, atq; sacramentorū vsus, inter arcana & secreta sēper habita sint; hæc signa & indicia verè Ecclesiæ nullo pa-

*In oratione  
prima de The  
ologia.*

cto esse possunt. Atque ita nulla ex parte conditiones verorum signorū his ipsis rebus, quæ isti pro notis veræ Ecclesiæ constituunt, conuenire possunt. Hæcque illa causa est, cur quantumuis hæc maximè sint vtilia ac necessaria, quantumuis principem fidem & locum in Ecclesia DEI teneant; neque tamen aut sacra scriptura, aut sancti Patres his tanquam signis vsi sunt vnquam. Nunc quoniam abundè demonstratum est, hæc vera signa Ecclesiæ Dei nullo modo, nec esse, nec dici posse; ideò ad illud secundum caput orationem nostram trāferamus, & si vera signa sint, magis tamen Ecclesiæ Catholicæ, quàm istis, qui illis tantoperè gloriantur, conuenire.

SVPRA-

*SVPRADICTA SIGNA, ET  
si vera nota Ecclesie Dei non sint, magis  
tamen Ecclesie Catholice, quàm ipsis  
eorum auctoribus conuenire, &  
in primis sanam Euange-  
lij doctrinam.*

## CAPVT III.



T igitur à Scriptura; sanaque Euangelij doctrina ordiamur; videamus obsecro primùm, quid tãdem id sit sacra scriptura, ac verbo Dei, sanaque Euangelij doctrina gloriari, illamq; appellare, sumque quodam modo Euangelium dicere. Num hoc tanquam depositũ quoddam apud se semper conseruare, num plenum ac integrum vsurpare, ita vt non partem quidem illius, prout locus & tẽpus fert alleges, partem autem penitùs abroges: num verum & germanum eius sensum ac interpretationem sequi; an omninò nihil, quod illi contrarium sit, cum eoque pugnet, docere aut tradere, his enim omnibus modis, Scripturam, E-  
D 3 uange-



uangeliumq; sibi quis usurpare pos-  
 sit. Quamcunq; earum ratione acce-  
 peris, omnes illæ Ecclesiæ Catholicæ  
 magis, quàm istis conuenient. Nam si  
 hoc est, verbum Dei sibi tribuere, su-  
 umq; putare, quod semper tanquam  
 in deposito qui spiã apud se sanctè cõ-  
 seruauerit; quis obsecro, Scripturã p  
 hos mille quingētos annos, priusquã  
 isti noui dispensatores exorti essent,  
 custodiuit? quis ab iniurijs & calami-  
 tatibus temporum, ipsiusque, vt ita  
 dicam, mortalitatis tutatus est? quis  
 à flammis & igne tyrannorum textit?  
 quis à fraudibus & adulteratione hæ-  
 reticorum defendit? quis ab improbi-  
 tate & scelere impiorum vindicauit?  
 quis testimonio suo hanc ipsam Ca-  
 nonicam scripturam verbumq; Dei,  
 & non aliam esse confirmauit, præ-  
 ter eam, quæ per orbem vniuersum  
 fusa est Catholicam Ecclesiam? Aut  
 ex cuius tandem archiuis & Biblio-  
 thecis, hæc ipsa Euangelia, quæ sibi i-  
 sti falsò tribuunt, aut VVikleff, aut  
 Hus, aut Lutherus, primi istorum du-  
 ces atque magistri, in publicum pro-  
 tulerunt.

tulerunt? in cuius scholis, sub quibus magistris hoc Euangelium didicerunt? in quibus Ecclesijs hoc primùm legi, & publicè prædicari audierunt? Hęc ipsa Germania, Boemia, vnde isti diuini & cœlestes magistri primùm orti sunt, vnde primùm fidem Euangeliumq; Christi accepit? Nostra hæc est possessio, dicebat Tertullian<sup>9</sup>, nostrū depositum, Romæ quidem Clementi à Petro, à Clemente aut Anacleto, & sic deinceps: Alexandria Aniano à Mario, ab hoc autem Abitio Hierosolymis à Iacobo fratre Domini Simeoni Cleophæ filio, qui frater Saluatoris dicitur: Antiochiæ ab eodem Petro Luce, & post hunc Zachæo, Euodio, ac deinceps alijs: Cretæ Timothæo à Paulo relictum: & sic eodem modo in alijs Ecclesijs. Isti verò lupi erant rapaces, cucullis atq; supercilij, tanquam velleribus ouium tecti, ementitis sacris ordinationibus, atque Ecclesiasticis titulis, dum se amicos sponsæ simulant: fraude ac dolo, dormitante aliquātisper Timothæo, alijsque negotijs intento, depositum

hoc sustulerunt, ac pro sua propria possessione ad vulgus prodiderunt: illudq; quod per furtum ac dolū malū à nobis quæsierūt, pro vera & germana hæreditate sua, alijs obtrudere non verentur. Quæ tamen ipsa cū per tot annos, integra & incorrupta à vera dispensatrice mysteriorum Dei Ecclesia, ita conseruata fuissent, vt in omnibus linguis & idiomatibus, ne apex quidem vnus ex his disperditus fuerit; ipsi infideles possessores per hos paucos annos, sic deprauarunt, sic prauis versionibus adulterarunt, sic nouis interpretationibus atque castigationibus contaminarunt, sic falsis commentarijs macularunt; vt nō agnoscas hæc eadem esse: sic stultis & temerarijs censuris de loco suo mouerunt, vt non capita tantum quædā sacræ scripturæ sustulerint, sed integras etiam Canonicas Epistolas, atq; adedò ipsum sanctissimum & diuinissimum Ioannis Euangelium, quidam ex illis impiè abrogare non reueriti sunt. Sed quid mirum non enim propria, sed aliena bona dispensarunt: ne  
que

que iusti & bonę fidei possessores, sed fures & latrones fuerunt : res autem qua fide quæritur , eadem dispensatur: malè parta , pessimè dilabuntur: prodigus est dispensator, fur & latro. Tunc igitur illam Ecclesiam Euangelio, veroque Dei verbo caruisse dices, à qua nisi accepisses, ne extitisse quidem illud vnquam somnare posses? Itaque eos ex eius tanti peculij possessione pulcherrimè exturbat Tertullianus: *Constat ratio propositi nostri definentis, non esse admittendos hereticos ad eandem de scripturis prouocationem, quos sine scripturis, probamus ad scripturas non pertinere. Si enim heretici sunt, Christiani esse non possunt, non à Christo habendo, quod de sua electione sectati hereticorum nomine admittunt. Ita non Christiani, nullum ius capiunt Christianarum literarum: ad quos merito dicendum est, qui estis? quando, & unde venistis? quid in meo agitis non mei? quo denique Marcion iure syluam meam cædis? qua licentia Valentinæ fontes meos transuertis? qua potestate Apelles limites meos commoues? Mea est possessio. quid hic cæteri ad voluntatem*

*vestram seminatis & pascitis? Mea est possessio, olim possideo (prior possideo, habeo) origines firmas, ab ipsis auctoribus, quorum fuit res. Ego sum haeres Apostolorum: Sicut cauerunt testamento suo, sicut fidei commiserunt, sicut adiurauerunt, ita teneo: Vos certè exhaeredauerunt semper et abdicauerunt, ut extraneos, ut inimicos. Verùm cum hæc nobis, nisi impudētissimi planè sint, cōcedant oportet; ad ipsum vsum & allegationem sacrarum Scripturarum nos conferamus. De qua non plura dicamus, quàm illud: Communem illam non omnibus hæreticis tantum, sed maligno etiam ipsi spiritui esse, qui quondam contrà ipsum Dei filium, eius auctoritate non tam vti, quàm abuti veritus non est. Si filius, inquit, Dei es, mitte te deorsum. Scriptum est enim: Angelis suis Deus mandauit de te, ut custodiant te in omnibus vijs tuis.*

De pleno porrò & nō truncato totius verbi Dei vsu, ex eo ipso, quod afferemus, cui ille magis conueniat, facile quisq; statuere poterit. Vniuersū verbum Dei Paulus atq; Ioānes, duo  
maxi-

maximi veritatis testes, in duo genera partiti sunt: In verbum scriptum, & ore prolatum: *Itaque fratres, inquit Paulus, state & tenete Traditiones, quas didicistis, siue per sermonem, siue per epistolam nostram.* Et Ioannes toties à calamo & atramento, vti superius diximus, ad viuam vocem nos reuocat. Quod idem postea, omnes sancti Patres mirifico consensu docuerunt, idque se ab ipso Paulo accepisse, testatur Dionysius Areopagita. *Nostre, inquit, hierarchie vis omnis in verbis, quæ à Deo tradita sunt, cernitur. Sanctissima autem venerationeque dignissima verba ea esse dicimus, quæ nobis à sacrosanctis nostris præceptoribus, in sanctis atque Theologicis scripturæ libris sunt prodita, quæque ab iisdem sanctis viris institutione, quæ magis à materia abhorreret, proximaque iam quodam modo esset, ac similis cælesti hierarchie, ex mente in mentem verbo corporeo illo quidem, sed quod minus est materie particeps, sine scripto studiorum nostrorum duces principesque didicerunt. Et paulò post. Quocirca, primi illi hierarchie nostre duces ac Principes,*

2. Thess. 2.

Lib. 1. de Ec-  
clesiastic. hie-  
rarch. cap. 1.

Ibidem.

cum & ipsi à diuina bonitate plenè cumulateq; sanctum hoc munus accepissent, & à diuina benignitate eius apud posteros propagandi, prorogandiq; causa missi essent: ydemq; valde ut diuini posteros ad cœlestia, & diuinitatis similitudinem traducere cuperent: signis, quæ sub sensum cadunt cœlestia, varietateq; ac multitudine, id quod conuinctum connexumq; erat, & humanis diuinas res, quæque materia carent, ijs quæ ex materia constant, ac nostris eas quæ essentia superiores sunt, partim scriptis, partim non scriptis suis institutionibus, ex sacrosanctis legibus nobis tradiderunt. Eodem modo Ireneus à Policarpo Ioānis discipulo edoctus, suos confutat Gnosticos. Quid enim, & si quibus de aliqua modica questione disceptatio esset, nōne oporteret in antiquissimas recurrere Ecclesias, in quibus Apostoliconuersati sunt, & ab eis de presenti questione sumere, quod certum & re liquidum est? quid autem, si neque Apostoliquidem scripturas reliquissent nobis, nōne oportebat ordinem sequi traditionis, quàm tradiderunt ijs, quibus committebant Ecclesias? cui ordinationi assentiunt

mul.

Ireneus li. 3.  
cap. 4.

*multa gentes barbarorum eorum, qui in  
 Christum credunt, sine charactere vel  
 atramento scriptam habentes per spiri-  
 tum in cordibus suis salutem, & veterem  
 traditionem diligenter custodientes, in u-  
 num Deum credentes fabricatorem cæli et  
 terræ, & omnium quæ in eis sunt, per Chri-  
 stum Iesum Dei filium. Hanc fidem qui si-  
 ne literis crediderunt, quantum ad ser-  
 monem nostrum, barbari sunt: quantum  
 autem ad sententiam, & consuetudinem,  
 & conuersationem, propter fidem, per quã  
 sapientissimi sunt, & placent Deo, conuer-  
 santes in omni iustitia, & castitate, & sa-  
 pientia. Quibus si aliquis annunciauerit  
 ea quæ ab hæreticis adinuenta sunt, pro-  
 prio sermone eorum colloquens, statim con-  
 cludens aures, longo longius fugient, ne  
 audire quidem sustinentes blasphemum  
 colloquium. Sic per illam veterem Apo-  
 stolorum traditionem, ne in conceptionem  
 quidem mentis admittunt, quodcumque eo-  
 rum portentiloquium est: neque enim  
 congregatio fuit apud eos, neque doctrina  
 instituta. Traditione igitur quæ est ab A-  
 postolis, sic se habente in Ecclesia, & perma-  
 nente apud nos, reuertamur ad eam, quæ  
 est ex*



est ex scripturis ostensionem, eorum qui & Euangelium conscripserunt Apostolorum. Idem docet D. Basilius, idem August. duo orientis atq; occidētis orbis amplissima lumina. Quae in Ecclesia predicantur, inquit Basilius, quadam habemus è doctrina scripto prodita, quadam rursus ex Apostolorum traditione, in mysterio, id est, in occulto tradita recepimus. Quorum utraque parem vim habent ad pietatem, nec his quisquam contra dicit, quisquis sanè & tenuiter expertus est, quae sint iura Ecclesiastica. Nam si consuetudines quae scripto prodita non sunt, tanquam haud multum habentes momenti, conemur reijcere, imprudentes & ea dānabimus, quae in Euangelio necessaria ad salutem habentur, imò potius ipsam fidei predicationem ad nudum nomen contrahemus. Et paulò pòst. Aliud, inquit, est δόγμα, & aliud κήρυγμα, dogmata, inquit, silentio teguntur, κήρυγματα publice predicantur. Hæc Basilius: D. verò Augustinus. In his, inquit, de quibus nihil certi statuit diuina scriptura, mos populi DEI, & statuta maiorum pro lege tenēda sunt, & sicut præuaricatio diuinarum legum,

ita

In libro de  
Spiritu sancto  
cap. 27.

Episto. 86. ad  
Cassulanū, di-  
cunt. 11. cap.  
in his.

ita contemptores Ecclesiasticarum consuetudinum, coercendi sunt. Cuius quidem rei causam adfert D. Basilius: *Hæc, inquit, est ratio, cur quedam citra scripturam tradita sunt, ne dogmatum cognitio propter assuetudinem vulgo veniret in contemptum.* Constat igitur Apostolorum, Apostolicorumque virorum luculentissimis testimonijs: vniuersum verbum DEI sacra scriptura & traditione contineri, hæcque eandem vim & auctoritatem habere, atque aded traditione ipsa magis spirituale, quid, vt Dionysius; magis autem arcanum, vt Basilius docet, contineri. Quis igitur melius vtramque hanc partem verbi Dei complexus est? quis maiore sanctitate colit? quis summa fide & integritate vsque ad hodiernam diem ambo hæc conseruauit? Ecclesiæ Catholice, an isti? Quid vobis opus est, cum non modò sacras traditiones isti non colunt, sed eò etiam solo nomine Ecclesiam maximè damnent, quòd eas sequatur, quòd illis maximam habeat fidem. Istine igitur plenù Dei verbi vsum sibi

me-

Ibidem.

Idem Origenes in ca. 3. epist. ad Titum.

Et Hieronymus ad Lucinium, Epistola 28.

Idem Tertullianus in lib. de prescriptionibus hæreticis.

meritò tribuent, qui potissimum eius partem abrogant, sacram autem scripturam ita truncam reddiderunt; ut paucos post dies vix eius vllas reliquias integras apud se retinebunt?

Neque igitur possessione scripturæ, neque usu verbi DEI Ecclesiam Catholicam vincunt: quin potius longissimis passibus post eam relinquuntur. Interpretatione igitur & vero sensu fortasse? hoc enim quartum caput propositi fuit, Nequaquam. Nos enim eos scripturæ interpretes sequimur; qui Christum Dominum ipsi oculis suis viderunt; qui ab ipsis sanctis Apostolis, qui hæc manibus suis contrectarunt, eorumque proximis successoribus edocti atque instituti sunt; qui temporibus illis, quibus hæc gesta sunt, vixerunt; qui rebus ipsis interfuerunt, quorum ingenij vim, doctrinæ copiam, eloquentiæ vbertatē, sapientiam admiratus est infidelium etiam orbis, ducesque eius & magistri; quorum fidei sinceritatem ac constantiam, vitæ sanctitatem multis miraculis & portentis confirmavit ipse Deus;

Deus; qui eam doctrinam, quam nobis tradiderunt, vita sanguineq; suo obfignarunt, qui ea, quæ viderunt, & quorum ipsimet magna pars fuerunt nobis tradiderunt; quorum fidem, auctoritatem, & doctrinam, tot seculorum decursus, totq; synodorum ac doctissimorum hominum consensus comprobauit; quos neque amor, neque odium, quæ plerunque iudicia humana peruertunt, neque vllus humanus sensus, vtpotè à nostris controuersijs remotissimos attingunt: horum inquam sensum & interpretationem nos sequimur, illi suum. Et cum scriptura, dicente Petro, priuatę interpretationis non sit; nos Catholicum omnium temporum & locorū tuemur sensum, isti priuatum. De quibus Clemens Romanus Petri successor Epistola 5. sic scribit: *Relatum est etiam nobis, quòd quidam in vestris partibus commorantes, aduersantur sanis doctrinis, & (prout eis videtur) non secundò traditionem patrum, sed iuxta sensum suum docere videntur. Multas enim quidam (ut audiuimus) vestrarum partium*

E

secun-

*secundum ingenium hominum, ex his quæ legunt, verisimilitudines capiunt: & ideo diligenter obseruandum est; vt lex DEI quum legitur, non secundum propriam ingenij intelligentiam legatur, vel doceatur. Sunt enim multa verba in Scripturis diuinis, quæ possunt trahi ad eum sensum, quem sibi vnusquisq; spontè præsumpsit; sed fieri non oportet: non enim sensum, quæ extrinsecus adulteretis alienum & extraneum debetis quarere, aut quomodo ipsum scripturarum auctoritate confirmetis, sed ex ipsis scripturis sensum capere veritatis. Et ideo oportet ab eo intelligentiam discere scripturarum, qui eam à maioribus secū dum veritatem sibi traditam seruaui, vt ipse possit ea, quæ rectè suscepit, competenter asserere. Tūne igitur potius, aut Luthero, aut Caluino, aut Serueto, vel Blandratae ira ac furore accenso, Ioannis vel Pauli aliquem locum interpretanti credes? quàm aut Policarpo, aut Ignatio, aut Ireneo; vel Dionysio, eorumq; discipulis, qui cum illis simul vixerunt, qui ab eis docti sunt, quos ipsi in suis nominarunt libris? Tūne de eo sensu & interpretatione scripturæ,*

ræ, quem vel Nicæna synodus, vel Cōstantinopolitana, vel Ephefina, vel Chalcedonen. secuta est, earumq; cōstitutionibus, plus credes Caluino, quàm Athanasio; Luthero, quàm Gregorio, Basilio, Chrysofomo, & alijs, qui Synodis illis non interfuerunt tantum, sed etiam præfuerunt? Gregorium Nazianzenum Constantinopolitanam primam synodum, ex sententiâ vniuersi Concilij, propter eius præstantem doctrinam, quantum ante omnes alios excellebat Patres, conscripisse plurimi censent. Puerorum certè aut insanorum, & nō prudentium, & adulatorum hominum hæc talia erūt iudicia. Quas easdem scripturas, qua fide tractent & interpretentur Hæretici, docet Tertul. *Vnde autem extranei & inimici Apostolis hæretici, nisi ex diuersitate doctrina: quam unusquisq; de suo arbitrio aduersus Apostolos, aut protulit, aut recepit? Illic igitur & scripturarū, & expositionū adulteratio deputanda est, ubi diuersitas inuenitur doctrina. Quibus fuit propositū aliter docendi eos, necessitas institit aliter disponēdi instrumenta doctrinae*

*Aliàs enim non potuissent aliter docere; nisi aliter haberent per quæ docerent hæresim. Sicut illis non potuisset succedere corruptela doctrinæ (sine corruptela instrumentorum) eius, ita & nobis integritas doctrinæ non competisset sine integritate eorum, per quæ doctrina tractatur. Etenim quid contrarium nobis in nostris? quid de proprio intulimus, ut aliquid cōtrarium ei & in scripturis deprehensum, detractioe vel adiectione, vel transmutatione remediaremus? Quod sumus, hoc sunt. Inde scripturæ ab initio suo. Ex illis sumus, antequam nihil aliter fuit, quam sumus. Quid denique fuit antequam nobis interpellarentur, Cum autem omnis interpellatio posterior credenda sit, veniens utiq; ex causa emulationis, quæ neque prior, neque domestica-rum est eius quem quod æmulatur, tam incredibile est sapienti cuique, ut nos adulterum stylum intulisse videamur scripturis, qui sumus & primi et ex ipsis, quæ illos non intulisse, qui sunt & posterii, & aduersi. Alius manu scripturas, alius sensu expositiones interuertit. Neque enim si Valentinus integro instrumento uti videtur non callidior ingenio, quàm Marcion*

*manus intulit veritati. Marcion enim exertè & palam machera, non stylo usus est, quoniam ad materiam suam cædem scripturarum confecit. Valentinus autem pepercit: quoniam non ad materiam scripturas, sed materiam ad scripturas excogitavit: & tamen plus abstulit, & plus adiecit, auferens proprietates singulorum quoque verborum, et adijciens dispositiones nõ comparentium rerum.*

At nihil, inquit, scripturæ aduersum, nihil cum DEI verbo pugnans docere, hoc est, sinceram Euangelij doctrinam profiteri. Iam igitur & hoc ipsum expendamus caput. Docet scriptura: Omnem hominem mē dacem, solum autem Deum veracem esse: negant isti, dum se solos errare non posse, ac etiam si omnes synodi, vniuersi Patres, tota Ecclesia, diuersum quid ab illis sentiat, ipsi tantum se solos rectè sentire arbitrantur. Docet Scriptura: Obediendum esse Præ-

Roman. 8.

Roman. 13.

Matth. 16.



minum priusquam in coelos ascen-  
 disse, Petro eiusq; successoribus cla-  
 ues regni coelestis, hoc est, vniuersam  
 Ecclesiae gubernationem tradidisse,  
 terque repetitis vicibus, illi pascenda-  
 rum ouium suarum & agnorum mu-  
 nus commendasse; negant isti. Docet  
 Scriptura: Christum Dominum in di-  
 scipulos suos insufflasse, eisque Spi-  
 ritum sanctum dedisse; vt quorumcun-  
 que dimiserint peccata, dimittantur  
 illis, quorum retinuerint, retenta sint,  
 negant isti. Docet Scriptura: Laudan-  
 dum esse Dominum in sanctis eius,  
 laudandum in firmamento virtutis  
 eius: nimis honorandos esse amicos  
 Dei; nimis confortatum esse princi-  
 patum illorum: gloria item esse & ho-  
 norem omni operati bonum, Iudaeo  
 simul & Graeco, & caet. Isti Sanctorum  
 honorem idololatriam esse docent.  
 Praedixit ipsa mater Dei: Beatam se pra-  
 dicaturas omnes gentes, quia fecit il-  
 li magna, qui potens est, & sanctum  
 nomen eius: isti matrem Dei angeli-  
 ca voce salutare pro piaculo dicunt.  
 Docet Scriptura: Iustam & piam esse

*Ioan. vi.**Ioan. 20.**Psal. 150.**Psal. 138.**Roman. 2.**Luc. 1.*

cogitationem, orare pro defunctis, *Matth. 12.*  
 vt à peccatis soluantur: negant isti.

Docet scriptura: Annam Phanuelis fi *Luce 2.*

liam non discessisse de templo, ieiunij & obsecrationibus seruiuisse domino die ac nocte: isti ieiunia & orationes ab omni parte cultus diuini excludunt. Docet Paulus: Viduam ir-

ritam facientem primam castitatis fidem, damnationem sibi acquirere: isti votum castitatis irritum facere, libertatem & perfectionem Christianam esse docent. Vult Paulus: omnes *1. Timoth. 6.*

esse sicut ipse fuit, hoc est, castos & continentes: isti omnes nubere volunt. *1. Corint. 7.*

Docet Paulus: Virginem quæ nubit, benè facere; si tamen non nubat, meliùs facere. isti, si nubat, melius facere aiunt. Hic idem dicit, matrimonium *Ephes. 5.*

Sacramentum magnū esse, inter Christum scilicet & Ecclesiam: isti negant.

Docet Christus: Beatos esse pauperes *Matth. 5.*

spiritu, quoniam ipsorum est regnū cœlorum: Beatos mites, quoniam ipsi possessuri sint terram: Beatos qui lugent, quoniam ipsi cōsolabuntur: Beatos qui esuriunt & sitiunt iustitiā,

quoniam ipsi saturabuntur: Beatos misericordes, quoniã ipsi misericordiam consequentur: Beatos mundo corde, quoniam ipsi Deum videbũt: Beatos pacificos, quoniam ipsi filij Dei vocabuntur: Beatos qui persecutionem patiuntur propter iustitiam, quoniam ipsorum est regnum cœlorum: isti in omnibus his iustum peccare docent. Iubet Dominus omnes qui propter nomen eius res aduersas patienter perferunt, gaudere & exultare, quia merces eorum copiosa sit in cœlis: isti nullam mercedem bono operi propositam esse docent. Dicit Dominus: Qui bona egerunt, eos in vitam æternam ituros, qui autem mala, in ignem æternum. Quæ autem ista sunt bona, aut quæ mala, ipse aperte explicat: Esuriui enim, & dedistis mihi comedere: sitiui, & dedistis mihi bibere, & cæt. isti solam fidem ad salutem sufficere prædicant. Promittit idem Dominus: veram carnem & verum sanguinem, atq; ad eò seipsum nobis in cibum & potum daturum, non sicut Moyses dedit manna in deserto,

*Ioan. 5.*

*Ioan. 6.*

ferto, in ymbra & figura, sed verè & re ipsa: isti in sola figura illum carnem & sanguinem suū nobis dedisse mordicus affirmant. Docet Scriptura: *Ni-* *Marc. 16.*  
 si quis crediderit & baptizatus fuerit, eum saluari non posse. Negat hoc Calvinus, paruulosque si ex Christianis parentibus nascantur, sanctos esse, & si sine baptismo moriantur, omnino non damnari affirmat. Docet scriptura: *Osca 13.*  
 Perditionem nostram ex nobis esse, salutem autem ex Domino: negat hoc Calvinus, qui dicit, sola DEI prædestinatione homines saluari aut damnari. Docet Scriptura: *Gen. 4.*  
 Sub nobis esse appetitum nostrum, nosque dominos illius esse: & si benè egerimus, nos mercedem recepturos, si autem malè, statim in foribus peccatum nostrum ad futurum: Deumque hominem constituisse in potestate sua, *Eccles. 15.*  
 proposuisse illi bonum & malum, ut ad quodcunque extenderit manum, det illi, animam eius in manibus eius sitā semper: isti omnem liberi arbitrij rationem disputationibus suis euertūt. Docet Scriptura: *Neminem scire, v* *Eccles. 15.*

*Eccles. 9.*  
*Philip 2.*

trum odio an amore dignus sit: in timore & tremore salutem operādam esse: isti neminem damnari posse, nisi qui credere nolit, affirmant. Docent isti, omnes passim ad vtriusq; speciei vsum admittendos esse: Christus Dominus, cum solis duodecim recubuit. Docet Scriptura: Christum Dominum Deum verum, vitam æternam, Deum benedictum esse: negant isti. Docet Scriptura: Per Christum facta esse secula: isti ante Ioseph & Mariam eum extitisse negant. Docet Scriptura: Aequalem esse Patri: isti seruum et creaturam esse blasphemant. Docet Scriptura: Ab angelis debuisse adorari: isti ne ab hominibus quidem adorandum esse tradunt. Satisne clarè & simpliciter pbamus, hos nihil docere, nisi quod cum sacra Scriptura ex diametro quasi pugnet? satisne docuimus hos nulla ex parte sibi sacrā scripturam, verbumq; Dei vsurpare posse? satisne luculēter & sufficienter demōstrauimus ex his ipsis signis, quæ ipsi commenti sunt, quibusq; se magnificè efferūt, apud eos veram Ecclesiam Dei non esse?

## VERVM SACRAMENTORVM

*vsu, quem secundam veram Ecclesiam notam  
isti esse dicunt, magis Ecclesie Catho-  
licae, quam illorum caeteribus  
conuenire.*

## CAPVT IIII.



AM de legitimo Sacramen-  
torum vsu, quid ego di-  
cam? de quorum vel nu-  
mero inter istos non satis  
conuenit: Illyricani & Ge-  
neuenses duo sola, Illyrico atque Cal-  
uino authore numerant: Lipsenses  
tria, Vvitembergenses quatuor: sunt  
qui vnum, sunt qui nullum: ita vt  
quidam ex illis ipsis exhilarata mise-  
ria, facetè hanc eorum inconstanti-  
am riserit: à quo, cum quæsitum esset,  
cur quemadmodum reliquæ orientales  
& occidentales Ecclesie septem non  
numerarent Sacramenta, respōdisse  
dicitur: Imo, inquit, habemus septem,  
& hoc amplius duo: Vvitembergæ e-  
nim quatuor, Lipsiæ tria, Magdebur-  
gi duo: quæ in vnū simul collecta, nouē  
efficiunt. Aut qua tādē ratiōe illi ritē &  
lo.

legitimè Sacramētis vti dici possunt, qui eorum legitimis, & ad eam rem debitè ordinatis ministris careant, cū ipsum sacri ordinis Sacramentum, quod Græci vetustissimo *χειροτονίας* vocabulo appellant, per quod ipsi ministri consecrantur, contra totius orientis ac occidentis orbis consensum, ex numero sacramentorum sustulerunt? Quos quidem ministros debitè ordinatos, imprimis ad vim & naturam Sacramentorum cōstituendam pertinere, si quid reliquum sanę mentis habent, negare nullo modo possunt: quibus cū careant; Sacramentis item illos carere luce meridiana clarius est. Verùm iam de singulis Sacramentis aliqua dicamus.

Baptismus primus est, cuius imprimis ritus, & cęremonias ex ipso Apostolorum ore profectas, impiè tãquam humanę traditionis superstitiones: Impurissimos in hac parte imitati Gnosticos abrogarunt; de quibus illud refert Irenæus: *Alij, inquit, hac omnia recusantes, dicunt non oportere innarrabilis & inuisibilis virtutis ministerium*

Lib 1 cap. 18  
aduersus he-  
refes.

rium per visibiles & corruptibiles perfici  
 creaturas: & ea quæ mente concipi non  
 possunt, & incorporalia, & insensibilia,  
 per sensibilia & corporalia. Esse autem  
 perfectam redemptionem, ipsam agnitio-  
 nem inenarrabilis magnitudinis. Sustu-  
 lerunt inquam hæc omnia, exorcis-  
 mos, & illi similiter exsufflationes,  
 cruce signationes, manuum imposi-  
 tiones, Sathanæ abrenunciationes,  
 aurium atque narium apertiones, pa-  
 cis & osculi porrectiones, sacras vn-  
 ctiones, vestium mutationes, lucernę  
 gestationes, & alias quamplurimas:  
 quæ ante mille trecentos annos pri-  
 ma Cõstantinopolitana Synodus his  
 verbis recenset ferè omnia: *Primo, in-*  
*quit, die ipsos Christianos facimus: secun-*  
*do Catechumenos: deinde tertio exorcisa-*  
*mus siue adiuramus ipsos, ter simul in fa-*  
*ciem eorum & aures insufflando: & sic*  
*eos catechisamus siue imitiamus & cura-*  
*mus, ut longo tempore versentur in Eccle-*  
*sijs, & audiant scripturam, & tunc eos*  
*baptisamus. Quę eodem modo D. Au-*  
*gustinus in symbolo ad catechume-*  
*nos enumerat: Omnia, inquit, Sacra-*  
*men-*

Canone vlt.



*menta, qua acta sunt, & aguntur in vobis, per ministerium seruorum Dei, exorcismis, orationibus, canticis spiritualibus, insufflationibus, cilicio, inclinatione ceruicium, humilitate pedum, pauor ipse omni securitate appetendus: hac omnia ut dixi, esca sunt, quae vos reficiunt in utero, ut renatos ex baptismo hilares vos exhibeat mater, nec tantum hac veteres Patres recensuerunt, sed ultra in his. In quibus verbum illud ore traditum primi Apostolorum successores situm esse indicarunt. Ex illisq; tanquam reb. notissimis, & his quae ab omnib<sup>9</sup> admitterentur, tanquam ipso Dei verbo scripto primarias haereses refutarunt. Demonstrabat contra Marcionem vir proximis Apostolorum temporibus Tertullianus. Sumpto ex his cerimonia in hunc modum argumento: Creaturam Dei non esse malam. Ille, inquit, neque aquam reprobatur creatoris, qua suos abluit: neq; oleum, qua suos unxit: neque mellis & lactis satietatem, qua nos infantauit. Demonstrat ex iisdem cerimonia idem author, tanquam ex certissimis diuinæ vocis testimonijs, futuram*

*Lib. 1. contra  
Marcionem.*

ram corporum nostrorum resurrectionem illis verbis : *Sed & caro ablu-  
 tur, ut anima emaculetur : caro ungitur,  
 ut anima muniatur : caro manuum impo-  
 sitione adumbratur, ut & anima spiri-  
 tu illuminetur : caro corpore & sangui-  
 ne CHRISTI vescitur, ut & anima de  
 Deo saginetur. Non possunt ergo separari  
 in mercede, qua opera coniungunt. Epif-  
 copi Africani, temporibus Diui Cy-  
 priani, probabant hæreticos non pos-  
 se baptizare, quòd nimirum non po-  
 tuerint exorcisare. Diuus Augustinus  
 & ipse ab Apostolorum temporibus  
 non multum remotus, & quo in dis-  
 putando nemo fuit solidior, nemo  
 magis acer contra Pelagianos, pro-  
 bat paruulis inesse originale pecca-  
 tum, quòd alioqui Ecclesia illos non  
 exorcisaret, neque exsufflaret, eamq;  
 antiquissimam Ecclesiæ traditionem  
 esse docet, qua exorcisantur & sufflā-  
 tur paruuli. Neque verò in vno ali-  
 quo loco hoc vtitur argumento, sed  
 planè infinitis : Sic ille libro secundo  
 de originali peccato, cap. 4. & libr. 1.  
 de nuptijs & concupiscentia, cap. 2.  
 & lib,*

*Li. de carnis  
 resurrectio.*

& libr. 2. cap. 18. & libr. 1. contra Iulianum cap. 2. & libr. 6. cap. 2. Quo eodem modo Chrysoftomus in sermone de Adam & Eva: Optatus libro 4. contra Donatistas argumentantur. Quid illæ voces vetustissimorum Patrum? quàm hoc ipsum, quod dixim<sup>9</sup> confirmant, Iustini martyris. *Vnguento inungimur, eius memoriam recolentes, qui vnguenti perfusionem sepultura causa fieri voluit, & figura quidem in hac vita, veritate autem in futura.* Cypriani: *Vngi quoque necesse est eum, qui sit baptisatus, ut accepto chrismate, id est vntione, esse vntus Dei, & habere in se gratiam Christi possit.* Porro autem Eucharistia est, unde baptisati vnguntur, oleum in altari sanctificatum, sanctificare autem non potuit olei creaturam, qui nec altare habuit, nec Ecclesiam, unde nec vntio spiritalis apud hereticos potest esse, quando constet oleum sanctificari, & Eucharistiã fieri apud illos omninò non posse. Basilii quidem Magni, verbis disertis in his ipsis cæremonijs atque partibus baptisimi, Apostolorum verbum ore prolatum, in libro de Spiritu san-

Quest. 137.

Lib. 1. ep. 12.

tu san.

tu sancto, contra sui temporis hæreticos situm esse demonstrat, hasque veras Apostolicas traditiones esse affirmat: *Cōsecramus*, inquit, *aquã baptismatis & oleũ unctionis*, prater ea ipsũ, qui baptismũ accipit, ex qbus scriptis, nōnne à tacita secretaq, traditione? Ipsã porrò olei inũctionẽ, quis sermo scripto proditus docuit? iã ter immergi hominẽ, unde est traditum? reliqua itẽ qua fiũt in baptismo, veluti renunciare Sathana & angelis eius; ex qua scriptura habemus? nōne ex privata hac & arcana traditione? nōne ex doctrina hac, quã patres nostri in silẽtio qd curiosos & ociosos submouet seruauerunt? &c. Multa similia de iisdem baptismi cærimonijs scribit Clemens Romanus libr. 3. de Const. Apost. cap. 15. 16. 17. & lib. 7. cap. 23. 28. 41. 42. 44. & lib. 3. recog. & epist. 3. Dionysius Arcop. libr. de Eccle. Hierar. cap. 2. & 7. Author quæst. apud Iustinum martyrem quæst. 137. Theophilus Antiochenus libr. 1. ad Antolycum; & qui postea vixerunt in oriente. Origenes li. 5. in epist. ad Rom. Chrysof. hom. 12. in 1. ad Corinth. & hom. 6. ad Collossen.

Iossen. Naziāzen<sup>o</sup> oratione in sanctū  
baptisma. Arnobius in cōmentarijs  
in Psal. 4. 22. 82. 90. 132. & 134. Optatus  
Mileuitanus libr. 2. 3. & 7. contra Par-  
menianum. Ambrosius libr. 1. de sa-  
cramentis, cap. 1. & 7. Hieronymus  
contra Luciferia. Pontius Paulinus,  
Honorius Fortunatus, vt vel inde co-  
gnosci possit, quanta aut impuden-  
tia, aut inscitia sūt isti, qui hæc noua  
& nuper inuenta, & non potius ab  
Apostolis Apostolicisq; viris profe-  
cta contra eam testium nubem affir-  
mare non erubescunt, in quibus Ra-  
psodi Magdeburgenses familiam du-  
cunt. Quas quidem sanctissimas cæ-  
remonias ab ipsa Apostolica traditi-  
one profectas, posteaquàm isti impiè  
& temerario ausu primo violassent:  
illas etiā ipsas quæ scripto verbo con-  
tinentur, impunè eadem temeritate  
contempserunt; vt & aquā nō esse ita  
necessariā aliqui ex illis doceant, & sa-  
cro sanctorū verborum, quæ Christus  
præscripsit, vsum magicum, quid esse  
blasphement: neq; sanctissimæ Trini-  
tatis, per quā Sacramētum hoc cōfi-  
citur,

citur, inuocationem pleriq; illorum adhibent, non multò pòst Deum ipsum negaturi. Vltimò, totum baptismum multi ex illis impijs suis disputationibus abrogarunt; & tanquam rem Iudæis tantum & gentilibus, & non Christianis, idq; memoriæ solūmodo causa & discriminis necessariam, nulli<sup>9</sup> aut gratiæ efficacem sustulerūt, lepidissima capita. Isti tamē legitimum vsū sacramentorum sibi iurè & meritò vendicare audent.

Quid de sacramento manuum impositionis dicemus, quod Græci τελεῖσθαι vt sacer Dionysius, σφράγγει id est, ob signaculū; vt sancta synodus Constantinopolitana, Latini, signaculum, operationem Spirit<sup>9</sup> sancti, chrisma, chrisma<sup>9</sup> sacramentum; vt Cyprianus, atq; Augustinus appellare solēt? Confirmationem primus, quod sciā Ambrosius in libro de his qui mysterijs inician<sup>9</sup>ur, cap. 6. vocauit: quem postea D. Leo, Gregori<sup>9</sup>, & ceteri posteriores secuti patres sunt. Quod sacramētū nō ex verbo tradito rātū vt supiora, sed ex ipsa sacra scriptura iā

*In cap. de baptismo  
Canone 7.*

*Lib. 3. contra  
Donat. ca. 16*

Actor. 8.

Apostolorum temporibus extitisse  
discimus: & sine quo illi perfectos  
Christianos fieri non posse iudicaue-  
runt. Cùm inquit Lucas, audissent A-  
postoli, qui erant Hierosolymis, quia rece-  
pisset Samaria verbum Dei, miserunt ad  
eos Petrum & Ioannem. Qui cùm venis-  
sent, orauerunt pro ipsis, ut acciperent Spi-  
ritum sanctum. Nondum enim in quen-  
quam illorum venerat, sed baptisati tan-  
tum erant, in nomine Domini I E S V.  
Tunc imponebant manus super illos, & ac-  
cipiebant Spiritum sanctum. Et cap. 19.  
Factum est autem, cùm Apollo esset Co-  
rinthi, ut Paulus per agratis superioribus  
partibus, veniret Ephesum, & inueniret  
quosdam discipulos, dixit q̄ ad eos, si Spiri-  
tum sanctum accepistis credentes? At illi  
dixerunt ad eum: sed neq̄, si Spiritus san-  
ctus est, audiuimus. Ille verò ait: In quo  
ergo baptisati estis? Qui dixerunt: In Io-  
annis baptismate. Dixit autem Paulus:  
Ioannes baptisauit baptismate pœnitentia  
populum, dicens: In eum qui venturus es-  
set post ipsum, ut crederent, hoc est in I E-  
S V M. His auditis baptisati sunt in no-  
mine Domini I E S V. Et cùm imposuisset  
illis

*illis manus Paulus, venit Spiritus sanctus super eos, & loquebantur linguis, & prophetabant. Quibus in locis clarè docetur, sine manuum impositione, neq; perfectos Christianos fieri, neque omninò Spiritum sanctum, contra quam docet Calvinus, qui solius datæ fidei in baptismo professionem esse censet cõferri posse. Quod euidenter & hæc quæ dicta sunt, & illud quod sequitur, falsum esse demõstrant. Cùm vidisset autem Simon, quia*

*Afor. 8.*

*per impositionem manus Apostolorum daretur Spiritus sanctus; obtulit illis pecunias, dicens: Date & mihi hanc potestatem, ut cuicumque imposuero manus, accipiat Spiritum sanctum, Petrus autem dixit ad eum: Pecunia tua tecum sit in perditionem, quæ donum Dei, atque adeò Apostolatium ipsum, & Episcopatum exigua pecunia posse comparari iudicavit. Cõsentanea his apud Eusebium libr. 6. cap. 43. scribit Cornelius ad Fabianum Nouatum, non esse perfectum Christianum, qui post baptismũ non fuerit ab Episcopo confirmatus. Quod idem D. Cyprianus docet, tum de-*



mum scilicet plenè sanctificari fideles, & filios Dei effici, si utroq; Sacramento, baptismo, inquam, & manuum impositione nascantur. Et ante hos Clemès Romanus epist. 4. de cõfirmatione sic loquitur. *Omnibus ergò festinandum est sine mora nasci Deo, & demum consignari ab Episcopo, id est, septiformem gratiam Spiritus sancti percipere, quia incertus est vniuscuiusq; terminus vitæ. Cùm autem regeneratus fuerit per aquam. & postmodum septiformi spiritus gratia, ab Episcopo (uti memoratũ est) confirmatus, quia aliter perfectus esse Christianus nequaquam poterit, nec sedem habere inter perfectos, si non necessitate, sed incuria aut voluntate remanserit (ut à beato Petro accepimus, & ceteri sancti Apostoli precipiente domino docuerunt) & demum ex operibus bonis ostendat in se similitudinẽ eius, qui eum genuit, patris. Tũne igitur illos rectè & legitimè sacramentis uti dices, qui illud etiam Sacramentum, sine quo, ipsa scriptura teste, perfecti Christiani nõ efficiuntur, sine quo Spiritus sanctus nõ datur, & quod ipsum Dei verbum tã*

lucu-

luculenter commendat, abrogarunt penitus? Quo sacramento cùm careant, mirum non est, quòd Spiritu sancto non agantur, quòd subitò ex opinionibus in opiniones commigrāt, quòd nusquam firmi & stabiles cōsistāt, quòd facilè Christum verū Deū & hominem abnegant, hoc autē est, Christiani esse desinunt.

Quid ego de pœnitentia dicam? quid de eius partibus? retinueruntne celebrem illam, & decantatam in omni antiquitate exomologesin, hoc est, plenam & synceram peccatorum omnium confessionem, rem Apostolis, Apostolicisq; viris adedò laudatā, adedò vsitatam; cuius tot viri, qui vel cum ipsis Apostolis, vel paulò post vixerunt, luculentissimi testes & laudatores sunt, de qua Tertullianus: *Tantum, inquit, releuat confessio delictū; quantum dissimulatio exaggerat: Confessio. n. satisfactionis consilium est, dissimulatio contumacia, actus pœnitentia, qui magis Græco vocabulo exprimitur & frequentatur, Exomologesis est, qua delictū Domino confitemur, nō quidē ut ignaro, sed quate-*

*Libr. de pœnitent.*

*nus satisfactio confessione disponitur, ex confessione pœnitentia nascitur, pœnitentia Deus mitigatur: Itaque Exomologesis prosternendi & humiliificandi hominis disciplina est. &c. Idem beatissimus martyr Cyprianus, vereque Apostolicus vir testatur: Videt Deus corda & pectora singulorum, & iudicaturus non tantum de factis, sed & de verbis & de cogitationibus nostris, omnium mentes voluntatesque conceptas, in ipsis ad clausi pectoris latebris intuetur. Denique quanto & fide maiore & timore meliore sunt, qui quamuis nullo sacrificij aut libelli facinore constrieti: quoniam tamen de hoc vel cogitauerunt, hoc ipsum apud sacerdotes Dei dolenter & simpliciter confitentes, exomologesin conscientia faciunt, animi sui pondus exponunt, salutarem medelam paruis licet & modicis vulneribus exquirunt, scientes scriptum esse; Deus non deridetur.*

*Idem D. Basilus: Necessario his peccata aperire debent, quibus credita est dispensatio mysteriorum Dei: siquidem rationem hanc, in pœnitentia etiam, veteres illos cernimus sequutos fuisse, quando & in Euangelio scriptum est; quod Ioanni confiteba-*

*Lib. de lapsis*

*In Asceticis  
cap. 26.*

tebantur peccata sua: Et in Actis Apostolicis ipsis, de quibus etiam baptisabantur cuncti. Idem Augustinus: Nemo sibi

Lib. 50. familiarū, homilia 49.

dicat, occultè ago, apud Deum ago, nouit Deus qui mihi ignoscit, quia in corde ago.

Ergo sine causa dictum est: Quæ solueritis in terra, soluta erunt in cælo. Ergo sine causa sunt clauæ data Ecclesiæ Dei? Fru-

Eadem docet D. Clemens epist. 1. ad Iacobum

stramus Euangelium DEI? Frustramus verba Christi? Quid igitur est impudentem & sui oblitum esse, quàm ali-

Eadem Dionysius ad Demophilum.

quid contra tantorum virorum auctoritatem & testimonia negare? Habentne illas pro peccatis satisfactio-

Origenes in Psal. 32.

nes, quas Basilius, vniuersaque Græcia *επιτιμία* vocat: quarum illas partes

Euseb. lib. 5.

Tertullianus \* numerat, ieiunijs preces alere, ingemiscere, lachrymari,

Hist. cap. 27

& mugire dies, noctesque ad Dominum Deum tuum, presbyteris aduolui, & aris Dei adgeniculari?

lib. 6. cap

27.

\* Lib. de penitentia.

Quid de admirabili Sacramento Eucharistiæ dicam? quod cùm duplici ex causa institutum sit, primò, vt sit perennis quedam memoria, & annunciatio mortis & crucis IESV

Christi, illiusque sacrificij, quo semel

expiata & cōsecrata sunt omnia: Deinde mēsa & cibus aduersus omnes, qui tribulant nos. Ex quibus eius partibus, primā illam & præcipuam annunciationis inquam mortis & crucis Domini, æternique eius sacrificij partem penitus sustulerunt: & quod maius est, summo sacrilegio, idololatriæ nomine cōtaminarunt. Cuius sacrificij modum, & ritum, ex ipsorū Apostolorum ore, tot omnium sæculorum nobilissimi patres nobis tradiderunt: Dionysius, inquā, Clemēs, Iustinus, Tertullianus, Basilius, Chrysostomus, Ambrosius, eorumq; successores, qui easdē ipsas eorum liturgias interpretati sunt: Pachimer<sup>9</sup> Maximus, Germanus Cōstantinopolitanus, Ioānes Cabasilas, Rupert<sup>9</sup>, Innocentius, & reliqui innumerabiles amplissimi doctrinæ Christianæ duces atq; magistri, quos nō sequi, quos nō imitari, quibus non parere, est nē legitimum sacramentorum vsum sequi, an potius graui cōtumacię scelere sese obligare? At vtraq; specie vtuntur, at quantò potius fuerat reb<sup>9</sup> ipsis vti, quàm

quàm speciebus. Quid. n. iuuat specie frui, si re ipsa sacramentaria labe infectus, careas? quis autem re huius sacramenti caret, nisi ille, qui nihil præter umbram & figuram quandam mortuam corporis & sanguinis IESU CHRISTI, in his speciebus contineri docet? qui que vero & legitimo illius conficiendi ministro caret?

Quid ordinis sacramentum, per quod cætera consecrantur, & fiunt sacramenta? habentne isti, an potius rident, rem tot sacris literarum testimonijs comprobata, omnisque vetustatis vltu contestatam? Insufflat Christus Dominus in discipulos, & dicit: *Accipite Spiritum sanctum, quorum remiseritis peccata, remittentur eis: vbi & externam ceremoniam & promissionem remittendi peccata, & gratiæ Spiritus sancti, manifestam collationem videmus. Monet Paulus Timothæum* 1. Joan. 20.

à se ordinatum: *Moneo te, inquit, ut resuscites gratiã Dei, quæ est in te, per impositionem manuum mearum: vbi itidem & cærimonia externa & promissio gratiæ euidenter exprimitur. Et in alio loco: Noli* 2. Tim. 1.

*negli-* 1. Tim. 4.

*negligere gratiam quæ est in te, quæ est tibi data per prophetiam, & per impositionem manuum presbyterij.* Et item:

1. Tim. 5.

*Manus citò nemini imposueris.* Et in Actis eodem modo Ananias Paulo eadem Spiritus sancti gratiam, per impositionem manuum, vt fungeretur officio Episcopi clarè confert. Quibus locis Calvinus permotus, ac planè coactus, ordinem sacrum Sacramentum esse, quòd sæpè alias negauerat confitetur. Ideo tamen in numero sacramentorum illum se non reposuisse, quòd non sit commune omnium Christianorum Sacramentum. Verùm hæc præsentis instituti non sunt.

Quid Matrimonium, quid extrema vnctio? quorum alterum sacramentum magnum Paulus vocat, negant isti: alteri<sup>9</sup> modum & formam, ita distinctis verbis, vt nihil clarius, nihil planius, nihil illustrius dici possit, explicat Iacobus. *Infirmatur quis in vobis, inducat presbyteros Ecclesie, & orent super eum, ungentes eum oleo in nomine Domini, & oratio fidei saluabit infirmum,*

Iacob. 5.

*firmum, & alleuabit eum Dominus; & si in peccatis sit, remittentur ei. Confitemini ergò alterutrum peccata vestra: & orate pro inuicem vt saluemini: multum enim valet deprecatio iusti assidua.* Quam veteres Gnosticos more simiarum imitatos fuisse, duo vetustissimi Apostolorum successores tradunt; Irenæus cum Epiphanio: cuius stupendos mirabilesq; effectus asserunt, Clemens Rom. libr. 8. de Consti. Apost. cap 35. Hiero. in vita Hilarionis: Augustinus libr. 2. de visit. infir. cap. 4. & ser. 215. de tempore: Innocentius primus epistola ad Decentium Eugubinum: & Bernardus in vita S. Malachiæ. Quæ tamen omnia isti non modò non sequuntur; sed etiam rident, prauisque suis interpretationibus peruertunt. At qui dicunt, nusquam in scripturis aut confirmatio, aut ordo, aut extrema vnctio Sacramenta esse dicuntur. Demonstrant igitur itidem, vbi aut baptismus, aut Eucharistia, aut penitentia Sacramenta appellentur. Quod si hæc Sacramenta eam solam ob causam vocas, quod ita ab Ecclesia edo-

ctus

Lib 1. cap. 18  
Hæres. 36.



Etus sis; cur non idem eius iudicium in alijs sequeris? Quid? num matrimonium sacramētum Paulus nō vocat? idq; magnū: tu tamen tui oblitus, negas. His igitur tu hominibus verum, purum, & legitimum, sacramentorū vltimū attribues, & nō potius eorum cōtaminatores, & abrogatores appellabis? Amplius ne in meridie lucernā accendere oportebit, illudq; docere, neq; hæc vera signa Ecclesiæ Dei esse, quæ isti cōminiscuntur, & si sint, istis tamen nulla ratione cōuenire? Finge igitur animo, vnā ex illis ipsis, de quibus superius dixim⁹, Regis Salomonis cōcubinis, dum se veram & vnicā dilectam Regis esse fert, atque iactat, quædā insignia atq; notas tanquā ipsi dilectæ proprias cōfingere, ac sibi affingere. Demōstret aut̄ quis ex aduerso, neq; illum verum vestitum aut ornatum Regine esse; & si sit, per fraudē tamen, & insidias, à Regina ad illam ipsam cōcubinam translata esse: magisq; illum colorem, illa ornamenta, filiæ Regis, quàm illius ancillæ cōuenire: an nō satis hac ratione docebit,  
eam

eam quidem, quæ tantum ausa est nefas, impudicam & procacem mulierem esse, extremoq; supplicio dignã, ut quæ sibi falsò nomen Maiestatemque Regiam adscribat, aliam autem veram & germanam sponsam magni Regis quarendam esse? Suis igitur armis, suis præfidijs victi, & confossi iacent: neque amplius alijs subsidijs ad illos conuincendos opus esset, si pietatis & non maliciæ, veritatis & non simulationis, charitatis & non odij, zeli domus Domini, & non ambitionis, vincendiq; studij certamē esset. Si enim his signis & notis veram IESU Christi sponsam cognosci & definiiri putant, quæ neq; vera signa sunt, & magis alijs, quàm illis ipsis conueniunt; an non vniuersa causa decidunt? an aliquid plenius & illustrius ad totam veritatem commonstrandam, vel ipsis ducib<sup>9</sup> & magistris adferri poterit? Verùm nos alienis confutatis, nostra confirmemus: ac eas, quæ verè sunt notæ, & insignia Ecclesiæ Dei, in medium adferamus.

DE

<sup>96</sup>  
DE VERAE  
ET FALSAE ECCLE-  
SIAE. DISCRIMINE,  
LIBER SECVNDVS.

VERORVM ECCLESIAE DEI  
*signorum partitio.*

CAPVT PRIMVM.



Ntequàm signa & indicia  
Ecclesiæ Dei explicamus,  
operæpretium existima-  
uimus, vt tota res recto  
modo & ordine proce-  
dat, ex doctissimorum virorum præ-  
ceptis & doctrina, ipsorum signorū  
atque notarum distinctionem, pri-  
mò paucis repetere: est autem hæc: a-  
lia quidem signa esse, quæ necessariò  
rem commonstrant; & quasi ex alte-  
ra parte negotio respōdent: τεκμήρια,  
hæc Græci quasi finem causæ impo-  
nentia vocāt: τεκμαρ enim veteribus,  
Aristotele teste, finis atque conclusio  
dice-

*Arist. libr. 1.  
ad Theode-  
m cap. 2.*

dicebatur: alia verò non necessaria, quæ idem Græci *συμεία* appellare solent, quæ & si singula rem non demonstrât; multa tamē simul veluti in vnū cuneum collecta & conferta vincūt, ac tanquā certa vestigia quædam, ad ipsam nos rem deducunt. Primum genus signorum atque notarum, quibus Ecclesia Dei designatur, ac circūscribitur, ipsum sacrum cōtinet Symbolum, atque explicat. Secundum genus sparsim iam ex his, iam ex alijs sacre scripturæ locis, sanctisque Patribus, reque adeò ipsa colligitur, vtrūque igitur summa breuitate, & facilitate Deo duce persequamur.

*EA SIGNA QUAE IN SACRO Symbolo continentur, veras Ecclesie Dei notas esse.*

CAPVT II.

**P**rimum igitur genus signorum, in ipsis primis & summis religionis nostræ principijs, et fundamentis, duodecim inquam fidei nostræ articulis continetur: in ve-

G                      ro in-

ro inquã illo & incorrupto fidei Chri-  
 stianæ compendio: in diuina, sanctif-  
 simaq; per orbem terrarum fusi po-  
 puli Christiani tessera: in ipso certissi-  
 mo fidei Christianæ limite, totiusque  
 vetustatis amplissimo deposito, sacro  
 inquam symbolo. Quod pòst vnus  
 Trini Dei confessionem, redemptio-  
 nisq; nostræ œconomiam, Ecclesiam  
 salutis nostræ tutissimum portū, no-  
 bis itidem credendum proponit, no-  
 tasque ipsius & insignia, vt quæ, qua-  
 lis sit, cognosci, à falsisq; & fucatis Ec-  
 clesijs distingui possit, diuinitus ex-  
 plicat. Vt non satis sit, nos qualem-  
 cunq; Ecclesiam credere, sed eã ipsam  
 qualis ab ipsis Apostolis, Apostolicis-  
 que viris, illisq; hominibus, qui à Spi-  
 ritu sancto acti & edocti sunt, nobis  
 credenda proponitur: neue quisq; ad  
 arbitrium suum Regni Christi notas  
 atq; limites sibi fingat: sed intra eos fi-  
 nes ac metas, quas nobis maiores no-  
 stri posuerunt, se cõtineat. Quod qui-  
 dem symbolū, cùm maior pars isto-  
 rum nobiscum cõmuniter profitea-  
 tur, in suisq; congregationibus decan-  
 tent;

rent; improba tamen cupiditate victi & obcœcati, seipſos exaudire, atq; intelligere non poſſunt: aliam videlicet ſe Eccleſiam in ſumma fidei nobiſcū profiteri, & aliam quærere; vt vel ex ore ſuo rectè cum illo nequam ſeruo in hac parte condemnentur? quòd vnam Sanctam, Catholicam, & Apoſtolicam Eccleſiam profeſſi, Lutherū, Philippum, vel Zvvinglium, aut Caluinum quempiam potiùs ſequātur. Verùm, cū eas notas, quæ in ſacro ſunt ſymbolo, Eccleſijs ſuis, ita vt diximus; conuenire nullo pacto poſſe, priuata conſcientia iudicaſſent; alias neceſſariò ſibi quærēdas eſſe exiſtimarunt. Cumq; ad omnia, modò ſtultos ſuos ſenſus ſanent ac obtineant, negāda ſint parati, erroremq; vnum altero ſemper deteriore tueantur, negant itidem hæc, vt notas & inſignia Eccleſiæ, in ſacro Symbolo poſita eſſe: neque tamen cauſas, cur id negent, adferunt. Nam fruſtrà & ſuperfluè, in eo præfertim compendio, quod breuiſſimū Eccleſia eſſe voluit, inſertas eſſe, ſtultū eſt vel ſuſpicari. Ornatus, inquiūt,

causa. At quid ineptius est, quam in  
 formula fidei Rhetorum ornamenta  
 quærere? Augendæ orationis gratia.  
 Et illud igitur; Deum verum de Deo  
 vero, lumen de lumine, genitum nõ  
 factum, consubstantialem Patri, &c.  
 eodem modo augendæ orationis cau-  
 sa positum esse credendum erit. De-  
 clarandæ, dicent, & explicandæ rei  
 causa. Atque hoc est, quod quæri-  
 mus. Signis enim & notis res declarã-  
 tur, atque indicantur. Germanæ igitur  
 notæ, germana insignia, hæc ipsa  
 veræ Ecclesiæ erunt: quibus qui detra-  
 hit, aliaque signa quærit; hic idem om-  
 nibus illis, quæ in symbolo prius posi-  
 ta sunt, præiudicet oportet: quod qui-  
 dem iam pridem faciunt: ideoque ru-  
 it alto de culmine Troia. Quæ igitur  
 sunt ista signa, & qualia, aut quem sē-  
 sum habent? Illa inquam, vt illa sit ve-  
 ra Ecclesia, quæ est vna, sancta, Catho-  
 lica, & Apostolica. Hæc enim talia  
 sunt, vt & notissima omnibus sint, &  
 re ipsa, quam commonstrant, magis  
 clara, & quæ ad aliam rem designan-  
 dam transferri nullo modo possint:

illam.

illamque necessariò commoſtrant. Palam item poſita & illuſtria, vt nulli, qui modò aliquid ſenſus & rationis habeat, obſcura eſſe poſſint. Quis enim vnitatem Eccleſiæ non cernat? quis conſtantiſſimam ſanctitatem non animaduertat? quis vniuerſalitatem, vt ita dicam, quis æternam & perpetuam ſucceſſionem vel oculis ipsis non videat? Quæ omnia ex quibus ſõtibus ſint hauſta, & quam vim & ſenſum habeant, paucis explicemus.

*PRIMA EX SACRO SYM-  
bolo nota explicatur: eam veram Ec-  
cleſiam, qua ſit vna.*

*CAPVT III.*

**P**Rima igitur in ſacro ſym-  
bolo nota veræ Eccleſiæ  
illa eſt, vt ſit vna: idque  
primò ex ipſo verbo dei,  
ſacraque ſcriptura, clarũ  
eſt: *Vna eſt columba mea, inquit Scriptu-  
ra, perfecta mea, vna eſt matri ſuæ, electa  
genitrici ſuæ, viderunt eam filia, et beatiſ-  
ſimam predicauerunt, regina & concubi-*



Ioan. 15.

Ioan. 17.

na, laudauerunt eam. In hoc cognoscent, vos, dicit ipse Dominus, quia discipuli mei estis, si dilectionem inter vos seruaaueritis. Pater sancte, serua eos in nomine tuo quos dedisti mihi, ut sint unū, sicut & nos. Cū essem cum eis, ego seruabam eos in nomine tuo. Quos dedisti mihi, ego custodiui: & nemo ex eis perijt, nisi filius perditionis: ut scriptura impleatur. Non pro eis autē rogo tantum, sed & pro eis, qui credituri sunt per verbum eorum in me: ut omnes unum sint, sicut & tu pater in me, & ego in te: ut ipsi in nobis unum sint: ut credat mundus, quia tu me misisti. Et ego claritatem quam tu dedisti mihi, dedi eis, ut sint unum, sicut & nos unum sumus. Ego in eis, & tu in me: ut sint consummati in unum, & cognoscat mundus, quia tu me misisti, & dilexisti eos, sicut & me dilexisti. Pater, quos dedisti mihi, volo ut ubi sum ego, & illi sint mecum: ut videant claritatem meam, quam dedisti mihi, quia dilexisti me ante constitutionem mundi. Pater iuste, mundus te non cognouit. Ego autem te cognoui: & hi cognouerunt, quia tu me misisti. Et notum feci eis nomen tuum,

tuum, & notum faciam, ut dilectio qua dilexisti me, in ipsis sit, & ego in ipsis. Regnum Christi, regnum omnium seculorum est. Omne autem regnum multiplex, & in se diuisum, desolari, idem Saluator docet: *Monogamus*, inquit Hieronymus, *primus Adam, monogamus & Christus*. Hoc limite suam Ecclesiam à Valentini, Marcionis, ac reliquorum sui temporis hæreticorum sectis, primus distinxit Apostolorum successor Irenæus.

*Psalm. 144.  
Matth. 12.*

*Lib. 1. cap. 1.*

Cum, inquit, hanc prædicationem acceperit, & hanc fidem, quemadmodum prædiximus Ecclesiam, & quidem in uniuersum mundum disseminata, diligenter custodit, quasi unam domum inhabitans, & similiter credit ijs, videlicet, quasi unam animam habens, & unum cor, & consonanter hæc prædicat, & docet, & tradit, quasi unum possidens os. Nam etsi in mundo loquela dissimiles sunt, sed tamen virtus traditionis una, & eadem est. Et neque hæc in Hiberis sunt, neque hæc, quæ in Celtis, neque hæc, quæ in Oriente, neque hæc, quæ in Aegypto, neque hæc, quæ in Libia, neque hæc,

ha, quæ in medio mundi sunt constituta; sed sicut Sol creatura Dei in vniuerso mundo vnus & idem est; sic & lumen prædicationis veritatis vbique lucet, & illuminat omnes homines, qui volunt ad cognitionem veritatis venire. Et neque qui valde præualet in sermone, ex ijs qui præsunt Ecclesijs, alia quàm hæc sunt, dicet. Nemo enim super magistrum est: neque infirmus in dicendo deminorabit traditionem. Cùm enim vna & eadem fides sit; neque is qui multum de ea potest dicere ampliat, neque is, qui minus deminorat. Idem Diuus Cyprianus sentit. Ecclesia vna est, quæ in multitudinem latius incremento fecunditatis extenditur, quomodo Solis multi radij, sed lumen vnum; & rami arboris multi, sed robur vnum tenaci radice fundatū. Et cum de fonte vno riuus plurimi defluunt, numerositas licet diffusa videatur, vnitatis tamen seruetur in origine. Auelle radium Solis à corpore, diuisionem lucis vnitatis non capit. A fonte præcide riuum; præcisus arefcet. Sic & Ecclesia Domini luce perfusa, per orbem totum radios suos porrigit; vnum tamen lumen est, quod vbiq; diffunditur, nec vnitatis corporis separatur,

De vnitatis ecclesie, & li. 1  
Epist. 8. & in alijs infinitis locis.

tur, &c. Vtitur hoc eodem signo Ter-  
tullianus. Itaque tot, inquit, & tanta Ec-  
clesia, una est illa ab Apostolis prima, ex  
qua omnes sic omnes prima, & omnes A-  
postolica, dum unam omnes probant uni-  
tatem, communicatio pacis, & appellatio  
fraternitatis, & contesseratio hospitalita-  
tis, qua cura, non alia ratio regit, quam e-  
iusdem Sacramenti una traditio: Nam  
Augustinum, Hieronymum, Am-  
brosium quid attinet proferre, cum  
Augustinus ipse integrum librum de  
vnitate Ecclesiæ conscripserit, eodem  
que modo alij, plurima de vnitate Ec-  
clesiæ ediderunt?

De prescripti-  
one aduersus  
hereticos.

Verùm cum isti, & hanc, & alias  
multis & varijs modis, & rationibus  
effugere ac eludere velint notas, hanc  
que vel in primis, omnem scilicet hæ-  
resim vnā esse, imò quicquid est, ea  
ratione, demum teste Aristotele esse,  
quia vnum sit; ideo quo sensu hoc lo-  
co vna accipienda sit Ecclesia paucis  
exponamus. Cùm igitur dicimus illā  
veram Ecclesiam esse, que vna sit, hoc  
ita intelligi volumus. Primùm, quæ  
semper vna & eadem sit: hoc autem  
G 5 est, ne

est, ne hoc quidem anno exoriatur, al-  
 tero autem occidat; ne nunc quidem  
 de his rebus illud sentiat & iudicet, al-  
 liud alias, & iterū aliud; sed ea demū  
 erit vna Ecclesia, quæ semper vna sit,  
 vnumq; & idem, de rebus ijsdem sem-  
 per senserit. Quæ, quos sensus à princi-  
 pio accepit, quibus à primis ducibus  
 & fundatoribus fidei suæ imbuta &  
 instituta sit, eosdem constanter cōser-  
 uet & tueatur: quæ non tanquam ve-  
 stes, sic opiniones mutet: quæ non tā-  
 quam ex hospitij in hospitia, sic ex sē-  
 tentijs in sententias transeat ac trans-  
 feratur: quæ more paruulorum non  
 fluctuet: quæ omni non circumfera-  
 tur vento doctrinæ: quæ & si profici-  
 at, & augmenta sua habeat; easdem ta-  
 men species rerum conseruet; vt quā-  
 uis in gramine, quamuis in herba,  
 quamuis in spica sit; vnum tamen &  
 idem frumentum semper permane-  
 at: non quæ triticum quidem à princi-  
 pio polliceatur, mox in lolium infe-  
 lix & steriles auenas exeat. Proficit il-  
 la quidem, vt dixi; sed ita tamen, vt ve-  
 rē profectus sit ille fidei, non permu-  
 tatio:

tio: vt quidem præclarè antè hos mille annos rem hanc totā explicat Vincentius Lirinen. *Siquidem ad profectū pertinet, vt in semetipsa vnaqueq; res amplificetur, ad permutationem vero, vt aliquid ex alio in aliud transuertatur. Crescat igitur oportet, & multum vehementerq; proficiat, tam singulorum, quàm omnium, tam vnius hominis, quàm totius Ecclesie atatum, ac seculorum gradibus, intelligentia, scientia, sapientia: sed in suo duntaxat genere, in eodem scilicet dogmate, eodem sensu, eademq; sententia. Imiteatur animarum religio rationem corporū, quæ licet annorum processu, numeros suos euoluant & explicent; eadem tamen quæ erant, permanent. Multum interest inter pueritiæ florem, & senectutis maturitatē, sed ijdem tamen ipsi fiunt senes, qui fuerant adolescentes: vt quamuis vnus eiusdemq; hominis status habitusq; mutetur, vnâ tamen nihilominus, eademq; natura, vnâ eademq; persona sit. Parua lactentium membra, magna iuuenum; eadem ipsa sunt tamen. Quod paruulorum artus, tot virorum: & si qua illa sunt, quæ aui maturioris atate pariuntur;*

tur; iam in seminis ratione presata, ut nihil nouum postea proferatur in semibus, quod non in pueris iam antea latitauerit. Unde non dubium est, hanc esse legitimam & rectam proficiendi regulam, hunc ratum atque pulcherrimum crescendi ordinem; si eas semper in grandioribus partes ac formas, numerus detexat et atis, quas in paruulis creatoris sapientia praeformauerat. Quod si humana species in aliquam deinceps non sui generis vertatur effigiem, aut certe addatur quippiam membrorum numero, vel detrahatur; necesse est ut totum corpus vel intercidat, vel prodigiosum fiat, vel certe debilitetur. Ita etiam Christiana religionis dogma, sequatur has decet profectuum leges; ut annis scilicet consolidetur, dilatetur tempore, sublimetur et aetate: incorruptum tamen illibatumque permaneat, & vniuersis partium suarum mensuris, cunctisque quasi membris ac sensibus proprijs plenum, atque perfectum sit: quod nihil praeterea permutationis admittat, nulla proprietatis dispendia, nullam sustineat definitionis varietatem. Exempli gratia: seuerunt maiores nostri antiquitus in hac Ecclesiastica segete triticeae fidei semina: iniquum

iniquum valde & incongruum est, ut nos eorum posteri pro germana veritate frumenti, subditivum Zizania, eligamus errorem. Quin potius hoc rectum & consequens est, ut primis atq; extremis sibimet non discrepantibus, de incrementis triticea institutionis, triticea quoque dogmatis frugem demetamus: ut cum aliquid ex illis seminum primitiis accessu temporis evoletur, & nunc letetur & excolatur, nihil tamē de germinis proprietate mutetur: addatur licet forma, species, distinctio; eadem tamen cuiusq; generis natura permaneat. Absit etenim, ut rosea illa Catholici sensus plantaria, in carduos spinasq; vertantur. Absit inquam, ut in isto spiritali paradyso, de cinnamomi & balsami surculis, Lolium repente atque aconita proveniant. Quodcunque igitur in hac Ecclesia, Dei agricultura, fide patrum satum est; idem filiorum industria decet excolatur, & observetur: hoc idem floreat & maturescat: hoc idem proficiat & perficiatur. Fas est etenim, ut prisca illa caelestis Philosophia dogmata processu temporis excurrantur, limentur, poliantur: Sed nefas est ut commutentur, nefas ut detruncantur, ut  
muti-



mutilentur, Accipiant licet euidentiā,  
 lucem, distinctionem; sed retineant necesse  
 est plenitudinem, integritatem, proprietatem.  
 Nam si semel admissa fuerit hæc im-  
 pia fraudis licentia, horreo dicere, quantum  
 excidenda atq; abolenda religionis pericu-  
 lum consequatur. Abdicata etenim quali-  
 bet parte Catholici dogmatis, alia quoque  
 atq; item alia, ac deinceps alia, et alia iam  
 quasi ex more & licito abdicabuntur. Por-  
 rò autem singulatim partibus repudiatis,  
 quid aliud ad extremum sequetur, nisi ut  
 totum pariter repudietur? Sed e contra, si  
 nouitia veteribus, extranea domesticis,  
 & prophana sacratis admisceri cœperint,  
 proserpat hic mos in vniuersum necesse est  
 ut nihil post hæc apud Ecclesiam relinqua-  
 tur intactum, nihil illibatum, nihil inte-  
 grum, nihil immaculatum; sed sit ibidem  
 deinceps impiorum ac turpium errorum lu-  
 panar, ubi erat ante, casta & incorrupta  
 sacrarium veritatis. Sed auertat hoc à suo  
 rum mentibus nefas diuina pietas, sit q; hic  
 potius impiorum furor. Christi verò Eccle-  
 sia, sedula & cautâ depositorum apud se  
 dogmatum custos, nihil in ijs vnquam per-  
 mutat, nihil minuit, nihil addit: non am-  
 putat necessaria, non apponit superflua, nõ

amittit sua, non usurpat aliena; sed omni industria hoc unum studet, ut vetera fideliter sapienterque tractando, si qua sunt illa antiquitus informata & inchoata, accuret & poliat: si qua iam expressa et enucleata, consolidet, firmet: si qua iam confirmata & definita, custodiat. Denique quid unquam aliud Conciliorum decretis emissa est, nisi, ut, quod antea simpliciter credebatur, hoc idem postea diligentius crederetur? quod antea lentius predicabatur, hoc idem postea instantius predicaretur? quod antea securius colebatur, hoc idem postea sollicitius excoleretur? Hoc, inquam, semper, neque quicquam praeterea, haereticorum novitatibus excitata, Conciliorum suorum decretis Catholica perfecit Ecclesia, nisi, ut quod prius à maioribus sola traditione susceperat, hoc deinde posteris etiam, per scripturae chirographum consignaret, magnam rerum summam paucis literis comprehendendo, & plerumque propter intelligentiae lucem, non novum fidei sensum, novae appellationis proprietate signando. Haec hucusque Lirinensis. Crescat igitur & proficiat Ecclesia, oportet: non tamen in aliam desinat, non seipsam destruat, &

at, & more viperarum conficiat: quæ nihil pugnans, nihil aduersum illis rebus, quas in primis suis initijs docuit ac tradidit, tradat aut doceat: cuius testimonij contra illam ipsam vti nemo possit: quæ denique pro pisce serpentem, pro pane lapidem, pro ouo scorpionem non porrigat. Vna igitur erit, si semper vna & eadem non nomine tantum, non natura, & numero hominum, sed sensu etiam & dogmate, iisdemque rerum speciebus omnibus existet. Verum cum vnitatis hæc atque concordia temporis nonnunquam & necessitatis causa, ex composito, & per syncretismum, vt verbo Demosthenis vtar, hoc autem est, per conpirationem, & qualemcunque cohærentiam consarciri possit. Sic enim, referente Staphilo, Melanchton dicere solebat: Vel, inquit, nunc inter nos temporis causa vtcunque componamus, pacemque faciamus. Qualem pacem & concordiam quondam inter Caipham, Pilatum & Herodem, ad interficiendum Christum, ad tempus compositam fuisse

le.

legimus : & qualem nunc quotannis inter se in suis synodis dicis causa, volunt consuere isti, nec tamen vnquã rectè possunt. Ideò non sufficit ad eã Ecclesiæ vnitatem constituendam, vt quomodocunque vna sit, sed etiam vt eius vnitatis in se causas & principia habeat, quas ipsa vnitas vi & natura sua, etiam si hac de re nihil cogites, etiam si syncretismos nullos comminiscaris, ipsa per se sequatur.

Sed quæ tandem istæ sunt huius vnitatis causæ, quæ principia? In omni quidem animante duæ sunt vnitatis præcipuè causæ, Anima inquam & Spiritus, si internas facultates spectes: caput autem, si exteriora membra, omniumq; facultatum atq; membrorum, ad hæc duo, debita subiectio & consensus; sine quibus duobus animal vnum, nequaquam cõsistere potest: quibus saluis & integris manentibus, vnitas eius perpetuò durat. Hęc igitur eadem vnitatis Ecclesiæ erunt principia: vnitas, inquam, animæ & spiritus, & vnitas capitis: quæ si habet, vna semper est; si non habet, sex-

H

cen-

centos licet nectas syncretismos, ex arena funiculos nectes, vna tamen nunquam erit.

Sed quæ tandem est hæc animæ atque spiritus vnitas? nō alia certè, quā vnus vniversalis atq; Catholicus sacræ Scripturæ sensus & interpretatio.

2. Corin. 3.

Docet hoc Paulus: *Litera, inquit, occidit, spiritus viuificat*: quasi diceret sensum & Spiritum Scripturæ, animam Ecclesiæ esse. Et alio loco: *Vnum corpus, & vnus spiritus*; sicut vocati estis in vna spe vocationis vestræ.

Ephes. 4.

Docet idem D. Petrus: *Hoc primum intelligentes*; quòd omnis prophetia scripturæ, propria interpretatione non fit. Non enim voluntate humana allata est aliquando prophetia, sed Spiritu sancto inspirati, locuti sunt sancti Dei homines.

2. Petr. 1.

Capitis porrò vnitas quæ non alia, quàm vnitas pastoris. Quis hoc docet? Christus Dominus: *Et erit vnum ouile, & vnus pastor*. Quis pastor? quis alius, nisi spontè cæcus & surdus esse velis, quàm ille, cui munus pascendi toties repetitis vicibus, *pasce oues meas, pasce agnos meos*, committitur; Petrus, inquam, eiusque successores?

Ioan. 10.

Quæ

Quæ coordinatio facultatum & membrorum? nisi obedientia & subiectio ad sensum communem scripturæ, & ad eum qui præest pastorem. *Obedite prepositis vestris, inquit Paulus, & subiaceate eis, ipsi enim peruigilant, quasi rationem pro animabus vestris reddituri.* Quæ igitur Ecclesia vnum Catholicum & vniuersalem omnium temporum atque locorum Scripturæ sequetur sensum, vnam interpretationem, quæ vnum habeat pastorem, quæ omnium facultatum atq; membrorum ad eum spiritum, ad hocq; ipsum caput conglutinationem & consensum; illa vera & propria vnitatis principia habeat, & ideò vna semper erit. Erit enim terra labij vnus, vnum erit multitudinis credentium cor, vna anima, vnū caput. In qua autem secta quot homines sunt tot sensus, tot erunt interpretationes scripturæ, quæ nullum communem, nullum Catholicum sequetur scripturæ sensum, quæ item nullum habeat vnum pastorem, nullam membrorum conglutinationem, hæc nunquam vna erit. Hæc hæresis potius

quàm Ecclesia dicetur: sic enim hæresim vetustissimus definit Tertull. *Hæreses dicta Græca voce ex interpretatione electionis, quæ quis siue ad instituendas, siue ad suscipiendas eas utitur. Ideò & sibi damnatum dixit hereticum, quia & in quo damnatur, sibi elegit. Nobis verò nihil ex nostro arbitrio indulgere licet, sed ne eligere quod aliquis de arbitrio suo induxerit. Apostolos Domini habemus auctores, qui nec ipsi quicquam ex suo arbitrio quod inducerent, elegerunt, sed acceptam à Christo disciplinam fideliter nationibus adsignauerunt. Docet hoc res ipsa, docet negotij natura, docet recta ratio, docent ea, quæ superius dicta sunt. Verùm ne sine certo autore hæc omnia loqui videamur, docet hoc idem illud sanctorum omnium, & Episcoporum, & Martyrum amplissimum lumen Beatissimus Martyr Cyprianus, quo neq; vetustior, neq; doctior, neq; sanctior quisquã esse potuit, aut nunc esse potest. Cuius illa est hac de tota re doctrina: *Videns inimicus idola derelicta, & per nimium credentium populum sedes suas ac templa deserta, excogitauit nouam**

Cyprianus in  
tractatu de  
simplicitate  
Prelatorum si-  
ue de unitate  
Ecclesie.

nouam

nouam fraudem, ut sub ipso Christiani no-  
 minis titulo fallat incautos. Hæreses in-  
 uenit & schismata, quibus subuerteret  
 fidem, veritatem corrumperet, scinderet  
 unitatem. Rapit de ipsa Ecclesia homines:  
 & dum sibi appropinquasse iam lumini, at  
 que euasisse seculi noctem videntur, alias  
 nescientibus tenebras rursus infundit, etc.  
 Hoc eo fit, fratres dilectissimi, dum ad ve-  
 ritatis originem nõ reditur, nec caput qua-  
 ritur, nec magistri cælestis doctrina serua-  
 tur. Quæ si quis consideret & examinet,  
 tractatu longo atq; argumentis opus non  
 est. Probatio est ad fidem facilis compendio  
 veritatis. Loquitur Dominus ad Petrum:  
 Ego tibi dico, inquit, quia tu es Petrus, &  
 super istam petram edificabo Ecclesiam meam,  
 & porta inferorum non vincunt eam. Tibi  
 dabo clauis regni cælorum: & quæ ligae-  
 ris super terram, erunt ligata & in cælis:  
 & quæcunque solueris super terram, e-  
 runt soluta & in cælis. Et eidem post resur-  
 rectionem suam dicit: Pasce oues meas.  
 Super illum unum edificat Ecclesiam su-  
 am, & illi pascendas mandat oues suas.  
 Et quamuis Apostolis omnibus post resur-  
 rectionem suam parem potestatem tribu-



at & dicat: Sicut misit me Pater, & ego mitto vos: accipite Spiritum sanctum: Si cui remiseritis peccata, remittentur illi: si cui tenueritis, tenebuntur: tamen ut unitatem manifestaret, unam cathedram constituit, & unitatis eiusdem originem ab uno incipientem, sua auctoritate disposuit. Hoc erant utique & ceteri Apostoli, quod fuit Petrus, pari consortio praeediti, & honoris, & potestatis, sed exordium ab unitate proficiscitur. Primatus Petro datur, ut una Christi Ecclesia, & cathedra una monstretur: & pastores sunt omnes, sed grex unus ostenditur, qui ab Apostolis omnibus unanimes consensione pascatur. Quam unam Ecclesiam etiam in Cantico Canticorum Spiritus sanctus ex persona Domini designat, & dicit: Una est columba mea, &c. Et in alio loco: Neque enim aliunde hereses oborta sunt, aut nata sunt schismata, quam inde, quod Sacerdoti Dei non obtemperatur: nec unus in Ecclesia ad tempus sacerdos, & ad tempus iudex vice Christi cogitatur, cui si secundum magisteria diuina obtemperaret fraternitas uniuersa, nemo aduersum sacerdotum collegium quicquam moueret: nemo post diuinum

num iudicium, post populi suffragium,  
 post Coepiscoporum consensum, iudicem se  
 iam non Episcopi, sed Dei faceret: nemo di-  
 scidio unitatis Christi Ecclesiam scinde-  
 ret, nemo sibi placens ac tumens seorsum  
 foris haresim nouam conderet. Ibidem:  
 Christi aduersarius & Ecclesia eius inimi-  
 cus ad hoc Ecclesia praepositum sua infesta-  
 tione persequitur, ut gubernatore subla-  
 to, atrocius atque violentius circa Ecclesia  
 naufragia grassetur. Et paulo post: Pe-  
 trus tamen super quem aedificata ab eodem  
 Domino fuerat Ecclesia, vnus pro omni-  
 bus loquens, & Ecclesia voce respondens,  
 ait: Domine ad quem ibimus? Verbum  
 vitae aeternae habes: & nos credimus &  
 cognouimus, quoniam tu es filius DEI vi-  
 ui: significans scilicet, & ostendens eos, qui  
 à CHRISTO recesserint, culpa sua pe-  
 rire: Ecclesiam tamen qua in Christum  
 credat, & qua semel id quod cognouerit  
 teneat, nunquam omnino ab eo discede-  
 re, & eos esse Ecclesiam, qui in do-  
 mo Dei permanent. Et multis interiectis:  
 Post ista adhuc insuper Pseudoepisco-  
 po sibi ab haeticis constituto, nauiga-  
 re audent, & ad Petri cathedram atque

ad Ecclesiam principalem, unde unitas sacerdotalis exorta est, à schismaticis & prophanis literas ferre, nec cogitare eos esse Romanos (quorum fides Apostolo predicante, laudata est, ad quos perfidia habere non possit accessum. Nec hac iacto, sed dolens profero, cum te iudicem Dei constituas & Christi, qui dicit ad Apostolos, ac per hoc ad omnes prepositos, qui Apostolis vicaria ordinatione succedunt: Qui audit vos, me audit: & qui me audit, audit eum qui me misit. Et qui reijcit vos, me reijcit, & eum qui me misit. Inde enim schismata & haereses oborta sunt & oriuntur, dum Episcopus qui unus est, & Ecclesiae praest, superba quorundam presumptione contemnitur: & homo dignatione Dei honoratus, indignus hominibus iudicatur. Et paulo post: Dominus quoque in Evangelio, cum eum loquentem discipuli dereliquerent, conuersus ad duodecim dixit: Nunquid & vos vultis ire? Respondit ei Petrus, dicens: Domine, ad quem imus? verbum vitae aeternae habes: & nos credimus & cognouimus, quoniam tu es filius DEI viui. Loquitur illic Petrus, super quem aedificata fuerat Ecclesia, Ecclesiae nomine,

do-

Et in Episto.  
69. ad Florē-  
tium siue  
Puppianā.

docens & ostendens, quia & si contumax  
 ac superba obaudire nolentium multitudo  
 discedat, Ecclesia tamen à Christo non re-  
 cedit: & illi sunt Ecclesia, plebs sacerdoti  
 adunata, & pastori suo grex adhaerens.  
 Vnde scire debes, Episcopum in Ecclesia  
 esse, & Ecclesiam in Episcopo: & si qui cū  
 Episcopo non sint, in Ecclesia non esse: &  
 frustra sibi blandiri eos, qui pacem cum sa-  
 cerdotibus Dei non habentes obrepunt, &  
 latenter apud quosdam communicare se  
 credunt: quando Ecclesia quæ Catholica  
 una est, scissa non sit, neque diuisa, sed  
 sit utique connexa, & coherentium sibi  
 inuicem sacerdotum glutino copulata.  
 Hæc Cyprianus:

Neque verò satis est, ad eam verā  
 vnitatem Ecclesiæ constituendam, vt  
 semper vna sit, eiusque vnitatis in se  
 causas & principia contineat, sed eti-  
 am oportet, vt vbique, & inter om-  
 nes, & in omnibus partibus mundi  
 sit vna: vt quocunque veneris, vnam  
 eandemque agnoscas, neque necesse  
 habeas quærere, cuius, & qualis sint  
 homines illi confessionis, ad quos  
 pertineant: vt non alio quidē modo

vxor, alio maritus, de religione senti-  
at: non dissimilis in vna sit domo, quā  
in alia deuotio: vt non alio modo in  
ijsdem ædibus in superiore cenaculo,  
alio in inferiore credatur & doceatur.  
Vt enim hæreses & schismata vni-  
us linguæ homines, ne seipsos eadem  
lingua loquentes intelligant, efficiūt;  
ita Spiritus Ecclesiæ Dei, homines di-  
uerſarum linguarum eundem habe-  
re sensum efficit: *Audiuimus illos, in-*

1 Cor. 2.

*quit scriptura, unusquisque lingua nostra  
loquentes magnalia Dei: vt illud sit qđ  
sancta sancte postulat Ecclesia. Veni,  
inquit, sancte Spiritus, reple tuorum cor-  
da fidelium, & tui amoris in eis ignem ac-  
cende, qui per diuersitatem linguarum cū-  
ctarū, gentes in vnitatem fidei congregasti.*

Verū quoniam obijciunt isti, in-  
ter Catholicos etiam non omnibus  
semper conuenire. Habent Orienta-  
les Ecclesiæ ritus suos, habent & occi-  
dentales: idē quibus in rebus eas ip-  
sas Ecclesias sibi consentire, vt suam  
conseruent vnitatem, satis sit, in qui-  
busq; rebus vnitatem ista consistat, expli-  
candum est, vt ita os istorum obstrua-  
tur

tur impudens, quo Turcicam perfidiam, similiter vnam semper esse dicere non erubescunt, eamq; cum Catholica Ecclesia comparare non verentur, Explicat autem earum rerum capita, ipse Doctor gentium Paulus. *Vnum corpus, & vnus spiritus: sicut & vocati estis in vna spe vocationis vestrae. Vnus dominus, vna fides, vnum baptisma, vnus Deus & pater omnium, qui super omnes et per omnia, & in omnibus nobis.* Ephes. 4.

Primum igitur caput eius vnitatis ponit Paulus, vt credatur vnus pater super omnia, hoc est, vt sit vna præcellæ diuinitatis confessio; vnus de vero Deo sensus, vt nō alij quidem vnum Deum, alij tres, alij nullum esse profiteantur.

Secundò, vt sit vnus Dominus, id est, vna de filio eius vnigenito fides, vt non ab alijs quidem verus Deus; ab alijs minor Deus, ab alijs instrumentum tantum & creatura, ab alijs purus quidam homo censeatur: & ab his quidem adorandus, ab alijs autem ne adorandus quidē prædicetur: hoc enim est Christum diuidere: qui autem

tem diuidit Christum, dicit Ioannes, Antichristus est.

Tertiò vna item sit fides, hoc est, vnum commune symbolum, vnaq; eius communis expositio ac interpretatio, ne necesse sit inquirere, quem quis fidei ducē sequatur, vt nō id qsq; credat, quod vult, & quantum vult, & quomodo vult; sed quod, & quantum, & quomodo illi vt credat primitus à maioribus suis præscriptum est, vt ille Canon Concilij Ephesini sanctè obseruetur. *Constituit sanctum Concilium, vt nemini liceat aliam fidem vel proferre, vel conscribere, vel componere, quam eam, qua præstituta ac perscripta est à sanctis Patribus, qui in Nicænorum vrbe, cum auxilio Spiritus sancti coacti fuerunt: Qui autem audeant aliam fidem, vel componere, vel producere, vel proferre, volentibus conuerti ad agnitionem veritatis; siue ex Gentilitate, siue ex Iudaismo, siue alia quacunque secta; vt hi si quidem Episcopi aut Clerici sint, isti ab Episcopatu, hi à clero remoueantur, ac prohibeantur: Sin autem laici sint, vt extrema detestatione & execratione percellantur.*

*zur.* Haftenus sancta synodus Ephesi-  
na. Quo quidem Canone docent san-  
cti Patres, post duo illa œcumenica  
Concilia, Nicænum, inquam, & Con-  
stantinopolitanum, fidem Christia-  
nam, ab Ephesina synodo ita conclu-  
sam & obfignatā esse; vt illi nihil am-  
pliùs à quoquam mortalium addi,  
aut adijcere liceat.

Quartò, vt vnum sit baptisma, hoc  
est, eadem Sacramenta, idemque co-  
rum numerus. Primùm enim & ma-  
ximè necessarium, & sine quo alia es-  
se non possunt, pro omnibus alijs po-  
situm est; vt non alij quidem duo, alij  
tria, quatuor alij Sacramenta esse pro-  
fiteantur; sed vnum & eundem nume-  
rum omnes vt non hi quidē in prima  
infantia, alij in decē annis, alij trigēta  
demum, alij nunquam baptizentur:  
& isti quidem in nomine Patris; & Fi-  
lij, & Spiritus sancti, alij autem in so-  
lius patris nomine; sed vt omnes co-  
dem modo, eodem ritu, eadem sem-  
per ratione expientur.

Vltimò, vt sit eadem spes vocatio-  
nis, hoc est, eadem fides immortali-  
tatis



tatis animarū , eadem post excessum  
 carum sedes & commoratio poena-  
 rum, item & præmij, cœli, & inferorū  
 spes atque idem sensus. Eodemq; mo-  
 do de medijs spei vocationis nostræ,  
 fide, inquam, iustificatione, meritis,  
 legibus, cerimonijs, magistratibus.  
 Ut non hi quidem cantando & psal-  
 lendo tantūm cœlo se potituros cre-  
 dant, alij autem per multas tribulati-  
 ones & angustias, eò properent atq;  
 contendant. In his igitur omnibus, si  
 vna est Ecclesia, non valdè laboran-  
 dum erit, si in quibusdam ritibus, vel  
 cerimonijs ei<sup>9</sup> sit aliqua varietas, quæ  
 ad ornatum potius & splendorem,  
 quàm ad diuisionem eius pertineat:  
 vt assistat regina à dextris regis circū-  
 amicta varietate.

*Psalm. 44.*

Verūm ampliùs non satis est vbiq;  
 vnā semper esse, eiusq; vnitatis cau-  
 sas & principia in se habere, aut in his  
 partibus, de quibus dictum est, con-  
 sentire; sed vltra illud postremo addē-  
 dum est, vt eo genere vnitatis sit vna,  
 quo sacræ præscripserunt & adumbra-  
 runt literæ. Neque enim vnitatis aut  
 aquæ,

aque, aut ignis, aliarumq; rerum, que  
 ex eiusdē generis partibus cōstant, vt  
 de rebus publicis dicere solebat Ari-  
 stoteles, vbi vnaquæque pars aque est  
 aqua, & vnaquæque pars ignis est ig-  
 nis, debet esse vna; sed vnitatem domus.  
 Est enim, inquit Paulus, Domus DE I1. Timoth. 3.  
 omnipotentis. Vnitatem ciuitatis, sic eEsaiæ 26.  
 nim vocatur, vrbs fortitudinis Sion,  
 Saluator in ea murus, & antemurale. Psal. 79:  
 Vnitatem vitis, de qua Dauid: *Deus vir-  
 tutum conuerte, & visita vitem istam.* V-  
 nitatem denique corporis, quam hoc  
 modo explicat Paulus: *Sicut enim in v-* Roman. 12.  
*no corpore multa mēbra habemus, omnia  
 autem mēbra non eundem actum habēt;  
 ita multi vnum corpus sumus in Christo,  
 singuli autem alter alterius mēbra, ha-  
 bentes autem donationes secundum grati-  
 am qua data est nobis, differentes: siue pro-  
 phetiam secundum rationem fidei, siue mi-  
 nisterium in ministrando, siue qui docet in  
 doctrina. Qui exhortatur in exhortando,  
 qui tribuit in simplicitate, qui præest in so-  
 licitudine, qui miseretur in hilaritate, di-  
 lectio sine simulatione, odientes malū, ad-  
 haren-*

1. Cor. 12.

rentes bono, charitatem fraternitatis inuicem diligentes, honore inuicem praeuenientes. Et idem alio loco: Sicut enim corpus unum est, & membra habet multa, omnia autem membra corporis, cum sint multa, unum tamen corpus sunt, ita & Christus. Etenim in vno spiritu omnes nos in unum corpus baptizati sumus, siue Iudaei, siue Gentiles, siue serui, siue liberi, & omnes in vno spiritu potati sumus: Nam & corpus non est unum membrum, sed multa: Si dixerit pes, quoniam non sum manus, non sum de corpore; num ideo non est de corpore? Et si dixerit auris, quoniam non sum oculus, non sum de corpore, num ideo non est de corpore? Si totum corpus oculus, ubi auditus? si totum auditus, ubi odoratus? Nunc autem posuit DEVS membra unumquodque eorum in corpore sicut voluit. Quod si essent omnia unum membrum, ubi corpus? Nunc autem multa quidem membra, unum autem corpus: Non potest autem dicere oculus manui, opera tua non indigeo: aut iterum caput pedibus, non estis mihi necessarij: sed multo magis, quae videntur membra corporis infirmiora esse, necessariora sunt. Et quae

puta-

putamus ignobiliora membra esse corporis; ijs honorem abundantio- rem circumdamus. Et quæ inhonestæ sunt nostræ, abundantio- rem honestatem habent. Honestæ autem nostræ nullius egent. Sed Deus temperavit corpus, & cui deerat, abundantiorem tribuendo honorem: ut non sit schisma in corpore, sed in idipsum pro invicem sollicita sint membra. Et si quid patitur unum membrum, cõpatiuntur omnia membra: siue gloriatur unum membrum, congaudent omnia membra. Vos autem estis corpus Christi, & membra de membro. Et quosdam quidem posuit Deus in Ecclesia, primùm Apostolos, secundo Prophetas, tertio Doctores, deinde virtutes, exinde gratias curationum opitulationes, gubernationes, genera linguarum, interpretationes sermonum. Nunquid omnes Apostoli? Nunquid omnes Prophetæ? Nunquid omnes Doctores? Nunquid omnes virtutes? Nunquid omnes gratiam habent curationum? Nunquid omnes linguis loquuntur? Nunquid omnes interpretantur? Emulamini autem charismata meliora: Et adhuc excellentiorem viam vobis demonstro. Quæ quidem D. Pauli ver-

ba illud docent, Ecclesiam quidem Dei vnam esse; ita tamen, vt neque ex vno membro, neque vno genere hominum constet: sed multiplicibus & varijs dignitatibus, ordinibus, magistratibus, functionibus, familijs denique sit distincta: nam neque domus vno pariete, neq; ciuitas vna domo, neq; vitis vno palmite cōstat, neque corp<sup>9</sup> humanum vno membro cōtinetur: quæ tamē omnia ita distincta, nō modò inter se non pugnant, non modò se non impediunt, sed potius mutuo præsidio, ornamento, & auxilio sibi esse solent: mutuamq; sibi operā præstant, quod ipse hunc in modum explicat Paul<sup>9</sup>. *Veritatem aut facientes in charitate, crescemus in illo per omnia, qui est caput Christus, ex quo totum corpus compactum & connexum per omnem iūcturam subministrationis corporis secundum operationem in mensuram vniuscuiusq; membri augmentum corporis facit in edificationē sui in charitate.* Fallūt igitur isti & fallūtur, qui aliquā diuisionem in Ecclesia esse dicunt, multasque religionum familias & classes

*Ephes. 4.*

numerant, dum varijs ordinibus & dignitatibus ac familijs eam distinctā esse cernunt: quorum vestium, panni potius quàm ipsæ inter se differunt. Hæc enim est illa vnitas corporis, vnitas domus, vnitas ciuitatis, vnitas vineæ, vnitas vitis, vna in radice varijs partibus distincta & ordinata: de qua Cyprianus: *Ecclesia vna est, quæ in multitudinē latius incrementō fecunditatis extenditur, quomodo solis multi radij, sed lumen vnū: & rami arboris multi, sed arbor vna, tenaci radice fundata: & cū de fonte vno riuu plurimi defluunt, numerositas licet diffusa videatur exundātis copia largitate: vnitas tamē seruetur in origine. Auelleradiū solis à corpore, diuisionem lucis vnitas nō capit: ab arbore frange ramum, fractus germinare nō poterit. à fonte præcide riuū, præcisus arefcet. Sic & Ecclesia Domini luce perfusa, per totum orbē radios suos porrigit, vnū tamen lumē est, qđ ubiq; diffunditur, nec vnitas corporis separatur: ramos suos in vniuersā terrā copia vbertatis extendit, pfluētes largiter riuos latius pādit. vnū tamen caput est, & origo vna, et vna mater, fecunditatis suc-*

De vnitate  
Ecclesiæ.

cessibus copiosa. Illius situ nascimur, illius lacte nutrimur, spiritu eius animamur. Adulterari nõ potest spõsa Christi, incorrupta est, & pudica: vnam domum nouit, vnius cubiculi sanctitatem casto pudore custodit. Hæc nos Deo seruat: hæc filios regno quos generauit assignat. Quisquis ab Ecclesia segregatus adultera iungitur, à promissis Ecclesia separatur, nec perueniet ad Christi premia: qui relinquit Ecclesiam, alienus est, prophanus est, hostis est. Habere iam non potest Deum patrem, qui Ecclesiam non habet matrem. Si potuit euadere quisquis extra arcam Noe fuit; Et qui extra Ecclesiam foris fuerit, euadit. Hæc Cyprianus.

Quæ igitur Ecclesia eo genere vnitatis ita erit vna, vt & semper ac sit vna, & principia ac causas vnitatis suæ in se habeat, & vbique in his capitibus coniungatur, quibus dictum est, & quæ eo genere vnitatis, quod dictum est, vna sit; illa vera erit sponsa Christi, Germana filia Regis. Quæ autem talis sit, hæcne nostra Catholica, an istorum sectæ; cuiusque iudicio æstimandum relinquo. Neque enim

nim aut in inuidiam quenquam vocare, aut cuiusquam iudicium labefactare, aut in alteram partem inclinare velim: hoc vnum affirmare possum, me aliquando horum sectas dissectas, ad certa genera reuocare voluisse, nec tamen in ea parte meam logicam tantum mihi sufficere potuisse, vt rem natura infinitam ratione finitam facerem. Pulchreque illud dictum esse à Christiano & Catholico principe, Georgio quōdam Saxonie Duce, commemoratur: Nam scire se quidem dicebat, quid hoc anno crederent vicini sui VVittembergenses; quid verò proximè in sequenti anno credituri essent, se nescire, quod subinde dogmata sua variarent. Neque verò singulis annis tantum isti mutantur, sed & in alijs locis alia sentiunt. Quantum isti apud nos pro impunitate religionis pugnent: quantum licentiam cuiq; vt velit credendi astruant: quot leges ac confœderationes iniustissimas cōtra maiorum suorum instituta, pro libidine errādi ferant, non ignoramus.



*Leges in An-  
glia contra  
Catholicos.*

*Leges pecu-  
niariae.*

Videamus obsecro, num in Anglia eadem libertatem bene sentiendi nostris hominibus dederint? num iisdem praesidijs eos communierint? num easdem leges de impunitate credendi tulerint? Duplices late sunt in Anglia de religione leges; aliae pecuniariae, Capitales aliae. Vtrasque videamus: ac cum istis nostris, num eadem sint, conferamus. Pecuniariae igitur illae sunt: Quicumque ad Ecclesias protestantium venire recusauerint, officij diuini (vt loquuntur) praestandi, aut auscultandi causa, si aetatem annorum sedecim excesserint, soluent quoquo mense, suae absentiae, libras Anglicas viginti: hoc est, aureos 66. qui autem soluendo non sunt, carceribus omnino detineantur, donec soluendi facultatem habeant. Leges reliquae hoc ordine sequuntur.

Qui conuictus fuerit audiuisse Missam, etiam si id secreto factum fuerit, patietur carceres per integrum annum, & tam diu postea, quousque persoluat 211. aureos. Sacerdos vero qui sacrum fecerit, non exhibit

car-

carcere, post expletum annum, nisi solutis aureis 422. atque hoc toties quoties fuerit in hoc genere ab eo peccatum.

Omnis vir Ecclesiasticus, qui non publicam fecerit religionis Romanæ detestationem, & auctoritatem Pontificis Romani palàm non abiurauerit; amittet omnia beneficia, omnēq; dignitatem quamcunque Ecclesiasticam.

Nullus scholaris, aut literarum studiosus habere poterit locum in Collegijs Academicis, aut ad vllum gradum literarium ascendere; nisi in ingressu ad illud Collegium, & in susceptione cuiusq; gradus, eiusdē Pontificis auctoritatem in causis Ecclesiasticis abiuret.

Nemo magistratum publicum gerat, aut vllum officium in republica retineat; nisi hanc ipsam summi Pontificis abiurationem, publicè præstiterit.

Pupillus ad perfectam ætatem perueniens, hæreditatem suam adire nō poterit, nec eiusdem vllis commo-

dis gaudere, nisi prius emisericit idem publicum iuramentum.

Quicumque infra dignitatem Baronis positi, vocati fuerint (vt non raro solēt) ad comitia publica, quę parlamentum appellantur (in quo summa libertas suffragiorum solebat esse) amittent omne ius suffragiorum: nisi velint publicē hanc abiurationem Pontificis præstare. Si cuiquam infra conditionem Baronis constituto, hæc abiuratio bis oblata fuerit, & ipse hanc eandem secundò recusa-uerit: amittet omnia bona & possessiones suas, & corpore condemnabitur ad perpetuos carceres.

Qui negauerit Reginam esse supremum caput Ecclesię Anglicanę in causis Ecclesiasticis; eadem poena plectetur amissionis bonorum omniū, & incarcerationis perpetuę.

Quicumque Agnos Dei, (vt vocant) rosaria, grana benedicta, medalias, crucifixos, aut aliam rem quamcunque benedictam à summo Pontifice, & in Angliam adductam, receperit, aut retinuerit; eandem poenam

pœnam sustinebit, amissionis bonorum omnium, & incarnationis perpetuæ.

Si quis pædagogum domi retinuerit, ad instruendos pueros, qui Ecclesias protestantium non frequentet, aut ab Episcopo Calviniano approbatus non fuerit; perdet ob eam causam 33. aureos singulis mēsis, quo usque illum eiecerit.

Si quis sciat aliquem, qui alterum reconciliauerit vnitati & communioni Ecclesiæ Romanæ, & si hunc reconciliatorem, aut illum alterum reconciliatum quouismodo iauerit, aut celauerit, ita vt infra spacium 20. dierum proximè sequentium, magistratui publico vtcunque non prodiderit; amittet omnia bona sua, tam mobilia, quàm immobilia, omnesque possessiones dum viuit, & de corpore suo statuetur ad arbitrium Reginae.

Qui nouerit aliquem procurasse alterius reconciliationem ad fidem Romanam, quamuis ipse nec reconciliauerit, nec reconciliatus sit, & si

hūc procuratorem quouismodo iuuerit, aut celauerit, aut non prodiderit magistratui, vt suprā; eiusdem poenæ condemnabitur.

Qui nouerit aliquem consiliū dedisse alicui, vt reconcilietur Romanę fidei, licet ipse hoc omninō non procurauerit; & si hunc consultorē quouismodo iuuerit, aut celauerit, aut non prodiderit, vt suprā; eidem poenæ fiet obnoxius.

Si quis sciat aliquem persuasisse, procurasse, aut consuluisse alicui, vt obediat Romano Pontifici in causis Ecclesiasticis, & si hunc tamen iuuerit, celauerit, aut nō prodiderit, vt suprā; eadem poena plectetur.

Qui cognouerit aliquem permisisse sibi persuaderi, vt obediat in Ecclesiasticis Romano Pōtifici, vel promississe (pro futuro tempore) quamcūq; ei obediētiam: & si hunc quouis modo iuuerit, aut celauerit, aut infra viginti dies non prodiderit, vt suprā; eandem poenam amissionis bonorum & possessionum omnium, & incarcerationis subibit.

Qui

Qui sciat sacerdotem aliquem absolutionem alteri dedisse, & hūc iuuerit aut celauerit, aut satis tēpore non prodiderit, vt suprā; ad eandem pœnam condemnabitur.

Si quis nouerit sacerdotem habere authoritatem absoluendi, quamuis eam non exercuerit, aut aliquem absoluerit: & si hunc iuuerit, aut celauerit, aut non prodiderit, vt suprā; eidem pœnæ subiacebit.

Qui sciuerit aliquē præferre, authoritatem habere absoluēdi, etiam si reuera non habeat, & hunc iuuerit, aut celauerit, aut non prodiderit, vt suprā; eadem pœna inuoluetur.

Si quis sciat aliquē esse ab altero absolutum, siue volens petierit illā absolutionem, siue sciens solūm permisit se absolui nō petentem, & hunc vllō modo adiuuauerit, aut celauerit, aut nō prodiderit, vt suprā; eiusdē pœnæ reus existimabitur.

Qui nouerit aliquem dissuasisse alteri religionem, quę nunc est publica in Anglia; hoc est Caluinismum) ea intentione, vt eum trahat ad obediēdum

dum Pontifici, & Romanę religioni: vel si sciuerit aliquem procurasse, vel suasisse, vt alteri sic dissuadeatur: & si hunc quouismodo iuuauerit, celaue- rit, vel nō prodiderit magistratui in- fra spacium 20. dierum, vt supra; ean- dem pœnam toties iam descriptam patietur, nimirum, vt amittat omnia quæ mortalibus hæc vita dare possit commoda.

*Leges capi-  
tales.*

Capitales autem illæ: Quicumque dixerit, scripserit, affirmauerit, vel vl- lo modo etiam per cifras significaue- rit, vel etiam rogatus, confessus fue- rit, Pontificem Romanum esse ca- put Ecclesię Anglicanę, vel vllam ha- bere ibi in causis Ecclesiasticis autho- ritatem, reus læsæ maiestatis existi- mabitur, & eadem prorsus pœna ple- ctetur, qua reipublicæ proditores ple- cti solent.

Qui ad Pontificem Romanum vl- la de causa appellauerit, & bullas, aut alia instrumenta ab illo obtinuerit, & in Angliam inuexerit, eidem læsæ maiestatis pœnæ subiacebit.

Si quis Agnos Dei (vt vocant rosa-  
ria,

ria, grana benedicta, medalias, crucifixos, aut quamcunque rem aliam à Pontifice Romano benedictam, in Angliam importauerit; criminis læsæ maiestatis reus erit.

Quicumq; infra dignitatem Baronis constituto, ter oblatum fuerit iuramentum, seu abiuratio contra Pontificis Romani auctoritatem, & pro suprema potestate Reginæ, in causis Ecclesiasticis, & si ille tertio iurare detrectet; eandem pœnam læsæ maiestatis sustinebit.

Qui vlllo modo dixerit, scripserit, significauerit, vel rogat<sup>9</sup> cõfessus fuerit, Reginam Angliæ hæreticam esse, aut schismaticam; eidem pœnæ læsæ maiestatis erit obnoxius.

Si quis aliquem Ecclesiæ Romanæ vnitati & communioni recõciliauerit, eandem pœnam læsæ maiestatis patietur.

Quicumque fuerit ab aliquo, sciens & volens, ad eandem vnitatem & cõmunionem reconciliatus; eandem pœnam sustinebit.

Qui procurauit alicuius reconciliatio-



ationem ad illam vnitatem & communionem; eiusdem poenæ reus erit.

Qui tantum consuluerit alicui, vt ad illam vnitatem & communionem reconcilietur, etiam si non procuret, eadem nihilominus plectetur poena.

Si quis alicui persuaserit, vt Pōtifici Romano, in causis Ecclesiasticis obediat, eodem crimine læsæ maiestatis condemnabitur.

Si quis permiserit sibi persuaderi, vt sic obediat: eiusdem criminis re<sup>9</sup> censebitur.

Si quis procurauerit vel cōsilium dederit, vt alicui sic persuadeatur, eādem poenam læsæ maiestatis subibit.

Si quis promiserit (pro futuro tempore) se aliquam obedientiā Romano Pontifici in causis Ecclesiasticis præstiturum, eandem læsæ maiestatis poenam sustinebit.

Si sacerdos aliquē ex Reginæ subditis absoluerit, crimen læsæ maiestatis censebitur.

Si quis habeat auctoritatem absoluedi in Anglia, licet nullum actu ab-

absoluerit, incurrit tamen læsæ maiestatis crimen.

Si quis præseferat habere huiusmodi auctoritatem absoluendi, etiam si non habeat, læsæ maiestatis reus existimabitur.

Si quis sciens ab altero absoluetur, siue ipse petierit absolutionem illā, siue absolui se permiserit non petentem: eandem pœnam læsæ maiestatis sustinebit.

Si quis procurauerit, ut aliquis absoluetur; eidem pœnæ fiet obnoxius.

Si quis consilium dederit, ut quis absoluetur, licet non procurauerit; eandem pœnam sustinebit.

Si quis vel procurauerit vel cōsulerit, ut quis absoluat, licet non ut aliquis in particulari absoluetur; eidem pœnæ subiacebit.

Si quis dissuaserit alicui religionē illā, quæ nūc publicè in Anglia tenetur, vel procurauerit ut dissuadeatur, ea intentione, ut ille cui dissuadeatur, ad obedientiam Romani Pontificis, & Romanæ fidei trahatur; reus erit etiam criminis læsæ maiestatis,  
& ea-

*Pœna atrox  
Catholicorū  
in Anglia.*

& eadem pœna plectetur, quæ illi crimini debetur. Quæ quidem pœna huiusmodi est. Primū, vt condemnatus, terraque protractus ad locum supplicij, in maiorem cruciatum semi strāguletur laqueo: deinde, vt redeunti ad se, amputentur virilia, & igne comburantur: tunc, vt cultro aperiatuſ venter, & erutis ilijs, etiam cor, & viscera spiranti adhuc, & reluctanti, manu carnificis euellantur, & in ignem iuxta positum proijciantur: denique vt elixus, & in partes dissectus, ad varias ciuitatis portas suspendatur. Bona autem sua & possessiones omnes ad fiscum tranſeant, nec eorum quicquam ad vxorem, liberos, aut consanguineos descendat; sed vt ipsi præterea, huius vnus ob causam æterna notentur ignominia, & omnis mortui posteritas degrade- tur sanguine. Hactenus Anglicanæ leges, quàm dissimiles ab his nostris, pro quibus isti assiduè dimicant, videtis.

Vbi est illa Christiana libertas? vbi illud: In cōscientias ius præter Deum habe-

habere neminem? vbi illud: Fidem donū Dei esse, ideò nulli eius nomine succēsendum? Vbi illud: Sinite zizania crescere vsq; ad messem, ne simul triticum cum zizania euellatur? *Matth. 13.*  
 O mentes vagas & inconstantes? nihilq; præter cruces & carnifices declinantes? hæc; illa est extrema plaga. *Osai 10:*  
 Diuisa sunt corda illorū, inquit scriptura, nunc interibunt. Concurrere *Isa. 19.*  
 inquit faciā Aegyptios aduersus Aegyptios. Sed de prima nota satis, sup- que; sed & apud nos facilè ad Anglicanas leges, mutata voluntate isti redirēt, si tantū viriū haberēt: nā & sine legibus quod exemplar in eos edant, in quos possunt, videmus.

*SECUNDAE NOTAE EXPLICATIO: illam veram Ecclesiam esse, quæ sit sancta.*

CAPVT IIII.

**S**ecunda igitur illa est ciuitatis Dei nota, eam veram Ecclesiam esse, quæ sancta sit. Vtitur hac nota primū

K sa-

Cant. 6.

sacra scriptura: *Quæ est ista, inquit Salomon, quæ progreditur, quasi aurora cõsurgens, pulchra ut luna, electa ut Sol, terribilis ut castrorũ acies ordinata? Cãtate,* inquit David, *Domino canticum novum, laus eius in Ecclesia sanctorum.*

Psal. 140.

*Viri, inquit Paulus, diligite uxores vestras, sicut & Christus dilexit Ecclesiam, & seipsum tradidit pro ea, ut illam sanctificaret, mundans eam lauacro aquæ in verbo vitæ, ut exhiberet ipse sibi gloriosam Ecclesiam, non hebentem maculam, aut rugam, aut aliquid huiusmodi, sed ut sit sancta & immaculata.* D. item

Ephes. 5.

Ioannes in sua Apocalypsi, eodem modo veram describit Ecclesiam. *Et ego Ioannes vidi sanctam civitatem Hierusalem novam descendentem de cælo, à Deo paratam, sicut sponsam ornatam viro suo. Vñ sunt eodem signo vetustissimi Patres: Iustinus, Tertullianus, Athenagoras, qui in Apologeticis suis hac nota cœtus suos, Deo dignas congregationes, veramque Ecclesiam esse docuerunt. Iuvat quasi ex ore omnium loquentem audire Tertullianum: At enim illud detri-*

Apoc. 21.

*mentum*

In Apologet.

cap.

*mentum*

*mentum*

mentum reipub. tam grande, quam verum, nemo circumspicit. Illam iniuriam civitatis nullus expendit, cum tot iusti impedinur, cum tot innocentes erogamur: vestros enim iam contestamur actus, qui quotidie iudicandis custodijs presidetis, qui sententijs elogia dispungitis, tot à vobis nocentes varijs criminum elogijs recensentur: quis illic sicarius? quis manticularius? quis sacrilegus? aut corruptor? aut lauantium prado? quis ex illis etiam talis Christianus ascribitur? aut cum Christiani suo titulo efferuntur, quis ex illis etiam talis, quales tot nocentes? De vestris semper aestuat carcer, de vestris semper metalla suspirant, de vestris semper bestiae saginantur, de vestris semper munerarij noxiorum greges pascunt. Nemo illic Christianus, nisi plane tantum Christianus: aut si & aliud, iam non Christianus. Nos ergo soli innocentes. Quid mirum, si necesse est? Enimvero necesse est, innocentiam à Deo edocti, & perfecte eam novimus, ut à perfecto magistro releuatam: & fideliter custodimus, ut ab incontentibili dispensatore mandatam. Vobis autem humana aestimatio innocentiam tra-

didit, humana item dominatio imperavit. Inde nec plena, nec adeo timenda estis disciplina ad innocentia veritatem. Tanta est prudentia hominis ad demonstrandum bonum, quanta auctoritas ad exigendum: tam illa falli facilis, quam ista contemni. Atque adeo quid plenius dicere, Non occides: an docere ne irascaris quidem? quid perfectius prohibere adulterium: an etiam ab oculis solitariam arcere concupiscentiam? quid eruditius, de maleficio; an de maleloquio interdiceret? quid instructius, iniuriam non permittere: an nec vicem iniuria sinere? dum tamen sciat ipsas quoque leges vestras, quae videntur ad innocentiam pergere, de divina lege, ut antiquioris formae mutatas. Haecenus Tertullianus. Verum cum non desint, qui ut superiorem notam, ita & hanc illo ipso modo effugere volunt, ut dicant eam demum esse Ecclesiam sanctam, in qua omnes sunt sancti, in qua, nemo peccet, qualem cum nullam reperiant, omnes contemnunt, ab omniumque iurisdictione se subtrahunt. Est enim nimis quoddam genus hominum callidum, quod, cum nul-

nulli parere velit, nulliq; cœtui se adiungere, sub nulli<sup>9</sup> leges aut iura abire; eam sibi configit Ecclesiã, quę nũquã sit, nec esse possit: vt suo arbitrio viuat, nulloq; religionis debito obligetur, nullum metuat, omniũ iura & iudicia effugiat, nulli subiectũ atque obnoxium sit. Quare quis sit itidẽ sensus hui<sup>9</sup> ipsi<sup>9</sup> notę, paucis explicem<sup>9</sup>.

Illam igitur Ecclesiam sanctam intelligimus, quę sit sancta in doctrina: sancta in morib<sup>9</sup>: sancta Maiestate & firmitate sua, inuictaq; robore ac stabilitate: vt inuicta & insuperabilis maneat semper.

Sancta in doctrina, id est, quę nulla ex antiquis & veteribus hæresib<sup>9</sup> doctrinam suam cõtaminauerit vnquã, non Ebionis, non Manichæi, nõ Marcionis, non Valentini, non Gnosticorum, non Eunomij, non Photini, nõ Arii, non Macedonij, non Sabellij, non aliorum errorem secuta sit. Hoc enim est quod Propheta prædixit:

*Ezech. 44.*

Vir pollutus, non transibit per illam; indeq; & si coniunx & spõsa sit, virgo tamen casta dicitur: quod ab omni



videlicet hæretica fornicatione & im-  
mundicia sit alienissima.

Secundò, quòd non solùm nulla  
se hæresi cõtaminauerit vnquam, sed  
ne principia quidem atq; fundamen-  
ta suæ doctrinæ talia habeat vlla, ex  
quibus hæresis exoriri aut pullulare  
possit. Quanquam enim Lutherana,  
aut Augustana secta, Ebionis, Arii,  
Macedonij, Apollinaris hæresim se-  
quuta esse nõ videtur; ea tamẽ habet  
doctrinæ suæ principia, ea fundamē-  
ta: quibus stantibus, nõ modò Arii, aut  
Macedonij hæresim in ea renasci, ac  
denuò germinare necesse sit; sed oēs  
alias quęcunq; aliquando orbem ve-  
xarūt Christianum. Qualia illa sunt:  
Nihil recipiendum esse præter ea, quę  
clare & expressè in sacris reperiuntur  
scripturis. Priuatum sensum cuiusq;  
in scripturæ interpretatione sequen-  
dum esse. Veterum Conciliorum at-  
que Synodorum paruum vel nullam  
habendam rationem: Sanctos Patres  
nullo præcipuo Spiritus sancti dono  
illustratos fuisse: libertatem de fide  
decernendi penes omnes equam per-  
ma-

manere magistratus spirituales, in fide atque moribus nullam coercendivim habere: omnes passim sacerdotes, Doctores, pastores existere, aliaque eius generis. Hæc enim talia sunt principia, tales radices, tales bases & fundamenta, in quibus tanquam in semine atque radicibus omnes hæreses continentur, nec prius renasci desinent, donec illa funditus extirpentur. Quas quidem in dies magis ac magis ex his hominibus oriri ac repullulare, non tam oculis videmus, quàm manibus ipsis contrectamus.

Postremò sancta est in doctrina: quòd omnem sanctitatem, vitæque innocentiam complexa sit: quòd virtutem, bonaque opera, omni ex parte commendet ac instillat: quòd ad spiritus & mentis puritatem omnia reuocet: quòd carni & sanguini non acquiescat, licentiæ & libidini fenestras non aperiat: in qua nihil crudele, nihil inhumanum, nihil enorme, nihil populare, nihil cum licentia coniunctum, docetur: quæ nihil fœdum & flagitiosum tradit: cuius lex

fit immaculata, conuertens animas,  
 sapientiam præstans paruulis: quæ  
 virtuti debitam mercedem non au-  
 fert: quæ iustum in omni opere bo-  
 no peccare non docet: quæ aliena iu-  
 stitia tanquam cornicula alienis plu-  
 mis non superbit: quæ claustra pu-  
 doris & virginitatis non soluit: quæ  
 ex desertis Eremitas non euocat: quæ  
 irritam primam fidem facere non  
 suadet: quæ venire ancillam, si no-  
 lit vxor, non iubet: quæ illud, Cres-  
 cite & multiplicamini, tam impor-  
 tunè non inculcat, vxores non mul-  
 tiplicat, sed castitatem suadet potius:  
 quæ necessitate nos malos esse non  
 docet: Deumque authorem omnis  
 mali esse non tradit: quæ liberum ar-  
 bitrium, quo homines sumus, & Dei  
 imaginem representamus, non inte-  
 rimit: quo sublato omnis virtutis,  
 honestatis, atque sanctitatis ratio ex-  
 tinguitur.

His ergo modis sancta in fide, san-  
 cta in doctrina, & est & dicitur. Sed  
 vltra hæc, sancta etiam in moribus,  
 primùm studio & conatu, quo om-

nes suos sanctos & perfectos sponso suo IESV Christo exhibere cōtendit; idque multis & varijs modis, rationibusque: legibus, inquam, & institutis sanctissimis, cæremonijs castissimis, disciplina seuerissima, doctrina integerrima, examine arctissimo, cōfessionib⁹ sacris, satisfactionib⁹, excōmunicationibus, amplissimis præmijs, seuerissimis pœnis, sanctorum exemplis, ieiunijs, paupertate, humicationib⁹, omniq; carnis mortificatione, & alijs infinitis virtutis, honestisque exercitijs. In quo conatu suo, cur nō proficiat semper, cur nō in omnibus finem suum cōsequatur, pulcherrimas ipsamet causas apud Salomonem reddit: *Fusca sum, inquit, sed* *can. 1.* *formosa*. Quæ causa mutati coloris? *In via, inquit, sum non in patria. Decolorauit me Sol: puluere conspersi sunt pedes mei.* Quæ alia causa? *Filij matris meæ pugnauerunt contra me*. Qui filij matris tuæ? falsi & ficti fratres, tepentes & ignaui Christiani, truces hæretici, qui, quam disciplinam ego intendero, illi soluunt, ac omni licen-

tia, ac libidini asylum apud se proponunt.

Verum non conatu tantum & studio, sed & re ipsa est sancta. Habet enim ex omni tribu & gente, & lingua, ordine & conditione sanctos & perfectos: de quibus D. Ioannes: *Ecce ego Ioannes vidi alterum Angelum ascendentem ab ortu Solis, habentem signum Dei vivi. Et clamavit voce magna quatuor Angelis, quibus datum est nocere terræ & mari, dicēs: Nolite nocere terræ & mari, neque arboribus: quoadusque signemus servos Dei nostri in frontibus eorum. Et audiui numerum signatorum, centum quadraginta quatuor millia signati, ex omni tribu filiorum Israel. Ex tribu Iuda, duodecim millia signati. Ex tribu Ruben, duodecim millia signati. Ex tribu Gad, duodecim millia signati. Ex tribu Aser, duodecim millia signati. Ex tribu Nephtalim, duodecim millia signati. Ex tribu Manasse, duodecim millia signati. Ex tribu Simeon, duodecim millia signati. Ex tribu Leui, duodecim millia signati. Et tribu Isachar, duodecim millia signati. Ex tribu Zabulō, duodecim millia signati. Ex tribu*

tribu Ioseph, duodecim millia signati. Ex tribu Benjamin, duodecim millia signati. Post hæc vidi turbam magnam, quam dinumerare nemo poterat, ex omnibus gentibus, & tribubus, & populis, & linguis, stantes ante thronū: & in conspectu agni, amicti stolis albis, & palma in manibus eorum: & clamabant voce magna, dicentes: Salus Deo nostro, qui sedet super thronum, & agno. De quib<sup>9</sup> item illud magnificè ipsamet canit. Te gloriosus Apostolorum chorus. Te Prophetarum laudabilis numerus. Te martyrum cādidatus laudat exercitus. Te per orbem terrarum sancta confitetur Ecclesia. Qui sanctitatis suæ, non ipsi soli, sed orbis vniuersus, sed vniuersa tempora testes fuerunt: qui non vulgi fallax iudicium, sed Deum ipsum, qui eorum virtutē & sanctitatem varijs signis & portentis in vita & in morte confirmavit, & testatam esse voluit, amplissimum testem & iudicem habuerunt. Non enim qui se ipsum commendat, ille probatus est; sed quem Deus cōmendat, dicit Paulus. Quorum probitatem & vitæ integritatē latere noluit:

quo-

2. Corinth. 1.

*Hebr. 12.*

quorum innocentie vindex & exor-  
nator exstitit semper: quorū ossa & ci-  
neres, ita vt vnū ex illis nō pereat nu-  
merauit. Neque verò hic meus est de  
hoc genere hominū sensus; sed Pauli  
ipsius, Ecclesiā in hunc modū descri-  
bentis: *Accessistis, inquit, ad Sion montē,  
ad ciuitatem Dei viuentis cœlestem Hie-  
rusalem, Ecclesiam primitiuorum, qui con-  
scripti sunt in cœlis, et spiritus iustorū per-  
fectorum.* Qui sunt autē isti iusti perfe-  
cti, quàm illi, de quibus diximus, San-  
cti inquam Apostoli, Martyres, Con-  
fessores, Doctores, Monachi, Virgi-  
nes, Viduæ, quos dinumerare nemo  
possit, ex omnibus populis, tribub⁹,  
& linguis, & quorum sanctitatem, ac  
vitæ innocentiam nulla vnquā mor-  
talis hominis oratio rectè explicare  
posset.

Sancta igitur est in fide sancta, in  
vita & moribus, sed sancta etiam ma-  
iestate, dignitate, ac inuicta quadam  
stabilitate & robore suo: cuius virtu-  
ti vniuersa mundi sapientia cessit: ad  
quam eloquentia orbis obmutuit:  
contra quam portę ipsę inferi, tot in-  
quam

quam hæreseō, & schismatum agmina præualere non potuerunt: quam nemo violare, nemo extinguere, nemo superare, ad extremum nemo lædere potuit vnquam: sub cuius iuga mundi potestas tota abiit. Talem siquidem depingunt Prophætæ: *David* Psal. 47:  
*in primis: Deus fundauit eam in æternum, non commouebitur. Fundamenta eius in montibus sanctis: diligit Dominus portas Sion super omnia tabernacula Iacob. Et: Fundasti eam super stabilitatem suam, non inclinabitur in seculum seculi.* Psal. 86.  
 Quæ apud eundem *Dauidem* Psal. 103.  
*gloriat: Sæpè expugnauerunt me à iuuentute mea, etenim nõ potuerunt mihi. Et Isaias: Vrbs fortitudinis tuæ filia Sion, saluator in ea murus & ædemirale.* Psal. 128.  
 Talem ipse *fundator* Isaia 26.  
*eius futuram prædixit Christus Dominus: Domum inquam supra petram positam, super quam descenderunt pluuię, & uenerunt flumina, & flauerunt venti, & non cecidit; fundamenta enim eius supra firmam petram. Cuius principibus & fundatoribus illud promittitur. Ego dabo* Matth. 7.  
*vobis os & sapientiam, cui non poterunt* Luc. 21.  
*resiste.*



Luc. 22.

*resistere, & contradicere omnes aduersarij vestri. Ego oravi pro te Petre, ut non deficiat fides tua.* Hanc aciem perumpere conati sunt pagani, omni suppliciorum genere, de pijs sumendo; conati sunt tyranni, libertatem eius eripiendo; conati sunt falsi fratres, charitatem extinguendo; conati sunt Iudæi, fidem illius impugnando; conati sunt schismatici, obedientiam tollendo, eiusque vnitatem scindendo; conati sunt hæretici, scripturas adulterando, veritatemque illarum obscurando, ac prauè eas interpretando. Vicit, fudit, fugauitque hæc omnia: vicit paganos, pro Christi fide vitam cum sanguine profundendo: vicit tyrannos in Deo suo spem ac fiduciam omnem collocando, ac pro persecutoribus suis exorando: vicit falsos fratres tolerando: vicit schismaticos ordinem retinendo, & vni<sup>9</sup> ductum sequendo; vt de illa rectè dici possit: Egressi sunt omnes filij Israel, & pugnaverunt pariter cōgregati quasi vir vnus: vicit Iudæos & hæreticos, verum scripturarum sensum ab illis non

non intellectum, ab his autem peruersè detortum aperiendo, nihilque illis vnquam concedendo. Omnibus autem his, à quibus oppugnabatur, vsa est potius ad profectos suos, & ad correctionem suam, quàm ad labefactionem vllam. *Gentibus quidem, utitur ad materiam operationis suae; haeticis ad probationem doctrinae suae; schismaticis ad documentum stabilitatis suae; Iudeis ad comparationem pulchritudinis suae:* Quod in figura quondam filijs Israel contigisse legimus, quos quantò magis opprimebant Aegyptij, tantò magis multiplicabantur illi & crescebāt. Vt verè dictum sit ab Augustino, eam oppugnari posse, expugnari non posse. Non enim emoritur, vt doctrina humana, neq; flaccessit, vt donum imbecillum; manet autem eiusmodi, vt prohiberi à nullo possit: inquit Clemens Alexandrinus: Est aurū bonum, quod cum vritur, detrimentum non sentit; sed magis fulgur eius augetur. Est vinea, quæ dum putatur, erigitur, & recisa non minuitur, sed augetur. Est palma,

De verareligione ca. 6.

Scr. 151.

Libr. 6. Sermonium.

In Psal. 118.  
Serm. 3.

palma, quæ pōdere eleuatur: dicebat Ambrosius: eam persecutionibus inflammari & ardere, sicut olim rubū Moyſi; verūm loquente in illa domino non consumari: scribit Hieronymus: Est palma contra pondus se erigens, est Adamas nulli malleo cedens. Quæ igitur Ecclesia hunc in modum, & in doctrina, & in morib⁹, & maiestate, & firmitate sua, ita vti dictum, erit sancta; illa vera Ecclesia proculdubid⁹, illa vera Regis Salomonis sponsa existet. Quæ autem talis sit, quisque iudicet, quisque pro sua statuatur conscientia: vbi enim res ipsa loquitur, verbis nihil op⁹ est. De istis hoc solū addam, eos primūm per hos totos annos asseruisse nihil, qd̄ antea ab aliquo damnato hæretico, assertum non fuerit. Bona opera mercedem iustitiæ & salutis non habere docuerunt isti: docuit hoc idem Cheryntus, atque Simon Magus, quem duabus epistolis refutat D. Ioannes, vna item sanctus Iacobus. Sanctos inuocādos esse, eorumque reliquias venerandas negauerunt: negauit hoc idem

idem Vigilantius, quem refutat D. Hieronymus. Sustulerunt purgatorium: hoc idem fecerunt Aëtrani, quos refellit Epiphanius. Christum in Sacramento Eucharistiæ contineri non posse dicunt: idem fecit Manichæus. Adorationem Sacramenti Eucharistiæ idololatriam esse dixerunt: hoc idem docuit Nestorius. Filium minorem patre tradere audent: tradit hoc antè illos Arrius. Hominem purum esse Christum blasphemāt: hoc idem fecit Ebion. Spiritum sanctum Deum esse negāt: negavit Macedonius. Perpetuam virginitatem matris Dei impugnarunt: impugnauit Eluidius. Imagines sustulerunt: fecerunt hoc idem Iconomachi. Matrimonium virginitati antetulerunt: æquauit Iouinianus: cærimonias accusarūt; accusauit Iouinianus, quē refutat D. Hiero. Romana quidem sedes habet hoc diuinitus sibi concessum priuilegium, vt ab omni hæretica labe fieret semp̄ alienissima, illique mirè restitit semper. Nam & in Hierosolymitano Patriarchatu, Euty chius, Irenæus, Hilarius

rius Ariani, & Ioannes Origenista Patriarchæ sederunt. In Anthiocheno, Paulus Samosatenus hæresiarcha, Petrus Gnaphæus, Eutychianus, Macharius Monhelita & alij. In Alexādrino Georgius & Lucius Arriani, Dioscorus, Eutychianus, Cyrus, Monothelita, & alij. In Constantinopolitano, Macedonius, Nestorius, Sergius hæresiarchæ, & plerique alij. Romanæ autem Ecclesiæ illa fuit perpetua gloria, de qua scribit Agatho Pontifex Maximus, in Epistola ad Constantinum Imperatorem, quæ in sexta Synodo Constantinopolitana, Act. 4. perlecta est, & postea octaua Act. ab omnibus approbata: Hæc est, inquit, veræ fidei regula, quam & in prosperis, & in aduersis viuaciter tenuit & defendit hæc Spiritualis mater, vestri tranquillissimi imperij Apostolica Christi Ecclesia, quæ per Dei omnipotentis gratiam, à tramite Apostolicæ traditionis nunquam errasse probabitur, nec hæreticis nouitatibus deprauata succubuit, sed vt ab exordio

dio fidei Christianæ percepit, ab authoribus suis Apostolorum CHRISTI Principibus, illibata finetenus permansit, secundum ipsius Domini Saluatoris diuinam pollicitationem, quam suorum discipulorum Principi in sacris Ecclesijs fatus est. Petre, Petre, inquit, Ecce Sathanas expetiuit vos, vt cribraret sicut triticum, ego autem rogavi pro te, vt non deficiat fides tua, & tu aliquando conuersus confirma fratres tuos. Consideret igitur vestra tranquilla Clementia, quoniam Dominus & Saluator omnium, cuius fides est, qui fidem Petri non defecturam promisit, confirmare eum fratres suos, admonuit, quod Apostolicos Pontifices meæ exiguitatis prædecessores fecisse, semper cunctis est agnitum.

Sic Nicolaus primus, in Epistola ad Michaellem: Priuilegia, inquit, istius Sedis perpetua sunt diuinitus radicata atque plantata, impingi possunt, transferri non possunt, quæ ante imperium vestrum fuerunt, permanēt Deo gratias hæctenus illibata,

manebuntque post nos, & quousque Christianum nomen prædicatum fuerit, illa subsistere non cessabunt. Ac paulò post: Nam & inter cætera is, per quem nobis præcipuè priuilegia ista sunt collata, tu aliquando conuersus, audiuit à Domino: Confirma fratres tuos. Quod idem vniuersi Orientis patres illi deferunt, Origenes, Cyrillus, præcipuè autem Theodoretus, cuius hæc verba sunt: Tenet, inquit, sancta ista sedes gubernacula regendarum cuncti orbis Ecclesiarum, cum propter alia, tum quia semper hæretici foetoris expers permanfit: Atq; ea causa fuit, cur Orientales Episcopi sanctiores in rebus fidei atque in persecutionibus, quas ab Impp. & à Græcis patiuntur, ad Romanos pontifices confugerunt: S. Athanasius ad Iuliū, S. Ioannes Chrysoftomus ad Innocentium Primum, Ignatius Tertius ad Nicolaum, Theodoretus ad Leonē, Maximus ad Martinum, & cæteri, quamobrem literis à Romanis Pontificibus acceptis, suas sedes recepere, & quanta esset à Christo successorib<sup>9</sup> Petri

*In Epistol. ad  
Renatū pres-  
byterum Ro-  
manum.*

Petri collata potestas, re ipsa mōstratum est. Hæc hæctenus.

Deinde morum disciplina, quæ istorum esse potest? cuius illa summa est: Non orare, non ieiunare, non se se macerare, non confiteri, non satisfactionibus peccata expiare, edere, bibere, dormire, ex clerico vxoratum esse, ex monacho coniugem. Ex qua disciplina, qui mores & studia sūt perfecta, audiant popularem suum, non valdè ab illis auersum, & qui bona vitæ suæ partem apud illos traduxit, virum alioqui magnum Erasmus Rotherodamum, qui inquit: *Circumspicite mihi sodalitatem istam Evangelicam, quot habet adulteros, quot temulentos, quot aleatores, quot decoctores, quot alijs vicijs infames? Et hos habent etiam in delicijs, tantum abest, ut vitent. Apostoli quò magis vacarent Euangelio, aut abstinabant ab vxoribus, quas ducere licebat, aut legitime ductas vertebant in sorores. Nunc floret Euangelium, quòd sacerdotes & monachi contra certè leges humanas, contra professionem suam ducunt vxores? condonetur hoc: Circumspice,* num ca-

*Eras. in epist. contra pseu-  
euangelicos.*



*stiora sint eorum coniugia, quàm aliorum, quos ducunt pro Ethnicis? agnoscis, opinor, quas fabellas tibi possim referre, si liberet. Iam an inter Euangelicos minus indulgetur libidini, an minus sit adulteriorum?*

*Quid Argentorati fiat, nescio: quid alibi compertum sit, mecum nouit populus. Iam ut donemus istis Euangelij præconibus esse fas uxores ducere; quis non admiretur, ouiculas maectationi destinatas, nihil in hoc mundo quærentes, præter Christi gloriam, tot curis districtos, tot afflictionibus obnoxios (quibus accedit & paupertas, onus cum miserum, tum graue) non posse viuere sine uxoribus? quas tamen multi ob leuiore causas, aut non ducunt, aut ductas nollent. At istis omnis tragædia exit in cathastrophen comicam. Vbi contingit uxor, occinitur, valet & plaudite. Quæ malum est ista tanta salacitas, quam tot mala non possunt excutere? unde tanta carnis rebellio in ijs, qui se iactant agi spiritu Christi? Dices: nihil tam fuit unquam felix in rebus humanis, quin malorū admixtu vitaretur: ad bonos verte oculos. Fieri potest, ut mea sit hæc infelicitas*

Lutheri doctrina sunt homines deteriores.

tas: mihi adhuc neminem contingit nosse, qui non videatur seipso factus deterior: Vos, inquit, strenuè clamatis in luxum sacerdotum, in ambitionem Episcoporum, in tyrannidem Romani pontificis, in garrulitatem Sophistarum, in preces, ieiunia, & missas; nec ista purgari vultis, sed tolli: nec omninò quicquam in receptis placet; sed zizaniam euellitis cum tritico; aut ut melius dicam, triticum euellitis pro zizania. At quid interim nobis profertis melius, & Euangelio dignius, ut ab assuetis recedamus? Circumspice populum istum Evangelicum, & observa, num minùs illic indulgeatur luxui, libidini, & pecunia; quàm faciunt hi, quos detestamini? Profer mihi, quem istud Euangelium ex comessatore sobrium, ex feroci mansuetum, ex rapaci liberalem, ex maledico benedicum, ex impudico reddiderit verecundum? Ego tibi multos ostendam, qui facti sunt seipsis deteriores. Et paulò post: Nunquam eorù Ecclesias sum ingressus, sed aliquando vidi redeuntes à concione, veluti malo spiritu afflatos, vultibus omnium iracundiam ac ferociam mirã præferentibus. Sic

opinor, discedunt milites à concione ducis ad prælium exhortati. Quis unquam vidit in eorum concionibus quenquam fundentem lachrymas, tundentem pectus, aut ingemiscentem? Et alio loco: At iste, inquit, populus tam Evangelicus, etiam Turcarum principi dicitur detestabilis, quem ait seditioni natum: quos subinde tumultus excitat? quoties quam leuibus de causis procurrit ad arma? ne suis quidē Ecclesiasticis satis obtemperans, nisi dicant blanda auribus: profligandi etiam, si liberius in vitam eorum inuehantur, aut ab opinione dissentiant. In initio tantū non Deus erat illis Lutherus, nunc ysdem prorsus delirat, quod nouum de Eucharistia dogma non recipiat. Nouam verò libertatem Evangelicam, impune facere, sentire quod cuique libitum est. Quod ne ipse quidem primus dux & magister eius disciplinæ dissimulauit. Res in medio est, nunc maiorem auaritiam, crudelitatem, libidinis audaciam, improbitatem esse; quam ante sub Papatu hæc fuerunt. Et alibi: \* Germaniam suam, post nouum Euangelium, tantum non obsessam videri à diabolo ait. Quid enim ab illo homine sanctum, quid

In Postil. mi  
nor. super Do  
minica 1. Ad  
uentus, pa. 1.  
\* In cap. 6.  
ad Galat.

\* In cap. 23.  
Gen pa. 327.

quid honestum, quid castum profici-  
 sci potuit; qui & ipse primam fidem  
 irritam fecit, damnationem sibi  
 acquirens, & alijs eius licentiæ vexil-  
 lum sustulit? Ita vt si cætera sua tueri  
 posset, hoc tamen nunquam obtine-  
 bat, vt se periurum non esse probare  
 possit. Quam autem non dissimiles  
 habuerint veteres hæretici mores, quã  
 nō dissimilia studia, vt putes eosdem  
 esse, vel ex iisdē natos, iuuat ex libro  
 Tertull. cognoscere. *Non omittã ipsius  
 etiã conuersationis hæreticæ descriptionē,  
 quã futilis, quã terrena, quã huma-  
 na sit, sine grauitate, sine auctoritate, si-  
 ne disciplina, vt fidei sua congruens. Inpri-  
 mis quis Catechumenus, quis fidelis, incer-  
 tum est: pariter audiunt, pariter orant:  
 etiam ethnici, si superuenerint, sanctum  
 canibus, & porcis margaritas, licet non ve-  
 ras, iactabunt. Simplicitatē volunt esse  
 post rationem disciplina, cuius penes nos cu-  
 ram lenocinium vocant. Pacem quoq; pas-  
 sim cum omnibus miscent. Nihil enim in-  
 terest illis, licet diuersa tractantibus, dum  
 ad vnius veritatis expugnationem conspi-  
 rent. Omnes tument, omnes scientiam pol-*

licentur. Ante sunt perfecti catechumeni,  
 quàm edocti. Ipse mulieres heretica quàm  
 procaces, quæ audeant docere, contendere,  
 exorcismos agere, curationes repromitte-  
 re, forsitan & tingere: Ordinationes eo-  
 rum temeraria, leues, inconstantes: nunc  
 neophytos cōlocant, nunc seculo obstrictos,  
 nunc apostatas nostros, ut gloria eos obli-  
 gent, quia veritate nō possunt. Nusquam  
 facilius proficitur, quàm in castris rebelli-  
 um, ubi ipsum esse illic, promereri est. Ita-  
 que alius hodie Episcopus, cras alius: hodie  
 Diaconus, qui cras Lector: hodie Presby-  
 ter, qui cras Laicus. Nam & laicis sacer-  
 dotalia munera iniungunt. Caterum, nec  
 suis presidibus reuerentiam nouerunt. Et  
 hoc est, quòd schismata apud hereticos fe-  
 rè non sunt: quia cum sint, nō parent schis-  
 mata. Est enim unitas ipsa. Mentior, si  
 non etiam à regulis suis variant inter se,  
 dum unusquisque proinde suo arbitrio  
 modulatur, quæ accepit: quemadmodum  
 de suo arbitrio ea composuit ille, qui tradi-  
 dit. Agnoscit naturam suam, & originis  
 suæ morem, profectus rei. Idem licuit Va-  
 lentinianis, quod Valentino: idem Mar-  
 cionitis, quod Marcioni, de arbitrio suo fi-  
 dem

dem innouare. Denique penitus inspecta  
 hareses omnes in multis cum authoribus  
 suis dissentientes deprehenduntur. Pleri-  
 que nec Ecclesias habent, sine matre, sine  
 Deo, orba fide, extores quasi sigillatè va-  
 gantur. Notata sunt etiam commercia hæ-  
 reticorum cum Magis quamplurimis, cum  
 circulatoribus, cum Astrologis, cum Philo-  
 sophis, curiositati scilicet deditis. Quærite,  
 & inuenietis, ubique meminerunt. Ad eò  
 & de genere conuersationis qualitas fidei  
 estimari potest: doctrinæ index disciplina  
 est. Negant Deum timendum. Itaque  
 libera sunt illis omnia & soluta. Vbi autè  
 Deus non timetur, nisi ubi non est? ubi  
 DEVS non est, nec veritas ulla est. Vbi  
 veritas nulla est, meritò & talis discipli-  
 na est. At ubi Deus, ibi metus in De-  
 um, qui est initium sapientie. Vbi metus  
 in Deum, ibi grauitas honesta, & diligen-  
 tia attonita, & cura sollicita, & adle-  
 ctio explorata, & communicatio delibe-  
 rata, & promissio emerita, & subiectio  
 religiosa, & apparitio deuota, & pres-  
 sio modesta, & Ecclesia unita, & DEI o-  
 mnia. Proinde hæc pressiora apud nos  
 testimonia disciplina ad probationem ve-  
 ritatis

*ritatis accedunt : à qua diuertere nemini  
 expedit, qui meminerit futuri iudicij : quo  
 omnes nos necesse est apud Christi tribu-  
 nal astare, reddentes rationem, in primis i-  
 psius fidei.* Picardi, atque Anabaptistæ  
 dices honesti sunt: si sunt, laudo: at cæ-  
 tera desunt. Nam & Encratitæ, Catha-  
 ri, Angelici, continentis fuisse legun-  
 tur: verùm cùm rectam fidem non  
 habuerint, quam vera vitæ integritas  
 sequitur, foedi extiterunt hæretici. Vi-  
 rum autem sanctum, qui integritatis  
 suæ cœlitus testimonium acceperit  
 aliquod, vel vnum demonstrent, qui  
 vel muscam sua deuotione & pietate  
 à mortuis excitauerit, & causam obti-  
 nebunt. An ne id quidem curant, vt  
 aliquos tales habeant? Nam de robo-  
 re & duratione quid ego dicam? cùm  
 nudius tertius exorti, eodem die mo-  
 re auicularum, quas ephimeras vo-  
 cant, occidant, & oriantur. Lutherus  
 certè primus huius tragœdiæ excita-  
 tor dogmati suo superuixit, idq; nul-  
 lo impugnante, nullo persequente, o-  
 mnibus autem fauentibus & applau-  
 dentibus, ac ad vexillum licentiæ quid  
 ere-

erexit effuso gradu concurrentibus.  
Res clara verbis non indiget.

*TERTIÆ NOTÆ EXPLI-  
catio: eam esse veram Ecclesiam,  
quæ sit Catholica.*

CAPVT V.



Erùm nos ad tertiam no-  
tam referamus, hæc au-  
tem est: Illam verè Eccle-  
siam esse, quæ Catholica  
sit, hoc autem est, per to-  
tum orbem terrarum, ac per omnia  
tempora fusa. Quam quidem notam  
maximè ex omnibus vniuersa sacra  
commendat atque celebrat Scriptu-  
ra: hac vniuersa antiquitas limites ve-  
ræ Ecclesiæ amplissimè contra om-  
nes hæreticos semper tutata est. Talis  
enim reuera Ecclesia quærenda est,  
qualis primis Patriarchis promissa  
est. qualem S. Prophetæ adumbrarūt:  
qualem CHRISTUS ipse eius fundator  
futuram esse prædixit. Primò igitur  
Abrahæ talis Ecclesiæ status promit-  
titur: *Benedicam, inquit, tibi, & multi-* Genes. 22.  
*plicabo*



*plicabo semen tuum, sicut stellas cæli, & veluti arenam quæ est in littore maris: possidebit semen tuum portas inimicorum tuorum: benedicentur in semine tuo omnes gentes terræ, quia obediisti voci meæ.*

Genes. 26.

Idem Isaaco pollicetur Deus: *Benedicentur in semine tuo omnes gentes terræ,*

Genes. 28.

*eo quòd obediuit Abraham voci meæ. Eodem modo Iacobo: Dilataberis ad orientem & occidentem, & septentrionem, & meridiem: & benedicentur in te, & semine tuo, omnes tribus terræ. Talem futuram prædixerunt Prophetæ omnes.*

Psalms. 71.

*Et dominabitur à mari usque ad mare, inquit Dauid, & à flumine usque ad terminos orbis terrarum, Et adorabunt eum omnes reges terræ, omnes gentes seruient ei. Et benedicentur in ipso omnes tribus terræ, omnes gentes magnificabunt eum, & replebitur maiestate eius omnis terra.*

Psalms. 2.

*Et in alio Psalmo. Postula à me, & dabo tibi gentes hereditatem tuam, & possessionem tuam terminos terræ. Et in alio.*

Psalms. 21.

Psalms. 18.

*Conuertentur ad dominum uniuersi fines terræ, & uniuersa familia gentium. Et: In omnem terram exiuit sonus eorum, & in fines orbis terræ verba eorum. Non sunt loque-*

loquela neque sermones, quorum non audi-  
antur voces eorum. Et item: Vineam de <sup>Psalm. 79.</sup>

Aegypto transtulisti: eiecisti gentes, & plā-  
tasti eam. Dux itineris fuisti in conspectu  
eius: & plantasti radices eius, & implevit  
terram. Operuit montes umbra eius, & ar-  
busta eius cedros Dei. Extendit palmites  
suos usq. ad mare: & usque ad flumen pro-  
pagines eius. Isaias nō tam adumbrat, <sup>Isaia 60.</sup>  
quā viuis quibusdam coloribus tā  
amplos & dilatatos eius fines depin-  
git: Tunc videbis, & afflues, & mirabi-  
tur, & dilatabitur cor tuum, quando con-  
uersa fuerit ad te multitudo maris, fortitus  
do gentium venerit tibi. Inundatio came-  
lorum operiet te, dromedarij Madian &  
Epha, Omnes de Saba venient, aurum &  
thus deferentes, & laudem Domino an-  
nunciantes. Omne pecus Cedar congrega-  
bitur tibi, arietes Nabaioth ministrabunt  
tibi. Offerentur super placabili altari  
meo, & domum maiestatis meae glorifica-  
bo. Qui sunt isti, qui ut nubes volant,  
& quasi columbae ad fenestras suas?  
Me enim in insula expectant, & naues  
maris in principio, ut adducam filios tu-  
os de longē. Argentum eorum, & au-  
rum

rum eorum cum eis, nomini domini DEI tui, & sancto Israël, quia glorificauit te. Et edificabunt filij peregrinorum muros tuos, & reges eorum ministrabunt tibi. In indignatione enim mea percussi te, & in reconciliatione mea misertus sum tui. Et aperientur porta tua iugiter, die ac nocte non claudentur, ut afferatur ad te fortitudo gentium, & Reges earum adducantur. Gens enim & regnum quod non seruiert tibi, peribit: & gentes solitudine vasta buntur. Gloria Libani ad te veniet, abies, & buxus, & pinus, simul ad ornandum locum sanctificationis mea, & locum pedum meorum glorificabo. Et venient ad te curui filij eorum qui humiliauerunt te, & adorabunt vestigia pedum tuorum omnes, qui detrahebant tibi, & vocabant te ciuitatem Domini Sion sancti Israël, pro eo, quod fuisti derelicta, & odio habitata, & non erat qui per te transiret, ponam te in superbiam seculorum, gaudium in generatione, & generationem, & suges lac gentium, & mamilla regum lactaberis. Et scies, quia ego Dominus saluans te, & redemptor tuus fortis Iacob. Pro aere afferam aurum, & pro ferro afferam argentum, & proli-

pro lignis as, & pro lapidibus ferram. Et ponam visitationem tuam pacem, & prepositos tuos iustitiam. Et alio loco: Lau- *Isai. 54.*  
 da sterilis quæ non parit, quoniam multi filij desertæ magis, quàm eius quæ habebat virum. Dilata locum tentoriij tui, & pelles tabernaculorum tuorum extende, semen enim tuum gentes hereditabit. Lapis apud *Dan. 2.*  
 Daniele excisus absque manibus, excrescit, fit in montem magnū, & replet vniuersam terram. Tumultua- *Michea 2.*  
 bit à multitudine gentium, inquit Micheas. Potestas eius à mari vsque ad mare, & à fluminibus vsque ad fines terræ, inquit *Zach. 9.*  
 Zacharias. Ab ortu solis vsque ad occasum, magnum est nomen meum in gentibus: & in omni loco sacrificatur & offertur nomini meo oblatio munda: quia magnum est nomen meum in gentibus, dicit Dominus exercituum, dicit *Malach. 1.*  
 Malachi. In illa die erit Dominus vnus, & erit nomen eius vnum, & reuertetur omnis terra vsque ad desertum, inquit Zacharias. Et omnes qui reliqui sunt de vniuersis gentibus, ascendent ab anno in annum, ut adorerent regem Dominum exercituum. Et hæc quidem Prophetæ prædixerunt.

M

Idem

Idem aut & Christus Dominus docuit:

Marc. 16.

*Euntes, inquit, in mundum uniuersum, predicare Euangelium omni creatura, &c. illi autem profecti predicauerunt ubique,*

Act. 1.

*&c. Item. Et eritis mihi testes in Hierusalem, & in omni Iudaea & Samaria, & usque ad ultimum terra. Et alio loco.*

Luc. 24.

*Oportuit Christum pati, & resurgere a mortuis tertia die, & predicari in nomine eius paenitentiam, & remissionem peccatorum in omnes gentes, incipientibus ab Hierosolyma. Et iterum. Amen amen dico vobis: oportet predicari hoc Euangelium in uniuerso mundo. Et omnem particularitatem excludens alio loco ad-*

Matth. 24.

*dit: Tunc si quis vobis dixerit: Ecce hic est Christus, aut illic, nolite credere. Surgent enim pseudochristi & pseudoprophetae, & dabunt signa magna & prodigia, ita ut in errorem inducantur, si fieri potest, etiam electi. Ecce praedixi vobis. Si ergo dixerint vobis. Ecce in deserto est, nolite exire: ecce in penetralibus, nolite credere. Sicut enim fulgur exit ab oriente, & paret usque in occidentem, ita erit & aduentus filij hominis. Vbicunque fuerit corpus, il-*

luc

luc congregabuntur & aquila. Et item:  
 Et mittet Angelos suos cum tuba, & voce  
 magna, & congregabunt electos eius à  
 quatuor ventis, à summis caelorum usque  
 ad terminos eorum. Et in Actis: Erant <sup>Act. 2.</sup>  
 autem in Hierusalem habitantes Iudaei vi-  
 ri religiosi ex omni natione qua sub caelo  
 est. Facta autem hac voce, conuenit multi-  
 tudo, & mente confusa est, quoniam au-  
 diebat unusquisque lingua sua illos lo-  
 quentes. Stupebant autem omnes, & mi-  
 rabantur dicentes: Nonne ecce omnes isti  
 qui loquuntur Galilaei sunt? Et quomodo  
 nos audiimus unusquisque linguam  
 nostram, in qua nati sumus? Parthi &  
 Medi, & Elamitae, & qui habitant  
 Mesopotamiam, Iudaeam & Cappadoci-  
 am, Pontum & Asiam, Phrygiam, &  
 Pamphyliam, Aegyptum & partes Li-  
 biae, quae est circa Cyrenen, & aduenae Ro-  
 mani, Iudaei quoque & Profelyti, Cretes  
 & Arabes, audiimus eos loquentes no-  
 stris linguis magnalia Dei. Stupebant au-  
 tem omnes, & mirabantur ad inuicem di-  
 centes: Quidnam hoc est?

Cur hoc loco ipsi Doctores omnium gentium linguis loquuntur, quã quod ad omnes gentes fidem prædicare debebãt? Quod signum, cùm euidentiſſimum ac certiffimum fit, & quo nullum ferè clariùs & illustriùs in sacris scripturis explicatur, & quòd vel ſolum ad faciendam fidem abundè ſufficit; nemo fuit inter veteres illos ſanctos Patres, qui veram ſpõſam Ieſu Chriſti hoc ipſo ſigno & nota ab falſis Eccleſijs non diſtinxerit, nemo qui huc non prouocauerit. Iuuat aliquos ex vetuſtioribus in mediũ proferre: nam omnium teſtimonia adſcribere, infinitæ prolixitatis negotium eſſet. Primus ferè omnium poſt Apoſtolorum tempora, qui cum hæreticis cõgreſſus eſt, Irenæus fuit. Hic eo ſigno hunc in modum ſui tempo-

Lib. 1. aduerſus hæreſes, cap. 2.

ris conuincit hæreticos. *Eccleſia, inquit, per vniuerſum orbem uſque ad fines terra ſeminata, & ab Apoſtolis, & à diſcipulis eorum accepit eam fidem, quæ eſt in vnum Deum patrem omnipotentem, qui fecit cælum & terram, mare, & omnia quæ in eis ſunt. Et in vnum Ieſum Chriſtum filium*

*filium Dei, incarnatum pro nostra salute:  
 Et in Spiritum sanctum, qui per Prophe-  
 tas predicauit dispositiones Dei & aduen-  
 tum, & eam, quæ est ex Virgine genera-  
 tionem, & passionem, & resurrectionem  
 à mortuis, & in carne in cælos ascensionem  
 dilecti Iesu Christi Domini nostri, & de  
 cælis in gloria patris aduentum eius ad re-  
 capitulanda vniuersa, & resuscitandam  
 omnem carnem humani generis: ut Chri-  
 sto Iesu Domino nostro, & Deo, & Salua-  
 tori, & regi, secundum placitum patris in-  
 uisibilis, omne genu curuetur, cælestium,  
 terrestrium, & infernorum, & omnis lin-  
 gua confiteatur ei, & iudicium iustum in  
 omnibus faciat. Spiritualia quidem nequi-  
 tia, & angelos transgressos, atque Aposta-  
 tas factos, & impios, & iniustos, & ini-  
 quos, & blasphemos homines in aeternum  
 ignem mittat: iustis autem & aequis, &  
 precepta eius seruantibus, & in dilectione  
 eius perseverantibus quibusdam quidem  
 ab initio, quibusdam autem ex penitentiâ,  
 vitam donans, incorruptelam loco mune-  
 ris conferat, & claritatem aeternam circū-  
 det. Hanc prædicationem cum acceperit, &  
 hanc fidem quemadmodum prædiximus,*



Ecclesia, & quidem in vniuersum mundū  
 disseminata diligenter custodit, quasi vnā  
 domum inhabitans, & similiter credit ijs,  
 videlicet quasi vnā animam habens, &  
 vnum cor, & consonanter hæc prædicat, et  
 docet, & tradit, quasi vnum possidens os.  
 Nā & si in mundo loquela dissimiles sunt,  
 sed tamen virtus traditionis vnā & eadē  
 est: Et neq; hæc, quæ in Germania sunt fun-  
 data a Ecclesia, aliter credūt, aut aliter tra-  
 dunt, neq; hæc, quæ in Hiberis sunt, neq; hæc,  
 quæ in Celtis, neq; hæc, quæ in oriente, neq;  
 hæc, quæ in Aegypto, neq; hæc, quæ in Libia,  
 neq; hæc quæ in medio mundi sunt constitu-  
 ta: sed sicut Sol creatura Dei in vniuerso  
 mundo vnus & idem est, sic & lumen præ-  
 dicatio veritatis vbiq; lucet, & illumi-  
 nat omnes homines, qui volunt ad cogniti-  
 onem veritatis venire. Et neque qui valde  
 præualet in sermone ex ijs, qui præsent  
 Ecclesijs, alia quā hæc sūt, dicet: nemo enim  
 super magistrum est: neq; infirmus in dice-  
 do deminorabit traditionem. Cum enim  
 vnā & eadem fides sit, neq; is, qui multum  
 de ea potest dicere ampliat, neq; is, qui mi-  
 nus, deminorat. Et de Ecclesiæ quidem  
 vniuersalitate hæc.

De istorum autem dissidijs, ac inconcinna paucitate illud: videamus, inquit, nunc & eorum inconstantem sententiam; cum sint duo vel tres, quemadmodum de eisdem non eadem dicunt, sed & nominibus, & rebus contraria respondent. Irenæum secutus est Tertull. qui eandem texit contra Iudæos Geographiam, in hunc modum: *In lib. contra Iudæos.*

Cui enim & alie gentes crediderunt, Parthi, Medi, Elamitæ, & qui inhabitant Mesopotamiam, Armeniam, Phrygiam, Cappadociam, & incolentes Pontum & Asiã, Pamphiliam immorantes Aegyptũ, & regionem Aphricæ, quæ est trãs Cyrenen, habitantes, Romani, & incole, tunc & in Hierusalẽ Iudæi, & ceteræ gentes, ut iam Getulorum varietates, & Maurorũ multi fines, Hispaniarum omnes termini, & Galliarum diuersæ nationes, & Britannorum inaccessa Romanis loca Christo vero subdita, & Sarmatarũ, & Dacorum, et Germanorum, & Scytharum, & abditarũ multarum gentium, & prouinciarũ, & insularũ multarum nobis ignotarum, & quæ enumerare minus possumus. In quibus omnibus locis Christi nomen, qui iam venit, reg-

*nat: utpotè ante quem omnium ciuitatum  
 porta sunt aperta, & cui nulla sunt clau-  
 sa, ante quem serae ferreae sunt comminu-  
 ta, & valuae aerea sunt aperta. Quanquã  
 & ista spiritaliter sint intelligenda, quo  
 præcordia singulorum varijs modis à dia-  
 bolo obsessa fide Christi sint reserata, at-  
 tamen perspicuè sunt adimpleta, utpotè in  
 quibus omnibus locis populus nominis chri-  
 stiani habitat. Quis enim omnibus regna-  
 re potuisset, nisi Christus Dei filius? qui o-  
 mnibus in æternum regnaturus nunciaba-  
 tur. Et de vniuersalitate quidem verè  
 Ecclesiæ hæc. De istorum autem orbi-  
 tate & pugnis illud. Mentior (ait Ter-  
 tullianus) si nõ etiam à regulis suis variat  
 inter se, dũ vnusquisq. prouide suo arbitrio  
 modulatur, q̃ accepit: quemadmodũ de suo  
 arbitrio ea composuit ille, qui tradidit. Ag-  
 noscit naturam suam, & originis suæ mo-  
 rem, profectus rei, idem licuit Valentini-  
 nis, quod Valentino, idem Marcionitis,  
 quod Marcioni, de arbitrio suo fidem in-  
 nouare. Et paulò superiùs: Vnde extra-  
 nei & inimici Apostolis hæretici, nisi ex-  
 dixerit ate doctrina, quam vnusquisque  
 de suo arbitrio aduersus Apostolos, aut pro-  
 tulit*

*Lib. de præ-  
 scriptione hæ-  
 reticorum.*

tulit, aut recepit? Illic igitur ad scripturarum & expositionum adulteratio deputanda est, ubi diuersitas inuenitur doctrinae.

Quid illud quàm magnificum Augustini testimonium? *Contra epist. fundamenti.* Ut omittam syccerrissimam sapientiam, multa sunt alia quae in Catholica Ecclesiae gremio me iustissime teneant. Tenet consensus populorum atque gentium, tenet auctoritas miraculis inchoata, spe nutrita, charitate aucta, vetustate firmata. Tenet ab ipsa sede Petri Apostoli, cui pascebas oves suas post resurrectionem Dominus commendauit, usque ad presentem Episcopatum successio sacerdotum. Tenet postremo ipsum Catholica nomen, quod non sine causa inter tam multas haereses sic ista Ecclesia sola obtinuit, ut cum omnes haeretici se Catholicos dici uelint, quaerenti tamen peregrino alicui, ubi ad Catholicam conueniatur, nullus haeticorum uel basilicam suam, uel domum audeat ostendere. Tenenda est nobis Christiana religio, & eius Ecclesiae communicatio, quae Catholica est, & Catholica nominatur, non solum à suis, uerum etiam ab omnibus inimicis. Velint enim nolint uel ipsi quoque haeretici, & schismatum alumni, quando

non cum suis, sed cum extraneis loquuntur, Catholicam nihil aliud, quam catholicam vocant. Non enim possunt intelligi, nisi hoc eam nomine discernant, quo ab uniuerso orbe nuncupatur. Quid Hieronymus? Breuem, inquit, tibi a pertamq, animi mei sententiam proferam. In illa esse Ecclesia permanendum, qua ab Apostolis fundata, usq, ad diem hanc durat: Sicubi audieris eos, qui dicuntur Christi, non à Domino Iesu Christo, sed à quoquam alio nuncupari, utputa Marcionitas, Valentiniānos, Montenses siue Campitas: scito non Ecclesiam Christi, sed Antichristi esse Synagogam. Ex hoc enim ipso, quod postea instituti sunt, eos se esse iudicant, quos futuros Apostolus praeiunxit. Et in alio loco: Stultum est eum paruo loco vel abscondito quaerere, qui totius mundi lumen est. Ecclesia porrò Catholica ibi est, ubi est fides Catholica. Fides autem Catholica ea est, qua per orbem uniuersum, iuxta Christi praecceptum, eadem semper annuntiatur: nec vel tempore, vel locis unquam variatur: à qua si quis dissentiat, is Catholicus non est, quod singularem quandam opinionem, non unam communem omnium fidem amplecti,

Aduersus Luciferianos.

Ad Damasum Papam.

*plecti videtur. Quid Pacianus? Christianus mihi nomen est, Catholicus verò cognomen: illud me nuncupat, istud ostendit: hoc probor, inde significor. Et si reddenda postremi Catholici vocabuli ratio est, & exprimenda de Græco interpretatione Romana: Catholicus ubiq; unum, vel ut doctiores putant, obedientia omnium nuncupatur mandatorum scilicet Dei. Ergò qui Catholicus, idem obediens: qui obediens, idem est Christianus, atque ita catholicus Christianus est. Quare ab heretico nomine noster populus hac appellatione diuiditur, cum Catholicus nuncupatur. Hactenus Patres.*

Verùm, quoniam hoc signum, quod illos tantoperè vrget, varijs interpretationib; similiter vt & superiora declinare solent: ideò paucis quid sit catholicum esse, explicemus. Cùm igitur Catholicam siue vniuersalem Ecclesiam dicimus, nō illud intelligim; quòd omnes homines, quicunq; ubique sunt, contineat, hoc enim nunquam futurū fuisse, figura designabat Regni Saul. Quem & si vniuersus Dei populus sequutus fuit, nō defuerunt

tamen

*Episto. prima  
ad Sympronianum  
Novati  
anum.*

*Catholicum  
esse quid?*

tamen filij Belial, qui recesserunt ab eo: de quibus illud scriptum est: *Et abiit cum eo pars exercitus, quorum tetigerat Deus corda. Filij verò Belial dixerunt: Num saluare nos poterit iste? Et despexerunt eum, & non attulerunt ei munera.*

Neque in eam sententiam Catholicã accepimus, quòd nulli Iudæi, nulli gẽtiles, hæretici nulli, qui eam ipsam ita vti dictum est exercent, eiusque stabilitatem ac firmitatem suis impressionibus demonstrent, exstare debuerint. Virtus enim in aduersis probatur, & vbi desunt certamina, desunt & coronæ. Itaque & Iudæi ad vesperam vsque, quando venerit plenitudo gentium conuertentur: & gentiũ vocatio ad extremum vsque iudicij diem continuari debuit. Quod in filiis Israel similiter adumbratum fuit, qui, & si terra promissionis potiti erant; reliquerat tamen Dominus Philistæos, Chananæos, & alios multos, qui populum illum erudirent, atque exercerent, rebusque secundis, aliquando insolentem, & elatum depri merent: de quibus gentibus scriptura inquit:

inquit: *Ha sunt gentes quas Dominus dereliquit, ut erudiret in eis Israël, & omnes, qui non nouerant bella Chanaanorum: & postea discerent filij eorum certare cum hostibus, & habere consuetudinem praeliandi.* Ne igitur Christiani aduersarijs carentes ( quod in concione habita de delenda Carthagine dixit aliquando apud Romanos Scipio Nasica ) otio torperent, vel in eadem fide tepescerent; pientissimus Deus, quò cautiùs uiueretur; hostes in medio eius dereliquit. Et Israelitis Aegypto egressis obstitit hostis in faciem, permansit in medio eorum semper. Similiter idem prudēs paterfamiliàs, permisit lupos circuire gregem Euangelicum, vineam vulpes suffodere, agros euertere: utque fides ex ipsa contentione haberet meritum, voluit in Ecclesia sua post prædicatum Euangelium, & fidē susceptam, ne vnquam deesset hereticus, qui illam vexaret. Neque deniq; ita Catholicam intelligimus, quòd nullæ hæreses, nulla schismata in ea ipsa futura sint: prædixit enim Paulus, *oportere hæreses esse, ut qui probati sunt,*

Iudic. 3.

1. Corin. 11.



*manifesti fiant.* Nam aliàs, vel hac ipsa  
 nota nihil opus esset, nisi inueniren-  
 tur alij, à quibus per eam ita, vt & per  
 alias distingueretur particulares cœ-  
 tus. Idque ipsum multis verbis Ter-  
 tullianus docet. *Conditio presentium tē-  
 porum (fratres) etiam hanc ammonitio-  
 nem prouocat nostram, non oportere nos  
 mirari super hæreses istas, siue quia sunt;  
 futura enim prænucciabantur: siue quia fi-  
 dem quorundam subuertunt; ad hoc enim  
 sunt: (1.) vt fides habēdo tentationem, ha-  
 beret etiam probationem. Vanè ergo & in-  
 consideratè plerique hoc ipso scandalizan-  
 tur, quòd tantum hæreses valeant (2.) quā-  
 tum (non valerent) si non fuissent: cum  
 quod sortitum est (vt) omnimodò sit, sicut  
 causam accepit, ob quā sit, sic vim cōsequitur  
 per quam sit: nec esse non possit. Febrem de-  
 nique inter ceteros mortiferos & crucia-  
 rios exitus erogando homini deputatam,  
 neque quia est miramur; est enim: neque  
 quia erogatur hominem, ad hoc enim est.  
 Proinde hæreses ad languorem & interitū  
 fidei productas, si expauescimus hoc eas pos-  
 se, prius est vt expauescamus hoc eas esse,  
 que*

que dum sunt, habent posse: & dum possunt  
 habent esse. Sed enim febrē ut malum, et  
 de causa, & de potentia sua, ut notū est, ab-  
 ominamur potius quā miramur, & quan-  
 tum in nobis est precauemus, (3.) non ha-  
 bētes abolitionem eius in nostra potestate,  
 Hereses verò mortem aeternam, et maioris  
 ignis ardorē inferentes, malum quidē mi-  
 rari, quod hoc possint, quā deuitare ne pos-  
 sint: cum habeant deuitandi potestatem.  
 Caterū nihil valebunt, si illas tantū va-  
 lere non mirentur. Aut enim dum miran-  
 tur, in scandalū ministratur: aut quia  
 scandalizantur, ideò mirantur, quod tan-  
 tum valeant, quasi ex aliqua veritate ve-  
 niāt. Mirum scilicet ut malum vires suas  
 habeat: nisi quod hereses apud eos multum  
 valēt, qui in fide non valent. Hęc Tertul.  
 Quam eandem totā causam pulcher-  
 rimè explicat D. August. qui vnus pro  
 omnibus istis in orbe Christiano va-  
 luit sēper, & meritò valere debet. In  
 quibus ergò gentibus nondum est Ecclesia,  
 oportet ut sit, non ut omnes qui ibi fuerint  
 credant: oēs enim gentes promissæ sunt, nō  
 omnes homines omnium gentium. Non. n.  
 omnium est fides. Credit itaq; omnis gēs in  
 omni.

De supremo  
 mundi die,  
 Epist. 80.  
 Tomo 2.

Matth. 24.

omnibus, qui electi sunt ante constitutionē mundi, in ceteris non credit, & credentes odit: quomodo enim & illud implebitur: Eritis odio omnibus gentibus propter nomen meum: nisi in omnibus gentibus sint, & qui oderint, & quos oderint? Quo pacto igitur ab Apostolis est predicatio ista completa, quando adhuc usque sunt gentes, quod certissimum est nobis, in quibus modo cœpit, & in quibus nondum cœpit, impleri?

Actor. 1.

Non itaque sic dictum est Apostolis: Eritis mihi testes in Hierusalem, & in tota Iudæa, & Samaria, & usque in extremum terræ, tanquam ipsi soli quibus tunc loquebatur, tantum munus fuerint impleturi: sed sicut eis solis videtur dixisse, quod dixit: Ecce ego vobiscum sum usque in consummationem seculi: quod tamen eum vniuersæ Ecclesiæ promississe, quæ alijs morientibus, alijs nascentibus, hic usque in seculi consummationem futura est, quis nō intelligat?

Matth. 28.

Cum igitur Catholicum dicimus, illud cum Vincentio Lirinense intelligimus, quod vbiq̄ue est, quod semper fuit, quæ inter omnes reperitur. In quorum primo est vniuersitas, in  
secun-

secundo antiquitas, in tertio consensus: vt illa sit Ecclesia Catholica, quæ vbiq; sit, hoc autem est, quæ non aut Geneæ, aut VVittembergæ, aut Romæ tantum colatur; sed quæ vbiq; terrarum ita inueniatur, vt nulla pars mundi existat, nulla prouincia, nulla natio, in qua eius aliquam portionem non reperiatur. Ita vt in alijs quidem partibus plura eius membra sint, in alijs pauciora, vbiq; tamen semen hoc benedictum sparsum crescat ac floreat. Tale enim illud est: *In Psal. 18. 21*  
*omnem terram exiuit sonus eorum, & in fines orbis terra verba eorum. Non sunt loquela neque sermones, quorum non audiantur voces eorum.* Et, omnes gentes quascunque fecisti, venient & adorabunt coram te Domine. Et in Apocalypsi: *Psal. 85.*  
*Redemisti nos Deus in sanguine tuo, ex omni tribu, lingua, populis, & natione, & fecisti nos Deo nostro regnum.* *Apoc. 5.*

Vt igitur illa erit Catholica Ecclesia, quæ vbiq; in omni mundi parte, in omni prouincia, in omni gente & natione colitur; ita illud Catholicū, quod vbiq; laudatur, prædicatur, do-

cetur. Ille Catholicus, qui cum orbis terræ consensum sequitur: qui huic sensui, nō hominis cuiuspiam auctoritatem, non amorem, nō ingenium, non eloquentiam, nō doctrinam anteponit; sed hæc cuncta despiciens, orbis terrarum consensum ubiq; in omnibus sequitur. Consensus .n. & conspiratio omnium gentium, dicebat Marcus Cicero, vox naturæ est existimandus. Consensus omnium membrorum Christi, vox Christi & Spiritus sancti est, qui oēs sequitur, errare non potest. Neq; enim cuiquam vni mortalium dictum est: Mittam tibi spiritum paraclatum; sed, mittam vobis, qui vos docebit omnem veritatem. Neq; priuatim aut separatim ipsis Apostolis Spiritus sanctus datus est; sed omnibus simul in vnum locum congregatis: *Erant, inquit scriptura, omnes pariter sedentes in eodem loco, & repleti sunt omnes Spiritu sancto, &c.*

*Ioh. 16.*

*Act. 2.*

Catholicum igitur est, quod ubiq; est; sed & quod semper. Vt illa sit vera Ecclesia, non quæ nunc primùm occidentibus sæculis exorta fuerit; sed quæ

quæ à principio fuit, per omnesq; decursus temporum progressa, ad nostram vsq; peruenerit aetatē. Ita enim dictum est: *Ego uobiscum sum usque ad consummationem seculi.* Et alio loco: *Amen dico uobis, non prateribit generatio hæc, donec omnia fiant.* Et Paulus populum Christianum, mortem Domini annunciaturum prædixit, donec ipse veniat.

Matth. ult.

Luc. 21.

1. Cor. 11.

Vt autē illa est Catholica Ecclesia, quæ semper est: ita illud Catholicū, quod semp, vel ubiq;, cōstanti doctrina traditur. Ille Catholicus, qui id credit, id sequitur, quod semper creditū est, & quod semp fideles sunt sequuti. At dices fortasse: Quomodo igitur illud tanquam Catholicū, quod semper in Ecclesia creditum est, sequar; cū ut ipsi homines ita & sensus eorum iam demortui sunt? Ita quidem est, homines illi, qui secula nostra antecesserūt, utpotē mortales nati, mortui sunt, aut potius ad vitā longè magis hac nostra vitalem translati; fides tamē & sensus illorum uiuit & viget. Vbi nam dices? in locis communib?

Philippi fortasse, aut Caluini institutionibus? Nequaquam: nam isti heri & nudius tertius exorti, nobiscum simul vixerunt. Vbi igitur? In amplissimo illo totius vetustatis & antiquitatis thesauro atque deposito, Conciliorum, inquam, atque Decretorum libris, in quibus tanquam depositis quibusdam, vltimam voluntatem suam, fidem, & sensus suos, tanquam testamento & vltima configuratione primitiua reliquit Ecclesia. In scriptis item, ac commentarijs veterum Patrum, qui illud, quod de singulis rebus suo tempore Ecclesia sensit, quæ iudicia, & qui sensus eius de rebus omnib<sup>9</sup> fuerint, quid item aut docuerint, aut crediderint, ipsi nobis tradiderunt. In vsu denique ipso veteri, & more, ritibus, & cærimonijs, quæ à maioribus nostris, tanquam hereditate quadam, relicta atque tradita, ad hanc vsque diem sanctè & intemeratè conseruamus. In ipsis ad extremum iuribus, legibus, priuilegijs, publicis tabulis, templis deniq;, statuis, publicisque ædificijs. Hæc enim

nim vniuersa sunt veluti certa & impressa vestigia quædam, & monumenta eorum, qui nos antecesserunt hominum ac fidei doctrinæ. Quæ, qui vel ipse non cognouit, vel ab his qui hæc cognouerunt nō discit; quomodo Catholicus dici possit, non video. Quid si amplius extincta esse velit? quid si noua & recens conficta pro veteribus obtrudat? quid si omnem vetustatem abrogari cupiat? quid si earum rerum inimicus sit? quid si eas de manibus suorum excutiat? quid si omnem authoritatem illis abroget? eritne hic Catholicus, aut aliquo modo dici poterit? aut habebitne Catholicam fidem? Nequaquam profectò. Eant igitur isti, & à cerdonibus, atque sutoribus, mulierculis etiam si placet, fidem Catholicam, quæ tanta eruditionis & antiquitatis suppellectili opus habet, discant. Et tamen putant se solos videre, in clarissimaque luce versari, cum cæci sint, ac in densissimis tenebris versentur. Illud igitur est Catholicum, quod vbique est, & quod semper fuit. Sed & quod in-



ter omnes, nō quidem inter omnes, quod iam dictum est numero, sed inter omnes, gente, lingua, natione, tribu, ordine, & cōditione. Non enim, inquit Paulus, est distinctio Iudæi, neque Græci, non Barbari, nec Scythæ, non seruus & liber, non masculus & foemina; sed omnia in omnibus eadē fides, idem consensus omnium, vt sit illud, quod superius diximus: *Egressi sunt filij Israel, & pariter pugnarunt vt vir vnus.* Et illud: *Erat, inquit, omnibus cor vnum, & voluntas vna.*

Concludamus igitur, illam veram Ecclesiam esse, quæ Catholica sit. Catholica autem erit, quæ vbique, quæ semper, quæ inter omnes, ita vt dictū viget. Vtq; nomen ipsū Catholicū, quod vniuersale significat ex aduerso hæresi, quæ à parte designat opponitur, quomodo illud à parte Nouati esse, à parte Donati, à parte Lutheri dicitur; ita res ipsa, Catholicū inquam esse & hæreticū maximè pugnant atque dissident, plurimumq; à se distinguuntur. Catholica. n. Ecclesia, veluti vitis quædam abundans in lateribus domus

domus Dei crescit: filij eius tanquam nouellæ, in conspectu mensæ eius vident, vitis tota, vitis plena, vitis abundans & frugifera: hæreses autem veluti sarmenta quædam inutilia, à vite amputata, arida & mortua, vndique vitem temerè circumiacentia, ac sua ariditate, nisi amputentur & expurgentur, eam siccantia ac corrodentia: Itaque cætera quidem nomina, ferè omnia vti dictum est impudica præsumptione heretici sibi usurpant, ita, vt se Angelicos, Apostolicos, Euangelicos dicant; Catholicos cerè nunquam se nominare ausi sunt. Itaque dicit Augustinus: *Querenti peregrino alicui, ubi ad Catholicam conueniatur, nullus hereticorum, aut Basilicam suam, aut domum audet ostendere. Quæ causa? non enim ubiq; sunt, neque semper sunt, neq; omnes sunt; sed heri & nudiustertius exorti vno die occidunt. Quare nõ nisi sub certo nomine, inquit Vincenti<sup>o</sup> Lyrinen. certo loco, certo tẽpore describuntur. Ecclesiæ aut tantum ea nota cõuenit, vt ab ea sola cognominetur. Cùm igitur Catholicam Eccle*

fiam quærimus, quæ vbique est, quæ  
 semper est, quæ inter omnes; eamque  
 sequamur, illi adhæreamus, ab ea nos  
 nulla ratione dimoueri patiamur.  
 Quisquis verò, vti præclare monet  
 idem Lyrinen. quamuis ille sanctus,  
 & doctus, quamuis Episcop⁹, quam-  
 uis Confessor & Martyr, præter om-  
 nes, aut etiam contra omnes sene-  
 rit; id inter proprias, & occultas, &  
 priuatas opiniunculas, à communis  
 publicæ ac generalis sententiæ autho-  
 ritate secretum sit: nec cum summo  
 æternæ salutis periculo, iuxta sacrile-  
 gam hæreticorum & schismatico-  
 rum consuetudinem, vniuersalis do-  
 gmatibus veritate dimissa, vnius homi-  
 nis nouitium sectemur errorem. Ve-  
 lint enim nolint, inquit Augustinus,  
 nos Catholicos appellent, se verò  
 quiduis potius: qua causa? num noui-  
 tate vocis offensi? nequaquam: anti-  
 quissimum enim est: num significa-  
 to? at augustissimum: num vsu? atque  
 omnibus bonis frequentissimum:  
 quæ igitur causa? nulla profectò alia,  
 nisi quòd Catholici non sint. Quos  
 non

nō modò à Catholicorum nomine,  
sed à Christiano etiam lege sua D.Im-  
peratores excluderunt.

VALENTINVS LEONTIO. Dam- Decretū Im-  
nato portentuosæ superstitionis auctore peratoris.  
Nestorio: nota congrui nominis eius im- De hæreticis  
ratur gregalibus; ne Christianorum ap- Manichæis  
pellatione abutantur. Sed quemadmodum lege 6.  
Ariani ab Ario, lege diuæ memoriæ  
Constantini, ob similitudinem impietatis,  
Porphyriani à Porphyrio nuncupantur;  
sic ubique participes nefariæ sectæ Ne-  
storij, Nestoriani vocentur. Vt cuius sce-  
lus sunt in deserendo Deum imitati, eius  
vocabulum iure videantur esse sortiti.  
Necnon impios libros nefandi & sacrile-  
gi Nestorij aduersus venerabilem ortho-  
doxorum sectam, decretaque sanctissimi  
cætus antistitum Ephesi habiti, scriptos  
habere, aut legere, aut describere au-  
deat quisquam: quos diligenti requiri stu-  
dio, aut publicè comburi decernimus. Ita  
ut nemo in religionis disputatione ali-  
quam supradicti nominis faciat mentio-  
nem: aut quibusdam eorum habendi con-  
siliij gratia in ædibus, aut villa, aut subur-  
bano suo, aut solo quolibet, aut alio loco cõ-

ueticulam clam aut aperte prabeat. Quos omnes cætus celebrandi licentia priuari statuimus, sciētibus vniuersis violatorem huiusmodi legis publicatione bonorum esse coercendum.

QUARTAE NOTAE EXPLICATIO: eam veram Ecclesiam esse,  
quæ sit Apostolica.

CAPVT VI.



Erum nos ad vltimam notam explicandam transeamus. Ea autem est, nos eam veram Ecclesiam credere, quæ sit Apostolica.

Indicat & explicat hanc notam ipse Dominus: *Et ego tibi dico Petre: quia tu es Petrus, & super hanc petram edificabo Ecclesiam meam, & portæ inferi non proualebunt aduersus illam. Nō ad Petrum dices hæc verba referri. Ergò ne ad Christum quidem illa referentur: Tu es Christus filius Dei viui.* Alter enim locus alterum sequitur. Vtitur item hac eadem nota D. Paulus: *Super edificati super fundamentum Apostolorum*

Matth. 16.

Ephes. 4.

&

& Prophetarum ipso summo angulari la-  
 pide CHRISTO IESU. Quod fundamen-  
 tum Apostolorum, ipse interpreta-  
 tur: *Vt sapiens, inquit, artifex fundamen-*  
*tum ieci, alius superadificauit.* Vtitur e-  
 odem modo D. Ioannes: *Veni, & ostē-*  
*dam tibi sponsam, uxorem agni, & murus*  
*ciuitatis fuit, habens fundamenta duode-*  
*cim, & in ipsis duodecim nomina duode-*  
*cim Apostolorum & agni,* Ad hanc item  
 tanquam sacram anchoram, veteres  
 confugerunt: huic soli promissum  
 spiritum veritatis in æternū sibi per-  
 suaferunt: hanc denique vt murum  
 ahæneum vniuersis infidelium ma-  
 chinis & arietibus opposuerunt: hoc  
 telo omnes priorum Gnosticorum  
 copias confodit Tertullianus: huius-  
 modi argumento Nouatianos coar-  
 guit Cyprianus lib. 1. epist. 6. In hoc a-  
 sylum se recepit Hieronymus aduer-  
 sus tot Orientis sectas dissectas, vt in-  
 dicat ipse epist. ad Damasum, & Dia-  
 log. contra Luciferianos. Parmenia-  
 num, & Donatistas, hoc laqueo præ-  
 focat Optatus Milcuitanus, lib. 2. Isti<sup>9</sup>  
 successionis cōsideratione, quasi ar-  
 ctissi-

1. Cor. 3.

Apo. 21.

ctissimo vinculo retentum, & fortissimis repagulis conseruatū se in gremio Catholicae Ecclesiae affirmat frequenter Augustinus, libr. cōtra epist. Manich. cap. 4. Psalmo contra partem Donati. epist. 163. & 165. libr. de vtilitate credendi, cap. 17. & 49. libr. quæstionum veteris & noui Testamenti, quæst. 110. libr. 2. contra literas Petiliani cap. 51. Hac nota sanctissimi Imperatores populis sibi à Deo creditis eam commonstrant.

Gratian. &  
Valent. &  
Theodo.

Decretum Imperatorum. *Cunctos populos quos clementie nostrae regit imperium, in tali volumus religione versari, quam diuinum Petrum Apostolum tradidisse Romanis, religio vsque adhuc ab ipso insinuat a declarat: quamque Pontificem Damasum sequi claret. Et Petrum Alexandriae Episcopum virum Apostolica sanctitatis, hoc est, secundum Apostolicam disciplinam, Euangelicamq; doctrinam, patris, & filij, & Spiritus sancti, unam deitatem sub pari maiestate, & sub pia trinitate credamus. Hanc legem sequentes Christianorum Catholicorum nomen iubemus amplecti; reliquos vero demen-*

*dementes, vesanosque iudicantes, heretici dogmatis infamiam sustinere diuina primum vindicta, post etiam motus animi nostri, quem ex caelesti arbitrio sumpserimus, ultione plectendos.*

Illa igitur Apostolica Ecclesia erit. Primum, quam ipsi fundarunt Apostoli: *Vt bonus artifex, inquit Paulus, fundamenta ieci, alius autem super adificauit.* Quomodo Romanam quidem Petrus: Asianam Ioannes: Perficam Simon & Iudas: Indicam Thomas & Bartholomeus: Aethiopicam Matthæus: Achaicam Andreas: D. Paulus Syriacam, Antiochenam, Thessalonicam, Philippensem, & cæteras Græcas.

Deinde quæ non partem aliquam tantum Apostolicæ doctrinæ; sed vniuersam doctrinam Apostolorum complexa est, ab eaque ne latum quidem vnguem discedit. Quam quidem Apostolicam doctrinam in duas partes distinctam esse, superiori libro ex Paulo docuimus. In eam, quæ ore tenus prolata est, ac in moribus hominum constituta: & eam quam

episto-

*Reuchlinus*  
lib. 3. de verbo mirifico  
cap. 17.  
*Postellus* lib.  
de vniuersalitate.



epistola atque atramento contineri docet Ioannes. Quod idem clarè D.

Dionys. ca. 1.  
de cœlesti Hi  
erarchia.

Dionysius Areopagita tradit: *Eloquia diuina duplicis, inquit, generis sunt, nimirum quædam in sanctis & Theologicis libris nobis commendata: alia præterea, quæ ex animo in animum medio intercurrente verbo, sine literis transfusa sunt. Siquidem primi illi nostri sacerdotes, duces, Apostoli, summa illa & substantialia, partim scriptis, partim non scriptis institutionibus nobis tradiderunt. Idem Irenæus. Quid autem si neq; Apostoli scripturas reliquissent nobis, nõne oportet sequi ordinem traditionis, quam tradiderunt ijs, quibus committebant Ecclesias?*

Irenæus lib.  
3. cap. 4.

Vltimò illa Apostolica dicitur Ecclesia, in cuius cathedra aliquando Apostoli ipsi confederunt: & quæ ab ipsis Apostolis pastorum & doctorum continuam & perpetuam successionem vsq; ad hodiernam diem conseruauit. Prolixè hæc docet omnia Tertullianus: *Statim igitur Apostoli, quos hæc appellatio missos interpretatur, assumpto per sortem duodecimo Matthia in locum Iudæ, ex autoritate*

Pro-

Prophetia, quæ est in Psalmo David, consecuta promissa vim Spiritus sancti ad virtutes & eloquium, primò per Iudeam contestata fide in IESVM Christum, & Ecclesijs institutis, dehinc in orbem profecti, eandem doctrinam eiusdem fidei, nationibus promulgauerunt: & proinde Ecclesias apud unamquamq; ciuitatem condiderunt, à quibus traducem fidei & semina doctrina, cetera exinde Ecclesiæ mutata sunt, & quotidie mutuantur, ut Ecclesiæ fiant. Ac per hoc & ipsa Apostolica deputantur, ut soboles Apostolicarum Ecclesiarum. Omne genus ad originem suam censeatur, necesse est. Itaque tot ac tanta Ecclesiæ, unam esse illam ab Apostolis primam, ex qua omnes. Sic omnes prima, & omnes Apostolica, dum unam omnes probant unitatem. Communicatio pacis & appellatio fraternitatis, & contesseratio hospitalitatis: quæ iura non alia ratio regit, quàm eiusdem sacramenti una traditio. Hanc igitur dirigimus præscriptionem: si Dominus IESVS CHRISTUS Apostolos misit ad prædicandum, alios non esse recipiendos prædicatores, quàm quos Christus instituit: quia nec alius patrem nouit nisi

*nisi filius, & cui filius reuelauit: & nec alijs videtur reuelasse filius, quàm Apostolis, quos misit ad predicandum, utiq; quod illis reuelauit. Quid autem predicauerint, id est, quid illis CHRISTUS reuelauerit, & hic præscribam, non aliter probari debere, nisi per easdem Ecclesias, quas ipsi Apostoli condiderunt, ipsi eis predicando, tam uia (quod) aiunt uoce, quàm per epistolas postea. Si hæc ita sunt. Constat proinde omnem doctrinam, quæ cum illis Ecclesijs Apostolicis matricibus & originalibus fidei conspiret, ueritati deputandam, & sine dubio tenentem, quod Ecclesie ab Apostolis, Apostoli à Christo, Christus à Deo suscepit. reliquam uerò omnem doctrinam de mendacio præiudicandam, quæ sapiat cõtra ueritatem Ecclesiarum, & Apostolorũ, & Christi, & Dei. Quamquam autem omnes illæ Ecclesiæ Apostolicæ dicuntur, quæ hoc modo, vel ab Apostolis ipsis sunt fundatæ, vel eorum doctrinam in omnibus sequuntur, vel quibus ipsi præfuerunt Apostoli, præcipuè tamen & peculiariter, ac quasi per excellentiam quãdam illa Apostolica dicta est semper*

Eccle.

Ecclesia, quam ipsi principes Apostolorum, D. inquam Petrus & Paulus, fundarunt, ipsique præfuerunt, vel propter Apostolorum dignitatem, vel propter præcipuum Christi promissum: *Ego pro te oravi Petre, ut non deficiat fides tua. Et: Elegi eum mihi, ut sit vas electionis, ut portet nomen meum coram gentibus.* Vel propterea, quòd alijs ob varias hæreses atque schismata, aliosque errores cessantibus, ac planè extinctis, hæc sola perpetuò durare debuit; itaque sola peculiari quodammodo ab omnibus veteribus, sedes Apostolica dicta est: ad eamque solam omnes ferè aliæ prouocarunt semper: soliusque successionem demonstrant, quod vetustissimorum Patrum exemplis atque testimonijs demonstratur: in quibus primus est Irenæus. *Traditionem itaque Apostolorum in toto mundo manifestatam, in omni Ecclesia adest perspicere omnibus, qui vera velint audire, & habemus ac numerare eos, qui ab Apostolis instituti sunt Episcopi in Ecclesijs, & successores eorum usque ad nos, qui nihil tale docuerunt, neque*

Iren. cap. 3.  
cogno-

cognouerunt, quale ab his deliratur. Etenim si recondita mysteria scissent Apostoli, qua seorsim & latenter ab reliquis perfectos docebant, his vel maxime traderent ea, quibus etiam ipsas Ecclesias committebant. Valde enim perfectos, & irreprehensibiles in omnibus eos volebant esse, quos & successores relinquebant, suum ipsorum locum magisterij tradentes, quibus emendatè agentibus fieret magna utilitas, lapsis autem summa calamitas. Sed quoniam valde longum est, in hoc tali volumine omnium Ecclesiarum enumerare successiones, maxima, & antiquissima, & omnibus cognita, à gloriosissimis duobus Apostolis Petro & Paulo, Romæ fundata & constituta Ecclesia, eam quam habet ab Apostolis traditionem, & annunciatam hominibus fidem, per successiones Episcoporum peruenientem usq; ad nos, indicantes, confundimus omnes eos, qui quoquo modo, vel per sui placentiam malam, vel vanam gloriam, vel per cæcitatem, & malam sententiam, præterquam oportet colligunt. Ad hanc enim Ecclesiam propter potentiorē principalitatem, necesse est omnem conuenire Ecclesiam, hoc est, eos  
qui

qui sunt vndiq; \* conseruatæ est ea, qua est \* fideles, in  
 ab Apostolis traditio. Fundantes igitur & qua semper  
 instruentes beati Apostoli Ecclesiam, Lino ab his qui  
 episcopatum administranda Ecclesia tra- sunt vndiq;  
 diderunt. Huius Lini Paulus in his qua  
 sunt ad Timotheum epistolis meminit:  
 succedit autem ei Anacletus, post eum ter-  
 tio loco ab Apostolis episcopatum sortitur  
 Clemens, qui & vidit ipsos Apostolos, &  
 contulit cum eis, cum adhuc insonantem  
 predicationem Apostolorum & traditi-  
 onem ante oculos haberet. Non solus e-  
 nim, adhuc multi supererant tunc Apo-  
 stolis docti. \* Huic autem Clementi succe- \* Pauli in se-  
 dit Euaristus, & Euaristo Alexander, ac riuus.  
 deinceps sextus ab Apostolis constitutus  
 est Sixtus, & ab hoc Telesphorus, qui eti-  
 am gloriosissime martyrium fecit, ac deinceps  
 Hyginus, post Pius, post quem Anice-  
 tus. Cum autem successisset Aniceto Soter,  
 nunc duodecimo loco episcopatum ab Aposto-  
 lis habet Eleutherius. Hac ordinatione &  
 successione ea qua est ab Apostolis in Ec-  
 clesia traditio, & veritatis preconatio  
 peruenit vsq; ad nos. Et est plenissima hac  
 ostensio, unam & eandem viuificatricem  
 fidem esse, qua in Ecclesia ab Apostolis  
 O 2 vsq;

usque nunc sit conseruata, & tradita, in  
 Cypri. libr. 1. *veritate*. Item docet D. Cyprianus.  
 epistolarum. *Novatianum baptisari & sanctificari*  
*aliquem posse; prius ostendat & doceat,*  
*Novatianum in Ecclesia esse, aut Ecclesia*  
*præsidere: Ecclesia enim una est, quæ una,*  
*& intus esse, & foris non potest. Si enim*  
*apud Novatianum est, apud Cornelium*  
*non fuit: si verò apud Cornelium fuit, qui*  
*Fabiano Episcopo legitima ordinatione*  
*succesit, & quem præter sacerdotij hono-*  
*rem martyrio quoque Dominus glorifica-*  
*uit, Novatianus in Ecclesia non est, nec E-*  
*piscopus computari potest, qui Euangelica*  
*& Apostolica traditione contempta, ne-*  
*mini succedens, à seipso ortus est: habere*  
*namque aut tenere Ecclesiam nullo modo*  
*potest, qui ordinatus in Ecclesia non est.*  
*Foris enim non esse Ecclesiam, nec scindi*  
*aduersum se, aut diuidi posse, sed insepara-*  
*bilis atque indiuidua domus unitatem te-*  
*nere, manifestat scripturæ diuinæ fides,*  
 Exod. 12. *cum de Sacramento Paschæ & agni, qui*  
*agnus Christum designabat, scriptum sit:*  
*In domo una comedetur, non eijcietis de*  
*domo carnem foras. Quod item circa Ra-*  
*ab, quæ ipsa quoque typum portabat Eccle-*  
*sia,*

*sic, expressum videmus, cui mandatur & dicitur: Patrem tuum, & matrem tuam, Ios. 2. & fratres tuos, & totam domum patris tui colliges ad te ipsam in domum tuam, & omnis qui exierit ostium domus tue foras, reus sibi erit. Quo sacramento declaratur in unam domum solam, id est, in Ecclesiam victuros, & ab interitu mundi euasuros colligi oportere. Quisquis autem de collectis foras exierit, id est, si quis quāvis in Ecclesia gratiam consecutus recesserit, & ab Ecclesia exierit, reum sibi futurum, id est, ipsum sibi quod pereat, imputaturum. Quod Apostolus Paulus explanat docens, & præcipiens, Tit. 3. hæreticum vitandum esse, ut peruersum & peccatorem, & à semetipso damnatum. Hic est enim, qui reus sibi erit, non ab Episcopo eiectus, sed spontè de Ecclesia profugus, & hæretica præsumptione à semetipso damnatus. Et idcirco Dominus insinuans nobis unitatem de diuina auctoritate, venientem ponit & dicit: Ego & pater unum Ioan. 10. sumus: ad quam unitatem redigens Ecclesiam suam, denuo dicit: Et erit unus grex & unus pastor. Si autem grex unus est, quomodo potest gregi annumerari, qui Ibidem.*



*in numero gregis non est? aut pastor ha-  
 beri quomodo potest (qui manente vero pa-  
 store, & in Ecclesia Dei ordinatione succe-  
 dante a presidente) nemini succedens, & à  
 seipso incipiens, alienus sit & prophanus,  
 dominica pacis ac diuinae unitatis inimi-  
 cus, non habitans in domo Dei, id est, in  
 Ecclesia Dei, in qua non nisi concordēs atq;  
 unanimes habitant? loquente in Psalmis  
 Spiritu sancto, & dicente: Deus qui inha-  
 bitare facit unanimes in domo. Non dis-  
 similia his tradit Tertullianus. Ita ex  
 ipso ordine manifestatur, id esse domini-  
 cum & verum, quod sit prius traditum: id  
 autem extraneum & falsum, quod sit po-  
 sterioris immixtum. Ea sententia manebit  
 aduersus posteriores quasque haereses, qui-  
 bus nulla constantia & conscientia conce-  
 dit ad defendendam sibi veritatem. Cate-  
 rùm si quae audent interserere se atati A-  
 postolicae, ut ideo videantur ab Apostolis  
 traditae, quia sub Apostolis fuerunt: pos-  
 sumus dicere: Aedant ergo origines Eccle-  
 siarum suarum: euoluant ordinem Episco-  
 porum suorum, ita per successiones ab ini-  
 tio decurrentem, ut primus ille Episcopus  
 aliquem ex Apostolis vel Apostolicis viris,  
 qui*

Psalm. 67.

De prescri-  
 ptionibus ha-  
 reticorum.

qui tamen cum Apostolis perseuerauerit, habuerit authorem & antecessorem. Hoc enim modo Ecclesie Apostolicae census suos deferunt, sicut Smyrnearum Ecclesia habens Polycarpium ab Ioanne conlocatum refert, sicut Romanorum Clementem à Petro ordinatum: proinde utique & cetera exhibent, quos ab Apostolis in episcopatum constitutos Apostolici seminis traduces habeant. Et paulò inferius: Si autem Italiae adiaces, habes Romanam: unde nobis quoque authoritas præsto est statuta. Felix Ecclesia, cui totam doctrinam Apostoli cum sanguine suo profuderunt: ubi Petrus passioni dominica adæquatur: ubi Paulus Ioannis exitu coronatur: ubi Apostolus Ioannes posteaquam in oleum igneum demersus, nihil passus est, in insulam relegatur. Videamus quid didicerit, quid docuerit? Idem facit Epiphanius: Epiph. lib. 1. tom. 2.  
 Peruenit equidè iam ad nos fama, quomodo Marcellina quadà ab ipsis decepta, multos corripit, temporibus Aniceti Epì Romæ, qui Pio & superioribus successit. Etenim in Roma fuerunt primi, Petrus & Paulus Apostoli, ydè ac Episcopi, deinde Linus, deinde Cletus, deinde Clemens, qui con-

temporaneus fuit Petri & Pauli: huius  
 mentionem facit Paulus in epistola ad Ro-  
 manos. Et nemo miretur quod ante ipsum  
 alij episcopatum assumpserunt, quum sub  
 Apostolis hic fuerit contemporaneus Pe-  
 tri ac Pauli, nam & illi contemporanei  
 Apostolorum fuerunt. Sive igitur adhuc  
 ipsis superstitibus à Petro accepit imposi-  
 tionem manuum episcopatus, & eo recu-  
 sato remoratus est (dicit enim in una epi-  
 stola sua: Secedo, ab eo, erigatur populus  
 Dei: hoc enim in quibusdam commenta-  
 rijs reperimus) sive post Apostolorum suc-  
 cessionem à Cleto Episcopo hic constitui-  
 tur, non ita clarè scimus. Veruntamen e-  
 tiam hic potuit superstitibus adhuc Apo-  
 stolis, Petro videlicet ac Paulo, alios Epis-  
 copos constituere; propterea quòd Apostoli  
 sæpè ad alias terras ablegabantur, propter  
 Christi prædicationem: non potuit autem  
 urbs Roma sine Episcopo esse. Paulus enim  
 in Hispaniam profectus est, Petrus verò  
 sæpè Pontum et Bithyniam visitavit. Pos-  
 sibile est autem, postquam discessit ac re-  
 cusavit Clemens ( si modò sic factum est;  
 rationem enim sic in eo, non decerno ) po-  
 stea post obitum Lini & Cleti, quorum v-  
 terq;

terq; ad duodecim annos episcopatum tenuit, post sancti Petri ac Pauli obitum, qui contigit duodecimo anno Neronis, hunc rursus coactum esse ad suscipiendum episcopatum. Attamen Episcoporum in Roma successio hanc consequentiam habuit: Petrus & Paulus, Linus, Cletus, Clemēs, Euaristus, Alexander, Xystus, Telesphorus, Euaristus, Hyginus, Pius, Anicetus, qui supra in catalogo indicatus est. Et ne quis miretur, quod singula ita exactè recensemus: per hac enim semper claritas ostenditur. Idem docet Optatus Mileuitanus: Probamus eam esse Ecclesiam Catholicam, qua sit in toto terrarum orbe diffusa. Eius iam commemoranda sunt ornamenta: & videndum ubi sint quinque dotes, quas tu sex esse dicis, inter quas Cathedra est prima: ubi nisi sederit Episcopus, cōiungi altera dos non poterit, qui est annulus, videndum est, qui, & ubi prior Cathedra sederit. Si ignoras, discere si nosti erubescere. Ignorantia tibi adscribi non potest. Restat ergo, ut noueris: scientem errare, peccatum est. Nam ignorantibus nō nunquam solet ignosci. Igitur negare non potes, scire te in urbe Roma Petro primò

Lib. 2. cōtra  
Donatistas.

*Cathedram episcopalem esse collatam : in qua sederit omnium Apostolorum caput Petrus : unde & Cephas appellatus est : in qua una Cathedra, unitas ab omnibus seruaretur, ne ceteri Apostoli singulas sibi quisque defenderent : ut iam schismaticus & peccator esset, qui contra singularè Cathedram, alteram collocaret. Ergo Cathedra unica, quae est prima de dotibus, sedit prior Petrus. Cui successit Linus, Lino successit Clemens, Clementi Anacletus, &c. Iulio Liberius, Liberio Damasus, Damaso Siricius hodie, qui noster est socius, cū quo nobis totus orbis commercio formatarum, in una communionis societate concordat. Vestra Cathedra vos originem reddite, qui vobis vultis Sanctam Ecclesiam vindicare. Eūdem ordinem successionis texit D. Augustinus: Si enim ordo Episcoporum sibi succedentium considerandus est, quanto certius & verè salubriter ab ipso Petro numeramus, cui totius Ecclesie figuram gerenti Dominus ait, Super hanc petram aedificabo Ecclesiam meam, & porta inferorum nō vincent eam. Petro enim successit Linus: Lino, Clemens: Clementi, Anacletus: Anacleto, Euaristus: Euaristo,*

*sto, Alexander: Alexandro, Sixtus: Sixto, Thelesphorus: Thelesphoro, Iginus: Iginno, Anicetus: Aniceto, Pius: Pio, Soter: Soteri, Eleutherius: Eleutherio, Victor: Victori, Zepherinus: Zepherino, Calixtus: Calixto, Urbanus: Urbano, Pontianus: Pontiano, Antherus: Anthero, Fabianus: Fabiano, Cornelius: Cornelio, Lucius: Lucio, Stephanus: Stephano, Xystus; Xysto, Dionysius; Dionysio, Felix; Felici, Eutychianus; Eutychiano, Gaius; Gaio, Marcellinus; Marcellino, Marcellus; Marcello, Eusebius; Eusebio, Miltiades; Miltiadi, Sylvester; Sylvestro, Marcus; Marco, Iulius; Iulio, Liberius; Liberio, Damasus; Damaso, Siricius; Siricio, Anastasius. In hoc ordine successionis nullus Donatista Episcopus inuenitur. Sed ex transuerso ex Aphrica ordinatum miserunt, qui paucis praesidens Aphris, in orbe Roma Montensium, vel Cuzupitaru vocabulum propagauit. In illum autem ordinem Episcoporum, qui ducitur ab ipso Petro usq; ad Anastasium, qui nunc eandem Cathedram sedet, etiam si quisquam traditor per illa tempora subrepsisset, nihil prauidicaret Ecclesia & innocentibus Chri-*

*Christianis: quibus Dominus providens, ait de propositis malis: Quae dicunt, facite: quae autem faciunt, facere nolite: dicunt enim, & non faciunt. Ut certa sit spes fidelibus, quae non in homine, sed in Domino collocata, nunquam tempestate sacrilegi schismatis dissipetur: sicut isti dissipati sunt, qui legunt in codicibus sanctis Ecclesias quibus Apostoli scripserunt, & nulum in eis habent Episcopum. Et in alio*

*loco: Verumtamen si omnes per totum orbem tales essent, quales vanissime criminaris: Cathedra tibi quid fecit Ecclesia Romana, in qua Petrus sedit, & in qua hodie Anastasius sedet? vel Ecclesia Hierosolymitana, in qua Iacobus sedit, & in qua hodie Ioannes sedet, quibus nos in Catholica unitate connectimur, & à quibus vos nefario furore separastis? Quare appellas Cathedram pestilentiae Cathedram Apostolicam? Et item. Puto tibi eam partem orbis sufficere debere, in qua primum Apostolorum Dominus voluit gloriosissimo martyrio coronari. Cui Ecclesiae praesidentem beatum Innocentium, si audire voluisses; iam nunc periculosam inuentutem tuam Pelagianis laqueis excussis-*

August. cont.

Peil. libr. 2.

eussisse. Quid enim potuit vir ita sanctus  
 Aphricanis respondere consilijs, nisi quòd  
 antiquitus Apostolica sedes & Romana  
 cum ceteris tenet perseueranter Ecclesia?  
 Idem facit in alijs infinitis locis. Eodem  
 prouocat D. Hieronymus: Quoniam  
 vetusto oriens inter se populorum furore  
 collisus, indiscissam Domini tunicam, &  
 desuper textam, minutatim per frustra dis-  
 cerpit; & Christi vineam exterminant  
 vulpes; ut inter lacus contritos, qui aquã  
 non habent difficile, ubi fons signatus, &  
 hortus ille conclusus sit, possit intelligi ideo  
 mini Cathedram Petri, & fidem Apo-  
 stolico ore laudatam, censui consulendam:  
 inde nunc anima mea postulans cibum,  
 unde olim Christi vestimenta suscepi.  
 Neque verò tanta vastitas elementi li-  
 quentis, & interiacens longitudo terra-  
 rum, me à pretiosa margarita potuit in-  
 quisitione prohibere. Vbi cunq; fuerit cor-  
 pus, illic congregabuntur & aquila. Pro-  
 fligato à sobole mala patrimonio, apud  
 vos solos incorrupta Patrum seruetur ha-  
 reditas. Ibi cespitè terra fœcundo. Domini-  
 ci seminis puritatem centeno fructu re-  
 fert; hic obruta sulcis frumenta in lolium

Hier. epi. 57

aue-



Isaie 14.

Math. 5.

Exod. 12.

auenasq; degenerant. Nunc in occidente  
 Sol iustitiae oritur: in oriente autem Luci-  
 fer ille, qui ceciderat, supra sidera posuit  
 thronum suum. Vos estis lux mundi, vos  
 salt terra, vos aurea vasa & argentea: hic  
 testacea vasa, vel lignea, virgam ferream,  
 & aeternum operiuntur incendium. Quā-  
 quam igitur tui me terreat magnitudo,  
 inuitat tamē humanitas. A sacerdote vi-  
 ctimam salutis, à pastore praesidium ouis  
 flagito. Faceat inuidia: Romani culmi-  
 nis recedat ambitio: cum successore piscā-  
 toris, & discipulo crucis loquor. Ego nullū  
 primum, nisi Christum sequens, beatitu-  
 dini tuae, id est, Cathedrae Petri, communi-  
 one consocior: super illam petram adifica-  
 tam Ecclesiam scio. Quicumq; extra hanc  
 domum agnum comederit, profanus est. Si  
 quis in arca Noe non fuerit, peribit reg-  
 nante diluuiio. Et quia pro meis facinori-  
 bus ad eam solitudinem commigraui, quae  
 Syriam iuncto Barbariae sine distermi-  
 nat; nec possum sanctum domini tot inter-  
 iacentibus spacijs, à sanctimonia tua sem-  
 per expetere: ideo hic collegas tuos Aegyptios  
 confessores sequor, & sub onerarijs na-  
 uibus parua nauicula delitescō. Non noui  
 Vita-

*Vitalem, Meletium respuo, ignoro Paulinum. Quicumque tecum non colligit, spargit: hoc est, qui Christi non est, Antichristi est. Et paulò post: Ego interim clamito. Si quis Cathedra Petri iungitur, meus est. Meletius, Vitalis, atque Paulinus tibi harere se dicunt: possem credere. si hoc unus assereret: nunc aut duo mentiuntur, aut omnes. Idcirco obtestor beatitudinem tuam per crucem Domini, per necessarium fidei nostrae decus, per passionem Christi; ut qui Apostolos honore sequeris, sequaris & merito, ita in solio cum duodecim indicaturus sed eas; ita te alius senem cum Petro cingat; ita municipatum caeli cum Paulo consequaris; ut mihi literis tuis, apud quem in Syria debeam communicare, significes, noli despicere animam, pro qua Christus mortuus est. Haecenus veteres.*

Hieron. epi.  
fol. 58.

Quid ad tot, tantaque sanctorum Patrum testimonia, Pontificum, Doctorum, Martyrum dicent isti? dictane negabunt an ridebunt? non puto certè, nisi impudentissimi esse velint. Neque est, quod hic obijciant hos tantos auctores Latinos fuisse; cum

cùm omnes ferè, aut Afiani, aut Aphri, aut Græci fuerint. Quòd si successione triginta vel quadraginta Põtificum, tantopere vrgebant sui temporis hæreticos veteres Pãtres; quantò magis & efficacius nunc ducentorum, & amplius idem facim⁹? verùm ideo tantum tributum fuisse successioni à veteribus mussitat Calvinus, quod nondum illi, qui in successione numerabantur, amiserant rectam fidem: ridiculum verò disputatorem: quasi itidem illius temporis hæretici, vt & nunc, Romanæ sedi rectam concederent fidem: quod si fecissent, secuti certè fuissent, nec pro hæreticis haberi possent. Iudaicum quid esse successionem numerare calumniantur isti: eodemque modo, longeque efficacius veterem synagogam Christo & eius Apostolis eandem seriem successionis obijcere potuisse, quomodo nunc illis obijcitur. Vtrumque hoc falsum est: nam etsi in veteri lege successio fuit; omnia tamen ea, quæ maioris alicuius fuerunt momenti, in figura nouæ euenisse legis docet

Pau-

Paulus : Ita vt illa veteris legis successio nihil aliud fuerit , quàm vmbra quædam & typus eius successione , quæ in noua futura erat : vt quemadmodum in veteri lege veritas doctrinæ successione manente ad Christum vsque dominum eiusque tempora ducta est, nulloque modo, quantumuis vita eorum, qui continuabant successione, fuerit flagitiosissima, deprauari potuit: ipso testante domino: *Super Cathedram Moysi sederunt scribæ* Matth. 23. *& Pharisei. Omnia ergo quacunque dixerint vobis seruate, & facite : secundum opera verò eorum nolite facere.* Dicunt enim & non faciunt. Ita & nunc manente eadem successione , veritas de ore Cathedræ Christi, donec ipse venerit, nunquam auferri poterit, vti præclare prædixit Isaias : *Spiritus meus qui est in te, Isaiæ 59.* *& verba mea, quæ posui in ore tuo, non recedent de ore tuo, & de ore seminis tui, dicit Dominus, a modo & vsq. in sempiternum.* Deinde illud falsum est, candem esse rationem Christi, & istorum qui se eius maiestati effreni quadam audacia conferre ac comparare non erubescunt.

cunt. Primò enim Christo Domino, eiusq; Apostolis, omnes Patriarchæ, Prophetæ, ac vniuersa lex testimonium perhibuerunt: de istis autem illud solum prædictum legimus: *In nouissimis temporibus venient Pseudopropheta, pseudochristi, & seducent multos. Et: In nouissimis temporibus venient homines sui amantes, cupidi, elati, superbi, blasphemi, parentibus non obediētes, ingrati, scelesti, sine affectione, sine pace, criminatores, incontinentes, immites, sine benignitate, proditores, proterui, tumidi, cæci, & voluptatum amatores magis quam Dei, habentes speciem quidem pietatis, virtutem autem eius abnegantes.* Deinde super Christū Dominum, eiusque Apostolos visibiliter descendit Spiritus sanctus: pater-  
na vox de cœlo audita est, hic est filius meus dilectus, in quo mihi benè complacui, ipsum audite. Hocq; est, quod ipse dicit, se testimonium ab homine non accipere, sed maius testimonium habere omnibus, testimonium inquam Dei. Isti verò quam vnam vocem de cœlo audiuerunt,

nisi

nisi illam fortasse: Attendite vobis à falsis Prophetis, qui veniunt ad vos in vestitu ouium, intus autem sunt lupi rapaces. Denique Christus Dominus, & eius Apostoli, ea signa fecerunt, quæ nemo vnquam fecit; vltimoque vi ac diuina virtute sua deuicta morte rediuius mundo comparauit, in coelosque gloriosè ascendit. Faciat idem Lutherus vel Calvin<sup>9</sup>, aut quispiam alius ex istis, & tum demum causam suam cum Christo & Apostolis eius comparare audebit. Vltimò, Iudaicam successionem aliquando defituram fuisse legimus, at istius seriem æternam futuram prædixit Dauid: *Iurauit Dominus, & non pœnitebit eum, tu es sacerdos in æternum, secundum ordinem Melchisedech. Pro patribus tuis nascentur filij, ideò constitues eos principes super omnem terram.* Et Christus Dominus: *Ego oravi pro te, vt non deficiat fides tua.* Et Paulus vsq; ad consummationem seculi duraturam ad Ephesios scribit.

Psal. 109.

Psal. 44.

Luca

Eph.

Extincta est, inquiunt, ista succes-

*De Ioāne Pa-  
 pa fœmina cõ-  
 mentum ha-  
 reticorum re-  
 fellitur.*

fio vestra in Ioanne Papa fœmina. Fal-  
 sum est hoc: Nam neq; fœmina Sum-  
 mus Pontifex esse potuit vnquam, et-  
 iam si millies creata sit, cùm id natu-  
 ra rei non patitur, vt fœmina vir sit,  
 tantò minus Pontifex, tantisperque  
 sedes vacaret, si fortè per errorem ele-  
 cta fuisset, dum illa viueret; nisi fortè  
 Anglicanum vellent habere Papa-  
 tum, vel talem, quale quid de Caligu-  
 læ Imperatoris equo narrat Dion,  
 Velocissimum hunc appellabat, quẽ  
 tantoperè diligebat, vt eum crebrò  
 ad cœnam inuitaret, ei hordeum ex  
 auro apponeret, funderetque vinum  
 in poculis aureis, ac per salutem eius  
 ac fortunam iuraret: Neque ijs con-  
 tentus, cum ad honores & dignitates  
 Reipub. prouehere statuit, seq; cum  
 consulem facturum pollicebatur. Et  
 fecisset, inquit Dion, si vixisset diuti-  
 us. Vel saltim huic respondeant rati-  
 oni: vel enim fœmina summus Pon-  
 tifex esse potest, vel nõ: si rectè potest  
 esse, quid accusant? quid quæruntur?  
 si non potest esse, cur dicunt fuisse?  
 Sed isti homines sui planè obliti seip-  
 sos

sos non intelligunt. Quod idem de  
 omnibus illis Pontificibus intelligen-  
 dum est, qui vel aliquo vicio creati,  
 vel in schismate Pontifices renuncia-  
 ti sunt, eos scilicet veros, donec res  
 melius examinata est, Pontificis non  
 fuisse. Et hoc ipsum ex triuio commu-  
 tum arreptum, falsum est, quod hac  
 ratione, cum præsertim nullis certis  
 authoribus nitatur, facillimè doceri  
 potest: Græcos post schisma factū fu-  
 isse Latinis sēper infensissimos, maxi-  
 mē autē sedi Romanæ, contra quā om-  
 ne virus acerbitatis suæ semper euo-  
 mere conati sunt: neque vnquam  
 prætermiserunt quidquam, quod ad  
 eorum infamiam augendam, fidem-  
 que diminuēdam pertineret; nusquā  
 tamen id aut Latinis, aut Romanis  
 obiecisse leguntur: non prætermis-  
 suri, si vel minimum aliquod argumen-  
 tum tanti conuicij habuissent, cum  
 præsertim idem illis ipsis à Latinis ali-  
 quando obiectum fuisse, eos inquam  
 foeminam Patriarcham habuisse, ex  
 libro Leonis Noni, aduersus Michae-  
 lem Patriarcham Constantinopoli-  
 P 3 tanum

Leo ix. Papa  
 cap. 23.



tanum discamus, cuius illa sunt verba: *Absit autem, ut velimus credere, quod publica fama non dubitat asserere, Constantinopolitana Ecclesia contigisse, ut eunuchos contra primum sancti Nicæni Concilij Capitulum, passim promovendo, fæminam in sede Pontificum suorum sublimasset aliquando. Hoc tam abominabile scelus, detestabileque facinus, & si enormitas ipsius, vel horror, fraternaque benevolentia non permittit nos credere; considerata tamen incuria vestra, erga Sanctorum censuram Canonum, quia eunuchos, & aliqua parte corporis immixtos, non solum ad Clericatum, sed ad Pontificatum etiam indifferenter ac solenniter adhuc promovetis, fieri potuisse pensamus. An igitur tantum conuicium illi æquo animo tulissent? an non regeffissent, si qua ratione verisimili potuissent? Sed isti nugatores nugas persequuntur.*

Malicia Alexandri Pape, & reliquorum Pontificum vita flagitiosa eam successionem sustulit. At qui successionem generationis Christi, neque mere-

meretrices, neque idololatræ. Reges auferre, aut perrumpere potuerunt vnquam. Quid impurius Iuda Scariote? quid flagitiosius? de quo dictum est, melius erat si homo ille natus non fuisset, & tamen malicia eius successionem illius non sustulit.

Audi enim quid scriptura dicat: *In die* Act. 1.  
*bus illis; Exurgens Petrus in medio fratrum dixit: Erat autem turba hominum simul ferè centum viginti: Viri fratres, oportet impleri scripturam, quam prædixit Spiritus sanctus per os David de Iuda, qui fuit dux eorum, qui comprehenderunt Iesum: qui connumeratus erat in nobis, & sortitus est sortem ministerij huius. Et hic quidem possedit agrum de mercede iniquitatis, & suspensus crepuit medius, & diffusa sunt omnia viscera eius. Et notum factum est omnibus habitantibus Hierusalem, ita ut appellaretur ager ille lingua eorum. Acheldemach, hoc est, ager sanguinis. Scriptum est enim in libro Psalmorum: Fiat commoratio eorum deserta, & non sit qui inhabitet in ea, & Episcopatum eius accipiat alter. Oportet ergo ex ijs viris, q̄ nobiscum sunt congregati in omni tempore, quo itrauit*

*exiuit inter nos Dominus Iesus, incipiens à baptismo Ioannis, vsque in diem qua assumptus est à nobis, testem resurrectionis eius nobiscum fieri unum ex istis. Si igitur improbitas Iudæ sortem ministerij eius non sustulit, quantò magis illius Apostoli, pro quo Christus specialiter orauit, nulla humana malitia auferre poterit vnquam?*

Sed quæ tandem huius successio-  
nis, tãta causa est? quæ necessitas? quis  
usus? maximus per omnia. Primùm  
quòd potestas non est, nisi sit à Deo  
profecta, idque vel sine medio vllò,  
vel mediãte saltem eorum, qui à Deo  
missi sunt ordinatione, siquidem ne-  
minem sibi debere sumere honorẽ,  
nisi vocatum à Deo tanquam Aaron,  
docet Paulus. Cùm igitur Episcopa-  
tus, Pastoratus, & Presbyteratus, atq;  
adeò Sacerdotium omne, potestas in  
Ecclesia summa sit, sine qua Ecclesia  
Dei omninò esse non potest, potestas  
non erit, nisi à Deo sit profecta, idque  
vel sine medio vllò, vt in illis ipsis fu-  
it, quibus dictum est: *Sicut misit me  
pater, ita & ego mitto vos*, vel mediãte,  
vt in

Hebr. 6.

vt in illis omnibus, qui ab his acceperunt, quibus dicitur: *Sicut misit me pater, ita mitto vos.* Quorum verborum sensus est: Cum qua potestate misit me pater, cum eadem mitto vos: missus sum à patre, cum potestate alios mittendi, cum eadem item potestate alios mittendi mitto vos. Ab his igitur qui missus non est, fur est & latrō, quia non intrat per ostium. Christus enim est ostium ouium, cui soli mittendi à patre potestas data est, vel per illum ipsum, vel per hos, quibus dixit: *Sicut misit me pater, ita & ego mitto vos.* Ideò igitur Matthæus, ideò Paulus Apostoli, quia ab Apostolis ordinati sunt; ideò Titus & Timothæus, quia à Paulo; ideò alij Cretæ ac reliquarum vrbiū Presbyteri, quia à Tito & Timotheo, per manus impositionem ordinati sunt, & sic eodē modo alij. Nam plebi, vel Regibus, à quibus isti ordinari volūt, nusquam dictum est: *Sicut misit me pater, ita ego mitto vos.* Ideò ad hanc vocem quæ sola pastores facit, sicut misit me pater, ita mitto vos, nullo modo suam vocationē

Ad Antonia-  
num, lib. 4.

& ordinationem referre possunt. Et hoc est quod dicit Cyprianus: *Novatus, inquit, in Ecclesia non est, quia seipsum ordinavit, à seipso incepit.* De Cornelio verò magnificè: *Et factus est Episcopus à plurimis Collegis nostris, qui tunc in urbe Romana aderant, qui ad nos literas honorificas & laudabiles, & testimonio sua predicationis illustres de eius ordinatione miserunt. Factus est autem Cornelius Episcopus de Dei & Christi eius iudicio, de Clericorum omnium penè testimonio, de plebis qua tunc affuit suffragio, & de Sacerdotum antiquorum & bonorum virorum collegio, cum nemo antè se factus esset, cum Fabiani locus, id est, cum locus Petri & gradus Cathedra Sacerdotalis vacaret, quo occupato de Dei voluntate atque omnium nostrum consensione, firmato, quisquis iam Episcopus fieri voluerit, foris fiat necesse est, nec habeat Ecclesiasticam ordinationem, qui Ecclesiae non tenet unitatem, quisquis ille fuerit, multum de se licet iactans, & sibi plurimum vindicans profanus est; alienus foris est. Et cum post primum secundus esse non possit, quisquis post unum, qui solus esse debeat, factus est non*

est non iam secundus ille, sed nullus. Cùm igitur isti neque ab illo primò missi sint, qui dicit: *Sicut misit me pater, ita & ego mitto vos*: hoc enim solis duodecim contigit, neque ab his, ad quos hoc ipsum dictum est; sicut misit me pater, ita mitto vos: foris sint oportet nulli sint necesse est: à Deo missi esse non possunt: quod præclare explicat Tertullianus. *Pro bent se novos Apostolos esse: dicant Christum iterum descendisse, iterum ipsum docuisse, iterum crucifixum, iterum mortuum, iterum resuscitatum; sic enim Apostolos solet facere, dare illis præterea virtutem eadem signa edendi, quæ & ipse. Volo igitur virtutes eorum proferre, nisi quòd agnosco maximam virtutem eorum, quæ Apostolos in peruersum æmulantur. Illi enim de mortuis suscitabāt, isti de viuis mortuos faciunt.* Hactenus Tertullianus.

De eodem  
de suprâ, se  
lio III.

Secundò, fides diuina esse non potest, nisi quam os domini primum locutum sit. Deinde quæ multis signis similiter & portētis, ac miraculis, & varijs virtutibus, & Spiritus sancti distributionibus confirmata, & quasi obfi  
gnata

gnata & contestata fuerit. Postremò, quæ in Deum ipsum auctorem referatur, ac desinat. Sed quoniam neq; Deum ipsum cum singulis hominibus loqui semper conuenit, neque miraculis vbiq; locus est, sufficit, vt ad primos duces atque principes fidei os Domini locutum sit, eosq; instruxerit, vt denique multis signis & portentis ac prodigijs eorum doctrinam & ordinem Deus confirmarit. Isti autẽ, his qui eos sequuntur, eandem doctrinam per successionem quandam tradant, aliosq; in locum & functiones suas sufficiant. Sic factum est in Moyse: os Domini cum illo locutum est: signa & portenta plurima in monte Sinai apparuerunt. Satis erat alijs ad fidem faciendam in eandem doctrinam atque ordinem successisse. Sic factum est in Aarone: Deus cum ipso locutus est: palma eius refluuit: cæteris porrò propter eadem signa & prodigia, ob continuam ordinationem & successionem creditum est. Cùm enim propter schisma, vindictamq; schismaticorum, Core & Abirò,

orta

orta fuisset seditio contra Moysen, Aaron, quod non ipsi soli deberent offerre incensum Domino, neque item ex ipsorum tantum ore lex petenda esset, eoque nomine in tabernaculum foederis concessissent, locutus est

Dominus ad Moysen dicens: *Loquere* Numeri 17.  
*ad filios Israël, & accipe ab eis virgas singulas, per cognationes suas, à cunctis principibus tribuum virgas duodecim, & unus cuiusque nomen superscribes virga sua. Nomen autem Aaron erit in tribu Leui: & una virga cunctas eorum familias continebit: ponésque eas in tabernaculo foederis coram testimonio, ubi loquor ad te.*

*Quem ex ijs elegero, germinabit virga eius, & cohibebo à me querimonias filiorum Israël, quibus contra vos murmurant. Locutusque est Moyses ad filios Israël, & dederunt ei omnes principes virgas per singulas tribus. Fueruntque virga duodecim, absque virga Aaron. Quas cum posuisset Moyses coram Domino in tabernaculo testimonij, sequenti die regressus, inuenit germinasse virgam Aaron in domo Leui, & turgentibus gemmis eruperant flores, qui folijs dilatatis in amigdalas deformati sunt.*



sunt. Protulit ergo Moyses omnes virgas  
 de conspectu Domini ad cunctos filios Isra-  
 òl, viderunt q̄, et receperunt singuli virgas  
 suas. Dixit q̄, Dominus ad Moysen: Refer  
 virgam Aaron in tabernaculum testimo-  
 nij, ut seruetur ibi in signum rebellium fili-  
 orum Israel, & quiescant querelæ eorum à  
 me, ne moriantur. Fecit q̄, Moyses sicut  
 praeceperat Dominus. Dixerunt autem fi-  
 lij Israel ad Moysen: Ecce consumpti su-  
 mus, omnes peribimus. Quicumque accedit  
 ad tabernaculum Domini, moritur. Num  
 vsque ad internecionem cuncti delendi su-  
 mus? Dixit q̄, dominus ad Aaron: Tu & fi-  
 lij tui, & domus patris tui tecum, portabi-  
 tis iniquitatem sanctuarij; & tu & filij  
 tui simul sustinebitis peccata sacerdotij ve-  
 stri. Sed & fratres tuos de tribu Leui, &  
 sceptro patris tui, sume tecum, praesto q̄, sint  
 & ministrent tibi. Tu autem & filij tui mi-  
 nistrabit in tabernaculo testimonij. Le-  
 gitimum sempiternum erit in generatio-  
 nibus vestris. Nihil aliud possidebunt, de-  
 cimarum oblatione contenti, quas in usus  
 eorum, & necessaria separavi. Simile  
 quid in noua lege, sed longè perfecti-  
 ùs, longè euentiùs factum esse legi-  
 mus:

mus: eliguntur ad opus ministerij duodecim præstantissimi viri: ex oreq; ipso Dei instruuntur: cum illaq; amplissima in totum dimittuntur orbẽ legatione: *Euntes in uniuersum orbem, annunciate uerbum uniuersæ creaturæ: at illi profecti, prædicauerunt Euangelium, Domino cooperante, sequentibus signis.* Neq; solùm dicto paruerunt, sed ut ipsi missi sunt, ita & alios miserunt. Ideo *constituite*, scribit Paulus Timotheo, *Cretæ, ut constituas presbyteros & Episcopos: ut ille quidem fundamentũ iecerit, alij autem ædificium exstruxerint: ut illud Prophetæ impleretur: Spiritus meus qui est in te, & uerba mea, qua posui in ore tuo, nõ recedent de ore tuo, & de ore seminis tui, a modo usque in sempiternum.* Quod idem Paulus lõgè clariùs illis uerbis explicat: *Propterea à abis* <sup>Hebr. 2.</sup> *dantiùs oportet obseruare nos ea, qua audiuius, ne fortè persuamus. Si enim qui per Angelos dictus est sermo, factus est firmus, & omnis prauaricatio & inobedientia accepit iustam mercedis retributionem, quomodo nos effugiemus, si tantã neglexerimus salutem? qua cùm initium accepissent,*

cepissent, enarrari per Dominum ab eis qui audierunt, in nos confirmata est, contestante Deo signis, & portentis, & varijs virtutibus, & Spiritus sancti distributionibus, secundum suam voluntatem. Habet quoque non mediocre momentum ea ipsa successio, ad cōseruationem puritatis & synceritatis dogmatum, vbi à patribus, tanquam hæreditatem quandam manu de manu accipiant filij: quomodo vniuersam legem naturæ, quomodo artes & scientias omnes, quomodo eam ipsam facultatem, quam Hebræi Cabalam vocant, auctas, & conseruatas, atque perfectas esse legimus. Nam literarum monumenta plerunq; vel perire possunt, vel situ & diuturnitate consumi, vel calamitatibus & periculis aboleri, vel hominum malicia deprauari solent; quomodo ducto in captiuitatem Babylonicā populo Hebræo, vniuersa lex ferè scripta interierat, vix postea per successiōem sacerdotalem ex memoria, dono Spiritus sancti reuocatur, hominum autem generales successiones nunquam extinguntur, verum

verùm hæc materia alterius & vberius est tractationis, nunc illud concludamus. Inter Catholicum & Hæreticum, hac in parte illud interesse, neutrum quidem Deum ipsum alloqui: cùm neutro præsens os Domini locutum esse: vtrumque signa & miracula nulla edere. Verùm Catholicus, & si ipse Deum loquentem nunc non audiat, & si miracula non faciat; eorum tamen doctrinam, tuetur, ad eos se refert, hos ordinatores suos demonstrat, ad quos os domini locutum est, quorum doctrina multis portentis & miraculis, multorum item seculorum testimonijs & probationibus est confirmata: quam cùm eandem tueatur atque doceat, ad eadem se signa & miracula refert, diuinamque non humanam esse certò sibi & alijs persuadet, non trepidat, nō tergiuersatur, non dubitat; sed illud potiùs Tertulliani rectè vsurpat: *Mea est possessio, olim possideo, prior possideo, habeo origines firmas ab ipsis authoribus, quorū fuit res: ego sum hæres Apostolorum, sicut cauerunt testamento suo, sicut fidei com-*

*miserunt, sicut adiurauerunt. ita teneo, vos  
 alios certè exhereditauerunt semper atq;  
 abdicauerunt, ut extraneos & inimicos.  
 Hæreticus neutrum habet: nã neq; ad  
 ipsum os domini locutū est, neq; sig-  
 na & miracula edit ipse, & nūc primū  
 exortus est, sed neq; eorum doctrinā  
 tuetur, ad quos os Domini aliquan-  
 do locutum esse sciat, vel qui miracu-  
 la aliqua ediderint, & quos ipse præ-  
 sens videt, cum illisq; simul viuit, &  
 idcò doctrinam planè humanam no-  
 uam, ac quibusdam sophismatibus  
 tantum subnixam tuetur. *Ante Valen-  
 tinum. n. inquit Irenæus, nō fuerunt, qui  
 sunt à Valentino: neque ante Marcionem  
 erant, qui sunt à Marcione: neque omni-  
 nò erant aliqui sensus maligni, quos suprā  
 enumerauimus, ante q̄ initiatores et inuē-  
 tores peruersitatis eorum fierent. Vel sal-  
 tē demōstrent, num cū auctoribus ip-  
 sorum doctrinæ Deus aliquando lo-  
 cutus fuerit, vel aliqua miracula per  
 eos ediderit: num Apostolorum tem-  
 porib⁹ aliquis ex illis vixerit. Verūm  
 cū nihil horum docere possint, nul-  
 lo cer-**

Io certè modo, seipſos ad illam primã & ineffabilem veritatem; Deum inq̃ ipsum referre poterunt: Ad quos meritò dicendum eſſe, docet Tertul. *Qui eſtis? quãdo, & vnde veniſtis? quid in meo agitis non mei? quo denique Marcion iure ſyluam meam cædis? qua licentia Valentinæ fontes meos tranſuertis? qua poteſtate Apelles limites meos commoues? Mea eſt poſſeſſio: quid hîc cateri ad voluntatem veſtram ſeminatis & paſcitis?* Sed hæc hæc hactenus.

Si ergò iſtorum Eccleſias Apoſtoli ipſi fundarunt, ſi plenam eorũ doctrinam tuentur, ſi ab illis ſucceſſionem ſuam demõſtrant; Apoſtolicas habēt Eccleſias. Si autem nulla earum cõditionum illis cõuenit; nam & Eccleſias eorum nuper Lutherus fundauit: vel ſi vetera repetere malũt, Simõ Magus, quem primũ principem & ducem hæreticorũ fuiſſe, teſtatur Irenæus atque Tertull. qui eodem modo cũ illis fide ſola hoïes iuſtificari docuit. Si itẽ doctrinam Apoſtolorũ, ita vt monſtratum eſt, non ſequuntur: ſi ſucceſſionem non modò non mõſtrant, ſed èt

Q 2

impu-

impugnant; Apostolicas Ecclesias nō habent: hæreses igitur sequuntur.

Illa igitur vera erit Ecclesia, quæ Vna, q̄ Sācta, quæ Catholica, q̄ Apostolica.

Verūm de primo genere signorū hætenus dictum sit. De quibus, qui plura & meliora cognoscere velit, legat eum, qui primus hanc ante alios omnes viam præclarè triuit, doctissimū simul ac Sanctissimum Cardinalem,

Stanislaum Hosium, popularem

& fautorem quondam no-

strum planè singu-

larem.

DE

DE VERAE  
ET FALSAE ECCLE-  
SIAE DISCRIMINE,  
LIBER TERTIVS.

PRIMUM INSIGNE VERAE  
Ecclesiae, praesentia Spiri-  
tus Sancti.

CAPVT PRIMVM.



Vnc ad secundum signo-  
rum genus transeamus,  
*σημεία* hæc Aristoteles vo-  
cat, quæ & si, vt superiùs  
diximus, singula rem ne-  
cessariò non demonstrant, turba ta-  
men conferta tanquam præstantissi-  
morum tironum cuneus, magnam  
vim faciunt: quæ & si cum re ipsa non  
conuertuntur, vbi tamen non sint,  
rem ipsam inueniri planè impossibi-  
le fieri solet. Quæ & si non ad omnes  
veteres hæreses vndiquaque for-  
tasse referri possent; nostri tamen

Q 3

secu



seculi sectas planè confodiunt, quorum primum hoc sit: Illam veram Ecclesiam esse, quæ certa signa & indicia præsentia Spiritus sancti habet: hic enim Ecclesiæ semper præsens adesse debuit, eam regere, eam gubernare, eam viuificare, consolari, docere denique debebat. Pollicetur hoc illi Isaias: *Et dabit tibi Dominus panem arctum, & aquam breuem, & non faciet auolare à te ultra doctorem tuum, & erunt oculi tui videntes præceptorem tuum, & aures tuæ audient verbum post tergum monentis. Hæc est via, ambulate in ea, & non declinetis neq; ad dextram neq; ad sinistram. Et contaminabis laminas sculptilium argentitui, & vestimentum conflatis auritui, & disperges ea sicut immunditiam menstruatæ.* Pollicetur ipse sponsus Christus Dominus. *Et ego rogabo patrem, & alium paraclitum dabit vobis, ut maneat vobiscum in æternum, spiritum veritatis, quem mundus non potest accipere, quia non videt eum, nec scit eum. Vos autem cognoscitis eum, quia apud vos manebit, & in vobis erit.* Præsentia autem Spiritus sancti, nulla clariora, nulla il-

Isa. cap 30.

Ioan. 14.

1.º strio.

Iustiora ac euidentiora argumenta  
 esse possunt, quàm ipsi eiusdem Spiri-  
 tus sancti fructus: Ex fructibus siqui-  
 dem cuiusque rei, naturam cognosci  
 debere, ipse Saluator docet: vbi illi  
 præsentes sint, ibi rem ipsam esse ne-  
 cessariò, fructibus sublatis, rem quo-  
 que ipsam auferri oportere. *Fructus autem*  
*spiritus sunt*, inquit Paulus, *Charitas, gau-* Galat. 5.  
*dium, pax, patientia, benignitas, bonitas,*  
*longanimitas, mansuetudo, fides, mode-*  
*stia, continentia, castitas.* Charitatis autem 1. Corint. 13.  
 quæ est primus spiritus sancti, fructus  
 illæ sunt partes: *Patiens est, benigna est:*  
*non emulatur, non agit perperam, non in-*  
*flatur, non est ambitiosa, non quarit quæ*  
*sua sunt: non irritatur, non cogitat malum,*  
*non gaudet super iniquitate, congaudet au-*  
*tem veritati: omnia suffert, omnia credit,*  
*omnia sperat, omnia sustinet.* Si igitur hæ-  
 reses hos fructus habent, veram Eccle-  
 siam apud eos esse oportebit: si autem  
 eos fructus non modò non habent, sed  
 etiam impugnant, rident ac contem-  
 nunt; quomodo verè Ecclesiæ nomē  
 sibi vsurpare possunt? Quæ enim apud  
 Q 4 illos

illos est charitas? qui fructus eius? quod  
 gaudium? quæ pax? quæ patientia? quæ  
 benignitas? quæ bonitas? quæ longa-  
 nimitas? quæ & qualis mansuetudo,  
 modestia, continentia, castitas? à qui-  
 bus quantum absint, superiùs docui-  
 mus abundè: eadem enim repetere,  
 hominis est & tempore, & ocio abu-  
 tentis. In Ecclesia verò Catholica hi  
 fructus semper Deo ipso teste exstite-  
 runt & exstant adhuc, Spiritum san-  
 ctum igitur nunquam ab illa abesse  
 fateamur, oportet. Vbi autem Spiri-  
 tus sancti adest præsentia, ibi veram  
 Ecclesiam esse diximus, cui<sup>9</sup> ille dux,  
 præceptor, consolator perpetuus es-  
 se debuit.

*SECUNDE IN SIGNE: AD  
 formas & species eius, in scriptura  
 adumbratas, conuenientia  
 & consensus.*

CAPVT II.



Vius illa sit secūda nota, cam  
 veram Ecclesiam esse, quæ ma-  
 ximè cum illis imaginibus, &  
 formis,

formis, ac quasi exemplis conuenit, quibus ipsa per Spiritum sanctum in sacra scriptura ornari ac veluti p̄gi solet. Cū enim Rex ipse Salomon, Christus Iesus dilectam suam, vnicā suam, multis dotibus, multis ornamentis, insignibus & coloribus multis, vario item vestitu & ornatu decorasset, omnemque plenitudinem gratiæ, secū dum seipsum in illa inclusam & ob signatam esse voluisset, quæ vniuersæ dotes cum vnica oratione explicari non possent, multis & varijs coloribus, & imaginibus, varias dotes, exprimentibus, eas scriptura circumloqui necesse habuit: per quæ illa cognosci, ac veluti digito demonstrari possit. Ex quibus hæc quidem eius cum sponso inseparabilem cognitionem, amorem, & dilectionem representant, dum illam ipsam sororem, dum filiam regis, dum matrem pulchræ dilectionis & magnæ spei, dum columbam, amicam appellare solet: sponsam, atque ad eò dominam domus, quæ in partem omnium bonorū vocata est: regnat enim ille, reg-

Q 5

nat &amp;

nat & illa? docet ille, docet & illa: pas-  
 scit ille, pascit & illa: curat ille, curat  
 & illa: aperit in cœlum ille, aperit &  
 illa: soluit ille, soluit & illa: orat & de-  
 precatur ille, deprecatur & illa: iudi-  
 cat ille, iudicat & illa: plectit fontes,  
 coronat merentes ille, facit hoc idem  
 & illa: Corpus denique eius est os de  
 ossibus, & membrum de mēbro cor-  
 poris sui. *Cuius caput, inquit Bernardus,*  
*aurum est optimum, ipse Iesus Christus, in*  
*quo sunt reconditi omnes thesauri scientiæ*  
*& sapientiæ Dei: cuius facies decora, illa*  
*inquam, de qua dictum est: Sic luceat lux*  
*vestra, ut homines videntes bona opera ve-*  
*stra, glorificent Deum qui in cœlis est. Cu-*  
 ius genę turturis, hoc autem est casti,  
 & continentes homines: cuius oculi,  
 oculi columbarum, magistratus, inq̄  
 tàm spirituales quàm seculares: cui⁹  
 labia fauus distillans, Doctores, inq̄,  
 & prædicatores eximij, cuius vbera,  
 hoc est, Sacramentorum ministri &  
 dispensatores, pastores, inquam ipsi  
 pulchriora vino: cuius manus distil-  
 lant mirram, homines virtutis exer-  
 citio dediti: cuius pedes speciosi, pe-  
 des

Bern. in Can.  
 Col. 2.

Cant. 2.  
 Matth. 5.

D. Bernhar.  
 in Cantic.  
 Cant. 1.

des inquam euangelizantium bona,  
euangelizantium pacem.

Vt autem hæc adiuncta arctissimã  
cius ad sponsum coniunctionem desi-  
gnant; ita illa summam eius pulchri-  
tudinem, splendorem, lucem, sancti-  
tatem & integritatem demonstrant:  
dum templum, in quo Deus inhabi-  
tat, extra quod sacrificium non est, sa-  
cerdos non est, doctor non est, cultus  
veri Dei non est, vocatur. *In monte san-  
cto meo, inquit Ezechiel, in monte excel-* *Execl. 20.*  
*so Israël, ait Dominus Deus, ibi seruiet mi-*  
*hi omnis Israël, omnes inquam in terra, in*  
*qua placebunt mihi, & ibi quæram primi-*  
*tias vestras, et initium decimarum vestra-*  
*rum, in omnibus sanctificationibus ve-*  
*stris.* Tabernaculum militiæ nostræ  
vt habitet in nobis ac veluti in nube,  
& columna ardente nos semper & v-  
bique præcedat: regale sacerdotium: *1. Petr. 2.*  
ciuitas iusti & sancti: gens electa,  
gens sancta, conciuēs sanctorum,  
hereditas Domini, domestici DEI  
appellatur: mons Domini, ne *Matth. 5.*  
que obscurus aliquis, aut latens  
mons, sed mons in vertice montium,  
cui-

*Cass. 4.**Psal. 18.*

ciuitas in monte posita, quæ abscon-  
 di non potest ad quem confluent oēs  
 gentes: tota formosa, speciosa, rota  
 pulchra, sine ruga, sine macula, auro-  
 ra, luna, sol ipse esse censetur: thronus  
 eius, inquit sicut sol in cōspectu meo,  
 & sicut luna perfecta in æternum, &  
 testis in cœlo fidelis. Et: In sole posuit  
 tabernaculum suum, & ipse tāquam  
 sponsus procedens de thalamo suo.  
 Quæ annexa planè conuincunt eorū  
 inīanā opinionem, qui Ecclesiam  
 Dei, aut obscuram, aut planè inuisi-  
 bilem esse docent, qualia Calvinus,  
 Brentius, atque ipse Lutherus aliquā  
 do somniare solent. Si enim obscura,  
 quomodo in monte posita? quomo-  
 do aurora, sol, luna, lux ipsa esse dici-  
 tur? si inuisibilis, quomodo, qui eam  
 non audit, tanquā ethnicus atq; pub-  
 licanus, esse censetur? quomodo fra-  
 ter rebellis illi denunciari potest? quo-  
 modo vox docentis audiri, manus Sa-  
 cramenta dispensantis videri potest?  
 quomodo oues in ei⁹ ouilia ingredi?  
 quomodo pastoribus suis subijci po-  
 terunt? Quid tu. (inquit Aug.) hæreti-

ce fugis in tenebras, qđ latitare conaris, omnis enim qui malè agit, odit lumen, & non venit ad lumen, vt non arguantur opera eius: qui autem facit veritatem, venit ad lumen, vt manifestentur opera eius, quæ in Deo sunt facta.

Tertium genus attributorum, celebrat eius imperium, regalem maiestatem, ordinem; vt cū regnum cœlorum, regnum omnium seculorum, <sup>Psal. 47.</sup> imperatrix & regina, ciuitas regis magni dicitur, quæ diues est: *Gloria & diuitia in domo eius, & iustitia eius manet in seculum seculi,* diues gratijs, diues sacramentis, diues virtutibus, diues opibus: extra hanc omnis habitat paupertas. Quæ ordinata, <sup>Cant. 6.</sup> vt castrorum *acies ordinata:* quæ pulchra: <sup>Tob. 13.</sup> porta Hierusalem ex Sapphiro & Smaragdo edificabuntur: & ex lapide pretioso, omnis circuitus murorum eius: ex lapide candido & mundo, omnes plateæ eius sternentur: & <sup>Isa. 60.</sup> per vias eius Alleluia cantabitur. Quæ frequens & populosa est: *Et aperientur porta eius iugiter, die ac nocte non claudentur, vt afferatur ad te fortitudo gentium,*

& 76.



& reges eorum adducantur : gens & reg-  
 num quod non seruiet tibi, peribit, & gen-  
 tes solitudine vastabuntur. Quæ abun-  
 dans rebus omnibus necessarijs refer-  
 ta est: Est enim in medio platea eius fluui-  
 us, & ex utraque parte fluminis, lignū vi-  
 ta afferrens fructus duodecim: per menses  
 singulos reddens fructum suum, & folia li-  
 gni ad sanitatem gentium. Quæ fortis &  
 munita est. Fundamenta enim eius in mō-  
 tibus sanctis, diligit dominus portas Sion,  
 super omnia tabernacula Iacob: ipse domi-  
 nus murus eius & antemurale. Quæ cla-  
 ra & illustris est: Gloriosa dicta sunt de  
 te ciuitas Dei. Quæ concors est. Hierusa-  
 lem quæ edificatur ut ciuitas, cuius parti-  
 cipatio in idipsum. Illuc enim ascenderunt  
 tribus, tribus Domini, testimonium Isra-  
 ël: ad confitendum nomini Domini. Huic  
 ciuitati opponitur illa, de qua Dauid:  
 Vidi iniquitatem & contradictionem in ci-  
 uitate, die ac nocte circumdabit eam super  
 muros eius iniquitas, & labor in medio e-  
 ius, & iniustitia, & non defecit de plateis  
 eius usura & dolus. Quæ eadem porta  
 coeli, domus Dei, reginā denique &  
 princeps dicitur.

Quar-

Apoc. 22.

Psal. 86.

Is. i. 26.

Psal. 86.

Psal. 121.

Psal. 54.

Quartum genus insignium, robur & inuictam vim illius demōstrat, dū coelum & terra dicitur, vrbs fortitudinis Sion, acies castrorum ordinatorum, ciuitas in monte posita, columna & firmamentū veritatis, acies ordinata, exercit⁹, agmē, castra deiuuētis.

Quintum, fœcūditatem eius representat, dum vitis abundans in laterib. *Psal. 127.*  
*Psal. 79.*  
 domus Domini, quæ extendit palmites suos ad mare, & propagines suas, vsq; ad terminos terræ, dicitur. dū vinea florens appellatur. Vineam est, docet Bernardus, propter vitem, quæ est Christus: propter agricolā, qui est æternus pater: propter fulcra, quib. per clauiculos palmites hærent, sacerdotes inquam & magistratus. Vineam propter septem successionis continuæ: vineam, propter vinū optimum, qui sunt sãcti Dei. Habet clauiculos charitatis & veritatis: habet pampinos ceremoniarū, habet flores sacramētorum, habet fructus præstantissimarū virtutū: plātatur in fide, mittit radices in charitate, defoditur in sarculo discipline, poenitentiu lachrymis stercoratur, p̄sentium

dicantium doctrina irrigatur. Eadē, hortus conclusus appellatur, in quo adest flos lilij candidus, in virginibus: flos violæ, in innocentibus: flos rosæ, in martyribus: flos malogranati, in Apostolis: flos oliuæ pinguis, in sanctis Confessoribus atq; Doctoribus: flos balsami in virgine sancta: denique, fons signatus, ager fœcundus, sagena plena bonis & malis piscibus: area expurgata, cathedra magni Doctoris vocatur.

*Genes. 32.*

Sextum ornamentorum genus denotat eius pericula, certamina, pugnas: vt cū castra Dei viuentis, acies ordinata, mulier pariens, nauis, quæ ex vno ligno non constat, quæ omnem insensorem admittit, præter latronē, insula quæ fluctibus ceditur, specula cuius custodes die ac nocte non dormiunt, ablactata à lacte, vidua, sterilis & deserta, mulier quæ parit, appellari solet. Habent ea castra hostes varios. Pagani impugnant illa turbando pacem: Iudæi Christi incarnationem negando. Hæretici fidei sinceritatem inficiendo: Schismatici obedientiam, & Eccle.

& Ecclesiæ vnitatem rumpendo; Tyranni & principes Ecclesiæ libertatē opprimendo, falsi fratres charitatem extinguendo. Varios habet hostes; sed & propugnatores non pauciores; gentibus opponit Reges ac principes suos, Iudæis & hæreticis opponit Pontifices, & Doctores; Schismaticis opponit sanctorum communionem, regimen Prælatorum, obedientiam subditorum Tyrannis, Martyrum agmen; vtitur contra malos fratres, excommunicatione, contra hæreticos scripturis, & antiquitate atque oratione. Et vt hæ ipsæ imagines designant eius pugnas, & pericula; ita illa aduncta, eius celebrant triumphos & victorias, cùm dicitur, *Hierusalem, ciuitas sancta, mons Sion, qui in æternum non commouebitur, populus fortitudinis, ciuitas gentium robustarum, vrbs fortitudinis, virgo intemerata, visio pacis.*

Si igitur hunc tam varium & magnificentum ornatum habent nostri sæculi. concubinæ; reginæ sunt. At si nihil ex isto splendore & apparatu in

R his

his inuenitur, si inimicæ Christi sunt, si sordidæ, & obscœnæ, si pauperes & mendicæ, si infirmæ & debiles, si sterunt & dormiunt, si sponte sua ruunt, si infœcundæ & vbera habentes arentia; non sponsæ, sed pellices sunt. At cui omnes isti colores, omnes gēma, omnis vestitus, & apparatus, vniōesque conueniunt; illa vera coniunx Regis Salomonis erit, talis autē est, vna, sancta, Catholica, & Apostolica Ecclesia.

*TERTIVM INSIGNE: FILIAE*

*Regis obedientia ad legem primam,  
hoc est, ad legem naturæ.*

*CAPVT III.*



NON mediocre est & illud veræ Ecclesiæ DEI ornamentum atque decus; quod non Euangelium tantum, non sola veteris & noui testamenti instituta sequitur, sed etiam ad primam illam & summam legem, naturæ inquam & rationis, respicit, atque se totam componit, quæ legem

legem nulla lex aut abrogare, aut illi derogare, vel abrogare quidquam potest. Est enim ipse Dei omnipotentis spiraculum vitæ homini inflantis digito in ipsa præscripta natura; de qua Paulus magnificè; *Cum enim gentes quæ legem non habent, naturaliter ea quæ legis sunt faciunt, eiusmodi legem non habentes, ipsi sibi sunt lex, qui ostendunt opus legis scriptum in cordibus suis, testimonium reddente illis conscientia ipsorum, & inter se inuicem cogitationum accusantium, aut etiam defendentium, in die cum iudicabit Dominus occulta hominum secundum Euangelium meum per IESVM Christum.* Et in alio loco: *Condelector enim legi Dei secundum interiorem hominem: video autem aliam legem in membris meis repugnantem legi mentis meæ, & captiuantem me in lege peccati, quæ est in membris meis.* Itaque hæc ipsa prudentissima mulier non omnia in Euangelio quærit, non omnia ex lege scripta petit, multa ex ipsius principijs naturæ haurit. Proinde non differentiam sacri & profani, non priuati & publici, iusti & iniusti,

iusti, æqui & iniqui, doctoris & discipuli, præfecti & subditi, casti & incesti, inde repetit. Non sacerdotem, nõ sacrificium, non aras & templã, non cultum & cærimonias externas, non decimas, victumque & alimenta altaris, & id genus alia, his similia, inde sibi demonstrari postulat. Hæc enim ex ipsius legis naturæ vi atque decretis primò hausit, atque edocta est. Nõ ciuiles leges, non rerum publicarum formas & species, non magistratum officia & functiones, ac gubernationis modum; non belli & pæcis iura, sed ab ipsa natura hæc talia edocta sequitur. Iamque hæc in alia lege longè prius præscripta ac definita esse nouit, lege inquam vt dixi naturæ, Deumque semel dicere nec iterum frustra repetere, à sacra scriptura est præmonita. Quam quidem legem primam & summam constantissimò ille legislator Deus abrogat nunquã, cùm non sit illius tanquam hominis mortalis cuiusdam sua rescindere decreta, aut aliquam palinodiam cantare, aut poenitentia vlla duci; sed  
deui-

deuiantibus ab ea hominibus, & nō naturalia pro naturalibus amplectētibus, perficit atque interpretatur. Itaque ne veterum quidem doctissimorum virorum, etiam illorum, qui fidem nō receperint, inuenta de virtute, de vitio, de honesto & iusto, de decoro, acco, quod non conuenit aspernatur; sed tanquam ab illis, quibus hæc Deus reuelauit, teste Paulo, atque adeò tanquam ab iniustis earum rerum possessoribus, vt inquit Augustinus, accepit at veneratur. Et proinde nihil vnquam ineptè, nihil inconcinnè ac insolenter, nihil enormiter, atque inhumanè, nihil effusè, atque flagitiosè, nihil naturæ & rationi repugnans agit; quæ omnia, cùm hæreses non sequantur, spernant atque rideant, ab hisque sint alienissimæ, mirum nō est: si ad nullam item veræ Ecclesiæ Dei partem pertineant, ac instar beluarum ab omni recta rationis & iudicij regula remoti uiuant, multaque foedè, immaniter, flagitiosè, crudeliter perpetrent; si ordinem nullum habeant, si aliena



rapiant καὶ πάντα σφετεροῦσι hoc est, omnia tua faciunt, nihilque cuiusquam ferarum more proprium esse volunt.

*QUARTVM INSIGNE: VBERTAS donorum Spiritus sancti.*

CAPVT IIII.



Quartum est, Regis Salomonis sponsæ decus ac ornamentum, vbertas inquam donorum Spiritus sancti: quæ sicut unguentum pretiosum, primò descendit in caput ipsius summi Aaron Iesu Christi, deinde in barbam & vultum illius, ac demum vniuersis membris eius perfusis, descendit in vltimam oram vestimenti eius. Hunc enim vixit æternus pater oleo lætitiæ præ confortibus suis; sed tamen non sine confortibus eius. Illeque est, in quo primum inhabitat omnis plenitudo diuinitatis corporaliter, & de plenitudine eius accipimus omnes. Vtitur hoc

hoc signo Irenæus lib 2. cap. 51. vtitur Iustinus in Dialogo contra Triphonem, quorū verba paulò post magis opportuno adferemus loco. Dona autem Spiritus sancti enumerat Isaias: *Et requiescet super illum spiritus Domini, spiritus sapientia, & intellectus, cōsiliij, & fortitudinis, spiritus scientia, & pietatis, & replebit eum spiritus timoris Domini.* Quæ dona qui non habet, inquit Paulus, non est eius. Qui igitur coetus tantam vbertatem eorum donorum ostendere poterit, quam ostendit vna, sancta, Catholica & Apostolica Ecclesia; ille meritò sibi eius nomen vindicare poterit: hoc est, in quo tanta sapientia, & intellectu tot homines præditi reperiantur, tanto consilio & fortitudine, tanta scientia & pietate, tanto demum timore Domini: qui æquè veloci mente omnium supernarum mentium ordines superauerint: qui tam profundè in ipsius diuinitatis abyssos sese insinuarint: qui causas, principia, atque elementa rerum perfectius intellexerint, atque alijs explicauerint: qui maiore con-

filio, prudentia, dexteritate in rebus  
 gerendis vsq̄ fuerint: qui fortius & a-  
 nimosius omnia tela ignita inimici  
 intrepidè exceperint: qui maiorem  
 diuinarum & humanarū rerum sci-  
 entiam habuerint: qui res obscurissi-  
 mas & inperuestigabiles acutius cō-  
 prehenderint: qui rerum difficilima-  
 rum modos & rationes inuenerint:  
 qui omnes difficultates, quæ huma-  
 no animo concipi possunt, vberius  
 explicarint: qui omnium inimico-  
 rum, siue gentilium, siue Iudæorum,  
 siue hæreticorum magnificentius o-  
 ra obstruxerint: qui pari doctrina,  
 linguarum cognitione, eloquentia,  
 differendi subtilitate, ingenij acumi-  
 ne præditi fuerint: qui maiore pietate  
 & religione, Deum coluerint: qui il-  
 lum ex toto corde & anima omni-  
 busq̄ viribus magis amauerint &  
 timuerint: qui denique omnem mū-  
 di sapientiam, omnium temporum  
 & sæculorum, omnium item secta-  
 rum ac philosophorum cognoue-  
 rint, sapientiaq̄ & ingenio suo, lon-  
 gè superauerint. Quæ igitur congre-  
 gatio,

gatio, qui coetus, tantam vbertatem  
donorum in se complexa fuerit; illa  
meritò sibi nomen veræ Ecclesiæ v-  
surpabit. Si igitur isti veræ Ecclesiæ  
dignitatem sibi vsurpant; proferant  
nobis inprimis Dionysios, Clemen-  
tes, Iustinos, Origenes, Epiphianos,  
Tertullianos, Cyprianos, Athanasi-  
os, quos ipsi mundi sapientes impri-  
mis admirati, illisq̄ue magistris vsi  
sunt. Notum est Porphyrij testimo-  
nium; de Origene: notum Plotini,  
in cuius scholam cum aliquando O-  
rigenes venisset, statim genas rubo-  
re suffusus assurgere voluit, sermo-  
nem verò ab Origene continuare ro-  
gatus, respondit: studium loquendi  
cessare, quando qui loquitur anim-  
aduertit se, ad illos, qui idem ipsi lon-  
gè melius norint, verba facturum: at-  
que ita, cum pauca quædam disseru-  
isset, inde surrexit. Quos omnes vasa  
sapientiæ, & intellectus spiritus Do-  
mini rectè appelles. Ostendant Con-  
stantinos, Theodosios, Iouinianos,  
Mauricios, Carolos, Boleslaos, Pudi-  
cos, VVladislaos, Iagellones, Sigif-

mundos: qui viri consiliorum in scriptura vocantur. Ostendant Stephanos, Laurentios, Vincentios, Sebastianos, Albertos, Stanislaos: Teucas irem & Catherinas, Cecilias, Lucias, qui sua fortitudine omnem tormentorum vim cōtra pietatem debilem esse docuerunt. Demonstrant Gregorios, Basilios, Apollinares, Chrystomos, Cyrillos, Augustinos, Ambrosios, Hieronymos, Thomas, Bonaventuras, Hosios, quibus vniuersa veterum doctrina, subtilitas, atque eloquentia cessit. Ad quos sæculi sapientes doctrinæ & eruditionis causa à longè venerunt, quorum eloquentiam admirati sunt? quos nihil diuinum aut humanum, quantum ista vita fert, latuit. Basilij quidem iam planè sacris literis immergi epistola, cum quondam Athenas in scholam principis illius sæculi Oratorum ac Sophistarum Libanij perlata fuisset, cumque eam Libanius legisset, tacitè inspectis omnibus, subridensque & gaudens, Victi sumus, aiebat. Et quanam victoria, rogabant illi, vi-

ctus

In Basilij e  
pistolis, epist.

ctus es? & quamobrē si victus es, non doles? In elegantium, inquam, epistolarum certamine vict' quidem sum, & Basilius est, qui vicit, is autem amic' noster est; & eam ob rationem gaudeo. Cumque hæc diceret, ex ipsis volebant literis iudicare de victoria, legitque Alypius princeps discipulorum, audientibus reliquis qui aderant: lata verò sententia est, illum nihil esse mentitum: & qui literas habebat ac legerat, secum illas auferebat, ostensurus puto & alijs, ægreque ablatas restituit. Scribe ergò similia, & vince, alloquitur Basilius Lybanius: hoc enim est me vincere. Et de studio quidem sacro loquitur more suo impiè, de persona Basilij autem magnificè: Libros, inquit, quorum peiorem dictionem, meliorem verò mentem ac sententiam esse dicis, habeto, nemo prohibet; eorum verò, qui nostri sunt semper, tui iam olim radices adhuc in te manent, ac manebunt, donec in hac vita fueris, nec vlllo tempore excidentur, etiamsi illas quàm minimè rigaueris. Quem  
dein-

*Ibidem in e.  
pſiſtis.*

deinceps hominem admirandum, vocem melle cōditam, linguam auream, os, in quo insint eloquentiæ fontes, virum Acheloi filiabus elegantioſiorem, quatenus demulceret quidem, quemadmodum & ille, non autem noceret vt ille. Præ quo Platonis sapientiam, & Demosthenis in dicendo vehementiam frustra iactatas esse docet; præ illoque sermonem suum, atq; si culicem elephanto conferas, dicit. Homerus, inquit, hic vir est; imo Plato, imo Aristoteles, quin Sufario magis qui nihil ignorabat. Hunc deinde petebat, vt per eius illustrem sapientiam liceret pertingere, ad Homericæ sapientiæ altitudinem, hoc est, quosdam locos Homeri illo enarrante ac interpretante, intelligere. Similia multa de Gregorio Nazianzeno, ac de alijs scripta reperies; Et quanquam hæc magna ac planè diuina sunt, tamen illa multò maiora, maioreq; admiratione digna, & quæ ipsius Spiritus sancti planè vim demonstrant, in tanta, tam admirabili virorum excellentia, tantus amor,

tan-

tanta concordia, tantus in tradendis  
 dogmatibus, interpretandęque scri-  
 pturę consensus; vt planę dicas vno  
 corde, vno ore, omnes locutos esse,  
 eadem omnes manu scripsisse: idque  
 tam disiunctis locis, regionibus, ac  
 temporibus; vt de illis hoc verissimę  
 dictum esse videatur: *Qui habitare* *Psal. 67.*  
*facit vnus moris in domo.* Veteres  
 quidem Philosophi ne duo inter se *Harcticorũ*  
 conuenire poterant vnquam; inter *dissensio.*  
 hos duos qui dissideant, non inueni-  
 es. Apud Nouatores verò, quis disci-  
 pulus à præceptore non defecit? quis  
 illum non impugnavit? quis non ac-  
 cusauit? quis se illi non præferri vo-  
 luit? Demonstrent denique Paulos,  
 Antonios, Hilariones, Maccarios, O-  
 nuphrios, Benedictos, Bernardos,  
 Dominicos, Franciscos, Hyacinthos.  
 Proferant item Nicolaos, Martinos,  
 ac reliquos iustos & timoratos vi-  
 ros, quorum omnium pectora pieta-  
 tis ac verę charitatis templa fuisse, or-  
 bis terrarum consensus fatetur. Qua-  
 lium hominum, dum non modò  
 rem non habeant; sed ne vmbra  
 qui-



quidem ac imitationem vllam, quos dum exæquare non possunt, conuicijs, & maledictis lacerant atque proscindunt. Facebant igitur cum hac sua, suorumque cœlestium donorum paupertate: neque sibi ornatum, pretiosaque monilia verę sponsæ Regis Salomonis falsò vsurpare, maiestatemque Dei Ecclesiæ sibi tribuere desinant.

*QVINTVM INSIGNE: INCORRUPTA PER OMNE AÏVM FUNDAMENTORVM RELIGIONIS CHRISTIANA CONSERVATIO, ATQ; EIUS DOCUMENTORVM.*

CAPVT V.

**S**IT igitur quintum insigne Regis Salomonis sponsæ: Eam esse veram sponsam, quæ summa & prima capita & fundamenta religionis nostræ integra, intemerata, ac sacrosancta, in omni decursu sæculorum conseruauit: nec ipsa fundamenta tantum; sed etiam eorum funda-

fundamentorum & capitum documenta, & demonstrationes omnes.

Summa autem & prima capita religionis nostræ illa sunt: Sanctissimæ Trinitatis Patris, & Filij, & Spiritus sancti confessio: IESV Christi incarnatio: duarumque naturarum, in nulla parte diminutarum, in vna persona plena, inconfusa, intemerata vnio: redemptionis item & reconciliationis nostræ modus & ratio: iustitiæ nostræ prima fundamenta: Sacramentorum res & nomina: populi Christiani partes & functiones: vitæ, immortalitatis, resurrectionisque futuræ certissima spes: pœnarum itē, ac præmiorum certa ratio. Quæ quidem sunt prima & summa fidei nostræ Christianæ capita. Eorum autem capitum & primorum quasi fidei nostræ principiorum, quibus hæc firmantur, ex quibus pendent, sunt documenta, ac præsidia illa; libri noui & veteris Testamenti, sacrum Symbolum, Canones, Cōstitutionesque Apostolicæ, sacrarum item Synodorum, quæ per omne hoc tempus peractæ

*Capita Christiane religionis.*

272 DE VERAE ET FAL. ECCLES.  
actæ sunt, decreta & instituta, sanctif-  
simorum Pontificum edicta, atque  
responsa, sanctorum Patrum, sacræ  
scripturæ interpretatio, fidei Christi-  
anæ confirmatio, hæresum refutati-  
ones, difficillimarum quæstionū ex-  
plicationes, historiæ, vetustatisque  
fides & monumenta.

Quæ igitur Ecclesia hæc omniâ  
integrè vsque ad hanc diem conser-  
uauit, illam spōsam Christi esse, quis  
non confitebitur? Neque enim pos-  
sibile est sine præcipua Spiritus sancti  
ope & præsidio hæc facta tecta con-  
seruari, in hisque non errari. Atqui  
hæc omnia vna, sancta, Catholica, &  
Apostolica Ecclesia, cuius princeps  
& magistra, ac quasi promacunda  
Romana semper meritò habita est,  
integra & incōtaminata cōseruauit,  
& conseruat adhuc. Cuius suæ fidei,  
fidelisque dispensationis, vtraque  
hac in parte, omnium sæculorum  
amplissima refert testimonia: Pauli  
imprimis *Gratias ago Deo meo, Roma-  
nis scribens, quod fides vestra annuncia-  
tur in vniuerso mundo.* Deinde vniuersi  
ori-

Rom. 1.

orientis, cuius patres tam magnificè  
 cam compellant sedem. *Reuera, sum-*  
*ma prædicatione felicitatis vestre dig-*  
*num est illud, quod sanctitati vestre tri-*  
*butum est à Domino, mancum & adulte-*  
*rinum à probato & puro posse discerne-*  
*re. Patrum autem fidem, sine omni im-*  
*pedimento prædicare, quam & nos susce-*  
*peramus & cognoueramus ex Aposto-*  
*lorum traditionibus delineatam, & in*  
*cuius cõsensum vobiscum venimus. Nam*  
 nostris temporibus res ipsa testari  
 potest, omnia sana, omnia integra &  
 incorrupta, hæc ita vti à principio à  
 maioribus sunt tradita, conseruari  
 videmus. Vt autem fidei ipsius fun-  
 damenta inçorrupta conseruantur;  
 sic & documenta ipsorum atque præ-  
 fida omnia: testis est nobilissima il-  
 la orbis terrarum in Vaticana Bibli-  
 otheca, cui nunc amplissimus Scirle-  
 tus, magna laude & diligentia præst;  
 in qua vniuersam nouam & veterem  
 legem, sanctorum Patrum senten-  
 tijs, in modum catenarum contex-  
 tis expositam, manu in membranis  
 conscriptam videmus: in qua vni-  
 uersa

*In epistolis  
 Basilij.*

*Bibliotheca  
 Vaticana.*

uerſa orientis & occidentis orbis doctrina conſeruat, canones item & decreta: in qua eodem modo omnium Conciliorum ferè Patrum volumina, pleraque ipſorummet manu conſcripta, eadem fide aſſeruantur. Quo cùm Græci atque alij orientales homines veniunt, mirantur, ac ingemifcunt, dum opes & theſauros ſuos olim temerè amiſſos recognoſcunt. Me quidem magis ille locus permouebat, quàm ipſum Rhemi atq; Romuli capitolium, omneſque omnium ſæculorum ſtatuarum ac marmora. Cuius diligentiarum noſtræ, vel iſti ipſi, nolint velint teſtes eſſe coguntur. Vnde enim Legem, vnde Euangelia, vnde Pauli epiſtolas, vnde Concilia, vnde veteres Patres acceperunt, vti ſuperius demonſtratum eſt, quàm à nobis? quæ tamen ipſi modico hoc tempore, ex quo in earum rerum diſpenſationem ſe ingeſſerunt vel amiſerunt, vel prauis interpretationibus adulterarunt, vel ineptiſſimis ſuis ſcriptis atque cõmentarijs deſœdarunt, potius quàm illuſtrarunt. Quæ non

eadem fide ab alijs Ecclesijs custodita fuisse, & res ipsa testatur, & sacri conqueruntur Patres Athanasius, Basilus, Theophanes, Isauricus, Anastasius, Bibliothecarius Itaque S. Leo primus, epistola 83. ad Palæstinos quæritur, à Græcis epistolam ad Flavianum suam se adhuc superstitem fuisse corruptam. Et S. Gregorius Papa lib. 5. epistola 15. ad Narsen asserit, Constantinopolitanos corrupisse Synodum Chalcedonensem, idemque ait, se suspicari de Ephesina, codices autem Romanorum longè veraciores esse quàm Græcorum, quoniam, inquit, Romani sicut non acumina, ita nec imposturas habent. Denique Nicolaus primus in epistola ad Michaëlem Imp. cum eam ad epistolam Adriani primi remitteret: Si tamen, inquit, non falsata more Græcorum, sed sicut à Sede Apostolica missa est, penes Ecclesiam Constantinopolitanam hæctenus conseruatur. Non errat inquit difficile summa religionis capita, eorumque documenta conseruare. Cur igitur ipsi non conserua-

runt? cur non tutati sunt? quinquagesimus vix est annus, vt earum rerum possessionem inuaserūt, & iam vix reliquias fidei Christianæ, quam tot hæresibus, tot schismatibus turpissimis defœdarunt, retinent. Quid ipsa documenta, quæ non nisi Spiritus sancti ope conseruari, testis est Græcia, quæ apud se nata, ita non retinuit, vt nunc necesse omnino habeat, vel ea ex his nostris Septentrionalibus regionibus iuxta vet<sup>o</sup> prouerbiū, ἀνοποταμοί accessere, ac quasi postliminio repetere. Sed hæc hæc tenus.

*SEXTVM INSIGNE: VERI  
cultus diuini perpetua conseruatio.*

*CAPVT VI.*



Extum illud erit Ecclesiæ Dei documentū, vt illa sit vera sponsa Christi, in qua sit verus & syncerus cultus diuinus, omnesq; partes illius. *Confitebor tibi Domine, inquit Dauid, in Ecclesia magna, in populo*  
grauis

gravi laudabo te. Et: Beati qui habitant in domo tua Domine, in sacula seculorum laudabunt te. Et: Laus eius in Ecclesia

Psal. 83.

Psal. 149.

sanctorum. Et de cultu quidem interno nihil est quod dicamus: hic enim cum intus sit, Deoque soli cognitus, signum & indicium Ecclesie Dei esse nullo modo potest. Externus cultus,

Cultus exter-  
nus.

rebus, personis, & circumstantijs atque instrumentis continetur. Res cultus diuini consistunt in sacrificijs,

Malach. 1.

de quibus Malachias: *Non est mihi voluntas in vobis, dicit Dominus exercituum, & munus non suscipiam de manu vestra: ab ortu enim Solis usque ad occasum, magnum est nomen meum in gentibus: & in omni loco sacrificatur, & offertur nomini meo oblatio munda; quia magnum est nomen meum in gentibus, dicit Dominus exercituum.* In ceremonijs,

de quibus Genesis 26. *Daboque posteritis uniuersas regiones has, & benedicentur in semine tuo omnes gentes terra, eo quod obedierit Abraham voci mee, & custodierit precepta mea, & mandata mea, & ceremonias, legesque seruauerit.* In votis: *Vouete & red-*

Psal. 75.



1. Tim. 2.

Ephes. 5.

2. Cor. 11.

*dite Domino Deo vestro munera. In obsecrationibus, orationibus, postulationibus, gratiarum actionibus, pro omnibus hominibus, pro regibus & omnibus qui in sublimitate sunt. In hymnis, Psalmis, canticis spiritualibus: in labore & ærumna, in vigilijs multis, in fame, in siti, in ieiunijs multis, in frigore & nuditate, in sui ipsius castigatione, humi que cubationibus, omni que carnis mortificatione, referente & enumerato hæc omnia Paulo. Personæ cultui diuino destinatæ illæ in scripturis leguntur: Pontifices, Presbyteri, Sacerdotes, Diaconi, Subdiaconi, Acoliti, Lectores, Ostiarij, Exorcistæ, Monachi, Eremitæ, Virgines item, Deo que deuotæ viduæ. Circumstantiæ & instrumenta cultus diuini illa sunt: Tempa, altaria, vasa & vestitus sacer, dies item festi, supplicationum, ieiuniorum, pœnitentiæ, &c. stata tempora vniuersa, quæ ipsa sacra Scriptura docet, tum ipsa natura insita, quadam voce commēdat. Quæ omnia, cùm Ecclesia, tam occidentalis, quàm orientalis arctissime*

simè tueatur, ac ita, vt à primis suis  
fundatoribus accepit, retineat; huius  
autem sæculi hæreses, non modo hæc  
ipsa non habeant, sed rideant etiam;  
sed superstitiones atque inuentiones  
humanas, Euangelicam libertatem  
extinguētes, legis autem seruitutem  
inducentes appellent; illa quidem ve  
ra sponsa; hæc autem impure pellices  
erunt. Sacrificium visibile habent  
nullum, vota nulla, cærimonias nul  
las, sacrorum & cærimoniarū antisti  
tes nullos: templa ab his sunt demo  
lita, altaria euersa, sacra vasa confla  
ta, virginitas irrita, p̄ Daudicis Psal  
mis, quæ de ore Ecclesiæ Iudæis ipsi  
testib⁹ nunquam recedere debebāt;  
cantica quædam aulicorum hominū  
introduc̄ta sunt. Et potest quispiam  
dubitare, cum quidem cœtum, qui  
hæc omnia integra retinet, Catholi  
cum & sacrosanctum esse, veramque  
& legitimam sp̄sam Regis Salomo  
nis existere; horū autē conuenticula,  
quæ nihil horum integrum retine  
runt, vagas quasdam & procaces con  
cubinas esse. Addamus in honorem

beatissimæ virginis Mariæ matris  
 Dei Colorarium illud: In vera Eccle-  
 sia debet esse perhennis veneratio  
 matris Dei: hoc enim ipsa in spiritu  
 Dei prædixit: Ecce enim ex hoc bea-  
 tam me dicent omnes generationes:  
 quia fecit mihi magna qui potens  
 est, & sanctum nomen eius. Cùm igitur  
 in istorum Synagogis mater Dei  
 non modò non prædicetur tantum,  
 sed illi maledicatur, proscindatur, ac  
 traducatur nonnunquam, graueque  
 nefas putetur, si Angelica salutatio-  
 ne honoretur; profectò non erunt de  
 illis generationibus, de quibus illa  
 prædixit, beatam eam prædicaturas  
 in perpetuum; sed ex illius principis  
 cohorte potius, de quo dictum est  
*Inimicitias ponam inter te & inter muli-  
 erem, & illa calcabit super caput tuum,  
 & tu insidiaberis calcaneo eius:* procul-  
 que ab illa domo erunt, in qua beati  
 habitantes omnes, quia in æternum  
 laudabunt Dominum: remotissimi  
 ab Ecclesia sanctorum: remotissimi à  
 populo graui, in quo benedicatur  
 Dominus. Neque Ecclesiam solum;  
 veram

Luc. 2.

Gen. 2.

veram tales homines non habent, sed ne Christiani quidem sunt, ac ne Deum quidem norunt, nec vllum religionis ac pietatis sensum, vel Iudeo quopiam aut Ethnico teste, meritò habere possunt. Quomodo enim ille religione aliqua imbutus esse putandus est, qui nullum certum modum, nullam certam rationem atque formulam diuini numinis colendi habet? nullos ritus, nullas cærimonias certas amplexus est? Itaque præclarè profectò illi ipsi, ad quos isti non ita pridem prouocarunt, orientales Patres contra illos eam tulerunt sententiam: Nisi sacras preces inquirunt, liturgiasque dies festos, & his similia, non cauponantes, sed Deum piè timentes peragimus, quæ quidem omnia fidei sunt consequentia, præclaraque opera; gens quædam absq; Deo esse putabimur, quæ Deum non timeat; & quæ à fide viua, quæ in omnibus principem locum tenet, ac quasi familiam ducit, sit alienissima. Sublatis enim rebus illis, quæ rem aliquam necessariò natura sua conse-

*In Censura  
orientalis  
Ecclesie.*

2. Paral. 15.

quuntur, fructusque eius quodammodo sunt, quantum in nobis est; illud ipsum, quod principale est, auferri oportet: ad illamque; ciuitatem pertinent, de qua secundo Paralipomenon scribitur. *Transibunt autem multi dies in Israel absque Deo vero, & absque sacerdote doctore, & absque lege. Cumque reuersi fuerint in angustia sua ad Dominum Deum Israel, & quaesierint eum, reperient eum. Sed hæc hæc tunc.*

SEPTIMUM INSIGNE:  
ordo à Christo Domino & eius Apostolis designatus & inchoatus, usque ad hanc ætatem integer conseruatus.

## CAPVT VII.



Septimum est filia Regis monile. Ordinata est: ipse enim altissimus, qui ordinem ante alia oia amat, & qui sub pondere, mensura, & numero fecit omnia, eam fundauit, ad formamque illius cœlestis Hierusalem, in qua summus rerum omni-

omnium ordo est, eam conformavit: *Pulchra est*, inquit scriptura, *ut luna, electa ut Sol, terribilis ut castrorum acies ordinata*. Et, quæ à Deo sunt, ordinata esse docet Paulus. Neque simpliciter ea ciuitas ordinata est, sed eo genere ordinis ordinata, quem ipse sponsus, sanctique eius Apostoli perscripserunt, quem delinearunt, cuius fundamenta ipsi iecerunt. Ordinata autem ita esse debuit, ut primò in ea sit pastor, ipso sponso ita ordinante, deinde ouile: *Et erit inquit unus pastor & unum ouile*. In ouili autem quidam debebant esse spirituales, quidam seculares, laici quidam, quidam clerici. Vtrunque complexus est D. Petrus: *Seniores ergo, qui in vobis sunt, obsecro consenior, & testis Christi passionum: qui & eius quæ in futuro reuelanda est gloria communicator: Pascite qui in vobis est gregem Dei, prouidentes non coactè, sed spontaneè, secundum Deum, neque turpis lucri gratia, sed voluntarie: neque ut dominantes in clericis, sed forma facti gregis ex animo; & cum apparuerit princeps pastorum, percipietis immarcescibilem gloria*

Cant. 6.

Rom. 12.

Ioan. 10.

1 Pet. 5.

Ephes. 4.

*gloria coronã. Spiritualiũ hominũ eos recenset ordines Paul⁹. Et ipse, inquit, dedit quosdam quidem Apostolos, quosdam autem Prophetas, alios verò Euangelistas, alios autem pastores & doctores ad consumationem sanctorum, in opus ministerij, in adificationem corporis Christi.*

1. Pet. 2.

In secularibus eiusdem Apostoli designatione numerãtur Præpositi primum, in his autem Reges, Duces, & alij in sublimitate positi, quibus obedire oporteret, non tantum propter metum, sed etiam propter conscientiam. Deinde subditi: de qua vtriusque ordinis diuisione Petrus: *Subiecti igitur estote omni humane creaturæ propter Deum, siue Regi, quasi præcellenti, siue Ducibus tanquam ab eo missis ad vindictam malefactorum, laudem verò bonorum: quia sic est voluntas Dei, ut bene facientes obmutescere faciatis imprudentium hominum ignorantiam.* In his autem omnibus alij coniugati censentur, alij vidui & viduæ, virgines, & qui cum mulieribus coinquinati nõ sunt alij. Quorum omnium non solum mentionem facit Paulus, sed etiam

tiam eorum leges & officia explicat.

**CONIUGATORVM** quidem Mu- <sup>Ephes. 5.</sup>  
 lieres viris sint subditæ, sicut Domino;  
 quoniam vir caput est mulieris, sicut Chri-  
 stus caput est Ecclesie. Ipse, Saluator cor-  
 poris eius: Sed sicut Ecclesia subiecta est  
 Christo, ita & mulieres viris suis in om-  
 nibus. Viri diligite uxores vestras, sicut  
 & Christus dilexit Ecclesiam, & seipsum  
 tradidit pro ea, ut illam sanctificaret mū-  
 dans eam lauacro aquæ in verbo. **VIDV-**

**ARVM.** Quæ autem verè vidua est & <sup>1. Tim. 5.</sup>  
 desolata, speret in Deum, & instet obse-  
 crationibus nocte & die. Nam quæ in de-  
 licijs est, viuens mortua est. & hoc preci-  
 pio, ut irreprehensibiles sint. **VIRGI-**  
**NYM** item. Mulier innupta & vir- <sup>1. Cor. 7.</sup>  
 go, cogitat quæ Domini sunt, ut sit sancta  
 & corpore & spiritu.

Illa igitur erit vera Ecclesia, quæ  
 ordinata est, & in hunc modum, quo  
 dictum est, ordinata: alioqui falsa e-  
 rit scriptura, quæ dicit eum ordinem  
 vsque ad cōsumationem sanctorum  
 permansurum. Cùm igitur in Ecclē- <sup>Ephes. 4.</sup>  
 sia Romana, alijsque Ecclesijs Apo-  
 stolicis omnibus hæc eadem ratio or-  
 dinis



dinis permaneat, ac integra conferuetur, apud nostri autem temporis hereticos nihil horum sit: nam neq; vnum pastorem agnoscunt, neq; distinctos Apostolorum, Euangelistarum, pastorum, Doctorum grad<sup>o</sup> habent: Reges, & duces vix sufferūt, virginitatem & viduitatem rident. Initiationes nullas, ordinationes nullas adhibent. Quòd si quid ordinis retinent, in hoc nihil sanctum, nihil Deo dicatum, nihil initiatum, Hierarchicum nihil agnoscant: sed omne illud quicquid est, ad solum ciuile ministerium referunt. in numerumq; agasonum & aurigarum conijciunt; Ecclesiam Dei profectò quæ ordinata est, apud eos nō esse certum erit: quæ enim à Deo sunt, ordinata sunt: apud eos cū nullus sit ordo; nihil item diuinum sit oportet: ad illamq; potius ciuitatem referentur, quam Iob, ac reliqua scriptura terram miseræ & tenebrarum, vbi vmbra mortis, & nullus ordo, sed sempiternus horror inhabitat, appellare solet.

*Vultus de ea  
nota tractat  
in fine operis  
Panarij Epi-  
phanij, vbi  
omnē sui tem-  
poris rationē  
ordinis Eccle-  
siasticæ i pul-  
chre expli-  
cat.  
Tab. 10.*

OCTA.

OCTAVVM INSIGNE:  
*communioris sanctorum sensus  
 & consensus.*

## CAPVT VIII.

**D**icimus igitur octauo, ve-  
 ram Ecclesiam cōmunio-  
 nem sanctorum profiteri,  
 firmiterq; tueri ac defen-  
 dere, eius enim illa vox

est: Credo communionem sancto-  
 rum. De qua communionem D. Ioan-

1. IOAN. 1.

nes: *Vt & vos societatem habeatis nobis-  
 cum, & societas nostra sit cum patre & fi-  
 lio eius, IESV Christo.* Ex quo cœta

GENES. 48.

hominum fuit ille, qui inquit: Deus  
 in cuius conspectu ambulauerunt pa-  
 tres mei, Abraham & Isaac: Deus qui  
 pascit me ab adolescentia mea vsque  
 in præsentem diem: Angélus qui eru-  
 it me de cunctis malis, benedicat pu-  
 eris istis, & inuocetur super eos no-  
 men meum: nomina quoq; patrum  
 meorum, Abraham, & Isaac, & cres-  
 cant in multitudinem super terram.

Et ille: *Quiescat ira tua, & esto placabi-  
 lis super nequitia populi tui. Recordare*

EXOD. 32.

Abra-

*Abraham, Isaac, & Israel servorum tuorum, quibus iurasti per teipsum. Et*

*Psal. 118.*

*alius: Particeps ego sum omnium timentium te, & custodientium mandata tua.*

*Daniel. 3.*

*Et illi ipsi tres pueri in camino ignis ardentis: Ne, quæsumus, tradas nos in perpetuum, propter nomen tuum, & ne dissipes testamentum tuum, neque auferas misericordiam tuam à nobis propter Abraham dilectum tuum & Isaac servum tuum, & Israel sanctum tuum, quibus locutus est pollicens. Fortissimus item ille*

*2. Mach. 12.*

*Machabæorum dux Iudas, facta collatione, duodecim millia drachmas argenti, misit Hierosolymam, offerri sacrificium pro peccato. Benè & religiosè de resurrectione cogitans (nisi enim eos qui ceciderant resurrecturos speraret; superfluum videretur, & vanū orare pro mortuis) & quia considerabat, quod cum pietate dormitionem acceperant, optimam haberent repositam gratiam. Sancta ergo & salubris est cogitatio pro defunctis exorare, ut à peccatis solvantur. Ex eodem genere*

*Rom. 15.*

*hominum fuit Paulus: Obsecro ergo vos, inquit, fratres per dominum nostrum IESUM CHRISTUM, & per charitatem sancti*

*sancti spiritus, ut adiuuetis me in orationibus pro me ad Deum, ut liberer ab infidelibus qui sunt in Iudæa, & obsequij mei oblatio accepta fiat in Hierusalem sanctis, ut veniam ad vos in gaudio per voluntatem Dei, ut refrigerer vobiscum. Et: Adiuuan-* 2. Corin. 13  
*tibus & vobis in oratione pro nobis, ut ex multarum personis facierum, eius que in nobis est donationis, per multos gratia agantur pro nobis. Et in omnibus sumentes* Ephes. 6.  
*scutum fidei, in quo possitis omnia tela nequissimi ignea extinguere: & galeam salutis assumite, & gladium spiritus, quod est verbum Dei: per omnem orationem & obsecrationem, orantes omni tempore in spiritu, & in ipso vigilantes in omni instantia, & obsecratione, pro omnibus sanctis, & pro me, ut detur mihi sermo in apertione oris mei, &c. Et, Orationi in state, vigi-* Coloss. 4.  
*lantes in ea, in gratiarum actione, orantes simul & pro nobis, ut Deus aperiat nobis ostium sermonis ad loquendum mysterium Christi, propter quod etiam vinc-tus sum, ut manifeste illud, ita ut oportet me loqui. De cætero fratres orate pro nobis, ut* 2. Thess. 3.  
*sermo Dei currat & clarificetur sicut & apud vos, & ut liberemur ab importunis &*  

T
malis

*malis hominibus*. Quæ quidem communio sanctorum, nihil aliud est quàm militantis Ecclesiæ, cum ea, quæ cum Christo triumphat cœlesti Ecclesia, atq; illa, quæ post mortem suorū reliquias purgat peccatorum, ipsarumq; partium omnium inter se cōiunctio quædā, societas ac indiuidua vnitas. Quæ societas omnium operū ac meritorum, siue illa sint sacrificia, siue orationes, siue eleemosynæ atque ieiunia, siue martyria, siue carnis mortificationes, ac reliquæ virtutes omnes, habet communem vsum & vtilitatē, vt quod vnum membrum ex hoc corpore facit, hoc profit omnibus; iuxta illud promissum Christi. Qui accipit prophetam in nomen prophetæ, mercedem accipiet prophetæ. Et si compatitur vnum membrum, inquit Paulus, patiuntur & reliqua. Est enim Ecclesia fidelium cōgregatio, est corpus vnum ex multis membris compactum, cuius caput est Christus: ipsū enim Deus dedit caput super omnem Ecclesiam, quæ est corpus ipsius. Et sicut in vno corpore multa membra

habe.

*Matth. 12.*

*Ephes. 5.*

*Ephes. 1.*

*Rom. 12.*

habemus, omnia autem membra nō eundem actum habent; ita multi vnū corpus sumus in Christo, singuli autem alter alterius membra. Qualis itaque membrorū inter se societas est, vbi operatio cuiusque membri cedit in commodum totius corporis; talis est inter Ecclesiæ membra, qui sunt fideles, bonorum operum quædam cōmunio, non solū eorum, quæ fecit Christ⁹ caput huius corporis, ex quo manat in reliquū corpus omne, & in singula eius mēbra quicquid est boni, quicquid est meriti; verū & piorū hoīm omnium, qui sunt, quiq; fuerunt ab initio mundi: nobis vt eorum benefacta subueniant, nos iuuent, nos ædificent, vt bonorum omnium spiritualium, quæ fiunt, & quæ facta sūt olim in Ecclesia, quo ad illius esse membra nō desierimus, participes efficiamur. Hoc est, quod CHRISTVS nos orare docens, iubet, non sibi quemque peculiariter petere, sed velut vnius corporis membra, eodem animata spiritu, quod in commune cunctis expediat, à communi omnium patre

Matth. 6.  
Galat. 6.

postulare, dicendo: Da nobis, dimitte nobis, libera nos: ita vt alter alterius onera portemus, & sic legem Christi adimpleamus. Hoc est, quod apud Ieremiam dicit quoque dominus: *Cir-*

Ierem. 5.

*cuite vias Hierusalem, & aspici-  
te, & quaerite in plateis eius, an inueniatis virum,  
qui faciat iudicium, & quærat fidem, &  
propitius ero ei. Propitium se fore pro-*  
mittit Hierusalem, dum modò vel vnus aliquis vir iustus reperiatur in ea. Similiter & in libro Iob legimus, quod ad Elipham Themanitem dixerit dominus: *Iratus est furor meus in te,*

Iob. 42.

*& in duos amicos tuos, quoniam nõ estis lo-*  
*cuti corã me rectum, sicut seruus meus Iob.*  
*Sumite ergò vobis septem tauros, & septẽ*  
*arietes, & ite ad seruum meum Iob, & of-*  
*ferte holocaustũ pro vobis, Iob autem ser-*  
*uus meus orabit pro vobis, faciem eius sus-*  
*cipiam, et non vobis reputabitur stultitia.*

Genes. 18.

Hoc est, quod in Genesi quoq; scribitur: Si decem iusti Sodomis reperti fuissent, quod propter eos nõ fuerit Deus ciuitatem deleturus. Quem locũ explicans Ambros. *Vnde discimus, in-*  
*quit, quantus murus patrie sit vir iustus:*

*quem-*

quemadmodū non debeamus inuidere Sanctis, nec temerè derogare. Illorum enim fides seruat, illorū iustitia ab excidio defendit. Sodoma quoq; si habuisset viros iustos decem, potuit non perire. Sic apud Ezechiellem dicit Dominus: *Quasiui de eis virum qui interponeret sepem, & staret oppositus contra me pro terra, ne dissiparem eā, & non inueni.* In qua quidem communionē, non modo sancti Ecclesiæ militantis in terra peregrinantes, verū etiam beati omnes Ecclesiæ cū Christo in cœlis felicissimè triumphantis, ac insuper piorum animæ, quæ ex hac vita egressæ, nondum tamen illam beatorum felicitatem sunt consecutæ, simul comprehenduntur. Extra hanc Sanctorum communionem (sicut extra Noë arcam) certum quidē exitium, nulla verò salus mortalibus: non Iudæis aut Ethnicis, qui fidem Ecclesiæ nunquam receperunt: non hæreticis, qui receptam deseruerunt vel corruerunt: non schismaticis, qui pacem & vnitatem Ecclesiæ reliquerunt: postremo neque excommunicatis, qui qualibet alia graui de cau-

Ezech. 22.



sa id meruerunt, vt ab Ecclesiæ corpore ceu pernicioſa quædam membra præſcinderentur ac ſepararētur. Atq; iſtius modi omnes, quoniam ad Eccleſiam eiufq; ſanctam communionem non pertinent, diuinæ gratiæ & ſalutis æternæ non poſſunt eſſe participes, niſi Eccleſiæ, à qua ſuo illi vitio ſunt ſemel auulſi, primum reconcili-entur atq; reſtituātur. Certa eſt enim Cypriani & Auguſtini regula: Non habebit Deum patrem, qui Eccleſiam noluerit habere matrem. Cuius communionis eandem rationem deſcribit vetuſtiſſimus & ſanctiſſimus Doctor Ambroſius: *Eccleſia autem, quædã forma iuſtitie eſt, commune ius omnium. In commune orat, in commune operatur, in commune tentatur. Deniq; qui ſeipſum ſibi abnegat, ipſe iuſtus, ipſe dignus Chriſto eſt. Ideo & Paulus fundamentum poſuit Chriſtum, vt ſupra eum opera iuſtitie lo caremus, quia fides fundamētum eſt. In operibus aut aut malis iniquitas, aut bonis iuſtitie eſt.* Ab ea igitur tali communionem Sanctorum, cum huius ſæculi hæretici remotiſſimi ſint, eamq; impug-  
nent,

Lib. 1. Officiorum, cap. 29

1. Corint. 3.

nent, rideant etiam. Illud quasi tacitè indicantes, se & fidem, & mores alios esse secutos, quam Sancti Dei sunt secuti, & ideò nihil se commune cum cœlesti illa Hierusalem, nihil cum sanctis Dei habere, ex alia denique ciuitate, ex alio ouili, ex alio cœtu esse. Remotissimos item à vera Ecclesia, eiusque membris, spiritu item, & capite eius Christo Iesu esse oportebit.

## NONUM IN SIGNE:

*virtus miraculorum.*

## CAPVT IX.

**S**IT igitur nonum reginæ ornamentum; Gloria miraculorum: quæ eam ob causam superiùs necessaria esse diximus, ne doctrina eius humanum potius inuentum, quàm diuina reuelatio esse videatur: nèue fraudi & fallaciæ locus aliquis relinquatur. Pollicetur eam dotem illi ipse sponsus. *Qui crediderit, inquit, & baptizatus fuerit, saluus erit* <sup>Marc. 16.</sup> *qui verò non crediderit, condemnabitur. Signa autem eos qui crediderint, hac*

T 4

se-

Hebr. 2.

sequentur: In nomine meo demonia eijci-  
ent, linguis loquentur nouis: serpentes tol-  
lent, & si mortiferum quid biberint, non  
eis nocebit: super agros manus imponunt,  
& bene habebunt. Quod idem docet  
Paulus: Quomodo nos effugiemus, si tan-  
tam neglexerimus salutem? que cum ini-  
tium accepisset enarrari per dominum, ab  
eis qui audierunt, in nos confirmata est, cō-  
testante Deo signis & portentis, & varijs  
virtutibus, & Spiritus sancti distributio-  
nibus, secundum suam voluntatem. Vti-  
tur hoc eodem signo Irenæus. Qua-  
propter & in illius nomine, qui verè illius  
sunt discipuli, ab ipso accipientes gratiam,  
perficiunt ad beneficia reliquorum homi-  
num, quemadmodum unusquisque acce-  
pit donum ab eo. Alij autem laborantes  
aliqua infirmitate, per manus impositio-  
nem curant, & sanos restitunt. Iam eti-  
am, quemadmodum diximus, & mortui  
resurrexerunt, & perseuerauerunt nobis-  
cum annis multis: & quid autem? Non  
est numerum dicere gratiarum, quas per  
vniuersum mundum Ecclesia à Deo accipi-  
ens in nomine Christi Iesu crucifixi sub  
Pontio Pilato per singulos dies in opitula-  
tionem

tionem gentium perficit, neque seducens aliquem, nec pecuniam ei auferens: quemadmodum enim gratis accepit à Deo, gratis & ministrat: nec inuocationibus angelicis faciat aliquid, nec incantationibus, nec aliqua praua curiositate, sed mundè, & purè, & manifestè, orationes dirigentes ad Dominum, qui omnia fecit, & nomen Domini nostri Iesu Christi inuocans, virtutes secundum utilitates hominum, sed non ad seductionem perfecit. Hoc eodem signo usus est Tertullianus: Pro bent se, ait, nouos Apostolos, eadem signa edant. Volo igitur et virtutes eorum proferre, nisi quod agnoscam & maximam virtutem illorū, qua in peruersum Apostolos emulantur. Illi enim de mortuis viuos faciebant, isti de viuis mortuos faciunt. Quo eodem insigni se in eius sinu retineri testatur D. August. Me, inquit, tenet in Ecclesia authoritas miraculis inchoata, spe nutrita, charitate aucta, vetustate firmata. Et alio loco: Si nec scripturarum authoritatis antiquitas, nec miraculorum potestas, nec morū sanitas, nec rationis veritas, vos asserit: abite confusi, & redite confessi, etc. Quæ quidem signa & miracula, quæ,

& quanta in Ecclesia exstiterint semper, testis est omnis vetustas. Neq; vllus est aut Ecclesiasticus, aut profan<sup>9</sup> scriptor, qui eius rei testis non sit, testantur hoc idem omnes omnium seculorum historie atque annales: restantur tot templa, atq; monumenta, tot sanctorum martyrum fana atque sepulchra, tot anathematibus, atque donarijs, eo nomine per totum orbem exornata atque decorata: quibus omnibus fidem derogare, est parum prudentis & ingenui hominis. Sed & nunc & si non tam frequentia propter iam fundatam fidem (signa enim infidelibus dantur, non credentibus) in hoc nostro orbe conspiciuntur; in alijs tamen, vbi nunc primùm fides Catholica fundatur, partibus mundi, eadem ferè, quæ Apostolorum temporibus fuerunt, fieri itidem cõspiciuntur: in America, inquam, Indijs, Iapone, cæterisque noui orbis partibus. Quod si isti negant, reddant causam, quid illud sit, quòd tam feras, tam inhumanas, tam ab omni pietate remotas gètes; sub iugum Christi venire coegit atq;

com-

compulit, si non hæc ipsa de quibus disputamus, signa & miracula?

Sed & apud nos Exorcistæ sunt, qui ab obsessis hominibus palam videntibus, atq; spectantibus omnibus quotidie demonia eijciunt. Quo signo ad ad confirmandā verā Ecclesiā vltus est itidē aliquādo Irenæus. *Quapropter & in illius nomine, qui verè illius sunt discipuli ab ipso accipientes gratiam, perficiunt ad beneficia reliquorum hominum, quemadmodum unusquisque accepit donum ab eo. Alij enim demones excludunt, firmissimè & verè, ut etiam sapiissimè credant ipsi emundati sunt à nequissimis spiritibus, & sint in Ecclesia. Vtitur & Iustinus: Vm Christi nominis timent demonia trementia, & hodie adiurata per nomen crucifixi Iesu Christi sub Pontio Pilato Iudæe præside, imperata faciunt. Idem rursus* Priore Apolo  
*in alio loco: Multos arreptitios per totum orbem, & in hac ipsa ciuitate Romana, multi ex nostris Christianis, adiuratos per nomen Iesu Christi sub Pontio Pilato crucifixi, sanarunt: quos nec adiuratores alij, nec incantatores, expiatorésue sanare potuerant. Multa, inquis, e mentitè fiunt. Non nego: quid tū? At*

multa etiam verè & sincerè; neque enim ementitè fierent, nisi verè aliquãdo essent. Fictio enim veritatem imitatur, totaque se ad illam componit, ubique veritas non est, neq; fictioni locus esse potest. Reges Galliæ solo cõ tactu sine omni alio remedio certos curant morbos. Multorũ sanctorum sepulchra & ossa pretiosum vnguētũ sudãt. Quotidie multos inuenias qui vel ad sacrosanctã Eucharistię arcam, vel ad martyrum delubra vota referētes sua, optatis potiuntur bonis, voti que sui compotes fiunt. Ostendant igitur isti ab eo tempore, ex quo exorti sunt, quid tale apud eos contigerit? ostendant Exorcistarum ordinem: ostendãt curationum gratiam, qua vel vnum dæmonium, & si mutum, & si surdum eiecerint: qua vel vnum ægrũ curauerint; quanquam tanta fide uti iactant abundant. Conati sunt quidẽ multi, vt Lutherus, & alij, sed quid p. fecerunt, quid ipsi retulerunt, vos legistis. Iocatur iucundè Erasmus: *Apostoli, ait, quoniam excutiebant vipersas, sanabant egrotos, excitabant mortuos, imposita*

*sita manus dabant dona linguarum; ita de-*  
*num creditum est, & vix creditum est il-*  
*lis paradoxa docentibus. Nunc cum iuxta*  
*communem opinionem adferant penè pa-*  
*radoxotera, nullus illorum adhuc existit,*  
*qui vel claudum sanare potuerit. Confin-*  
*guntur, inquit, à vobis miracula,*  
*aut arte magica fiunt. Hoc idem Chri-*  
*sto Domino, atque eius Apostolis Iu-*  
*dæi, atque Gentiles falsò obiecerunt.*  
*Ioannes, inquit, Baptista, nulla sig-*  
*na, nulla miracula edidit. Falsum est,*  
*nam vniuersa vita eius miraculum*  
*quoddam fuit: non sine miraculo cõ-*  
*ceptus: nō sine miraculo in vtero por-*  
*tatus: non sine miraculo totam tradu-*  
*xit vitam. Et quod caput est, illud te-*  
*stimonium à Christo audiuit: Hic est*  
*plusquam propheta. Et illud: Non surre-*  
*xit maior Ioanne Baptista. Doceant isti*  
*aliquid tale, & tūc miracula ab his nō*  
*repetemus. Antichristus signa faciet?*  
*At falsa & e mentita. Neq; tamen hoc*  
*dicimus, vbicunq; sint qualiacunq;*  
*miracula, ibi Ecclesiam Dei esse; sed il-*  
*lud potius, vbi non sint, ibi Ecclesiam*  
*Dei omninò esse non posse. Signa, in-*  
*quit,*



quiunt, dantur infidelibus non cre-  
dentibus: atq; nos iam pridem fidem  
perdidisse toties iactant: nostra igitur  
causa aliquid tale faciant, vel saltem  
Iudæorum atque Gentilium gratia:  
verum nihil tale faciunt vnquam, Ec-  
clesia igitur, quæ signis & miraculis  
confirmata non est, Ecclesia vera dici  
non potest.

DECIMUM INSIGNE: LV-  
men & veritas Prophetiæ.

CAPVT X.



Ulcherrima & illa est Ec-  
clesiæ DEI dos, & quasi  
pretiosissimum monile,  
lumen & veritas Prophe-  
tiæ. Prædixit hanc dotem

Ioel 2.

Ioel: *Et erit post hac: Effundam spiritum  
meum super omnem carnem, & propheta-  
bunt filij vestri, & filia vestra. Senes ve-  
stri somnia somniabunt, & iuuenes vestri  
visiones videbunt.* Prædixit ipse spon-  
sus: *Ecce ego mitto ad vos. Prophetas, Sa-  
pientes, & Scribas, &c.* Quod idem illi  
in Euangelio docent, qui dicunt: *Do-  
mine, nõne in nomine tuo prophetauimus?*

Matth. 23.  
Matth. 7.

1. Cor. 12.

Idem Paulus futurum prædicit: *Vnicui  
que*

que autem datur manifestatio spiritus ad utilitatem: alij quidem per spiritum datur sermo sapientie, alij autem sermo scientie secundum eundem spiritum, alteri fides in eodem spiritu, alij gratia sanitarum in uno spiritu, alij operatio virtutum, alij prophetia, alij discretio spirituum, alij genera linguarum, alij interpretatio sermorum. Hac autem omnia operatur unus atque idem spiritus, &c. Et alio loco: Spiritum nolite extinguere, Prophetias nolite spernere. Omnia autem probate, quod bonum est, tenete. Utitur hoc signo Irenæus: Alij autem & præscientiam habent futurorum, & visiones, & dictiones Propheticas. Itaq; nulla vnquã fuit ætas, in qua in Ecclesia Dei nõ exstitissent aliqui, qui dono fuerunt prophetie præditi, qui clades, pestes, hostiũ aduentus & inuasiones, multò ante non prædixerint, pacem item, & tranquillitatẽ. Quod donũ prophetiæ maximũ illũ Quadratum Atheniensem habuisse, testis est Eusebius lib. 4 histor. Reuelationes & visiones de futuris reb. frequẽter factas Polycarpo & Cypriano;

ip-

ipsi idonei testes sūt. Sed & B. Carpo,  
 visionem planè mirabilem contigif-  
 se scribit Dionysius Arcopagita, quo  
 eodem tempore mortuum suscitātū  
 fuisse Papiæ, testimonio confirmat lu-  
 culenter Eusebius. Quomodo & isto-  
 rum infaustum ortum & progressum  
 pulcherrima & verissima imagine ef-  
 finxit longè antè Sancta Brigida: *Nūc  
 ēt ostendam tibi (reuelatio Christi sanctæ  
 viduæ Brigida) quid ista significēt. Castrū  
 illud quod suprā dixi, est ipsa sancta Eccle-  
 sia: quam de sanguine meo, & sanctorum  
 meorum edificavi, & cemento charitatis  
 meæ coniunxi, & posui in ea electos meos,  
 & amicos. Fundamentum huius est fides,  
 scilicet, credere me iustum iudicem & mise-  
 ricordem. Sed nunc suffossum est fundamē-  
 tum, quia omnes credunt me, & prædicant  
 misericordē, sed quasi nullus prædicat nec  
 credit me esse iustè iudicantem. Ipsi habent  
 me quasi iniquum iudicem. Iniquus enim  
 esset iudex, qui ex misericordia iniquos di-  
 mitteret impunitos, ut iniqui iustos eò ma-  
 gis opprimerent. Sed ego sum iustus iudex,  
 & misericors, ita quod nec minimū pecca-  
 tū relinquam impunitum, nec minimum  
 bonum*

*bonum irremuneratum. Per huius muri suffosionem intraverunt illi in sanctam Ecclesiam, qui absque timore peccant, qui iustum me esse negant, & amicos meos sic conturbant: quemadmodum illos qui sunt in cyppo. Non enim est eisdem amicis meis gaudium nec consolatio, sed omne opprobrium & omnis dolor eis imponitur, taquam demoniacis. Si veritatem de me dixerint, confutantur, & mendacij arguuntur. Vehementer sitiunt audire vel loqui recta, sed non est qui eos audiat, vel eis recta loquatur: Ego quoq; dominus & creator, blasphemor. Dicunt enim: Nescimus si est Deus. Et si est, non curamus. Vexillum meum prosternunt & conculcant, dicentes: Quare passus est? Quid prodest nobis? Si velit dare nobis voluntatem nostram, sufficit nobis, & habeat ipse regnum suum & caelum. Ego quoq; ad eos ingredi volo, sed ipsi dicunt, ante moriemur, quam voluntatem nostram relinquamus. Ecce sponsa mea quales ipsi sunt. Ego feci eos, & vno verbo possem delere. Quomodo superbiunt contra me? Nunc autem propter preces matris meae & omnium Sanctorum, adhuc ita misericors sum & patiens, quod mittere eis volo*

V            verba

verba mea, quae de ore meo processerunt, et offerre eis misericordiam meam. Si recipere voluerint, placabor, sin autem, sentient meam iustitiam. Ita, quod sicut fures publicè coram angelis & hominibus confundentur, & ab omnibus dijudicabuntur. Sicut enim homines in furca suspensi deuorantur à coruis, sic isti à demonibus deuorabuntur, nec consumentur: Hæc illa. Pleni sunt talium rerū annales, plenæ historiæ. Hoc enim est, quod vim ipsam diuinā denotat, eamq; Ecclesiæ Dei adesse demonstrat. Iuxta illud Isaïæ: Hæc dicit dominus rex Israël, & redemptor eius, dominus exercituum. Ego primus, & ego nouissimus, & absq; me non est Deus. Quis similis mei? vocet & annunciet, & ordinē exponat mihi, ex quo constitui mihi populū antiquum: ventura & quæ futura sunt, annuncient eis.

Isaia 44.

Neq; solum hoc donum in vera Ecclesia semper esse, sed etiam signū veræ doctrinæ iuxta legis præscriptionē existere debuit: *Propheta autem, inquit lex, qui arrogantia deprauatus voluerit loqui in nomine meo, quæ ego non præcepi illi ut diceret, aut ex nomine alienorū Deorū,*  
interfi-

Deut. 18.

*interficietur. Quod sit acita cogitatione re-  
sponderis, quomodo intelligere possum ver-  
bum quod dominus non est locutus, hoc ha-  
bebis signū. Quod in nomine domini Pro-  
pheta ille prædixerit, & non euenerit, hoc  
dominus nō est locutus, sed per tumorem a-  
nimi sui propheta confinxit, & idcirco non  
timebit eū. Qua gratia, quantū Ecclesia  
abūdauit, semper & abundet adhuc,  
iam diximus: nunc quantum illi noui  
prophetæ eius habent, quātum in ea  
excellant, paucis videamus. Prædixe-  
runt istorū duces, corū prædicatione,  
religionem, fidemq; totā à nobis ne-  
glectā, mirifica incremēta sumpturā:  
Sacrosanctæ Trinitatis nomen, & ma-  
iestatem, illustrem per orbem vbique  
futurā: Iesu Christi gloriā & laudem,  
quā pontificij obscurarunt, ad omnes  
gentes pro manaturam: Sacramento-  
rum verū vsum restituendum esse: E-  
uangelium propagandum: virtutem,  
ac omnem honestatē maxima incre-  
menta accepturam: Romanā sedem  
intra duorū vel trium annorum spa-  
cio ruiturā: fidem Catholicam extin-  
guendam esse: doctrinam illorum v-*

niuersum orbem peragraturam : victorias præstantissimas secundum illos stare debuisse : mundi finem paulò post ad futurum . Euenitne aliquid horum? Nihil profectò . Nam & fidei articuli vix iam aliqui hac eorum prædicatione cõstanter retinentur, & venerandũ Trinitatis nomen foedè blasphematur : & Christi gloria conculcata iacet: eiusq; maiestas extincta est: Euãgelio nõ creditur : Romana sedes viuit, vigetq;: Sanctissimos Episcopos & Pastores habet: Ecclesia Catholica in vltimis finibus terræ propagatur : Orthodoxa doctrina illustratur: istorum sectæ extinguuntur: mundus illis mortuis superuiuit: victorię quas prædixerunt, in clades ipsorummet & ruinam, conuersæ sunt : multi mortales vndiq; perierunt : tot hominum millia: tot animarum simplicium pleni greges funestè cæsi sunt. Istine gratiam aut lumẽ prophetię habent? istine veri sunt prophetæ? aut istæ veræ Ecclesiæ quæ tales principes magistros & duces sequuntur? Ite & accendite lucernam in meridie.

VNDE,

## VNDECIMUM IN SIGNE:

*præsens ubique & perenne*  
 DEI adiutorium.

## CAPVT XI.



Vndecimum sit illud veræ  
 sponsæ insigne, præsens  
 semper, & opportunum  
 in omni tempore eius ne  
 cessario, diuinum præsi-  
 dium & adiutorium.

Prima quasi aggressione post spon-  
 si discessum inuasit eam Iudæorum  
 perfidia, qui signa, vt inquit Paulus,  
 quærunt. Contra quos dedit illi Do-  
 minus eam vim & virtutem signorū;  
 vt vel soli panni Apostolorum ad æ-  
 gros delati, vmbra denique eorū sola  
 curaret infirmos. *1. Corint. 1.*

Secundò, impugnata est per Tyran-  
 norum & Monachorum sæuitiam &  
 crudelitatem, quæ maximam pacien-  
 tiã animiq; robur requirebat, & hau-  
 sit cælitùs eam in perferendis tormen-  
 tis fortitudinem & constantiam, quæ  
 omnem ignem extinxit, omne fer-  
 rum emolliuit, dentes denique ipsos



leonum confregit.

Tertius impetus fuit Græcorū per Philosophiam, eamque maximè, que ex Platonis fuit Academia, ex quo genere fuit Porphyrius, Celsus, Ammonius, & alij multi: deditq; illi Dominus sapientiam eam, cui illi resistere nullo modo poterant: eduxitque ex eadem Platonis schola viros, quibus magistris illi vterentur, potiusquàm illis nocerent quidquam, Dionysios, inquam, Iustinum, Originem, Clemētem, Irenæum, Tertullianum: quorū, quæ, & qualis fuerit sapientia, paulò antè abundè diximus.

Quartò vexata est per eloquentiā, dicendiq; vim, ac omnem cultiorem doctrinam: ex quo genere fuit Arri<sup>9</sup>, Eunomius, Macedonius, Appolinaris, Sabellius, homines eloquentissimi, ac disertissimi, acumine summo, maxima concludendi vi; qui tãquam nefarij latrones vnicam Dei sobolem diuinitate spoliabant sua, & velut Aloide petulantissimi coelū conscendere nitebantur; vt omnium rerum architecti diminuerent maiestatē, vtq;  
sum.

summum opificem temporum ac se-  
 culorū in ordinem redigerent eorū,  
 quæ aliquando non fuissent. Arma il-  
 lis erant cōpta, vermiculataq; verba,  
 dissertationes atticismorū elegantijs  
 cōcinnæ, quas veluti catapultas in cæ-  
 lum cōtorquebant. Nec verò princi-  
 pis apostatæ Iuliani eodem tēpore se-  
 quitia clementior exstitit, qui furibun-  
 dus omni falcatorū ensium & ancipi-  
 tum bipenniū genere, rediuiua Chri-  
 sti germina succidere properabat. Nā  
 cū è studijs eloquentiæ gloriā sibi per-  
 ambitiosè quæreret, imò verò locuti-  
 onē fūco pigmentisq; circumlitā, al-  
 mæ loco deæ veneraretur; indignè fe-  
 rebat aridā & ieiunā (vt ipse exprobra-  
 bat) palestine superstitionis disciplinā  
 cōtagione per incautum stolidumq;  
 vulgus lōgè lateq; serpente, priscis au-  
 thoribus, qui laudatarum artium de-  
 cus luminibus orationis illustrassent,  
 situm & squalorem obducere, tene-  
 bras offundere, ineuitabilem demum  
 perniciem intentare. Sit enim fas no-  
 bis acerba retulisse conuitia, quæ ty-  
 rannus quidem ille stomachabund<sup>us</sup>

euomebat, nostræ verò detestantur aures, nostraque cogitatio reformidat. At Deus, cui sæpè rebelles animos eodem armorum genere profligare mos est, exsuscitauit Athanasium, Basilium, Cyrillum, Eusebium, Chrysostomum, Gregorium Nazianzenum, Hieronymum, Ambrosium, Augustinum: qui grauitate sententiarum, pondere verborum, omnibusq; eloquentiæ instrumentis ex pari poterant cum vetustis gentilibus certare, atque ob id cum aduersarium præfidijs, quibus ipse potissimum confidebat, facile deturbauissent, à calumnijs impiæ verborum, ingenuum cœlestium mystarum sermonem, ornatè, copioseque tutati sunt. Semel igitur atque iterum contra disparem hostem par pari relatum est, & ars arti succubuit, atque, vt prouerbio dicitur, Cornicum oculi confossi sunt. Nam vt enucleata recentium Theologorum subtilitas, cum naturæ secretarijs & conscijs, quos Philosophos appellant, cominus pedem conferens, vanas opinionones de sempiterna cœ-

na cœli conuersione vel vnitae intel-  
lectus humani labefactauit, pectori-  
busque hominum eiecit; sic antiquo-  
rum patrum, quos modò nomina-  
bam, oratio perelegans, hostem em-  
blemata dictionum, pictæq; tectoria,  
linguæ iactantem compescuit.

Quinta impugnatio fuit Peripate-  
ticam doctrinam differendi subtilita-  
tem, illiusque sentuosas tricas atque  
spinas. Quot captiosis argumentis,  
quot fallacibus cauillis, Alexander,  
Auerrois, Auicenna, Auenpacen, ad-  
uersus pios irruerint? Quàm ingenti  
cachinno credulitatem eorum deri-  
serit, quos ex ignoratione naturali-  
um disputationum scriptis fidem ha-  
buisse putabat, nullo syllogismo cõ-  
munitis? Sed non impunè tulerunt:  
nam suo ipsius gladio iugulati sunt:  
euestigiò namque Deo duce & auspi-  
ce nati sunt, Thomas, Bonauentura,  
Scotus, Albertus, Aegidius, cæteri-  
que Transalpinæ scholæ proceres, qui sa-  
crilegas, incestoq; ore voces, in sum-  
mum omnipotentem cœli regem im-  
piè euibratas, acriter vindicarēt: nam

validis, acutis, atque è penitissimo philosophiæ recessu depromptis rationibus, arcana scita consultaque defenſarunt: quæ Deus ipse vatibus ac legatis electis à se nuda veritatis simplicitate dictauerat. Neque enim seuerrimum, ac tanta iudicem autoritate subtiliter argumentari, sed breuiter ac grauer sententiam pronunciare decebat. Horum igitur firmis quasi pedamentis & adminiculis Christi vitarium ita corroboratū est; vt Arabicarum Græcarumq; impetus procellarum, ne pampinorum quidem nobis inuexerit iacturam.

Sextum & vltimum his nouissimis temporibus eius bellum ac certamē exstitit, per allegationem scripturæ, per prouocationem ad omnem antiquitatem, veteraq; tempora. Qua impulsione, cum omnia de sedibus & fundamentis suis commota & concussa ruere cœpisset; subito exstiterunt viri, qui totam scripturā, qui vniuersam vetustatem, monumenta, consilia, patres exhausserunt, ac veluti digitos proprios nouerunt; Sadoleti inquam,

quã, Poli, Roffenses, Mori, Hofij, Lindani, Tapperi, Sotti, Cani, Medinæ, Oforij, Canisij, Sanderi, alijque innumerabiles: qui veluti splendidissima sydera, istorum tenebras illustrarunt, istosq; fumantes ignes, suo splendore sustulerunt ac planè extinxerunt. Nūquam igitur caret sponsa magni regis necessaria ope, nunquam necessarijs præsijs: Neq; enim vnquam dormit *Psal. 120.* aut dormitabit, qui custodit Israel.

**DVODECIMVM IN SIGNE:**

*opportuna & salutaris correctio  
ac depressio.*

**CAPVT XII.**



Eq; verò hic sponsus spōsam suam tuetur, ornat & auget tantùm, illique perpetuò adest; sed eam castigat etiam nonnunquam ac deprimat: iuxta illud Dauidi factum promissum: *Si autem dereliquerint filij tui legem meam, & in iudicijs meis non ambulauerint. Si iustitias meas profanauerint, & mandata mea non custodierint. Visitabo in virga iniquitates eorum, in verberibus peccata eorum*

*Psal. 88.*

*eorum*

eorum. *Misericordiam autem meam non dispergam ab eo, neque nocebo in veritate mea. Neque profanabo testamentum meum: & quæ procedunt de labijs meis, non faciam irrita.* Quos enim Deus diligit, castigat, non castigari autem à sponso repudiari est. *Non visitabo dicit Dominus, super filias vestras, cum fuerint fornicatae, & super nurus vestras, cum adulterauerint.* Ita ut hæc ipsa sponsa necesse habeat sæpius vrgente procella inclamare: *Domine salua nos, perimus, & fac tranquillitatem.* Ut enim primam eius infantiam, quæ varia sorte iactata est, prætermittamus. Exultabat rerū felicium successu vinea hæc Constantini Magni, primi sui alumni temporibus: subitoq; exortus est Arrius, Eunomius, Macedonius, atq; adeo ille ipse vrsus violentissimus Iulianus: qui illius noualia pulcherri-  
mè virentia iam & florentia, impio pede calcavit, ac fero dente succidit. Erecta deinde est Iouiniani, Valentiniani, Theodosiorum item pietate. Iterum dormire cœpit. Exortus est iterum Nestorius, Eutyches, Appolinaris,

Hebr. 12.  
Osea 4.

Math. 8.

naris, qui lætitiã illius conuertit in  
 luctum, eamq; denuò ad cinerẽ & cili-  
 cium reuocauit. Reuixit de nouo, ra-  
 mosq; suos vsq; ad mare protendit,  
 maximaq; quiete & fœcunditate  
 hircire. Ecce tibi adest Atila, Totila,  
 Gensericus, aliaq; infinita barbarorũ  
 manus, quæ eam multis cladibus &  
 calamitatibus excitatam, atque exer-  
 citam reliquit. Tandem pacatum est  
 mare: res compositæ: extendit palmi- *Pfal. 79.*  
 tes suos vsque ad mare, & propagines  
 suas vsque ad terminos terræ. En ali-  
 ud incomparabile malum; Saraceni-  
 cus ferus immissus in eam Mahome-  
 tus, qui depastus est eam, extermina-  
 uit eam: in eiusq; ceruice positus.  
 Neq; tamen hæc succubuit; sed eò ma-  
 gis operuit montes umbra eius, & ar-  
 busta eius cedros Dei. Et iterum tamẽ  
 in somnum resoluta, oscitantius om-  
 nia agere visa est; excitatur subitò pri-  
 mum per Berengarium. Dum tardiùs  
 euigilat; excitatur denuò per Vvi-  
 cleu, Hussum. Dum ampliùs ster-  
 tit, nec penitùs Duces eius euigilare  
 volunt; diruta est maceries eius, & vin-  
 demians



demiant eam omnes, qui prætergre-  
diuntur viã, tot inquam funestarum  
sectarum atq; hæresum greges; donec  
iterum Deus virtutum conuertatur  
& respiciat de cœlo, & videat, & visi-  
tet vineã suam, & perficiat eam, quã  
plantauit dextera eius: quod iam cer-  
tè præ foribus esse videmus. Putatio-  
nibus enim & incisionibus hæc vinea  
crescit: falce hæretica expurgatur, fœ-  
cundatur, & pinguescit: stercus hoc  
maioris vbertatis frugum causa est.  
Nec vnquã perfectiùs tractatum est  
de fidei præcipuis articulis, inquit Au-  
gustinus, donec obsisterent hæretici:  
nec vnquam perfectiùs tractatum est  
de Trinitate, donec oblatrarent Arri-  
ani: nec de pœnitentia, donec obsiste-  
rent Nouatiani: nec de baptismo, do-  
nec Donatistæ contradicerent. Et isti  
quidem peribunt, qui quærunt ani-  
mã eius. Væ enim illis, quia flagellum  
sunt, ac more virgæ, qua pater corri-  
git filios, consumentur, ac in ignem  
mittentur æternum. Hoc iã retulit Ar-  
rius, Eunomius, Iulianus, Nestorius,  
Eutyches, & ceteræ eius generis labe.

Filia

Filia Babylonis misera: beatus est qui Psalm. 136.  
 retribuet tibi retributionem tuã, quã  
 retribuisti nobis. Beatus, qui tenebit Psalm. 102.  
 & allidet paruulos suos ad petram Il-  
 lius autem iuuentus renouabitur vt  
 aquilæ. Vt illud occinat: *Castigans ca-* Psalm. 117.  
*stigauit me dominus, & morti non tradi-*  
*dit me.* Ei<sup>9</sup> enim perpetua illa vox est:  
*Virga tua, & baculus tuus, ipsa me conso-* Psalm. 22.  
*lata sunt: Deus noster refugium & vir-* Psalm. 45.  
*tus, adiutor in tribulationibus, qua inue-*  
*nerunt nos nimis. Propterea non timebi-*  
*mus: dum turbabitur terra: & transfe-*  
*rentur montes in cor maris. Corrigitur i-*  
*gitur, deprimitur, excitatur; sed desc-*  
*ritur nunquam. At concubinæ effre-*  
*nes & licentiosæ sine iugo vagantur,*  
 donec lasciua feritate sua percitè in  
 certum exitium agantur & pereant.

**TREDECIMVM IN SIGNE:**  
*perpetuus in melius profectus.*

**CAPVT XIII.**

**T**ERTIADecima dos est illa, fi-  
 lia principis, profectus in me-  
 lius. Proficit illa in fide,  
 profi-

proficit in moribus, proficit in numero hominum. Habetque instar crescentis & adolescentis hominis ætates suas: habet infantiam, quæ lacte, vt inquit Paulus, indiget: habet adolescentiam, de qua Salomon: *Soror nostra paruula est, & ubera non habet.* Habet maturam ætatem, in qua illud cantat: *Ego mater pulchra dilectionis, & magna spei.* Habet & senectutem & maturitatem suam, de qua illud: *Senectus mea in misericordia uerbi.* In qua tam diu, dum tradet filius patri suo regnum, & erit DEVS omnia in nobis, inuicta perdurabit. Neque verò mirum est, quòd semper crescat & proficiat, nec deficiat vnquam. Habet enim rectorem atque custodem illum, qui inquit: *Qui portamini à meo utero, qui gestamini à meo sinu, usque ad senectam ego ipse, & usque ad canos ego portabo. Ego feci, & ego feram, & ego portabo, & saluabo.* Vt autem illa crescit ac proficit in melius semper; ita hæreses è contrario deficiunt, & si proficiunt, in peius proficiunt: ita

Hebr. 9.

Cant. 8.

Eccles. 24.

Psalm. 91.

1. Cor. 15.

Isaia 46.

ita vt etſi principia earum ſpecioſa & magnifica prima fronte appareant, exitus tamen & profectus foediſſimi ac miſerabiles ſemper fieri ſolent: Docet hoc Paulus: *Mali autem, inquit, homines & ſeductores proficient in peius: errantes & in errorem mittentes.* Quem vtraque ex parte profectū atque defectum pulcherrima parabola tritici & zizaniæ adumbrat ipſe ſponſus, quorum alterum ex ſimili culmo ſiue calamo in optimum granum, alterum in infelix lolium ac ſteriles deſinit auenas. *Simile, inquit, factum eſt regnum cælorum homini, qui ſeminauit ſemen bonum in agro ſuo. Cum autem dormirent homines, venit inimicus eius, & ſuperſeminauit zizania in medio tritici, & abiit. Cùm autem creuiſſet herba, & fructum feciſſet, tunc apparuerunt & zizania. Accedentes autem ſerui patris familias, dixerunt ei: Domine, nonne bonum ſemen ſeminasti in agro tuo? Unde ergo habet zizania? Et ait illis: Inimicus homo hoc fecit. Serui autem dixerunt ei: Vis, imus & colligimus ea? Et ait: Non. Ne fortè colligentes zizania,*

1. Timoth. 3.

Matth. 13.

*nia, eradicetis simul cum eis & triticum. Sinite utraq; crescere usq; ad messem, & in tempore messis dicam messoribus: Colligite primum zizania, & alligate ea in fasciculos ad comburendum, triticum autem congregate in horreum meum. Quā- tum Ecclesia Catholica in dies doctrina, moribus, numero item gentium & hominum proficiat, videmus: quantum item hæreses deficient, obscurum non est: vnde coeptū sit, quo profectum, vbi defitum, facile cernimus. Sanctos non esse honorandos à principio docuerunt; nunc an Christus sit adorandus, disputant alij, negant alij penitus. Animas in purgatorio expiari negauerunt; nunc nullas esse dicunt. Sanctos de cœlo detraxerunt; nunc ipsum Deum, trinum, & vnum inde exturbare conantur. Qui igitur coetus proficit, Christi est: qui deficit; diaboli & Antichristi. Oportet enim Christo crescente, Antichristum minui, & decrescere, donec penitus spiritu oris eius percussus dispereat.*

*QVATVORDECIMUM INSI-  
gne: nouitatem omnem fugere, ac susse-  
ptam habere, veneranda autem  
vetustati in omnibus  
adherere.*

## CAPVT XIII.



**Q**VARtumdecimum illud  
sit ciuitatis DEI insigne:  
Ecclesiam Catholicã ἀρ-  
χαίσειν semper, hoc autem  
antiquitatem, & vetusta-  
tem sequi; vt id maximè laudet, qđ  
vetustissimum, & antiquissimũ est:  
id peculiariter sequatur, quod cùm  
maiorum instituto ac doctrina con-  
iunctum est: recipiat nihil, nisi illud,  
quod εὐαγγελικῶς καὶ πατρικῶς simul,  
vt post M. Basilium Damascenus lo-  
quitur, dicatur. Vti hæreticorũ pro-  
prium fuit semper νεοεπίσειν hoc au-  
tem est, nouitati in omnibus adhere-  
re. Nnque enim illos appellare vo-  
lunt, quos certò sciunt contra se sen-  
tentiam laturus, neque ad illos pro-  
uocare, quorum sententiam perti-  
mescent. Qua ipsa re, plurimum an-

tiquitati vel inuiti addūt fidei: suum autem produnt errorem, produnt malè concium animum. Fur enim odit lucem, & nemo illum appellat iudicem, apud quem se causa casuum certò nouit: erroneiq; errorum depulsores fugiunt. Quorum doctrina stante, suam nullo modo cōsistere posse iudicant. Vtrumque autem hunc morem, vtraque ex parte solennem & perpetuum quasi fuisse, tam Ecclesiæ, quàm hæreticis ipsis, testatur in primis Ephesina Synodus. Nāque cū lecta esset sancti Capreoli episcopi Carthaginensis epistola, qui nihil aliud intendebat, & precabatur, nisi, vt expugnata nouitate antiquitas defenderetur: ita Episcopus Cyrillus proloquutus est, & definiuit: quod hic quoque interponere non ab re videtur: ait enim in fine gestorum: *Et hac, inquit, quæ lecta est epistola venerandi & multum religiosi Episcopi Carthaginensis Capreoli, fidei gestorum inseretur, cuius aperta sententia est: vult enim antiquæ fidei dogmata confirmari: nouitia verò, & superflue adinuenta,*

Lyrinensis  
cap. 42.

uenta, & impie promulgata, reprobari atque damnari. Omnes Episcopi adclamauerunt: *Hæ omnium voces sunt, hæc omnes dicimus, hoc omnium votum est.* Quæ tandem omnium voces, atque omnium vota, nisi vt quod erat antiquit<sup>9</sup> traditum, teneretur: quod adinuentū nuper exploderetur? Vnde testatur Damasus Pontifex: *Patrum nostrorum sententiæ nobis sunt retinendæ.* Testatur magnum illud orbis Christiani lumen Magnus Basilius: *Fidem, inquit, nos, neque per alios nobis nouiter præscriptam amplectimur, neque nos ipsi mentis nostræ incerta nobis proponere audemus, ne humana putentur esse potius verba; sed quæ à sanctis patribus didicimus, hæc interrogantibus tradimus.* Vnde illa eiusdem querela. *Contemnuntur, inquit, Patrum dogmata, Apostolica traditiones ad nihilantur, nouorum hominum inuenta introducuntur.* Episcopum autem illum esse dicit, qui sit custos doctrinæ Patrum, omnis autem nouitatis hostis. D. item Ambrosius: *Seruemus, inquit, præcepta maiorum, ne hæreditaria signacula ausu rudis temeri-*



tatis violemus. Librum signatum illum Propheticum, non seniores, non potestates, non angeli, non archangeli aperire ausi sunt: soli Christo explanandi eius prerogativa servata est. Librum sacerdotalem, quis nostrum resignare audeat, signatum à Confessoribus, & multorum iam martyrio consecratum? Quem qui resignare coacti sunt, postea tamen damnata fraude signarunt: qui violare non ausi sunt, Confessores & martyres exstiterunt. Quomodo fidem eorum possumus denegare, quorum victoriam predicamus? Subiungit Vincentius Lyrinen.

Cap. 7.

Prædicamus, inquam, ó venerande Ambrosi, prædicamus planè, laudantesq; miramur. Nam quis ille tam demens est, qui eos & si adsequi non valeat, non exoptet sequi, quos à defensione fidei maiorum nulla vis depulit? non mina, non blandimenta, non vita, non mors, non palatium, non satellites, non Imperator, non imperium, non homines, non demones. Quos inquam pro religiosa vetustatis tenacitate tanto munere dominus dignos iudicavit, ut per eos prostratas repararet Ecclesias? extinctos spiritales populos vivificaret?

caret? deiectas sacerdotum coronas reponeret? nefarias illas nouelle impietatis nō literas, sed lituras, infuso cœlitus Episcopis fidelium lachrymarum fonte deleret? vniuersum postremò iam penè mundum, seuæ repentina hæreseos tempestate percussum, ad antiquam fidem à nouella perfidia, ad antiquam sanitatem, à nouitatis uesania; ad antiquam lucem, à nouitatis cœcitate reuocaret? Quod postea idem Lyrinensis verba Pauli explicans, la- Idem 33.  
 tius docet. Sed, inquit, ad Apostolum 2. Tim. 1.  
 redeamus. O Timothæa, inquit, depositum custodi, deuittans profanas uocum nouitates. Deuita, inquit, quasi uiperam, quasi scorpionem, quasi basiliscum, ne te non solum tactu, sed etiam visu, afflatuq; percutiant. Quid est deuitare? Cùm huiusmodi, nec cibum sumere. 1. Cor. 5.  
 Quid est deuita? Si 2. Ioan. 1.  
 quis, inquit, venit ad uos, & hanc doctrinam non adfert. Quam doctrinam? nisi Catholicam, & vniuersalem, & vnã, eandemq; per singulas etatum successiones incorrupta ueritatis traditione manentem, & usq; in secula, sine fine mansuram. Quid tum? Nolite, inquit, recipere cum in domum, nec AVE ei dixeritis:

qui enim dicit illi *AVE*, communicat operibus eius malignis. Profanas, inquit, vocum nouitates. Quid est profanas? Quae nihil habent sacri, nihil religiosi: ab Ecclesia penetrabilibus, quae est templum Dei, penitus extraneas. Profanas inquit vocum nouitates: Vocum, id est, dogmatum, rerum, sententiarum nouitates, quae sunt vetustati, quae antiquitati contraria. Quae si recipiantur, necesse est, ut fides beatorum Patrum, aut tota, aut certe magna ex parte violetur: necesse est, ut omnes omnium aetatum fideles, omnes sancti, omnes casti, continentes, virgines, omnes clerici, leuita, & sacerdotes, tanta confessorum millia, tanti martyrum exercitus, tanta urbium, tanta populorum celebritas & multitudo, tot insulae, prouinciae, reges, gentes, regna, nationes, totus postremo iam penè terrarum orbis, per Catholicam fidem Christo capiti incorporatus, tanto saeculorum tractu ignorasse, errasse, blasphemasse, nescisse quid crederet, pronuncietur. Profanas, inquit, vocum nouitates deuota, quas recipere atque sectari nunquam Catholicorum, semper uero haeticorum fuit. Et reuera, quae unquam

Idem ca. 34.

quam heresis, nisi sub certo nomine, certo loco, certo tempore ebulliuit? Quis unquā hereses instituit, nisi qui se prius ab Ecclesia Catholica vniuersitatis & antiquitatis consensione discreuerit? Quod ita esse, luce clarius exempla demonstrant. Quis enim unquam ante profanum illum Pelagium, tantam virtutem liberi presumpsit arbitrij, ut ab hoc in bonis rebus per aeternum singulos adiuuandum, necessariam Dei gratiam non putaret? Quis ante prodigiosum discipulum eius caelestium, reatu praearicationis Adae, omne genus humanum negauit astrictum? Quis ante sacrilegum Arium, Trinitatis unitatem discindere, quis ante sceleratum Sabellium, unitatis trinitatem confundere ausus est? Quis ante crudelissimum Nouatianum, crudelem Deum dixit, eò quòd mallet mortem morientis, quàm ut reuertatur & uiuat? Quis ante magum Simonem, Apostolica districtione percussum, à quo vetus ille turpitudinum gurgis usq; in nouissimum Priscillianum continua & occulta successione manauit, autorem malorum, id est, scelerum, impietatum, flagitiorumq; nostrorum, ausus est

dicere creatorem Deum? Quippe quem adserit talem, hominum manibus ipsum suis creare naturam, quae proprio quodam motu, & necessaria cuiusdam voluntatis impulsu, nihil aliud possit, nihil aliud velit, nisi peccare; eò quòd furijs omnium vitiorum exagitata, & inflammata, in omnia turpitudinum baratra, inexhausta cupiditate rapiatur? Innumera sunt talia, quae breuitatis studio praetermittimus: quibus tamen cunctis satis euidenter perspicueq; monstratur, hoc apud oēs fere haereses, quasi solenne esse ac legitimum, ut semper profanis nouitatibus gaudeant, antiquitatis scita fastidiant, & per oppositiones falsi nominis scientia, à fide naufragent. Contra verò, Catholicorum hoc fere proprium, deposita sanctorum Patrū, & commissa seruare: damnare profanas nouitates: & sicut dixit: Et iterum dixit Apostolus: Si quis annunciauerit, praeterquam quod acceptum est, anathematizare. Hac Lyrinensis. Itaque dum temporib<sup>9</sup> Theodosij Magni Ariana impietas denuo repullulascere ac renasci coepisset, resque in disputationem deducta fuisset, propositum est à Nectario

ctario Constantinopolitano Archi-  
 episcopo Arianis Sifinij suafu, num  
 veterum doctrinam admitterent:  
 num antiquis Patribus fidem habe-  
 ant. Quod cum ita esse dixisset, quæ-  
 situm est ab illis, num eadem eorum  
 doctrina fuisset cum hac quam ipsi  
 profitebantur. Quod cum illi pro-  
 bare non possent, statim victi & reie-  
 cti sunt. Apud istos verò, quæ sit an-  
 tiquitatis ratio, quæ auctoritas, dis-  
 camus ex primo istorum duce Lu-  
 thero. *Hieronymus fidei inquit & vera  
 religionis, ne semel quidem in suis scri-  
 ptis meminit. Origenem iam olim excom-  
 municavi: Chrysostomum nullo loco ha-  
 beo: nihil est enim nisi loquaculus. Basilium  
 planè nihil valet, totus est monachus, ego  
 ne pili illum facio. Apologia Philippi  
 superat omnes Doctores Ecclesiæ, & ip-  
 sum Augustinum. Et rursus in Gene-  
 sim scribens, ubi econtra Pontificij san-  
 cti, in leuibus causis impatientissimi sunt,  
 quàm impatiens est ipse Hieronymus?  
 & in alio loco. Quin te Hieronyme con-  
 culcamus cum tua Bethleem, cucullo, &  
 deserto. Et alibi. Impia hæc & diabolica*

*Fusus hæc  
 narrat Sozō.  
 lib. 7. ca. 12.  
 Niceph. libr.  
 12. cap. 15.*

*Lib. de collo-  
 quijs Mensa-  
 libus apud  
 Aurifabrū.*

*In cap. 20.  
 pag. 272.*

*Cap. 22. pag.  
 319.*

*Cap. 31. pag.  
 466.*

- Cap. 42. pag. 631. *vox est Hieronymi. Et iterum. Gregorius fons & auctor est fabularum de purgatorio, & Missarum pro defunctis. Et deinde: Gregorius admodum tenuiter cognovit CHRISTUM, & verbum Euangelij: Benedictus, Franciscus, & alij Monachorum Patres cum Abraham comparati, mera stercora sunt. Et Franciscus stultus fuit, & stigmata ex inani gloria sibi impressit. Si ergo verae Ecclesiae est, antiquitatem in omnibus sequi, haereseum autem nouitates consecrari; quae nunc vera sit Ecclesia, quae falsa, quisque suo statuatur iudicio.*
- Cap. 31. pag. 164.

*QVINTVMDECIMVM VERAE  
Ecclesiae insigne: ° extrema non se-  
quitur, medio tutissima  
incedit.*

CAPVT XV.

**M**agna & illa sponsae regis  
laus est, Spiritusq; sancti  
gubernationis singulare  
argumentum; quod me-  
dia semper via incedat,  
extrema sequatur nunquam: Non de-  
clina-

*clinabis, inquit scriptura, neque ad dextram, neque ad sinistram.* Ebion cum Cherinto legem cum Euangelio simul seruandam esse docuerunt: Manicheꝰ malam & à malo Deo latam esse docuit: medium secuta est Ecclesia; vt legem quidem sanctam diceret, iugum tamen legis Euangelica libertate temperaret, figuraſque rebus succedentibus excluderet. Negabat Christi veram humanitatem Manicheꝰ, Arius diuinitatem: Ecclesia Christum verum Deum & hominē confitetur. Confundebat in diuinis Sabellius & naturas, & personas, nudaque relinquebat nomina; distrahebat hæc omnia Arius, Eunomius, Macedonius; medium sequuta est Ecclesia; naturas coniungit, personas & nomina distinguit. Multiplicabat & naturas, & personas Nestorius in Christo; confundebat hæc omnia Eutiches; vera Ecclesia naturas distinguit, vnitatem personæ tuetur. Nouatus lapsos pœnitentes non suscipiebat; suscepit Lutherus etiam sine pœnitētia. Ecclesia excludit præsumptuo-



ptuosos, solos suscepit poenitentes. Desperat Nouatus, praesumit Lutherus, sperat Ecclesia. Palagius omnem partem iustitiae viribus humanis tribuit; Lutherus, & Calvinus, omnia ad gratiam libero hominis excluso arbitrio refert; iungit & sociat Ecclesia vtrumque. Donatus meritis & operibus omnia tribuit; Lutherus fidem solam laudat; vtrumq; complexa est Ecclesia. Rudem, & mortuam carnem Christi comedit Capharnaita; Nestori<sup>o</sup>, & Lutherus mortuam; Zuinglius, Oecolampadius, Calvin<sup>o</sup>, nullam; viuam & vera Ecclesia Dei. Ieiunabant omni tempore Encratitae; Lutherus semper epulatur; ieiunat suis temporibus Ecclesia. Damnabant matrimonium Gnostici; Lutherus ipsum solum exclusa virginitate & viduitate laudat; commendat & sequitur omnia haec Ecclesia. Hic igitur verè Catholicus erit, qui extrema fugiens, mediusque tutissimus incedit.

## SEDECIMUM ECCLESIAE

*insigne: perpetuum contra illam omnium hereticorum & schismaticorum bellum ac impugnationes.*

## CAPVT XVI.

**D**icimus igitur sedecimo illam veram sp̄sam Christi esse, quæ ab omnibus hæresibus quātumuis inter se contrarijs atque pugnantibus, quātumuis diuersis, semper impugnata sit, atque etiam nunc impugnatur. Docet hoc scriptura; *Cant. 2.*  
*Sicut, inquit, lilium inter spinas, sic amica mea inter filias. Filij, inquit, matris meæ* *Cant. 1.*  
*pugnauerunt contra me. Et: Sæpè expugnauerunt me à iuuentute mea, etenim* *Psal. 128.*  
*non potuerunt mihi. Vt enim sponsus* *Luc. 2.*  
 eius CHRISTUS IESVS signum est illud, cui semper contradicitur, & aduersum quem reges terræ, & principes populorum conspirasse legim⁹;  
*Dirumpamus vincula, inquit, eorum, & projiciamus à nobis iugum ipsorum;* *Psal. 2.*  
 ita & sponsa eius idem illud signum est, in  
 quod

quod omnes omnium sæculorum  
 hæreses direxerunt iacula sua; & cui⁹  
 calcaneo insidiantur omnes; vincula  
 eius dirumpere, iugum excutere vo-  
 lunt. Neque alio certe modo hoc sig-  
 no vera Ecclesia Dei à falsis synago-  
 gis distinguitur, quàm si inter octo-  
 ginta illas Regis Salomonis concu-  
 binas, ex æquo pudicitiam per om-  
 nia simulantes, ita vt eundem habi-  
 tum, eundem vultum, eundem ge-  
 stum, & incessum præferant omnes,  
 vnam illam solam dilectam & vni-  
 cam eius, cùm omnia similia & com-  
 munia quodammodo cùm cæteris  
 habeat, dignoscere velis; hac vna sola  
 ratione id facilè cōsequi possis, hoc-  
 que vnico indicio, in eius cognitio-  
 nem peruenire; vt quam ille omnes  
 maximè oderint, quàm maximè per-  
 sequerentur, quam accusent, cum  
 qua nihil commune habere velint,  
 quam omninò ex suo consortio ex-  
 clusam esse cupiant; illam reginam  
 pudicam, ceteras corruptas & impu-  
 dicas esse iudices. Vt, quæ cum illis  
 commune nihil habeat; vt, quæ suo  
 pu-

pudore illorum impudicitiam conuincat, & coarguat: vt quæ omnes illarum fraudes & insidias aperiat. Cū igitur Romana Ecclesia talis sit, quã omnes hæreses semper impugnarūt, atque etiam nunc impugnant; vt, quamuis in omnibus inter se diffideant, ac secum planè pugnent, mutuòque sibi oculos confodiant; in hoc solo tamen cōueniunt, vt Ecclesiam Romanam eiusque pastorem exturbent, ac suffodiant, ac planè extinctam esse velint: quod illa salua vigente atque incolume, se omninò stare, iusque suum tueri non posse existiment: planeque idem faciūt quod Tertullianus Gentiles facere solitos esse dicit; vt omnes deos vanos colerent, solum verum illum, qui cœlum & terram condiderit, & qui solus, & vnus Deus sit, non solum non reciperent, sed etiam grauitè persequerentur, ac oppugnarent. Recipiunt isti omne dogma mendax, negant oppugnandum esse, quamuis apertè veritati aduersetur; modò Pontificem Romanum, hoc est, veritatis

IESV CHristi custodem, oppugnet: omnia figmenta exosculantur, solam Catholicam fidem explodūt, ac nullum apud se veritati locum relinquunt. Vera igitur Ecclesia, vera sponsa CHristi hæc, vel ex eo indicio fit oportet. Illæ autem cōcubinæ impudicæ ac adulteræ meritò censeri debebunt.

*DECIMVM SEPTIMVM*  
*insigne: quod sit canon & regula omnis*  
*veritatis; & quod ultimo omnes*  
*hæretici ad eam prouocent*  
*ac redeant.*

## CAPVT XVII.



Equè illud obscurum est, veræ Ecclesiæ decus atque symbolum: eam videlicet veram Ecclesiam esse, quã cæteræ omnes, & si eius inimicæ sint, & si ab ea diffideant, & si extinctam esse cupiant; pro norma tamen & regula fidei suæ habere solent: & quæ tanquam Cinosura nautis; sic illa errantibus & fluctuantibus

bus omnibus pro insigni veritatis  
 proposita sit. Si enim quando inter  
 hos ipsos dissensio religionis exori-  
 tur, Augustanos dico, Sacramenta-  
 rios, Anabaptistas, Arianos, Ebioni-  
 tas, Samosatenses, & alios, si inter se  
 (quod quidem illis perpetuum est)  
 digladiantur, illi melius sentire, ad  
 veritatemque propius accedere pu-  
 tantur, minusque errare, qui ab Ec-  
 clesia Catholica minus discesserint.  
 Itaque ubi vel ab ipsa conscientia &  
 veritate conuicti, in extremos absur-  
 dosque errores se prolabi vident, di-  
 cere solent: Multum iam aberramus:  
 iam, inquit, multum absumus. Vnde  
 obsecro? dic verè, dic ingenuè, dic pa-  
 lùm, ne erubescas verum fateri. Ab  
 ea, inquit, fide, in qua nati sumus,  
 quam à maioribus nostris accepim?  
 Quæ est ista? Non alia certè, quàm  
 Romana. Ac ubi quid veritate & ne-  
 cessitate victi sanare volūt, tum vno  
 & altero passu ad eam Ecclesiam ac-  
 cedunt, ac Catholicum quid restitui-  
 unt. Quod in Transyluania eos nu-  
 per fecisse audimus: ubi quo suos in

*Hæreticorū  
 Trāsylnani-  
 en. factum.*

officio retinerent, post reuocatam  
 Magni Stephani Regis pietate in il-  
 lis regionibus Catholicam fidem, a-  
 liquot Sacramenta, atque aliquot  
 cærimonias Catholicas restituisse di-  
 cuntur, ac veluti postliminio quo-  
 dam, vt rem obsoletam, in medium  
 protulisse. Ita vt si fortè in hac impie-  
 tatis licentia, in hac vniuersæ religio-  
 nis perturbatione, in hac omnium  
 hæreseon, quæ modo aliquando fue-  
 runt, resuscitatione, Ecclesia Roma-  
 na, aliæque Apostolicæ sedes sublatae  
 fuissent; certè neque fides Christiana  
 qualis fuerit, neque quò sibi regredi-  
 endum, aut progrediendum esset, re-  
 ctè scirent: neque in tantis erroribus,  
 in quæ impudentes & temerarij per  
 inobedientiam deferuntur, quid a-  
 gerent, aut quò se referrent, habere  
 possent. Itaque quantumuis eam Ec-  
 clesiam oderint, quantumuis interi-  
 jisse expetunt, quantumuis omnia or-  
 namenta & fortunas illius sublatas  
 esse velint, quantumuis vitam cum  
 sanguine illius exposcant; in hac ta-  
 men parte eam laudant, ad illam ran-  
 quam

quam tutissimum portum confugi-  
unt, ad illam prouocant, eam solam  
fundamenta & principia Catholicæ  
religionis conseruasse victi veritate  
docent. Et, si sani sunt, colere certè,  
venerari, gratias etiam illi agere de-  
bent, si non vniuersam religionem  
Christianam extinctam esse, si salu-  
tem animarum suarum conseruare  
volunt. Fecit hoc vi veritatis coactus  
primus istorum dux ac vexillifer Lu-  
therus, cuius illud fuit Romanæ Ec-  
clesiæ elogium. *Audio, inquit, & vi-  
deo rebaptisationem à quibusdam usur-*  
*pari ex eo fundamento, ut in despectum*  
*Papæ faciant, tanquam hi qui nihil ab*  
*Antichristo habere velint. Quemadmo-*  
*dum & Sacramentarij propterea merum*  
*panem & vinum habere volunt in despe-*  
*ctum Papæ: arbitantes se hoc pacto recte*  
*subuertere posse Papatum. Profectò frivo-*  
*lum est hoc fundamentum, supra quod ni-*  
*hil boni adificaturi sunt. Hoc enim pacto*  
*negare eos oporteret, totam quoque scrip-*  
*turam sacram & predicandi officium:*  
*hoc enim totum à Papa nimirum habe-*  
*mus. Et nouam quoque scripturam sacram*

*Luther. in-  
pist ad duos  
plebanos de  
Anabaptistis*



nos facere oporteret, Sic & vetus testam-  
 entum nos dimittere oporteret, ne quid  
 ab infidelibus haberemus Iudais. Stulti-  
 tia est hoc totum. Nam & Christus in  
 gente Iudaica inuenit Phariseorum &  
 Scribarum abusus, non tamen propterea  
 totum reiecit, quod illi habuerunt & do-  
 cuerunt: Nos autem fatemur sub Papatu  
 plurimum esse boni Christiani, imò omne  
 bonum Christianum, atque etiam illinc  
 ad nos deuenisse. Quippe fatemur in Pa-  
 patu verã esse scripturã sacrã, verũ bap-  
 tismũ, verũ Sacramentũ altaris, veras cla-  
 ues ad remissionẽ peccatorũ, verum præ-  
 dicandũ officium, verum catechismum, ut  
 sunt, Oratio Dominica, Decem præcepta,  
 & Articuli fidei: dico insuper sub Papatu  
 veram Christianitatem, imò verum nu-  
 cleum Christianitatis esse. Et alio loco:  
 Quod Romana Ecclesia à Deo sit præ alijs  
 omnibus honorata, non est dubium: Ibi e-  
 nim sancti Petrus & Paulus, quadragin-  
 ta sex Romani Pontifices, ac tot centena  
 millia martyrum sanguinem suum fude-  
 runt, infernum & mortem vicerunt, ut  
 vel palpari queat, quã singularem ha-  
 beat ad eam Ecclesiam respectum Deus.

Luthe. in de-  
 clarat. quo-  
 rundam ar-  
 ticulorum.

Quod

*Quòd si nunc, proh dolor, res habet Roma, ut expediret habere melius: attamen neq. hæc, neque alia causa vlla tam grandis est, nec esse potest, ut ab Ecclesia illa separatio, aut discessio vlla fieri debeat: Imò quòd peius res ibi habet, tantò magis accurrendum & adherendum est. Per separationem enim & contemptum non fit melius: Nec dimittendus est Deus propter diabolum, nec vitandi reliqui boni, propter turbam pravam, imò propter nullum peccatum aut malum, quodcunque excogitari aut nominari potest, debet rescindi charitas, nec spiritualis vnitas diuidi: Charitas enim omnia potest. Hæc Lutherus. Itaque cùm antea summum Pontificem Antichristum dicerent, Romanam autem sedem Babylonem magnam, quæ à vino iræ fornicationis sue potet omnes gentes, meretricem magnam, quæ sedeat super aquas multas, cum qua fornicati sunt reges terræ, impudenter appellarent, vbi Anabaptistę germana istorum soboles ac viperarum genimina, contra hos ipsos magistros suos illud intulissent? Si Papatu pro eo, atque apud vos*

*Augustanos, atque Calvinistas didicimus, Antichristi sedes est, à quo nihil sincerum & integrum in doctrina veritate promanare possit, & quem omnia iura diuina subuertisse confidenter clamitatis: nec dogma quoque de diuinitate Christi summaq; Trinitate, quod alias in Papatu egit radices, & quod à nullis alijs acrius defenditur, verum esse potest, pro quo hic ipse quem vos dicitis Antichristum tantoperè depugnat. Qua eorum oratione permoti, coacti sunt retrocedere, illamque gloriosam ad omnes gentes & omnia sæcula sedi Petri palinodiam occinere vt diceret. Eos quidem, qui Christi gloriam & diuinitatem tuentur, Antichristos esse non posse, sed illos potius, qui eam oppugnant, hoc nomen, in prolem suam conuicium referentes, iure mereri. Quod si inimici homines tantum vel inuiti Ecclesie Catholice tribuunt, quanto magis reges atque principes Christianos portum hunc veritatis & sinceritatis tueri oportet, si & seipso & populos sibi subiectos seruare, certissimosque exitij scopulos declinare*

volunt, in quos omnes inciderunt illi; quibus hæc cinosura veritatis occiderit, ac de medio conspectu sublata fuerit. Verùm nos nomen Ecclesiæ vsurpamus tantum, omnia autem in detrimentum & dedecus ac deformationem eius facimus, obsequiumque nos facere Deo arbitramur, si res nostras ex illius infelicitate & miseria augeamus; ideo in quo loco res Christiana constiterit ipsi videmus, & paulò post etiam atque etiam vehementius experiemur.

*DECIMVM OCTAVVM INSI-  
gne: quod Deus ordinavit ex eius  
ore audire gentes Euangeliũ,  
& credere.*

CAPVT XVIII.

**S**equitur decimum octavum  
ciuitatis Dei irrefragabile  
documentum; quod qua  
ratione isti effugere pos-  
sint non video. Eam esse  
veram Ecclesiam Dei, ex cuius ore  
voluit Deus gentes Euangelium au-

Psal. 47.

dire & credere, fidemq; Christianam accipere. *Deus in domibus eius, inquit scriptura, cognoscetur; cum suscipiet eā. Quoniā ecce Reges terra congregati sunt, cōuenerūt in unū. ipsi vidētes sic admirati sunt: cōturbati sunt, cōmoti sūt: tremor apprehēdit eos. Ibi dolores vt parturiētis, in spiritu vehemēti cōteres naues Tharsis. Sicut audiuimus, sic vidimus in ciuitate Domini virtutum, in ciuitate Dei nostri, Deus fundauit eā in aeternū. Neq; n. diuina & celestis prouidētia noualia sua recens consita, in primis fidei iniurijs noxijs spinis, atque sentibus, & tribulis inquinari, ac infici pateretur. Atqui ex Cathedra Petri voluisse Deum omnes fere gentes fidem & Euangelium suum discere & credere: docet in primis D. Petrus: *Viri fratres, vos scitis, quoniam ab antiquis diebus DEVS in nobis elegit per os meum audire gentes verbum Euangelij & credere. Et qui ponit corda Deus, testimonium perhibuit, dans illis Spiritum sanctum, sicut & nobis, & nihil discreuit inter nos, & illos, fide purificans corda eorum. Docet hoc idem vsque ad diem hanc res ipsa.**

Actor. 15.

ipsa. Vt enim Europæos hos nostros  
 populos mittam, qui ab antiquis di-  
 ebus omnes ferè fidem Christianam  
 à sede Petri acceperunt, ac edocti  
 sunt, Italos, inquam, Hispanos, Gal-  
 los, Dalmatas, Pannonos, Sauroma-  
 tas, Scythas plerosque, vel eas ipsas  
 Ecclesias, quas isti nunc labe sua infe-  
 cerunt, quis fidem Christianam pri-  
 mus docuit? quis primus in eas intu-  
 lit? an non in Britanniam quidem E-  
 leuterius per Fugazium & Damianū,  
 in Scotiam Celestius per Paladium,  
 in Tholossatibus per Exuperium, in  
 Daniam Agapetus, in Boemiam Ste-  
 phanus, in Noruegiam Adrianus, in  
 Bulgariam Nicolaus I. in Germani-  
 am Gregorius II. Pannoniam qui-  
 dem vniuersam, Morauiam item, at-  
 que Poloniam, an non D. Albertus,  
 aliasque septentrionis regiones, Epi-  
 scopi alij, qui in Romanæ Ecclesiæ v-  
 nitate vixerunt, Christo adiunxêre?  
 Testantur historiæ veteres: testantur  
 annales earum gentium: quo tem-  
 pore, quo anno, quo summo Ponti-  
 fice, per quos, & à quibus aliqua pro-  
 uin-

uincia religionem Christianam suscepit. Nostro tempore noui orbis gentes in omnibus ferè partibus mundi, & in oriente quidem Malacca, Goa, Comorino, in Occidente verò America, in Septentrione Iaponia, in Meridie Brasilia, Maronitæ, Actiopes nonnulli, cæteræque ferè innumerabiles insulares nationes, vnde quæso fidem & religionem in ore oculisque nostris in dies accipiunt? vnde prædicationem verbi, vnde sacras cærimonias, ritusque vniuersos accersuerunt, nisi ab hac eadem Romana sede? Hæc clarissima sunt, hæc notissima, hæc negari aut impugnari non possunt. De hæreticis autem illud perpulchrè Tertullianus: *De verbi autem administratione quid dicam, cum hoc sit negotium illis, non Ethnicos conuertendi, sed nostros evertendi? hanc magis gloriam captant, si stantibus ruinam, non si iacentibus elevationem operentur: quoniam & ipsum opus eorum, non de suo proprio edificio venit, sed de veritatis destructione nostra suffodiunt, ut sua edificent.* Adime

*me illis legem Moysi, & Prophetas, & creatorem Deum, accusationem, & loqui non habent. Ita fit ut ruinas facilius operentur stantium edificiorum, quàm exstructiones iacentium ruinarum. Adhæc solummodo opera humiles, & blandi, & summissi agunt. Itaque cùm quidam ex istis nostro tempore Galli, ad eas*

*Hæreticorū  
in cōuertēdis  
genibus ir-  
riti conatus.*

*gentes conuertendarum earum causa sese contulissent, ibiq; hæreticum virus ferentes peruenissent; statim ab illis hominibus deprehensi, ac ad vnum trucidati sunt. Neque enim Deus passus est, simplicitatem ac tenerritatē nouæ plantationis suæ, istorum venenosis doctrinis infici ac inquinari: quo loco, non signis & argumentis, sed sensu ipso ut videmus res demonstratur.*

*DECIMUMNONVM INSIG-  
ne: omnium Ecclesiarum presentis  
& præteriti temporis ve-  
rissimum testimo-  
nium.*

**CAPVT XIX.**

**Decimo-**





Ecimonono illam veram  
 sponsam Christi esse dici-  
 mus, cui ceteræ omnes  
 pudoris, & honestatis,  
 præminentia item, & di-  
 gnitatis, honorificentissimum & ve-  
 rissimum testimonium reddunt, at-  
 que reddiderunt semper. *Vna est co-  
 lumba mea, perfecta mea: vna est matris  
 sue, inquit scriptura, electa genitricis  
 sue. Viderunt eam filia, & beatissimam  
 predicauerunt: regina, & concubina, &  
 laudauerunt eam.* Ut igitur eas Eccle-  
 sias, quarum reges atque principes  
 publicè spectante orbe terrarum, ex  
 eo tempore, ex quo fidem recepe-  
 runt Christianam, ad sedis Apostoli-  
 cæ pedes obedientiam atque subie-  
 ctionem suam, iuxta Prophetarum  
 prædictiones, deferunt ac detulerunt  
 semper, prætermittamus. *Et venient  
 ad te, inquit Isaias, cur vi filij eorum, qui  
 humiliauerunt te, & adorabunt vestigia  
 pedum tuorum omnes, qui detrahebant ti-  
 bi, & vocabunt te ciuitatem domini, Sion  
 sancti Israel. Et, erunt Reges nutricij tui,  
 & Regina nutrices tue, vultu in terra de-  
 misso*

Cant. 2.

Isaie 60.

Isaie 49.

misso laudabunt te, & puluerem pedum  
 tuorum lingent. Et scies quia ego Domi-  
 nus, super quo non confundentur, qui ex-  
 pectant eum. Ecce dabo, inquit Ioannes,  
 de Synagoga Sathanae, qui dicunt se Iu-  
 daeos esse & non sunt, sed mentiuntur. Ec-  
 ce faciam illos ut veniant, & adorent an-  
 te pedes tuos; & scient quia ego dilexite,  
 quoniam seruasti verbum patientiae meae;  
 & ego seruabo te ab hora tentationis quae  
 ventura est in orbem uniuersum, tentare  
 habitantes in terra. Ad Austrum nos  
 referamus, quantique Australes Ec-  
 clesiae fecerunt semper Romanam  
 Ecclesiam paucis videamus. Vbi in-  
 primis inter praecipuas Aphricae Ec-  
 clesias occurrit celebris illa Cartha-  
 ginensis, quae Numidicis, & Maurita-  
 nicis inuigilabat; & qui huic tanta  
 cum laude praefuit fortissimus mar-  
 tyr Cyprianus: Hic profitetur Cathe-  
 dram Petri, super quem à domino æ-  
 dificata fuit Ecclesia, principalem es-  
 se, vnde vnitas sacerdotalis exorta  
 est; cuius fides Apostolo praedicante  
 laudata est, & ad quam perfidia non  
 possit habere accessum. Et alibi: Deus

Apo. 3.

Rom. 1.

VNUS

*vnus est, inquit, & Christus vnus, & vna Ecclesia, & Cathedra vna super petram domini voce fundata. Aliud altare constitui, aut sacerdotium nouum fieri, prater vnum altare, & vnum sacerdotium non potest, quisque alibi collegerit, spargit.* Idem ex Concilio plurimorum sacerdotum, Martiano Arelatensi, & legatis, quos in Aphricam vsque miserat, optantibus ad communionem eius admitti, communionis beneficium denegat: eò quòd Cornelio Papa, in Catholica Ecclesia, de Dei iudicio & cleri ac plebis suffragio ordinato, profanum altare erigere, & adulteram Cathedram collocare, & contra verum sacerdotem sacrilega sacrificia offerre tentauisset. Idem rursus singulos ex Aphrica Romam nauigantes, ne cum scandalo vilo nauigarent, hortabatur, vt Ecclesiæ Catholicæ matricem & radicem agnoscerent & tenerent, curabatq; vniuersos collegas suos, hoc est, Numidiæ & vtriusque Mauritaniae Episcopos, Cornelij Papæ communicationem, id est, Catholicæ Eccle-

clesix vnitatem pariter & charitatem  
 probare firmiter ac retinere. Ne verò  
 Cyprianum duntaxat nomine priua-  
 to ita docuisse quisquam putet, ex v-  
 niuersa Lybia, Numidia, & Maurita-  
 nijs in synodum Carthaginen. coeun-  
 tium Episcoporum nomine & sen-  
 tentia, ille ad Stephanum Papam ma-  
 ximè scribendum, & cum eius graui-  
 tate & sapientia conferendum censu-  
 it, quod hoc & ad Sacerdotalem au-  
 thoritatem pertineret, & ad Ecclesix  
 Catholicæ vnitatem. Diuo Cypria-  
 no, Tertullianus magister eius (sic e-  
 nim eundem appellasse, dum eius ex-  
 emplaria nocturna versaret manu &  
 diurna, testis est Hieronymus) suffra-  
 gatur. *Si Italiae adiaces, inquit, habes Ro-  
 manam Ecclesiam, unde nobis auctoritas  
 præsto est statuta. Felix Ecclesia, cui totam  
 doctrinam Apostoli cum sanguine suo  
 profuderunt: ubi Petrus passioni Domini-  
 cæ adequatur: ubi Paulus Ioannis exitu  
 coronatur: ubi Apostolus Ioannes post-  
 quam in oleum igneum demersus, nihil  
 passus est, in insulam relegatur. Cartha-  
 gine, Hypponem, ubi Episcopum e-  
 git*

git Augustinus, proficiscamur, qui maximam suam erga beati Petri sedem, id est, Romanam Ecclesiam, reuerentiam & obedientiam nos docebit. Libros quatuor, quos contra duas epistolas Pelagianorum ediderat, ad Bonifacij Papæ sanctitatem potissimum dirigit examinandos, & emendandos, Apostolicæ sedis correctione, suaque committens: Melchiamdem Papam Christianæ pacis filium, & patrem Christianæ plebis vocat: Innocentium obnixè rogat, Apostolicæ sedis auctoritatem Concilij Carthaginen. & mediocritatis suæ decretis, cōtra Pelagium & Celestium adhibere. Venerabilis Papæ Zozimi iussu coactum, & Ecclesiastica necessitate ad Cæsaream in Mauritania se euocatū scribit. Cœcilianum Carthaginēsem contemnere potuisse conspirantem multitudinem, inimicorum Donatistarum, cū se Romanæ Ecclesiæ, in qua semper viguit Apostolicæ Cathedræ principatus, per cōmunicatorias literas se videret esse cōiunctum, ait. Stephanum Papam contra Anabaptismum

*Epist. 162.*

*Epist. 157.*

*Epist. 162.*

tissimum ætate Cypriani in Aphrica v-  
 surpatum, scripsisse & præcepisse con-  
 firmat. Sanctum Innocentiũ Papã de  
 synodi Palestinæ gestis indicasse, qui-  
 bus se Pelagius absolutum falsò glo-  
 riabatur, refert & probat. Apostolat<sup>9</sup>  
 Petri principatum, cuiuslibet Episcopa-  
 tui præferendum iudicat. Solius Eccle-  
 siæ Romanæ successiões à B. Petro ad  
 suam ætatem vsq; , vt ingentis virtu-  
 tis molem schismati Donatistarũ op-  
 ponit. Totius Numidiæ ad Mileuita-  
 num Concilium coacti Episcopi, In-  
 nocentium summum Pontificem de-  
 misse precantur, vt magnis periculis  
 membrorũ Christi pastorem diligẽ-  
 tiam adhibere dignetur, & hæreticos  
 Celestium in Asia: Pelagiũ verò Hie-  
 rosolymis constitutos, autoritate sã-  
 ctitatis suæ, de sanctarum scripturarũ  
 auctoritate deprompta, cohibeat: a-  
 lijsq; instanter & celeriter prouideat,  
 authore eodem Augustino. Huius &  
 paulo superiùs nominati cõcilij Car-  
 thaginensis relationes ad Apostolicæ  
 sedis antistitem missas, simulque ab  
 eodem responsiones ad Aphros dire-

*Lib. 5. de ba-  
ptis. cap. 23.*

*Lib. de pec-  
cato Origina-  
li. cap. 8.*

*Lib. 2. de Ba-  
ptismo, cap. 1.  
Epist. 165.*

*Epist. 92.*

Etas, agnoscit probatq; idem Augusti-  
 nus epist. 106. & li. 1. contra Iulianum  
 Pelag. & lib. 2. contra Pelagium & Ce-  
 lestium, cap. 7. Aphricanas Ecclesias  
 sequitur Aegyptus, eiusque Ecclesiae,  
 in quibus princeps Alexandrina, in  
 qua Origenes ille admirandus eius Ca-  
 techista, Petro summam rerum de pa-  
 scendis ouibus traditam, & super ip-  
 sum velut super terram, fundatam es-  
 se Ecclesiam docuerat, ipsumq; me-  
 ruisse Ecclesiae fieri fundamentum. Et  
 ad Zepherinum Romanum praesule  
 scribit, ideo se Romam iter suscepisse,  
 quod sibi admodum in optatis esset,  
 Ecclesiam Romanam plane antiquis-  
 simam videre. Magnus Athanasius, &  
 vna cum eo totius Aegypti Episcopi,  
 Marcum, sanctae Romanae Apostolicae  
 Sedis, atq; vniuersalis Ecclesiae Papam  
 nominant: sanctamq; eius sedem, ma-  
 trem & caput omnium Ecclesiarum  
 agnoscunt: cui cum omnibus sibi com-  
 missis, perpetuo se futuros obedien-  
 tes pollicentur. Alibi Athanasius idem  
 Vrsatij, & Valentis Arrianorum anti-  
 stitu sycophantijs grauiter succenset,  
 quod

quòd ne Liberio quidem Romano Episcopo pepercissent, nulla reuerentia ducti, cuius sedes Apostolica erat, in qua nullius, nisi Dei metus resideret.

Ab austro in orientem progressus adest Basilius Cappadocię & Phrygię Archiepiscopus, qui optat petitque à Romano Pontifice, res orientis cõsiderare, iudicij sui decretum interponere, & sua authoritate vsum, orientem visitare, diligenti illius examini semetipsum sistere paratus. In tres diuersas sententias de Spiritus sancti diuinitate distractę Ecclesię Oriëntales, acceptis Episcopi Romani literis, quibus vnà cum Episcopis occidētis Trinitatem & consubstantialem esse, & gloria æqualem, suadebat, in vnitatē redierūt: singuli rebus ab Ecclesia Romana semel iudicatis acquiescentes. Authore Sozomeno lib. 2. ca. 22. hist. Paulum Constantinopoleos, Aschlepam Gazę, Luciū Adrianopolis, Marcellum Ancyre Galatię minoris Episcopos, ab improbis & hęreticis sedib. eiectos restituit Iulius Episcopus Romanus,



manus, literis ad orientales liberiùs scriptis, eos à quibus temerè abdicati fuerant grauitè arguens, quoniã Ecclesia Romana (ait Socrates) priuilegium præter cæteras obtinet: atq; (adiicit Sozomenus) propter sedis dignitatem, cura omnium ad ipsum Iuliũ spectabat. Illi licet decreta sua infringi grauitè ferrent, literis tamen suis ad eundem Iulium Ecclesiã Romanã primas apud omnes ferè, vtpotè quæ Apostolorum schola, & pietatis metropolis iam ab initio fuisset, agnouerunt. Chrysofomus, Theophili, Epiphaniij, & multorum orientis Episcoporum factionibus sede pulsus & relegatus. Epistola ad Innocentium Papam ipsum obsecrat, vt autoritate sua, acta illorum robur nullum habere decernat; sed eos q̄ iniquè egerunt, pœnarum Ecclesiasticarum legib. subiiciat. Innocentius aut Atticum Chrysofomi loco suffectum supersedere iubet: & Proclum Cizici Episcopum, Constantinopolitanam Ecclesiã tantisper pascere; donec causa perpendetur. Idemq; Arcadium orientis Impera-

peratorem, Eudoxiamq; Imperatricē quos relegationis tanti Doctoris reos comperit, à communiōe Ecclesiæ, & sacrorum submouit: ac pœnitētes postmodum absoluit. Interea Anysius Thessalonicensis se Romanæ Ecclesiæ iudicium sequi fatebatur: Antiochenæ sedis presbyteri, eiusdē disciplinam se agnoscere scribebant, Syriac<sup>us</sup> Apamænsis Bithinię, Palladius Helenæpoleos, Demetrius Pisinuntis, totius Cariæ Episcopi, & Mesopotamię monasteria, nefariã Chrysofomi depositionem & relegationē execrātes, Romanæ sedis iudicio adhærebant.

In oriente adest Antiochena Ecclesia, quã totius orientis metropolim fuisse, docent ex Latinis Hieronym<sup>us</sup>, ex Græcis Theodoretus libro 9. cap. 2. Et ex Hebræis Hegesippus, libro 3. capite 5. Socrates item, Theodoretus, Sozomenus vno consensu memoriæ prodi derunt, Flavianum eiusdem sedis Antistitem, per legationem precibus Chrysofomi & Theophili, Ecclesiæ Romanæ Episcopo, à quo ob violatum iusiurandum communionem

priuatus fuerat, reconciliatum fuisse, & communioni restitutum. Eadem Paulinum Patriarcham lubens amplexa est, quòd per Pontificis Romani legatum Luciferum nomine, sibi traditus & ordinatus esset: qui postea & ipse vnà cum Epiphanio & Hieronymo, de rebus Ecclesiasticis consulturus, ad Romanum Pontificem profectus est. Adest Ecclesia Chalcedonensis, in qua à sexcentis Episcopis illud pro Romana sede decernitur Leo vniuersalis Archiepiscopus, vniuersalis Ecclesiae Papa, vniuersalis Ecclesiae Episcopus, omnium consensu appellatur, actione 3. Postea omnem primatum & honorem præcipuum secundum Canones, antiquae Romae Archiepiscopo conseruari voluit. Adest Nicæna. Hæc communi omnium Episcoporum nomine, Epistolam ad Syluestrum scribit, ac precatur, vt quicquid in tanto cœtu & cōsensu visum esset, oris illius consortio cōfirmaretur. Adest ad orientem demum Constantinopolitana perpetua quasi huius sedis æmula: in hac tamen à duabus cœcume

*Actione 16.*

cumenicis synodis hæc definiuntur. In prima quidem illud: Constantinopolitane civitatis Episcopum habere oportet primatus honorem post Romanum Episcopum, propterea quod sit Nova Roma. In octava verò illud: Omnes quidem honorandos Patriarchas esse, præcipuè tamen Sanctiss. Papam senioris Romæ; nec oportere etiam sententiam dicere in vniuersali synodo, contra summos seniores Romæ Pontifices. In eadem pulcherrimum illud Pij Imperatoris Basilij exauditur, de Sedis Apostolicæ autoritate testimonium. *Neq; enim, ut sacratissimus Patriarcha ad proprium regrederetur thronum, imperij mei opus, vel excogitatio facta est; sed multum ante Sanctissimus & beatissimus Papa Nicolaus, que circa illum erant certissime discens, synodicè decreuit; reddi ei ius proprii throni, & anathema, cum tota sancta Romanorū Ecclesia pronunciauit, cōtra resistentes huiusmodi consilio ac sententiæ. Hoc autem nos olim scientes, & pauentes anathematis iudicium, promulgari, obsecundare synodico iudicio, Romanæ Ecclesiæ necessarium*

*Plura de hoc ipso argumento scripserunt viri huius seculi. doctissimi Fenardentius in cap. 3. li. 3. Cōtra hæreses Irenæi. Albertus Pighius lib. 4. ca. 8. & Alphons. script. in dict. papa. 11. & Stapletonius in controuersijs cā. 17. lib. 6. Idē Pighius controuersiarum Ratisponensium cōtrouersia 16 Melchior Canus li. 6. Lacerum cōmuniū cap. 7. A Enas Spl-*

uius li. gesto-  
rum, oncilij  
Basilien. Cy-  
prian. in expo-  
sit. Symbol.  
heresim nul-  
lam Romæ o-  
bortam ver-  
bis significati-  
bus affirmat.  
Beatus Rhe-  
nanus in lib.  
Tertulliani  
de prescripti-  
onibus here-  
ticorum.

*duximus: & huius rei gratia, reddidimus  
ei proprium thronum.* Et tale quidem o-  
mnium Ecclesiarum fuit de Romana  
Ecclesia iudicium.

## VIGESIMVM ET VLTIMVM

*Insigne: Apostasia, hoc autem est ab ea de-  
fectionis presentissima, tam publice  
quàm priuatim Dei vindicta.*

### CAPVT XX.



Osirenum igitur illud e-  
rit regni Iesu Christi insig-  
ne, quòd magnificè expli-  
cat Isaias: *Gens, inquit, &  
regnum quod non seruierit ti-  
bi, peribit, & gentes solitudo vastabit.*  
Hoc autem est, quod regnum, quæ  
gens ab hoc ipso omnium seculorū  
regno defecerit atque apostatauerit,  
illi que rebelle factum fuerit, illud ne-  
cesse sit, aut in manus infidelium gen-  
tium tradi, aut inter se mutuis dissidi-  
js ac bellis ciuilibus confici, aut fœdo  
& impotenti muliebri imperio subij-  
ci, aut omni cultu, élégantia, splendo-  
re amisso; ad extremum in improbū  
Iuda-

Iudaismum vel Gentilissimum suprema cœcitate & dementia percussum deferri. Quòd quàm verum sit, res ipsa docet : circumspiciamus obsecro circūquaq;, oēsque partes orbis Christiani diligenter consideremus. Quid passa sit vniuersa Asia, quid Aegypt<sup>9</sup>, quid tota Græcia, videmus.

Ferunt, vbi postrema legatione à <sup>Græcia.</sup> Sede Apostolica legatus Constanti-  
nopolim pacis & concordiae causa venisset, ad eò se insolenter homines illos gessisse, vt ne literas quidem Summi Pontificis aspicere vellent. Legatum demum pontificis tanta iniuria permotum, in princeps templum D. Sophiæ venisse, ibiq; in summo altari legationis suæ literis depositis, Deum obtestatum esse, nihil principem suum prætermisisse, quòd ad pacē & cōcordiam aliquo modo pertineret: excusso deinde pedum puluere de templo exiuisse: eodemq; tempore summum laquear templi illius ruptum atq; discissum fuisse, noctuq; columnam igneā ex ea vrbe egredi, ac sursū deferri visā: ac modico post interie-

Et o tem

tempore Mahometem Turcarū Imperatorem cum omni vi sua aduenisse, urbemque illam Sedem quondam Imperij vltima expugnatione vnà cū Patriarcha Imperatoreq; cepisse. Ita nunc Constantinopolitanus Patriarcha, vbi veteri more à prouinciæ Episcopis in Patriarcham electus est, ad ianuam Imperatoris præsens sistitur: nec prius in conspectum eius admittitur, quàm ab Imperatore quis fortè exierit, qui illius aduentum denunciet, licentiamque adeundi accipiat: eo admissus, ad pedes prouolutus, vestem eius exosculatur: dataq; fide, acceptis legibus, & conditionibus, iuste & legitimè Ecclesiam administrandi dimittitur. Grauis & miseranda sors & conditio: sed quæ insolentiam ac legitimæ potestatis contemptum semper quasi cōsequi solet. Quid nuper passa sit Vngaria, & quid adhuc patiatur, videmus. Quibus motibus, quibus bellis ciuilibus concussa iacet Gallia: quantum sanguinis in ea effusum: quot homines cæsi: inter multa hominum millia vix hominem senē

in-

inuenias, tamen profectum est nihil, nec proficietur vnquam. Quid Germania? Num quid præclare ab eo tempore, ex quo ab Ecclesia Catholica defecit, gessit? num aliquos successus secundos per hos annos habuit? num aliquid optatum vidit? Quid Flandria? quæ, & qualia nunc patitur mala? an non ipsimet suis manibus quasi succenditur? misero ministerio, ac turpi obsequio, quod de Iudæis dixit Hegefippus, se suis tradit direptoribus, cuius potius, quàm Catholico Regi obtemperare parati. Quid Anglia? quid reliquæ orbis Christiani partes passæ sunt? Quam ob causam? Illam certè quam explicat Dominus: *Veruntamen seruent Sese regi Aegyptiorum, ut sciât distantiam seruitutis meæ, & seruitutis regni terrarum.* <sup>2. Par. 12.</sup>

Sed ne nostra quidem hæc Polonia priuilegium impietatis à Deo accepit: vereor què, ne quantò seriùs in eam animaduertitur, tantò acerbìus plectatur. neue istis successibus secundis idèò altiùs efferatur, vt postea magis deprimatur. Eleuans allisisti me, *Psal. 101.*  
inquit



inquit Psaltes: & ne item suæ impietatis, ac iliorum insidiosorum & fraudulentorum nominum, ac in exitiū regni Christi comparatorum, cōfederationum, inquam, cōpositionum, dignas aliquando rependat pœnas: quod tamen omen Deus benignus & misericors procul ab illa auertat. Mitto nūc altera ex parte felicitatem, pacem, & omnem Dei benedictionem illarum prouinciarum, quæ Catholicae Ecclesiae matri suæ plenè adhæserunt, Italiae, inquam, Hispaniarū, Bavariae, & reliquarum; de quibus illud præclarè cecinit Spiritus sanctus: *Adducentur regi virgines post eam, proxima eius afferentur tibi: afferentur in letitia & exultatione, adducentur in templum regis.* Mitto felicissimos successus, gloriam, victorias illorum regum, atq; Imperatorum, qui huius cultores, ac eius propagatores, & vt Isaia vnico verbo vtar, nutritij fuerunt, Constantini, Honorij, vtriusque Theodosij, Iustiniani, Heraclij, Caroli: hæc inquam mitte, ne aliquid humanum astruere videar. Domini est .n. regnū, & cui

*Psal. 44.*

*Isaic. 49.*

*Psal. 21.*

& cui voluerit dabit illud  
 nu eius cuncti fines terræ,  
 rias confugientibus ad se  
 nibus illis, qui vt post Plat  
 potiùs ex Platone scripsit  
 patriam conseruauerunt:  
 auxerint, certus est in coele  
 tus locus paratus, vbi bea  
 piterno fruantur : nihil  
 principi Deo, qui omnem  
 dum regit, quod quidem in  
 acceptiùs, quàm concilia, coetusq;  
 minum iure sociati, quæ ciuitates ap  
 pellantur: quorum rectores, & cōser  
 uatores coelitùs profecti illuc reuer  
 tantur: quantò magis, qui vnicam e  
 ius sponsam, vnicam hæreditatem e  
 ius amauerit, ornauerit, tutatus fue  
 rit, amabitur, ornabitur, omniq; ge  
 nere bonorū affatim cumulabitur &  
 ipse, scit enim Deus magnificè mutu  
 um facere, ac diligentes se suaq; inui  
 cem diligere. Verum hæc hæctenus.

PER O.

ORATIO  
OPERIS.

Hic quidem est filie regis  
ornatus, hæc magnifica in-  
signia, hæc illa varietas, de  
qua David: *Astitit regina*  
*dextris tuis in vestitu de au-*  
*ta varietate.* Hic est chara-  
cter Ecclesie à lege & Prophetis,  
Apostolisque ac Euangelistis colle-  
ctus, velut ex multis odoriferis virgul-  
tis, ac medicamentis antidotus bona,  
vt inquit Epiphanius, ad salutem vtē-  
tium præparata ex voluntate Patris,  
& Filij, & Spiritus sancti. Neque tamē  
putandum est, hæc oīa eius insignia, at-  
que ornamenta esse, multò enim sūt  
plura, multò vberiora, quæ vel nostrū  
tenuem sensum effugerunt, vel ipsi ea  
dum breuitati consulimus prætermi-  
simus; qualia sunt illa: humilitas non  
ficta, constans disciplina, vitæ & cru-  
cis Christi imitatio, carnis mortifica-  
tio, mundi & diuitiarum contemp-  
tus, perfecta sui ipsius abnegatio, ad  
maio-

maiores obedientia: vera item in perferendis martyrijs, non pertinax, non maledica, non furiosa sed læta, amœna, & pro persecutoribus Deum exorans patientia: perseverantia imperfracta: rerum secundarum & aduersarum contemptus, atque tolerantia: inuictum animi robur: & alia eius generis planè infinita, quæ nemo rectè enarrare, nemo sufficienter explicare possit, nos pauca hæc ex multis clario ra & insigniora, Dei ope & præsidio in medium, pro hac affecta valetudine nostra protulimus. De obediētia quidem illa scribit magnificè Cyprianus:

*An esse sibi cum Christo videtur, qui aduersus sacerdotes Christi facit? qui se à cleri eius & plebis societate seceruit? Arma ille contra Ecclesiam portat: contra Dei dispositionem repugnat: hostis altaris aduersus sacrificium Christi rebellis, pro fide perfidus, pro religione sacrilegus, inobsequens seruus, filius impius, frater inimicus, contēptis Episcopis & Dei sacerdotib. derelictis, constituere audet aliud altare, precem alterā illicitis vocibus facere, dominicæ hostiæ veritatē per falsa sacrificia profanare, nec*

*Cyprianus de  
vnitate Eccle  
siæ.*

dignatur scire, quoniam qui contra ordinationem Dei nititur, ob temeritatis audaciam diuina animaduersione punitur. Sic Chore & Dathan & Abyron, qui sibi contra Moysen & Aaron sacerdotem sacrificiâ dilicentiam vindicare conati sunt, pœnas statim pro suis conatibus pependunt. Terra compagibus ruptis in profundum sinum patuit, stantes atq; viuentes recedentis soli hiatus absorbuit. Nec tantum eos qui auctores fuerant, Dei indignantis ira percussit, sed & ceteros ducentos quinquaginta participes eiusdem furoris & comites, qui coagulati cum iisdem simul ad audaciam fuerant, exiens à Domino ignis properata ultione consumpsit, admonens scilicet & ostendens contra DEVM fieri, quidquid improbi fuerint ad destruendam ordinationem Dei humana voluntate conati. Sic & Ozias rex cum thuribulum ferens, & contra legem Dei sacrificium sibi violenter assumens, resistente sibi Azaria sacerdote, obtemperare nollet & credere, diuina indignatione confusus, & lepra varietate in fronte maculatus est: ea parte corporis notatus offenso Domino, ubi signatur qui dominum promerentur: peius hoc  
 crimen

crimen est, quàm quod admisisse lapsi videntur; qui tamen in pœnitentiâ criminis constituti, Deum plenis satisfactiõnibus deprecantur. Hic Ecclesia queritur & rogatur; illic Ecclesiæ repugnatur. Hic potest necessitas fuisse; illic voluntas tenetur in scelere. Hic qui lapsus est, sibi tãtùm nocuit; illic qui heresim vel schisma facere conatus est, multos secum trahẽdo deceptit. Hic animæ unius est damnum: illic periculum plurimorum. Certè peccasse se hic & intelligit, & lamentatur, & plangit: ille tumens in peccato suo, & in ipsis sibi delictis placens, à matre filios segregat, oues à pastore sollicitat, Dei sacramenta disturbat. Et cum lapsus semel peccauerit, ille quotidie peccat. Postremò lapsus martyrium postmodum consecutus potest regni promissa percipere: ille si extra Ecclesiam fuerit occisus, ad Ecclesiæ non potest præmia peruenire. verùm hæc in præsentî sufficiant: Erectum est igitur vexillum veritatis dispersis, portus naufragãtibus demõstrat<sup>9</sup>, vrbs fortitudinis Sion, castraq; Dei viuentis, hostem fugientibus, ouile errantibus ouibus, stella maris propitia per mare disiectis. Proinde ci-

Lib. 3. Tomo 2. *uitatem videntes (inquit Epiphanius) ad ipsam festinemus sanctam Hierusalem, et virginem Christi ac sponsam, securumq; fundamentum ac petram, & reuerendam matrem nostram, tempestiuissime & ipsi dicentes: Venite ascendamus in montem Domini, & in domum Dei Iacob, & annuntiabit nobis viam suam. Hic est portus ille pacis serenus ac tranquillus, laticia spirans, cyprum vinea, & botrum ferens nobis benedictionis, & poculum dolorem nobis exsoluens, quotidie largiens sanguinem Christi, meracum veritatis. Hæc ille. Extra hanc vnicam salutis arcam diluuium est, aquæ sunt, naufragia sunt: extra hanc membrum Christi esse nemo potest, os de ossibus, membrum de membris eius. Qui in hac non est, ille extra connubium Christi adulteratur: hic ab eius consortio ac coniugio exclusus, errat. Et proinde neque ad coniugalem dilectionem, de qua Paulus scribit: Christus dilexit Ecclesiam, & seipsum tradidit pro ea, ut illam sanctificaret, pertinet quicquam. Neque ad illam mutuam in corruptam fidem, de qua Propheta: Sponsabo te*

*mi-*

Paulò superius.

Ephes. 5.

Osee 2.

*mihî in fide.* Neque ad eam sanctificationem, de qua idem Paulus: *ut eam sanctificaret, mundas lauacro aquæ in verbo vitæ.* Neque ad curam & custodiam: *ut sit sancta & immaculata,* non habes maculam aut rugam, aut quid huiusmodi. Neque ad illam omnium diuinarum & humanarum rerum communionem, ut sit caro de carne eius, & os de ossibus eius. Neque vltimum ad dotem pretiosam illam, ut sit hæres quidem Dei, & cohæres Christi, ius aliquod habet. Quo damno nullo maius, nullum nocentiùs, aut esse, aut cogitari potest. *Auelle, inquit Cyprianus, radium à solis corpore, diuisionem lucis vnitas non capit: frange ramum ab arbore, fractus germinare non poterit, à fonte præcideriuum, præcisus arefcit.* Extra hanc Apostolus nemo, Martyr nemo, nemo Confessor, non virgo, non denique Christianus esse potest. Christi confessor, inquit Cyprianus, nec dici, nec esse iam potest, qui Ecclesiam Christi negauit. Nam cum Paulus Apostolus dicat: *Propter hoc re-*

Rom. 8.

De vnitatem  
Ecclesiæ.

Ephes. 4.



erunt duo in carne vna: Sacramētum istud magnum est, ego autem dico in Christum & in Ecclesiam. Cū hoc (dicit Cyprianus) beatus Apostolus dicat: & Christi pariter atque Ecclesie vnitatem indiuiduis nexibus cohærentem, sancta sua voce testetur, quomodo potest esse cum Christo, qui cum sponsa Christi atque in eius Ecclesia non est? aut quomodo assumit sibi regendæ aut gubernandæ Ecclesie curam, qui spoliavit & fraudauit Ecclesiam Christi? Hanc quoniam infideles non agnoscunt, iam iudicati sunt: in hac quoniam Iudæi non sunt, cœci & perditii sunt: hanc quia hæretici oppugnant, ideò in tot sectas dissectas ipsi inter se diuisi sunt: seipsos non intelligunt: palpant tanquam cœci in meridie: ideo quotidie ex errore in errorem transferuntur, ideò ex arena funiculos nectunt, qui nunquam coherere possunt: ideo omnia humana & diuina frustra perturbant: ideò sanguine & cædibus complent omnia. Quam nisi cognoscunt, in cuius sinum nisi se conferunt, non si hominum

minum & Angelorum linguis loquā  
 tur, nō si habuerint prophetiam om-  
 nem, & nouerint mysteria omnia, &  
 omnem scientiam, non si vniuersam  
 veterem & nouam legem exhauerūt,  
 ac deuorauerint, proficient quicquā.  
 Habuerunt hæc veteres hæretici ferè  
 omnia, nihil tamen profecerunt, ni-  
 hil promouerunt; caruerūt enim du-  
 ce & magistra omnis veritatis, carue-  
 runt norma & regula fidei, caruerūt  
 omnis doctrinæ domina & dispensa-  
 trice. Cui qui non credit, ille simul sa-  
 cræ scripturæ non credit, ille ipsi Chri-  
 sto sponso eius fidem non habet: hic  
 enim Ecclesiam columnam & funda-  
 mentum veritatis esse docet: hic sub  
 graui anathematis pœna eam audire  
 eiq; parere iubet, per quam ipsos An-  
 gelos mysteria fidei nostrę cognosce-  
 re, docet Paulus: Vt innotescat, in-  
 quit, principibus & potestatibus, in  
 cœlestibus, per Ecclesiã, multiformis  
 sapientia Dei, secundum præfinitionē  
 seculorum, quam fecit in Christo Ie-  
 su Domino nostro. In cuius thesauris  
 omnem doctrinam & veritatem cō-

Irenæus li 3.  
cap. 4.

tineri, Irenæus docet: *Tanta*, inquit, ostensiones cum sint hæc, non oportet adhuc querere apud alios veritatem, quam facile est ab Ecclesia sumere, cum Apostoli, quasi in depositorium diues, plenissime in ea contulerint omnia quæ sint veritatis, uti omnis quicumque velit,umat ex ea potum vitæ. Hæc est enim vitæ introitus, omnes autem reliqui, fures sunt & latrones: propter quod oportet deuitare quidem illos: quæ autem sunt Ecclesiæ, cum magna diligentia diligere, & apprehendere veritatis traditionem. Idem sentit Tertullianus: *Querite & inuenietis*, sine disciplinarationis interpretentur. Ratio autem dicti huius in tribus articulis constitit, in re, in tempore, in modo. In re, ut quid sit querendum, consideres. In tempore, ut quando. In modo, ut quousque. Vbi statio credendi? Vbi expunctio inueniendi? Apud Martionem? sed & Valentinus proponit: *Querite & inuenietis*. Apud Valentinum? sed & Apelles hæc me pronunciatione pulsauit, & Hebion, & Simon, & omnes ex ordine non habent aliud, quo se mihi insinuantes me sibi adducant, & ero itaque nusquam, dum ubique conuento.

Vbi

Vbi tamen quæri oportet? Apud hæreticos? ubi omnia extranea & aduersaria nostra veritati, ad quos vetamur accedere. Quis seruus cibaria ab extraneo, ne dicā ab inimico domini sui sperat? Quis miles ab infæderatis, ne dicam ab hostibus regibus, donarium & stipendium captat? nisi planè desertor & transfuga, & rebellis? Etiam anus illa intra tectum suum dragmam requirebat: etiam pulsator ille vicini ianam tundeat, etiam vidua illa non inimicum licet durum iudicem interpellabat. Nemo inde frui potest, unde destruitur. Nemo ab eo inluminatur, à quo contenebratur. Quæramus ergo in nostro, et à nostris, & de nostro. Quos homines, quæ poenā, quis exitus, quæ supplicia sequantur, discant non ex me tantum, sed ex vetustissimo Irenæo. Et hæretici quidē, Irenæus li 4  
inquit, alienum ignem afferentes ad alta- cap. 43.  
re Dei, id est, alienas doctrinas, à cælesti igne comburentur, quemadmodum Nadab & Abihu. Qui verò exsurgunt contra veritatem, & alteros adhortantur aduersus Ecclesiam Dei, remanent apud inferos, voragine terra absorbti, quæ admodū qui circa Chore, Dathan, & Abiron. Qui autem

scindunt & separant unitatem Ecclesie, eandem quam Hieroboam pœnam percipiunt à Deo. Eadem Tertullianus his cõminatur: Qui meminerit futuri iudicij, quo oës nos necesse est apud Christi tribunal astare, reddetes rationẽ, in primis ipsi fidei. Quid ergo dicent qui illam stupraauerint aculterio heretico, virginem traditã à Christo: credo allegabunt, nihil unquam sibi ab illo vel ab Apostolis eius, de seuis & peruersis doctrinis futuris pronunciatum, & de cauendis, & de abominandis quid præceptum. Agnoscent suam potius culpam, quã suorũ, qui nos non antè præstruxerunt. Cuius tantæ damnationis adfert causam D. Chrysostomus: Nihil ita Deum irritat, sicut Ecclesie diuisio: et si innumera bona operati fuerimus, non minores tamen pœnas dabimus, quam qui corpus ipsius prosciderunt, si plenitudinem & integritatem Ecclesiasticam discerpserimus. Illud enim lucro quidem factum est totius orbis, tametsi non eo animo, si reprobos illos respexeris. Istud verò nihil vspiam commodi habet, sed plurimum nocuenti. Ista mihi non ad Ecclesie primores duntaxat dicuntur, sed & ad subditos.

Vir

Hom. 11. in  
Epist. ad E-  
phesios.

*Vir quidam sanctus quippiam dixit, quod  
 audaciam sapere videtur, attamen di-  
 xit: Quid autem est illud? Peccatum vide-  
 licet istud, ne martyrii quidem sanguine  
 deleri. Dic enim, quaeso, quam ob causam  
 martyrium subis? An non propter Chri-  
 sti gloriam? Quo itaque pacto, qui ani-  
 mam pro Christo expoms, Ecclesiam oppu-  
 gnas, pro qua animam suam tradidit Chri-  
 stus? Audi Paulum ipsum: Non sum, 1. Corin. 15.  
 inquit, dignus, ut vocer Apostolus, quo-  
 niam Ecclesiam Dei persecutus sum, ac va-  
 stavi illam. Et interiectis quibusdam: Di-  
 co & obtestor, Ecclesiam scindere non mi-  
 nus esse peccatum, quam in haeresim in-  
 cidere. Hanc qui non audit, deterior est Eth-  
 nico et publicano, ipso Christo teste. Hacte-  
 nus ille. Quam quidem pulcherrimam  
 mulierum compellat in hunc mo-  
 dum Epiphanius: Veni de libano spon- Lib. 3. Tomo  
 sa, quoniam tota pulchra es, & macula non<sup>2.</sup>  
 est in te, paradisus magni opificis, ciuitas  
 magni regis, sponsa immaculati Christi,  
 virgo casta, soli uni viro in fide desponsa,  
 illustris & promicans velut matutinus a-  
 er ac aurora, pulchra ut luna, electa ut sol,  
 pauor qualis est ab ordinato exercitu, qua  
 beata*

*beata prædicaris à reginis, & laudibus celebraris à pellicibus, quæ à filiabus laudaris, ut inalbata, & in delectum tuum inniteris, quæ unguenta spiras, quæ à deserto ascendis, velut virgula fumi, qui prodit à suffitu mirrha & thuris, & de omnibus pulueribus unguentarij, qui dedit sibi ipsi boni odoris fragrantiam, quem conspicata dixit, unguentum euacuatum est nomen tuum. Propterea iuuenula dilexerunt te, quæ stas à dextris regis, induta fimbrijs, de auratis variegata, quæ nihil tenebrosum habes, aliquando quidem denigrata, nunc autem pulchra & inalbata: quo in te constitui à negotijs hæreseon, quæ nos præcesserunt, odiosissimis quiescamus, & à tempestuosis earundem motibus quiescimus, & in te, sancta mater nostra Ecclesia, & in sancta tua doctrina, & sancta ac sola Dei fide in veritate refrigeremur. Hec ille.*

Sed si tam clara, tam euidencia, tam illustria, huius ipsius nobilissimæ fœminæ signa & indicia sunt, si hæc ipsa ciuitas in tam alto monte posita est, si hæc luna, hæc stella, hæc aurora, hic sol, lux denique ipsa tam clara est; cur à tot

à tot millibus hominum videri non potest? cur in gloria positū iustum Ioseph inhumani fratres non agnoscūt? cur vbera illa quibus alti & educati sunt refugiūt? cur innocentem Susannam tot probitatis suę insignia referētem cum perditis senibus calumniatur? Cur matrem pulchrę dilectionis & magnę spei non amplectuntur? An quod & istorum oculi extrema præsumptione, inuidia, malevolentia, tuendarum partium & factionum studio, vincendi cupiditate, & libidine, ambitione, nulli parere consueto animo, errandi praua cupiditate cœci sunt, & hæc lux, hæc luna, hic sol grauem nonnunquam ecclypsim, id est, obscurationem & defectionem patitur? Vnde quæso? pueri populi Christiani mores, nostra incredibilis ambitio, nostra inexplebilis habendi cupido, nostrę fœdę libidines, nostrę prostitutę simonię & vsurę, aliãq; innumera flagitia hanc ipsam ciuitatē Dei obscurant: huiusq; ipsius solis & lunę suis tenebris, opacissimaq; vmbra, lucem ex oculis nostris auferunt. Nā  
 cūm



Isaie 61.

cùm hæc ipsa ciuitas, ita vti dictū est, sãcta, imaculata, sine ruga, sine macula esse dicatur, & de qua illud Prophe-  
 tæ impleatur: *Et scient in gentibus nomē eorum, & germen eorum in medio populorum, omnes qui viderint eos, cognoscent illos, quia isti sunt semen, cui benedixit dominus.* Talem homines cùm non vident velatam ac decoloratam pastorū quidem negligentia, prælatorum supinitate, monachorum perdita ambitione, regum & Principum conniuentia & cupiditate, populorum malitia; agnoscere non possunt. Non obscurum est, quid accusent, quid in nobis desiderent, quid tertio quoque verbo appellent, mores, inquam, & vitam corruptissimam nostram. Auferatur modo velamen malitiæ à facie eius decora, & exorietur tanquam luna aut sol in meridie: ne cōspuamus vultum eius, ita, vt cognosci possit: ne velemus faciem eius, ita vt non sit illi aspectus: ornemus eam, pugnemus pro ea, vel saltem nō prodamus eam Iudæorum quidem & Gentilium irrisioni, hæreticorum prauitati, ac subuersioni clerico-

ricorum, & monachorum cupiditati & ambitioni; qui pro eo, quod nudi nudum Christum sequi debebant, lanis eius operti insolescunt, ditiores monachi quàm seculares possident opes, sub Christo paupere, quas sub locuplete & fallaci diabolo non habuerunt, vt suspicet eos Ecclesia diuites, quos mundus ante tenuit mendicos, inquit magnus Hieron. Quos quidem homines pulcherrima & verissima similitudine senibus illis, qui pudore innocentissimæ fœminæ Susannæ quondam, impiè, & insolenter ad suam libidinem abuti voluerunt, cõparat vetustissimus Irenæus: cuius illa sunt verba: *Qui verò crediti sunt quidem à multis esse presbyteri, seruiunt autem suis voluptatibus, & non præponunt timorem Dei in cordibus suis, sed contumelijs agunt reliquos, & principalis confessionis tumore elati sunt, & in absconsis agunt mala, & dicunt: Nemo nos videt: redarguentur à verbo, qui non secundum gloriam iudicat, neq. faciem attēdit, sed in cor.*

*Irenæus li 4  
cap. 44.*

*Ei audient eas, quæ sunt à Daniele Prophe- Daniel. 13.  
tæ voces: Semen Chanaan. & nõ Iuda, species*

*es seduxit te, & concupiscentia euertit cor  
 tuum. Inueterate dierum malorum, nunc  
 aduenerunt peccata tua quæ faciebas an-  
 tea, iudicans iudicia iniusta: & innocen-  
 tes quidem damnabas, dimittebas verò no-  
 centes, dicente Domino: Innocentem & in-  
 stum non occides. Haftenus ille. Nulla  
 verò periculosiora, nulla magis letha-  
 lia vulnera existimemus, quàm ea,  
 quæ nos ipsi intulerimus. Vt sanguis  
 & vulnera matris nostræ de terra cla-  
 met ad Deum contra nos. Nemo illi  
 magis nocet, quàm malus ciuis, quàm  
 improb<sup>9</sup> in ea pastor. Viscerum mor-  
 bus iste est, domesticus hostis, nemo  
 exitiosior proditor quàm ciuitatis  
 custos, aut perfidus castrorum dux:  
 nam de reliquis eius præssuris illud  
 Hilarij verissimum est. *Tum vincit  
 cum leditur, tum intelligit, cum arguitur,  
 tum obtinet, cum deseritur, dum persequi-  
 tur, floret, dum opprimitur, crescit, dum  
 contemnitur, proficit, tunc stat, cum supe-  
 rari videtur, proficit afflictionibus, san-  
 guine martyrum irrigatur, tristitia erigi-  
 tur, angustia letatur, ieiunijs reficitur.*  
 Inde crescit, ynde eius numer<sup>9</sup> deficit,  
 scribit*

*Hilarius.*

scribit Cassianus : Ita igitur in ea vi-  
uamus omnes , vt illud de amore &  
fide sua erga sponsum liberè profari  
possit: Ille mihi benignus & miseri-  
cors est, ego illi non ingrata: ille meæ  
liberationi, ego illius honori: ille sa-  
luti meæ, ego illius voluntati: ille mi-  
hi & non aliæ, & ego illi & nō alteri:  
ille meam semper audit orationem,  
ego illius & non alterius vocem au-  
dio. Verūm nos aliquando receptui  
canamus. Nox adest, tempestas in-  
gruit, pyrata vrget, Antichristus in fo-  
ribus est, anchorę soluuntur, mare  
tūmet, procellę seq̄uiunt: qui procul  
igitur à littore sunt, ad nauem festi-  
nent: qui in proximo, quamprimum  
transstros cōscendant: qui iam in na-  
ui sunt, in ordinem se componant.  
Ad remos nauæ, ad clauum guber-  
natores properent. Ac quemadmo-  
dum quōdam Vlysses Syrenum sco-  
pulos præteruecturus, ne cantu illa-  
rum, vel detineretur, vel in somnum  
resolut⁹ in mare prolaberetur, aures  
quidem cera obstruxisse, seipsum au-  
tem ad malū nauis alligasse dicitur;

fic & nos veterum doctrina, maiorumque institutis & exemplis, aures nostras ad hereticorum molles & infidiosas voces obstruamus: funibus autem obedientiæ ad malum navis huius, quæ D. Ambrosio teste crux est Christi, nos firmiter alligemus; ut sic aliquando tuti, Deoque dilecti, sine periculo & discrimine, ad portum æternæ salutis & incolumitatis, salvi & incolumes appellare valeamus, Amen.

Laus Christo Opt. & Max.

*Attendite à falsis Prophetis, qui veniunt ad vos in vestimentis ovium, intrinsecus autem sunt lupi rapaces. Matthæi 7.*

STA-

STANIS-  
LAI SOCOLOVII,  
SERENISSIMI STEPHANI  
POLONIAE REGIS, THEOLO-  
gi, pro cognoscendis & fugiendis  
falsis prophetis & eorum  
doctrina.

C O N C I O.



Vx & auctor salutis & in-  
columitatis nostræ Christi  
I E S V S, nullam rem  
esse quæ populo Christia-  
no magis noceat, maio-  
reque studio ac diligentia fugienda  
sit, quàm falsos Prophetas, quos Pau-  
lus & reliqua scriptura, hæreticos ap-  
pellare solet, maxima cautione &  
monuit & docuit semper. Nusquam  
scriptum legimus: Attendite à tyran-  
nis, qui vos per varia tormenta, mul-  
tiplicesque cruciatus à recta & firma  
fide constantique proposito vestro  
dimouere atque deterrere conabun-  
tur. Nusquam dictum est: Attendite

*Falsi Prophe-  
te hæretici.*

à Iudæis, Gentilibusque, qui omnes conatus suos ad vos opprimendos, vestrosque labores inficiendos relaturi sunt. At illud grauissimè dici audimus: Attendite à falsis Prophetis, qui veniunt ad vos in vestimentis ouium, intrinsecus autem sunt lupi rapaces. Neque verò nudè & simpliciter falsos Prophetas nobis fugiendos esse docet; sed etiã ei<sup>9</sup> suæ tã diligētis, tã salutaris monitionis duplicē adfert causam. Summã eorum qui fugiendi sunt astutiam & dolos, *qui, inquit, veniunt ad vos in vestimentis ouium: & parem astutiæ & versutię rabię & ferocitatem, intus autem sunt lupi rapaces.* Vt enim eos scopulos, dicebat Magnus ille Nazianzenus, magis nautæ declinare solent, qui sub aquis tecti delitescunt, quàm eos, qui exstant & eminent; ita & illi inimici maximè vitandi sunt, qui vt latentes scopuli sub aquis, sic illi sub varijs simultatibus integumentis latēt & occultantur. & qui tum demum se produnt, cùm iam nauis fracta, mercesq; disiectę sunt. Et præsertim, cùm, vt ait

Am-

In vita Ba-  
silijs.

Ambrosius, caput petant, iugulum inuadant, vitalibus vulnus infligant, corpore saluo animam occidant: quales inimicos maximè metuendos esse idè Saluator studiosè docuit semper, atque nunc item grauissimè & cum magna diligentia monet: *Attendite, inquit, à falsis Prophetis, qui veniunt ad vos in vestimentis ouium, intrinsecus autem sunt lupi rapaces.* Idem *Diuisio* igitur & nos agamus: ac quis sit hic vestitus ouium: quæ integumenta, sub quibus falsi Prophetæ latere solent; qui item fructus, per quos dignosci possint, paucis ex sacris literis, doctissimorumque virorum iudicijs ad publicam vtilitatem doceamus. Vt vbi eos semel cognouerim⁹, tandem aliquando amare desinamus. Nemo autem alius hac nostra offendetur disputatione, nisi is, qui suo prius iudicio, aut hæreticum se esse, aut hæreses sequi agnouerit: quod vbi cognoscet, laqueo contrito liberatus, gratias potius nobis, qui eas pelles lupis exitiosissimis detrahim⁹ ager, quàm vt succensere debeat. Cu-



ius nostri propositi initium à diuini numinis inuocatione capiamus.

*Vestium ouium*

Quis igitur hic vestitus ouium, quæ integumenta, quæ tam molles & speciosè pelles, sub quibus falsi delitescunt Prophetae, Christi quæ oues seducunt, illis quæ imponere solent? Alij alio modo iudicant: quidam omnem cultum externum, orationes, inquam, eleemosynas, ieiunia, humi- cubationes, omnem quæ; eam quæ pro- palam fit vitæ probitatem & conti- nentiam, & quam æquè boni ac mali simulare possunt, vestimenta ouium interpretantur. Quidam caerimoni- as, ritus quæ Ecclesiasticos omnes, ea integumenta esse putant. Alijs om- nis ille durus ac horrens vestitus, quo monachi & Eremitæ, ac cæteri om- nes, qui mundo renunciarunt, aspe- rius quæ quoddam, & horridius vitæ genus secuti sunt, vtuntur, vestitus, lana, & indumenta ouium videri so- lent. Verum in re maximi momenti magis serium quid, quod quæ cum summa causæ proprius coniunctum sit, quærendum est. Cuius rei funda- men-

mentum illud sit. Omnem hæreticum, teste Hieronymo, hypocritam esse; aliud agentem & aliud simulantem. Omnis porrò hypocrisis alieno potius quàm suo vestitu superbè induta incedit: qui est virtutis & honestatis, omniumque eius partium simulatio. Cùm igitur hæreticus quisque, ita vti dictum est, hypocrita sit, duplicem itidem habeat vestitum oportet: Alterum cum alijs hypocritis omnibus communem: Alterum sibi peculiarem & proprium. Communis cum cæteris vestitus erit omne illud, quod pium, quod honestum, quod cum virtute prima quasi fronte coniunctum apparet; hæc enim omni fictioni ac simulationi fuerunt semper communia: in quibus artibus dici non potest, quantum veteres illi quondam hæretici se exercuerunt, quantum ieiunijs, orationi, quantum omni vitæ sanctitati & continentiæ operam dederint. Nam nunc vt virtute ipsa; ita & omni eius specie ac simulatione hæreses carent, ab eaque sunt remotissima. At peculiaris ve-

Bb 4 stitus

*Hypocrisis  
hæreticorū.*

*communis  
vestitus*

*peculiaris  
vestitus*

stitus, de quo nobis præsens est institutum, quis? Dum totam scripturam perlustro, dum omnem antiquitatem percurro, dum nostrorum temporum rationem diligenter expendo: non alium hunc profecto inuenio, quàm verbi Dei sacræque scripturæ falsam & eumentitam usurpationem, qua omnes errores, omnes fraudes, somnia, & nugas, ac deliramenta sua hæretici, vestire ac condire solent. Docet hoc primum veterum pseudoprophetarum exemplū, qui cūm aliquid nouū populo persuadere volebant, illis semper abutebantur verbis: Hæc dicit Dominus, hæc dicit Dominus: cūm se illud dicere dominus pernegaret. Quod hoc idem Saluator innuit, cūm dicit: Nō omnem, qui illi dicit, Domine Domine, intraturum in regnum cœlorum; sed qui facit voluntatem patris eius. Hoc est, non omnem illum qui usurpat & inuocat nomen Domini, eiusque verbis & testimonijs abutitur, aut saluari, aut inter eius veros nuncios reputari, sed illos solos, qui  
 docent

docent & faciunt voluntatem eius.

Quod idem D. Petrus clarè docet: 2. Pet. 3.

*Quemadmodum, inquit, Paulus frater noster charissimus ostendit in omnibus epistolis, in quibus sunt quadam difficilia intellectu, quæ indocti & instabiles depravant, sicut & ceteras scripturas ad suam ipsorum perniciem. Depravabant*

*Depranatio scripturæ quomodo fit.*

autem vel falsa interpretatione, vel ipsius scripturæ inuersione, quorum nunc plena vbique sunt omnia. Tantum autem, inquit Tertullianus, veritati obstropit adulter sensus, quantum & corruptor stylus. Itaq; D. Ambrosius, hac plena definitione hæreticos, qui, & quales sint, describit:

*Hæreticorū descriptio. Ambr. super epist. ad Titum cap. 3. tom. 3.*

*Hæretici ū sunt, qui per verba legis legem impugnant, proprium enim sensum verbis legis astruunt, ut prauitatem mentis suæ legis auctoritate commendent. Sciens enim impietas, multum valere auctoritatem legis, fallaciam sub nomine eius componit: ut quia res mala per semetipsam acceptabilis esse non potest, bono nomine commendetur. Nam cum sciant hæretici, magnam esse sacra scripturæ auctoritatem, idè hac ipsa errores suos & deli-*

*ramenta tegunt, suaq; testimonia minus valida, sacra scriptura auctoritatibus alligant. Hæc Ambrosius. Quod idē*

Lyrinen. li.  
1. cap. 36.

Vincētius Lyrinen. prolixi<sup>9</sup> in lib. de antiquitate Catholicæ fidei docet:

*Quid est vestitus ovium? nisi Prophetarum & Apostolorum prologia, quæ iisdem quadam sinceritate, agno illi immaculato, qui tollit peccatum mundi, tanquam velleræ quadam texuerunt. Qui sunt lupi rapaces? nisi sensus hæreticorum feri, & rabidi, qui caulas Ecclesie semper infestant, & gregem Christi quaquà possunt dilacerant. Sed ut facilius incautis ovibus obrepant, manente luporum ferocia, deponunt lupinam speciem, & sese diuinæ legis sententijs, velut quibusdam velleribus obuoluunt, ut cum quisque lanarum molliciem præsenserit, nequaquã aculeos dentium pertimescat. Hæc Lyrinen. Nemo ex veteribus hæreticis, tam impurus, tamque à veritate alienus, nemo tam absurdus perditusq; fuit, qui non suum errorem ex his, quas nunc in manibus habemus confirmaret scripturis. Videre hoc licet apud Irenæum, Tertullianum, Epi-  
pha-*

phanium, ceterosque, qui eorum sententias argumentaque retulerunt, ac refutarunt veteres patres. Non contentus erat vno & alio sacræ scripturæ loco, ad sua confirmanda, Valentinus atque Marcion; nisi vniuersum nouum Testamentum, omnesque Pauli epistolas suis accommodarent sententijs: ac si in opere incrustato & vermiculato, translatis lapillis, ordineque mutato, ex homine faceret vrsum aut leonem. Quam similitudinem venustissimè ante mille trecentos annos his verbis explicat Irenæus: *Cùm igitur talis sit ipsorum doctrina, quam neque Prophetæ predicauerunt, neque Dominus docuit, neque Apostoli tradiderunt, quam de vniuersis iam etant se plus alijs cognouisse, ex non scriptis legentes, & quod dici solet, ex arena funiculos rectere studentes; ad faciendam fidem, conantur prædictis adaptare, aut parabolas dominicas, aut sermones Propheticos, aut dicta Apostolica, quo figmentum ipsorum non testibus carere videatur, ordinem & seriem scripturarum transilientes, & quantum in ipsis est,*  
*mem-*

*Irenæus lib.  
 1. cap. 1. contra hæreses.*

*membra veritatis soluentes. Transferunt enim & transformant, & aliud ex alio facientes, multos decipiunt, per male compositam dominicorum verborum adaptatorum sapientiam. Quemadmodum si quis Regiæ imaginis pulchræ, ex pretiosis lapidibus fabricatæ à sapiente artifice, subiectam hominis formam soluat, & lapillos illos transferat & accommodet, ac faciat formam canis aut vulpeculæ, atque hanc male fabricatam deinde præscribat ac dicat, hanc esse Regis imaginem illam pulchram, quam sapiens artifex fabricavit, ostendens, lapillos illos à primo artifice probe in Regis imaginem compositos; verum male à posteriore in canis formam translatos, & per lapillorum apparentiam seducat imperitiores, qui regiæ formæ notionem non habent, & persuadeat, quod hæc putrida vulpeculæ forma sit pulchra Regis imago. Ad eundem sanè modum etiam hi anicularum fabulas consuèntes, deinde verba, dictiones, & parabolas undecunque detrahentes, adaptare volunt fabulamentis suis eloquia Dei. Hæc Irenæus. Plurimis locis scripturæ, minorem filium patre, demonstrare*

contēdebat Arius. Nestorius, sacram scripturam se primum & solum intellexisse, & omnes alios, quicunque ante se magisterij munere præditi, diuina eloquia tractassent, ignorasse, solebat dicere. Ita vt Tertullianus alicubi propter eum impudentem sacrarum scripturarum abusum, Euangelium rem sanctissimā librum hereticorum appellare non dubitauit. Abundè hoc idem docet nostra ætas, quæ cum in sexcentas scissā sit hæreses, in sexcenta schismata, quæ simul omnia vera esse (cū vna & simplex sit veritatis via,) non possunt: nulla tamen est, quæ non suum sacræ scripturæ testimonijs tueatur, alat, & condat errorem. Et eò magis, quò absurdiores, quò exitiores defendit errores, quod in Anabaptistis, Arianis, Ebionitis maximè videre licet. Hic igitur est ille peculiaris Pseudoprophetarum vestitus, hæc illa mollia vellera. Non ieiunat quis, lupus est: *Lupus quid.* vestitus autem ouium ille: *Matth. 15.* *Non quod intrat per os coinquinat hominem, sed quod procedit ex ore, hoc coinquinat hominem.*



Matth. 6.

Actor. 5.

Psalm. 18.

Matth. 19.

Matth. 10.

Marc. 16.

Joan. 14.

Rom. 3.

nem. Non orat quis, hic lupus est, vestitus autem: *orantes nolite multum loqui.* Subesse & parere magistratui nō vult quis, lupus est: vestitus autem ovium: *Obedire oportet Deo magis quam hominibus.* Conlitteri peccata erubescit quis, lupus est; vestitus autem ovium: *Delicta quis intelligit?* Continentiē quis rumpit vota; lupus est: vestimentum autem ovium: *Non omnes capiunt verbum hoc.* Non reddit quæ sunt Cæsaris Cæsari, quæ Dei Deo; lupus est: vestitus autem ovium: *Gratis habetis, gratis date.* Baptismum iterat quis; lupus est: vestitus autem ouilis: *Qui crediderit & baptisatus fuerit, saluus erit.* Minorem patre filium improbè & malitiosè iactat; lupus est: vestimentum autem: *Pater maior me est.* In nulla parte pietatis & honesti se exercet; lupus est: vestimentum autem: *Arbitramur hominem iustificari fide sine operibus.* Pulsat pauperes, damnat innocuos, expilat vicos, & oppida, peregrinos, & mercatores mercibus exspoliatur quis; lupus est: vestitus autem ovium: *Si impius egerit*

rit *pœnitentiam*, &c. Misericordiæ Do- *Eze. b. 18.*  
 mini multæ; sed & cruces latronum  
 plurimæ. Hæc igitur sunt illa vesti-  
 menta ouium, in quibus ad nos ve-  
 niunt lupi rapacissimi isti. Neque ta-  
 men ideo, aut reijcienda, aut non sa-  
 crofanctè colenda est sacra scriptu- *Scriptura S.*  
 ra: neque ob id ad omnes errores cõ- *authoritas.*  
 ficiendos, omnemque Christianam  
 doctrinam stabiliendam illa minus  
 vtendum erit; sed quemadmodum  
 oues non eam ob causam vellera sua  
 abijciunt, quòd his aliquando lupi  
 induti illis insidientur; quin eò ma-  
 gis ea tuentur, atque ab omnibus lu-  
 porum insidijs defendunt: eodem  
 modo nõ ob id sacra scriptura, quòd  
 hæretici ea ad suum primum, deinde  
 aliorum exitium abutantur, abijci-  
 enda erit; sed eò studiosius, diligen-  
 tiusque tractanda, eiusque veri ac syn-  
 ceri sensus peruestigandi. Illud tamẽ  
 non ignorandum sub his pellibus lu-  
 pum aliquando delitescere posse: ne-  
 que statim, vt quis aliquot sacræ scri-  
 pturæ sententias appellare potest, eũ  
 sequendum esse; cùm hic æquè lupis

ac ouibus cōmunis vestitus esse possit. In quo genere hęc nostra tempora ita fascinoit inimicus homo, vt nemo tam absurda doceat, modò Paulum, vel Ioannem laudet, vt non statim illi credamus, quintusq; Euan gelista quidam esse censeatur: Et hęc ouium quidem vestimenta sunt. *Attendite ergo vobis à falsis Prophetis, qui in vestimentis ouium ad vos veniunt, intrinsecus autem sunt lupi rapaces.*

Quomodo autem veri à falsis dignoscendi sint, quando quidem ex his pellibus atque velleribus rectè cognosci non possint, statim idem celestis magister docet: *Ex fructibus*, inquit, *eorum cognoscetis eos.* Qui autem sunt fructus isti; non idem sentiunt omnes, & res ipsa explicatione maiore opus habet. Nostri temporis heretici, sed & veteres teste D. Augustino ferè omnes, auaritiam, ambitionem, simoniam, luxum, vsuram, adulteria, ebrietatem, ac reliqua, quæ carnem consequuntur vitia, eos fructus esse interpretantur. Quibus vitijs, cum Ecclesiasticum clerum plañe

*Fructus seu  
opera carnis.*

*Sicut 10. Ps.*

nè dissolutum diffuere primi istorū  
duces vidissent, inde populo persua-  
dere conati sunt, eos falsos Prophe-  
tas ex his fructibus cognoscendos es-  
se. Fuit hoc ad vulgus, in cuius ocu-  
los tot, & tanta nostrorum hominū  
incurrerant vitia, argumentum ma-  
ximè plausibile. His talibusque retijs  
infinita irretita est hominum turba:  
populare sanè commentum. Dolendu-  
mque est Christiani mei, vobisque;  
in primis sacerdotes Dei, vos tantam  
contra ordinem vestrum erexisse ma-  
chinam, illiusque vim in dies magis  
ac magis immensa cupiditate, ambi-  
tioneque vestra, alijs vitijs augere.  
Hos tamen non esse germanos fru-  
ctus, ex quibus veri à falsis Prophetæ  
dignosci possint, vel hinc facile per-  
spicitur: partim quòd vitia hæc cum  
hypocrisi maximè pugnant: patent  
enim, & in oculos hominum incur-  
runt, nec benè cum illo vestitu ouiū  
conueniunt. Nemo vnquam Ario,  
nemo Photino adulterium, nemo e-  
brietatem obiecit: facile ab his cauēt  
illi, qui nocentiora venena ferunt:

partim quod labeſt iſtæ omniũ ſunt temporum, atque omnis ordinis hominum, ſiue hæreſes vigeant, ſiue omninò nullæ ſint. Quod enim vnquam temp<sup>9</sup> tam foelix, tam beatum fuit, quo hiſ nãuis Reſpub. caruerit Chriſtiana? Itaque carnis potius fructus quàm hæreſeos, hæc vitia, ſcriptura appellare ſolet. *Maniſta*, inquit Paulus, *opera carnis: quæ ſunt fornicatio, immunditia, &c.* in quibus & ipſam recenset hæreſim. Abundarũt hoc vitiorum genere veteris legis Pontifices & ſacerdotes; nuſquam tamen eos ſcriptura, nuſquam ipſe Chriſtus Dominus, falſos Prophetas eſſe dixit: Caiphæ Simoniacus Pontifex fuit, futura tamen verè prædicit: Quid Iudas Scariothes? ſed & ipſum Petrum reprehenſibilem fuiſſe ſcribit Paulus. Verũm iam hæc ſublata eſſe videtur controuerſia. Ita enim iſti ipſi, cum pleriq; noſtrum in pari lance malitiæ conſtiterunt: equè improbi, equè ſunt turpes, vt rectè inter ſe alea iacere poſſint, vter melior an deterior potius. Itaque vel ipſi non

mul.

Gal. 5.

Gal. 5.

multum iam hunc locum vrgent, cū  
 præsertim illo manifestissimo Chri-  
 sti testimonio conuincantur: *Super*  
*Cathedram Moysi sederunt Scribæ &* *Matt. 23.*  
*Pharisæi; omnia ergo quæcunq; dixerint*  
*vobis, seruate & facite: secundum autem*  
*opera illorum nolite facere. Vel ipsis er-*  
 go non repugnantibus magis pro-  
 prij, magisq; peculiare, & quibus  
 veri à falsis dignoscantur Prophetæ,  
 nobis fructus quærendi erunt. *Fru-* *Fructus hæ-*  
 ctus igitur hæreseon tales sint oportet, *reseon.*  
 quales sunt ipsæ hæreses: quæ cū  
 nō ad vnius hominis exitium, & in-  
 teritum, sed ad totius corporis Chri-  
 sti labefactionem comparatæ sint;  
 fructus etiam similes erunt: qui non  
 singulis nocent; sed ad totius cor-  
 poris Christi, quæ est Ecclesia Dei, ru-  
 inam & desolationem referantur: fru-  
 ctus enim radici per omnia respon-  
 dere debent: radix totum inficit cor-  
 pus: fructus igitur similes quærendi  
 sunt. In quibus explicandis, non abu-  
 tar vestris auribus, nihilq; ex meo  
 priuato adferam sensu: quos ipsa scri-  
 ptura sacra, quos principes Apосто-

lorum recensent, hos ipse in mediū adferam: quos quidem illi non obiter neq; aliud agentes; sed studiosè, & ex instituto, Spiritus Dei instinctu, admirabiliq; rerum futurarum preñotione explicant, ita vt hos tales fructus, vel negare, vel impugnare nemo possit, nisi qui manifestè cum Apostolis pugnare velit, illisque fidem habere nolit. *Fuerunt, proponit totum hæc dignoscendorum falsorum Prophetarum argumentū D. Petrus, Pseudopropheta in populo, sicut & in vobis erunt magistri mendaces, qui introducent sectas perditionis, & eum, qui emit eos, Dominum negabunt, superducentes sibi celerem perditionem: & multi sequentur eorum luxurias, per quos via veritatis blasphemabitur: & in avaritia, fictis verbis de vobis negotiabuntur: quibus iudicium iam olim non cessat, & perditio eorum non dormitat.* Quo tanquam proœmio præmissa, cas notas & insignia, ex quibus hi tales homines cognosci possint, iisdem ferè verbis cum Iuda Apostolo texit, eosq; suis verissimis pingit coloribus,

Petri 2. ca. 2.

bus, ac qua ratione cognosci possint, abundè docet.

Quorum primus ille est: *Dominationem, inquit, contemnunt, maiestatem autem blasphemant.* Ut enim primus ille Apostata & hæreticus Lucifer, extrema contra Deum arrogantia elatus, omnipotentis Dei dominationem spreuit, dum ei par per omnia esse vult, simulque maiestatem eius blasphemavit, cum inquit; *Ponam sedem meam in Aquilone, & ero similis altissimo:* sic vniuersa eius propago, & progenies schismatici & hæretici, non illam primam & principem solum, sed etiam hanc secundam & vicariam potestatem, quæ in magistratibus sita est, spernunt, eiusque maiestatem blasphemant. Nunquam ferè Martinus, nunquam Calvinus, Pontificem Romanum, cuius Cathedram Apostolicam sedem, omnis antiquitas sanctissimè nominat, & venerata est semper, nisi Antichristum: nunquam Pontifices, nisi monstra & portenta: nunquam sacerdotes, nisi ministros & vasa diaboli: nū-

*Fructus primus hæreticos.*

*Iudas in sua epistola.*

*Isa. 14.*



quam Reges & principes Catholicoſ, niſi Pharaones, Tyrannos, & libertatis publicæ oppreſſores appellare ſolent: ſcripta illorum teſtantur: res negari non poteſt, niſi planè impudentes eſſe velint, aut ſuos aucthores, quod illis ſæpè uſu euenit, non legerint. Et cùm authoramentum maieltatis lex ſit, quæ principes magnos & ſacroſanctos facit: omniſque eorum dignitas, & authoritas ex legum authoritate, tanquam firmiſſimo præſidio pendet; idem ipſi legum qui & maieltas hoſtes ſint oportet. Hinc illa Eccleſiaſticarum primum, deinde ciuiliū legum & ſanctionum accuſatio: hinc paternarum conſuetudinū immutatio: hinc veterum morum abrogatio: legibus enim integris & ſartitectis conſeruatis, neque dominationem contemnere, neque maieltatem conuicijs proſcindere, impunè auderēt; quinimò hiſ ſtantibus & vigentibus ipſi nullo modo ſtare, nec ſeſe diutius tueri poſſent. Primus itaque fructus hæreſeos hic eſt, dominationis  
&

ducere. Iudas autē: *Murmuratores et queruli, securū dū desideria sua ambulantes, os eorum loquitur superbiā, qui se ipsos segregant, id autē est, factiosi sunt, tumultu-  
cient, publicē pacis trāquillitatē perturbant: Pax. n. vt doctissimis placet, nihil aliud quā tranquillitas quēdā ordinis est. Vbi igitur null⁹ est ordo, sed potius omnis ordinis puerſio; ibi pax nullo modo esse potest: rixæ, factiones, dissensiones, in mutuumque exitium cōspirationes, domestici tumult⁹, bellaq; ciuilia, qbus nūc vbiq; orbē terrarum ardere videmus, succedant oportet. Istis autē inter se dimicantibus, ac mutuas vires atterentibus, & veluti in vtero vnus matris more Iacob & Esau colluctantibus; contra hostes reipub. Christianæ preclarum geritur nihil. Opes inimicorum Christi indies crescūt: vrbes, regna, insulæ, in eorū potestātē succedunt: nihil nostrū vel ioco cōcupierunt vnquā, quod seriō non obtinuerint: dum isti pro scholæ quæstionibus, quarū finis nullus est, decertant, qui pro regnis, & populis IESV  
Chri-*

*Pax quid*

*Discordia  
Christianorū  
vires inimi-  
corū Christi  
crescunt.*

Christi sanguine quæsitis pugnare potius debebant. Quid. n. ab eo tempore, ex quo hæc labes remp. Christianã occupauit, præclarè cõtra hostẽ nominis Christiani actũ est: qd illius regno quæsitũ? quid laudis & nominis gestũ? oĩa, vt ille inquit, ruūt, & retrò collapsa referuntur: oīs virt<sup>9</sup> Christiana cõticuit: sexcenta licèt ferantur inter nos pacis fœdera, sexcentæ pacificationes; pax tamen nõ est, nec erit vnquã. Quid ita? Pax est tranquillitas ordinis: quæ vbi pturbatur, ibi nulla itẽ pax & cõcordia, ipsa nature vi & æquitate ita cõcludẽte, retineri poterit. Multũ qdem valent humane functiones, multũ leges; naturã tamẽ rerũ inuertere & immutare nõ possunt: *Non est pax impijs, dicit Dominus.* Et: *Inter superbos semper iurgia. Impij tanquã mare feruens, quod quiescere non potest.* Ita qui pacẽ inter h̄reticos, vel cũ h̄reticis facere velit; nihil aliud agit, quã arenã, vt Irenæus dicere solebat, sine temperamento glutinat: quæ nunquã rectè cohæret, nunquã diu in vnitatis vinculo permanere po-

Isa. 48. 57.

Proverb. 13.

potest: Neminē .n. pacē suā tenere posse, qui pacē Dei repudiavit, præclare scriptum reliquit Hegeſippus. Quid ita? Lib. 5. cap. 2.

Obſtat & impedit quintus, qui hos quatuor ſequitur exitioſus male plantę fructus: *Va illis, inquit, qui in via Cain abierunt, & in errore Balaã mercede effuſi ſunt, ſecuti viã Balaam ex Boſor.* Quintus fructus hæreſeos

Via Cain extremū quoddã & irrecõ- ciliabile, ex invidia natū odiū, in om- Via Cain.

nemq; fraternū exitiū conſpirationē deſignat. Via Balaã, populi Dei, eiuf- Via Balaam.

que caſtrorū infeſtationem, ac omni genere cõuicij & maledicti proſciſſi-

onem ſignificat. Habent ſiqdem diſ-

ſidētes in religione inſitū quoddã &

peculiare, ab alijsq; omnibus diſtin-

ctum, contra illos qui aliter ſentiunt

odiū: quod & ſi ad tempus ſupprimi

& diſſimulari ſolet; funditus tamen

& radicitus euelli nullo modo po-

teſt: imò quo diutius premitur, eò

exitioſius crumpere ſolet: magna .n. Iosephus con- tra Apiquē.

ſtan-

stantem vnquā amicitia cum cæteris nationib<sup>9</sup> coluerunt. Reddit nō aliā causam, quā eā ipsam disparitatem & dissimilitudinem sensus de religione cultuq; diuino, odiumq; quod inde manat implacabile; cū Iudæi vnum solū, cæteri oēs infinitos coluerint Deos. Docet hoc idem Dionysius Areopagita, ac vix non Geometrica ratione demōstrat: *Vt inquit, lineæ quātò remotius à centro discedunt, & numeri ab unitate quātò magis distāt, tātò etiā plus ab inuicē separātur, maioreq; interuallo absunt; sic homines, quò magis à Deo, qui est rerū omniū primū principiu, & centrū, omnisq; vniōnis fons & origo, veraq; de illo opinione discedunt, eò magis à seipsis distāt, ac seiungūtur. Non potest, inquit Bernardus, Deo esse contrarium quid, & sibi met cohære, aut secū cōsentire. Nihil inter tales homines in commune consulitur: nihil ad omniū salutem refertur: nulla totius corporis habetur cura: hoc solū vtile est, quod alteri nocet: ex alieno incommodo, sua quisq; sibi parat cōmoda. Et proinde pacē & cōcordiā illa resp. speret nun.*

*De diuinis  
uominibus  
esp. 5.*

*Bernardus  
lib. 5. de cōsi-  
deratione.*

nunquam; quæcunq; semel dispares & pugnantes intra sua susceperit viscera cultus: frustra impossibilia tentantur. Quod nunquam in tanto decursu seculorū fuit, nunc certè vt fieri possit, sperandum non est.

Sextus fruct⁹ istius mali ab iisdem *Sextus fructus hæreseos* explicatur Apostolis: *Hi aut̄ quæcunq; quidē ignorāt, blasphemāt, quæcunq; autē naturaliter tāquā muta animalia norūt, in his corrūpūtur.* Quid hoc loco dicit Apostolus, quā illud, hæreseon blasphemiam, siue cōuiciū & maledictum perpetuū comitē esse, quod nusquā aliās inuenies: nam Philosophi, & si nobiscū nō sentiunt, & si disparē cultum sequuntur, nostra tamen conuicijs & maledictis nō cōscindunt. Ita sint duo: Alter Philosophus quis, Auerroem, vel Auicēnā sequut⁹: hæreticus alter, vterq; Deum vnū & trinū non cōfitemur; vterq; Christū ex virgine natū negat; vterq; sub specie panis & vini, verum corpus & sanguinē Christi cōtineri, nullo modo credit. Hoc tamen inter illos interest, quòd alter disputatione cōtētus, nō ampli.

amplius progreditur: alter ultra argu-  
 menta nephandis blasphemijs inqui-  
 nat cōpletq; omnia. Quæ illi, & qua-  
 lia in Dei filiū, quæ in virginē sanctā,  
 quæ in sacramenta diuina, symbola,  
 maledicta conferūt, quibus cōuicijs,  
 qua dicacitate pstringunt; pari certè  
 maleuolentia cū illis, qui filio Dei in  
 cruce pendenti insultabant quondā:

*Matt. 27.  
 Genes. 49.*

*Si filius Dei est, descendat de cruce: Male-  
 dictus furor eorū, quia pertinax, & indi-  
 gnatio eorū dura: Non intrēt anima mea  
 in cōsiliū eorū, & in cœtu eorū non sit glo-  
 ria mea,* dicebat de simili genere ho-  
 minū Iacob Patriarcha quondā. Nec  
 satis est, ipsos ita petulantes, & male-  
 dicos esse, hacque ratione æterni nu-  
 minis maiestatem lædere; sed illud etiā  
 hac sua procacitate efficiunt, vt no-  
 men excelsum Dei, nomen IESV  
 Christi, eiusq; sacrosanctæ religionis  
 malè vbique audiat in gentibus. *Per  
 quos,* inquit D. Petr<sup>9</sup>, *via veritatis bla-  
 sphematur.* Quis enim ex his qui foris  
 iunt, eā admiretur religionem, quis  
 laudet, suspiciat, & nō poti<sup>9</sup> dānet ac  
 derideat, quæ in tot hæreses, in tot  
 dissi-

*3. Pet. 2.*

dissidentia schismata sit distracta, & quæ de suis sacris & mysterijs tam maleuole, tam petulanter, tam impudicè sentiat & loquatur? Non modò igitur his istorum moribus ad lucem veritatis infideles nō redeunt, sed magis in suo errore tenebrisque confirmantur. Ad quos enim potiùs in tanta sententiarum varietate se conferant, aut quomodo illos sequantur, qui ipsi, vbi certò defigant pedem, nō habent. Ita vt planè portas vniuersæ salutis omnibus gentibus, sectis ac diffidijs suis, vita & moribus inquietis & dissidentibus suis obstruxisse videātur. Et, vt quondam Pilatus Christum ad illudendum, conspuendum, flagellandum, ac omnibus contumelijs diuexandum cohorti tradidit, ita nunc hæreseon ac schismatū magistri eundem Christū, eiusq; vnicā spōsam Ecclesiā, iisdem gentibus, vt denuò flagelletur, cōspuatur, ac varijs probris cōtumelijsq; ipsi illudatur, exponūt: nullo vnq̄ tantum scelus dignè expiaturæuo. Assume domine zelum, pro *Ezech. 39.* spōsa tua, & pro nomine sancto tuo.



Septimus fru  
ctus hæreseos

Septimus hæreseos fructus ille est, gratiam Domini nostri Iesu Christi transferre in luxuriam, quod idem ipsi docent Apostoli: *Subintraverunt enim quidam homines, qui olim per scripti sunt in hoc iudicium impij, domini nostri gratiam transferentes in luxuriam, delicijs affluentes, in convivijs suis luxuriantes vobiscum.* Vt enim veterator ille paradysi serpens, eam prolixam & liberalem munificentissimi parentis beneficentiam, qua in omni honeste voluptatis & deliciarum vsu primos nostros constituerat parentes, in exitialem transferre voluit luxuriam atq; insolentiam; ita vt nimia petulantia & fastu, eius suasu cōtra parentem suum elati, Dij planè effici voluerint: sic isti crucis Iesu Christi, vulnerumque eius, mortis & sanguinis liberalissimè in pretium & ablutionem totius mundi in ara crucis effusi, gratiam volunt transferre in luxuriam; non tanquam exemplum imitationis crucem & mortem Christi habentes, sed quasi velamen malitiæ prætendentes, vt dicebat Petrus. **Quod ne fieret, diligen-**

1-Petr. 2, 1

ligentissimè suos monet Galatas Paulus: *Vos in libertatem vocati estis fratres; tantum, ne libertatem in occasionem carnis detis.* Laudent quantum velint in primis suis initijs heretici omnem vitæ continentiam & sanctimoniam, laudent castimoniam, Catharos Angelicos, Apostolicos Apotacticos, id est, selectos more veterum Gnostico- rum, Marcionistarum, Valentiniano- rum, sese superbè appellent; ad vltimū tamen, omnem Dei gratiam trās- ferunt in luxuriam. Notum est, in quā foedas, ac planè infandas libidines, prioris sæculi hæretici ad extremum præcipitabantur: sed & nostri, ieiunia primū, vigiliis, cilicia, humi cubatio- nes sustulerunt: virginitatem, tanquā rem Deo & naturæ aduersam & ini- micam, reiecerunt: claustra monaste- riorum, ac vota suscepta pudicitiae perfregerunt; Polygamiam laudarūt: Vltimò Adamismus quidam turpis & nefarius apud quosdam inductus esse dicitur. Sic hæresis, gratiam DEI transfert in luxuriam.

Octaua demū tātæ pestis proles est, *Octauus fru- ctus hæreseos*

Dd 2

per.

2. Tim. 2.

perpetuus in deterius profectus. Hūc fructum Paulus ad Timothæum scribens, sic explicat: *Semper, inquit, discen- tes, & nunquam ad perfectionem cognitio- nis peruenientes. Mali autem homines & seductores, proficient in peius, errantes,*

2. Tim. 3.

*& alios in errorem inducentes. Et paulò post: Iniquitas autem eorum proficit in peius, quorum sermo serpit tanquam cancer.* Millequingentis septuaginta octo annis, res Christiana in dispensatione legitimæ potestatis, inter tot persecu- tionum fluctus, inter tot feri ingenij, & linguæ impugnationes, inter tot hæreses & schismata, integra & inte- merata mansit: Articuli fidei, sacra- mentorum dispensatio, libri sacri, e- orumque interpretes, Canones, Con- cilia, Patres, Cerimonix, sacra, ordi- nes, ordinumque functiones, incor- rupta immutataq; manent. Sexagesi- mus vix intercessit annus, ex quo isti noui dispensatores in eam inuaserūt possessionem, & iam vix reliquias e- ius, quod à nobis acceperunt deposi- ti, tuentur. Sic prophanata, sic concul- cata, iacēt omnia. Dum hoc quidem  
anno

anno eam inficiunt religionis partē,  
alio aliam, & iterum aliam; donec to-  
tum fidei & pietatis corpus hic letha-  
lis absumat cancer. Vnde cæptum sit,  
videtis, & quo profectum. Quorsum  
illa aqua lustralis, quorsum indulgen-  
tiæ, quorsum purgatorij ignis euasit:  
auctores ipsi vix sua recognoscūt dog-  
mata. Neque verò in peius proficiūt  
tantum, sed in quo maximè admira-  
ri licet, summam diuinæ potentiæ in  
hominum malitia & curiositate vin-  
dicanda vim, planè in contrarios reci-  
dant sensus. Quantum fidei vim &  
amplitudinem, suprà quàm etiam ne-  
cesse fuit, extulerint quondam, nemo  
est qui ignoret. Nunc ipsi, vel penitus  
nihil credunt, vel in omni parte fidei  
sensum & experimentum quærunt:  
iamq; inueniūtur nōnulli, qui in solis  
bonis operibus, cum Pelagianis, totā  
salutis rationem repositam esse pu-  
tant: Verbum Dei, Euangelia, Pauli-  
que scripta, quibus laudibus in coelū  
sustulerant, scimus: nihil detrahendū,  
nihil apponendum esse, quàm sanctè  
& religiosè cauebant. Nunc Moyses

multis placet; Christus, eiusque Euan-  
gelium, displicet: nouum testamen-  
tum, recens quædam & nuper exco-  
gitata res esse videtur; veterem legem  
& antiquitate, & iudicio omnium gē-  
tiū longè plus valere: quomodo om-  
nes illi sentiunt, qui noui Iudaisantes  
dicuntur. Quid de Sacramentorum  
vi, integritate, veritate, sanctitate, fre-  
quenti vsu quàm præclara, vt quidem  
videbantur, à primis suis initijs trade-  
bant? Nunc, vel nuda quædam & ege-  
na elementa esse putant, vel penitus  
nulla. Maledictum illum esse dice-  
bant, qui consideret in homine, qui-  
ue carnem poneret brachium suum:  
nunc non minima pars illorum nu-  
dum & simplicem hominem IESVM  
Christum, vt quidem illi impiè bla-  
sphemant, grauissimo idololatriæ de-  
lictò obnoxij, colunt & venerantur.  
Totum certamen, pro gloria, laude,  
maiestate Iesu Christi, se suscepisse  
prætendebant. Nos hostes & prodito-  
res cultus ac nominis eius, tertio quo-  
que appellabant verbo. Nunc illum,  
quem pater glorificauit, & in quo sū-  
mam

nam splendoris glorię suę collocatā esse voluit, ita, vt qui nō honorificet filium, non honorificet & patrē, infra Angelicā etiam constituunt sortem: ac ne ex virgine quidem natum, Mahometanis in ea parte longē deteriores, confiteri volunt: sic facta sunt illis, iuxta prædicationem Petri, posteriora deteriora prioribus. Quam dis-<sup>2. Pet. 2.</sup> similia & pugnancia vltima primis, videtis: quæ tamen omnia eò peruentura, iam tum à principio illis à Catholicis viris ad vnguem planè omnia prædicebantur. Vndè igitur tanta mentis coecitas? vnde hæc amentia?

*Descendit Dominus, & confundit linguas* <sup>Gen. 11.</sup>  
*& sensus eorum, vt non audiat vnusquisque vocem proximi sui; ac ne suam quidē, quam primò constanter tuebatur, & pro qua fortissimè decertabat. Docet sacra scriptura, singulis Ecclesijs singulos angelos ad earum regimen & gubernationem, ac custodiā, præfectos esse: quas vbi iusta & æqua voluntate Dei peccatisq; hominum deseruerint: eas omnibus ignitis telis spiritualiū potestati patere, ac ex errore in errorem*

prolabi: quos hæresibus ac schismati-  
 bus fugari, ipsasque Ecclesias relin-  
 quere, testis est grauiſſimus auctor  
 Hieronymus: quod nunc istis eueniſ-  
 ſe, dubitandum non est. Verè igitur  
 sermo illorum serpit tanquam can-  
 cer, errorque in principio paruus, in  
 exitu infinitis partibus crescit, nec pri-  
 mùm consistet, quàm res ad eos redie-  
 rit, quibus dictum est: *Qui vos audit,  
 me audit: qui vos spernit, me spernit.* Et  
 illud verè vsurpare possint: *Sic nos exi-  
 stimet homo, ut ministros Dei, & dispensa-  
 tores mysteriorum Dei.*

Nonus fru-  
 ctus hæreseos.

1. Timot. 4.

Ex quo pessimi profectus malo, a-  
 lia miserabilis & funesta nascitur cala-  
 mitas; conscientia scilicet perturba-  
 tio, mentisque inconstantia: *Cauteria  
 tam,* inquit Paulus, *habentes conscienci-  
 am.* Quod perplexitatem quandam,  
 & fluctuationem, ac inconstantiam  
 mentis denotat. Dum enim animus,  
 in eo quod summum est, & in quo vi-  
 tæ & foelicitatis quasi cardo cõstitit,  
 nullum certum modum, nullum fi-  
 nem, nullum inuenit exitum; ac pro-  
 tuto portu, vbi consistere debuit, in  
 maio-

maiores æstus, maioraque naufragia, se in dies deferri videt; nec vsquã tam firmiter agit pedem, quin nouis fluctibus inde non exturbetur: dici non potest, quantum commoueri & perturbari solet, quantum indignari & planè irasci, nullum mare fluctibus, quantum hic animus cogitationibus æstuarè, ac in transuersum agi solet. Hinc macies: hinc pallor, inedia: hinc vigiliæ, & nocturnæ excitationes: hinc in via, in balneo, ad mensam, in lecto disceptationes, ac perpetuus ad easdẽ cogitationes recursus: hinc leui ex causa maximæ offensiones, & scandala: hinc repetitæ consultationes, conuentus, & synodi: hinc vitæ & lucis tædium: hinc spontaneæ sibi manuum illationes: hinc aliæ infinitæ cruces.

Cauteriatò enim mēbro, nulla pax, nulla quies. Ex qua animi ac conscientie ægrimonia, exoritur metus quidam, & trepidatio, vt metuant, vbi nō est timor, fugiant nullo persequente. Virtutis enim viri recta conscientia robur est. Probatum est hoc nuper aliquoties apud nos, his proximis Tar-



taricis incurſionibus : quid actum, quomodo trepidatum ſit, ſcitis. Non factitarunt hæc, quibus certa & explorata fuit pietatis & religionis ſuæ ratio maiores noſtri : qui non niſi cum dijs, vt aiunt, & ſacris, bona conſcientia, pro fortiffimo clypeo tecti, in aciem & certamina descendere ſolebāt, Quanquam autem hi conſcientiæ tumultus in omni illos perturbent vita, maximè tamen in morte excitantur contrarijs argumentis, in utrāque partem colluctantibus, aſſenſu autem dubio, & fluctuante, Diabolo aut tunc omnia in immenſum augēte, ita, vt vix centeſimum ex iſtis æquo animo mori videas. Quam eorum miſerabilem conditionem, Vincentius Lirinen. ante mille annos diſertè in hunc modum deplorat: *Et pe-  
rire metuunt, & redire erubescunt, ſaucij,  
ſemineces, ſemiuiui: quippè qui tantam ve-  
neri hauſerint quantitatē, qua nec occi-  
dat, nec digeratur, nec mori cogat, nec vi-  
uere ſinat. Heu miſeranda conditio, quātis  
illi curarum aſtibus, quātis turbibus ex-  
agitantur. Nunc etenim quā ventus im-  
pulerit,*

Vincen. Liri.  
lib. de heres.  
cap. 25.

pulerit, incitato errore rapiuntur: nunc in  
 semetipsos reuersi, tanquam contrarij flu-  
 ctus reliduntur: nunc temeraria præsum-  
 ptione, ea, quæ incerta videntur, appro-  
 bant: nunc irrationali metu, etiã quæ cer-  
 ta sunt, expauescunt, incerti quæ eant, quæ  
 redeant, quid appetant, quid fugiant, quid  
 teneant, quid dimittant. Quæ quidem dis-  
 bi & male penduli cordis afflictio, diuina  
 erga se miserationis est medicina, si sapi-  
 ant. Idcirco etenim extra tutissimum Ca-  
 tholicæ fidei portum, diuersis cogitationū  
 quatiuntur, verberantur, ac pene necan-  
 tur procellis; vt excusa in altum elata men-  
 tis vela deponant, quæ male nouitatum vē-  
 tis expandent, seseq; intra fidissimam  
 stationem placida ac bonæ matris reducāt  
 & teneant, atq; amaros illos turbulentos-  
 que errorum fluctus primitus reuomant,  
 vt possint deinceps viuæ & salientis aquæ  
 fluenti potare. Dediscant benè, quod didi-  
 cecerunt non benè: & ex toto Ecclesiæ dog-  
 mate, quod intellectu capi potest, capiat;  
 quod non potest, credant. Hæc ille.

Sequitur decimus ille lethalis radi-  
 cis, lethalior fructus, religiōis vniuersæ  
 cultusq; diuini labes, vltimaq; ruina.

Quem

Decimus fru-  
 ctus hæreseos

2. Petr. 2.

Quē fructū D. Petrus illis verbis explicat: *Venient, inquit, in nouissimis diebus in deceptione illusores, iuxta proprias concupiscentias ambulantes, dicentes: Vbi est promissio aut aduentus eius? ex quo enim patres dormierunt, omnia sic perseverant ab initio creaturæ.* Quod quidem sine multis testibus vel res ipsa clarè demonstrat. Nam cum vniuersa fides ac religio Christiana, demonstratione non constet, sensui item subiecta non sit, sed sola fide, consensu, auctoritateq; nitatur; his sublatis, aut saltem labefactatis, omnem religionem auferri oportebit. Hac potissimum ratione, versatur quis inter Catholicos, audit argumenta, audit scripturas: confert se idem ad Sacramentarios, eadem omnia inuenit: item ad Anabaptistas, non inferiora: ad Trinitarios, Arrianosque, eodem modo. Quæ omnia, ex iisdem sacræ scripturæ ipsiusque rationis fontibus hausta, cum animus infirmus & cauteriatus digerere non possit, magna vndiquaque & rerum, & personarum pondera vidēs, simul omnia cum summo acerbitatis dolo

re euomit, vniuersamque abnegat fidem, ipsoque infideli deterior efficitur. Ex quo hominum genere, non vnum & alterum, sed plenos vbique videmus versari greges: qui illud palam confiteri non erubescunt, se quid in religione sequi debeant, planè ignorare: omnia illa, quæ verissima esse putarunt, falsa & conficta esse: religionis & pietatis nihil præter speciosum nomen & titulum extare. Et hæc quidè plurimi propalam. Alij porro, qui paulò cautiore prudentioresque sibi videntur, cum id publicè affirmare non audeant, in corde tamen suo illud cum impijs sæpiùs occinunt: Non est Deus: quorum numerus & si soli Deo cognitus sit, esse tamen quàm plurimos, vita hæc, & mores hominum perditis satis testantur. Euenerat hoc idem Philosophis quondam. Dū enim Reges ac Principes rerum publicarum philosophabantur, grauitè tunc & seriò omnes explicabantur Philosophiæ partes: nihilque dicebatur, nisi quod ex naturæ ipsius principijs, ac planè visceribus, depromeretur: nihil  
in me-

in medium adferebatur, nisi quod ipsam veritatem redolebat: nihil quærebatur aliud, quàm ipsa veritas. At, postea quàm Philosophia ad homines egentes, vagos, ostentationi quæ; deditos translata est, qui finem eius lucrum potius & quæstum, inanem quæ gloriam, quàm veritatem sibi proponebant; tunc ad nugas omnia quasdam & ineptias, incredibilia quæ; paradoxa, quibus stultæ plebeculæ, illi ambitiosi magistri admirabiles videri voluerunt, transferri cœpta sunt. Hinc illa omnia, vnum esse cælum, in perpetua quiete manere, terram autem incito cursu agitari, motum in rerum natura esse nullū: hinc niuem nigrā, & quid non? Quibus nugis & altercationibus eò res deducta fuit, vt nihil certò sciri aut affirmari posse existimaretur, illique sapientissimi esse iudicati sunt, qui nihil se nec magnum, nec parvū, scire profiterentur. Talis Socrates, talis Carneades fuit. Philosophi ex vrbus & ciuitatibus eam ipsam ob causam eiecti, plane quæ; tota Philosophia subuersa fuisset; nisi duo illa sapientiæ præ.

præstâtissima lumina, Plato inquã, & Aristoteles, rem planè collapsam seriò philosophando restituisſent. Sic nimium altercando, omnis amittitur veritas.

Ultimus est ille, qui hæc omnia ob-

*Ultimus fructus hæreseos*

signat mala, tam exitiosi monstri fructus, vocata in dubium virtutum omnium maxima & sanctissima religione, leges item, moresque antiquos, virtutem, omneque honestum in dubium vocari, humanoque potius hæc instituto & opinione, quam vi & natura sua valere: sicque omnis æqui & honesti habenis solutis, omni que disciplina sublata, à virtute ad vitia, nõ iam pedetentim & lento gradu, sed præcipiti cursu disceditur: sic omnis honesti alea iacitur. Nam vt firmæ & constantis de religione sententiæ omnis virtus & honestas consequens est, cuius illa mater nutrix, & certissimus custos existit; cuius munera & premia secum portat; cui item decus ac omnem ornatũ addit, fidemque & authoritatem facit. Sic vera & constanti religione labefa-

ctata

ctata, aut penitus ex aliqua republica  
 sublata, ac quasi in perpetuum exsili-  
 um acta, comites itidem eius, virtu-  
 tem, honestatem, disciplinam, legum  
 atque magistratum auctoritatem,  
 excludi necesse est. Quid enim illum  
 animum potissimum mouebit, quē  
 diuini numinis metus, omnia perspi-  
 caci suo oculo intuentis, nō mouet?  
 aut quid apud illum sanctum erit, a-  
 pud quem ea quę prima & summa na-  
 tura sua meritō esse debeat, locum ha-  
 bent nullum?

Hi sunt igitur illi, quos quæreba-  
 mus, hæreticorum proprii & peculia-  
 res, non ex nostro sensu & iudicio, vt  
 videtis desumpti, sed ab ipsis principi-  
 bus Apostolorum nobis traditi, om-  
 nium autem temporum exemplis cō-  
 probati fructus. Sic igitur rem totam  
 cōcludamus: si ante septuaginta hos  
 ipsos vel octoginta annos, hi tales fru-  
 ctus in Ecclesia Catholica exorieban-  
 tur; falsi erant Prophetæ illi, qui Chri-  
 stianam profitebantur doctrinam. Si  
 autem tum in ea negligentia, quam  
 & ipsi videmus, & isti tantoperè accu-  
 sant,

fant, nihil horū orbem vexabat Christianum, nunc aut̄ istis ducibus, eaq̄; tam diligēti scripturarū v̄ditatione, hi fruct̄⁹, tanquā ex quadam Epimethei Pandora promanant; qd̄ aliud dicem⁹, quā maiores nostros parum qdem illos diligentes & continentes homines fuisse, falsos tamen Prophetas nequaquā appellari debere: hos aut̄, prima qdem specie pietatē & veritatem pr̄tulisse; intus aut̄ lupos rapacissimos fuisse? Vultisne vobis in meridie lucernā accendā? Si iudicatū erit, in meridie non lucere, hęc ita se nō habebunt: si autem hęc verissima sunt; qd̄ ampli⁹ desideratis, in re præsertim tanti periculi? Hi. n. fruct̄⁹, vitā singulorū perturbant, funestaq̄; labe inficiunt, res publicas euertūt, pietatē & honestatem oēm extinguunt. Eorum tamen fructuū satores vos suspicitis, ac in delicijs habetis, in manibusque propemodū gestatis vestris: horū vita, fortunæq̄; maximè vobis curę sunt, totq̄; cōfoederationib⁹, tot legū præsidijs, tot Sacramentis, à vobis ita tecta & cōmunita; vt hęc, vel

Ec offici-



officina ipsa, vltimēq; cōditionis homines, Regib<sup>9</sup> & Magistratibus insolenter obijcere, illisq; suā impietatē tueri nō vereantur: parumq; est, eius generis homines, quōd nō puniuntur; sed aliunde etiā accersuntur; sed publicis premijs ac honorib<sup>9</sup> prouocantur; sed in ore ipso regū atq; principū, ea semina malorū iacere non erubescunt. Persimilisq; hęc vestra aula diuiturnæ est feбри, quæ nunquā ægrum deserere solet, nisi pri<sup>9</sup> aliquod vitium, tanquā signū & monumētū sui, in ægro corpore reliquerit. Sic nos nusquā venimus, vbi nō aliquas reliquias eius pestis & cōtagionis, inter eius loci, & vrbis homines relinquamus. Ac vereor, ne in hac ipsa ab ea labe, Dei munere, integerrima vrbe, aliqua eius pestis semina relinquamus, quæ postea similes pariant fructus. Quę omnia, cui malo num verbo Dei? num veritati? nequaquā: hæc enim manēt in æternū. His nulla malitia humana aut abrogare, aut derogare potest quicquā. Num Ecclesia Dei, & regno Christi? nō itē: Hęc .n. est

Deo Iacob. Si introiero in tabernaculum  
 domus meae: si ascendero in lectum strati  
 mei. Si dederò somnum oculis meis: & pal-  
 pebris meis dormitationem. Et requiem  
 temporibus meis, donec inueniam locum  
 Domino tabernaculum Deo Iacob. Pro  
 quo tam praestanti ac pleno pietatis stu-  
 dio, illud mutuò recipit. Iurauit Dominus  
 Dauid veritatem, & non frustrabitur eum:  
 de fructu ventris tui ponam super sedem  
 tuam. Si custodierint filij tui testamētum  
 meum, & testimonia mea haec quae docebo  
 eos. Et filij eorum in saeculum sedebunt su-  
 per sedem tuam. Quoniā elegit Dominus  
 Syon: elegit eam in habitationē sibi. Haec  
 requies mea in saeculum saeculi, hic habitabo  
 quoniam elegi eam. Viduam eius bene-  
 dicens benedicam, pauperes eius saturabo  
 panibus. Sacerdotes eius induam saluta-  
 ri: & sancti eius exultatione exultabunt.  
 Illuc producam cornu Dauid: parauit lu-  
 cernam Christo meo. Inimicos eius induā  
 confusione: super ipsum autem effloreat  
 sanctificatio mea. Quid magnificentius,  
 quid illustrius, quid salubrius, quid opta-  
 bilius tantis promissis esse potest? Sed lon-  
 gè magis ipsa promissorum munificentis-

\*\*

sima

*simae exhibitione, qua eadem omnia eos  
 manent omnes, qui eandem virtutem &  
 pietatem simili studio coluerint, ac conse-  
 crati fuerint. Quorum enim facta imita-  
 mur, eorum coronas, premia, & merita  
 iure expectare debemus. Et sedebit REX  
 STEPHANVS fœlix ac Deo dilectus in  
 domo sua, & Dominus dabit ei requiem  
 undique ab omnibus inimicis suis, senex  
 plenus dierum, constituetq; filium suum  
 super Israel. Quod tibi magnanime REX  
 pro tua ardenti pietate, alijsq; præstanti-  
 simis meritis tribuat pater omnipotens, fi-  
 at, fiat. REX IN AETERNVM VI-  
 VE, tuumq; Socolouium ama, & fove.  
 Cracc. Idib. Februarij, 1583.*

SVMMA

SVMMA EORVM  
CAPITVM, QVAE IN TRI-  
bus his libris continentur.

Capita libri primi.

- E**A signa, quae heretici putant vera  
Ecclesiae indicia esse, vera signa non  
existere. pag. 9 I.
- Cur supradicta signa, neq; à sacra scri-  
ptura, neq; à sanctis Patribus inter notas  
vera Ecclesiae censeantur. 24 II.
- Supradicta signa & si vera nota Ec-  
clesiae Dei nō sint, magis tamē Ecclesiae Ca-  
tholicae, quā ipsis eorū auctoribus conveni-  
re, & imprimis sanā Euāgelij doctrinā. 53 III.
- Verum Sacramentorum usum, quem  
secundam notam isti esse dicunt, magis Ec-  
clesiae Catholicae, quā illorum cœtibus cō-  
uenire. 75 IIII.

Capita libri secundi.

- Verorum Ecclesiae Dei signorum par-  
titio. 96 I.
- Ea indicia, quae in sacro symbolo conti-  
nentur, veras Ecclesiae Dei notas esse. 97 II.
- \*\* 2 Prima

INDEX CAPITVM.

- III. Prima ex sacro symbolo nota explicatur: Eam verã Ecclesiam, quã sit vna. 101
- IIII. Secunda nota explicatio: Illam veram Ecclesiam esse, quã sit sancta. 145
- V. Tertia nota explicatio: Eam esse veram Ecclesiam, quã sit Catholica. 173
- VI. Quarta nota explicatio: Eam veram Ecclesiam esse, quã sit Apostolica. 202

Capita libri tertij.

- I. Primum insigne veræ Ecclesie: Præsentia Spiritus sancti. 245
- II. Secundum insigne: Ad formas & species eius, in scriptura adumbratas, conuenientia & consensus. 248
- III. Tertium insigne: Filia Regis obedientia ad legem primam, hoc est, ad legem nature. 258
- IIII. Quartum insigne: Vbertas donorum Spiritus sancti. 262
- V. Quintum insigne: Incorrupta per omne æuum fundamentorum religionis Christianæ conseruatio, atq; eius documentorum. 270
- VI. Sextum insigne: Veri cultus diuini perpetua conseruatio. 276
- VII. Septimum insigne: Ordo à Christo Domino
- mimo

est columna & firmamētū veritatis,  
 ædificata in firma petra; cōtra quā ne  
 portē q̄dem inferorū preualuerūt vn  
 quā. Cui igitur malo? Rebus publicis  
 primū : quarū hęc præsens est ruina,  
 hic certissim⁹ interitus. Regib⁹ dein  
 de ac principibus ipsis, quib⁹ hęc om  
 nia exedenda sunt, quęcunq; isti diui  
 ni magistri intriuerint: ceteris deniq;  
 omnib⁹, q̄ his tantis errorū laqueis se  
 capi ac irretiri passi fuerūt. *Verū dicit*  
*quis: hęc quidē de cæteris Sacramēta*  
*riorū, Arianorū, Anabaptistarum se*  
*ctis verissimè dici, Augustanę aut cō*  
*fessionis nequaquā cōuenire. Cæterū,*  
 placētne meum de Augustana, quod  
 antea nunquam attuli, audire iudici  
 um? paucis accipite. Spero .n. vos id,  
 quod ipsa res docet approbaturus.  
 Habet Augustana pelles, vellera, co  
 lorē, lōgè speciosiora, & ad fallēdum  
 magis accōmodata, quā reliqua hęc  
 mōstrahominum; fruct⁹ aut p̄simil  
 limos, quod ex hac similitudine ag  
 noscite. Solent Plagiarij, qui vel ex lit  
 torib⁹, vel ex oppidis circumiacētib⁹  
 homines furātur, cū ipsi eorum lo

*Augustana  
 Confessionis  
 imago.*

corum hominib<sup>9</sup> suspecti sint, habere quosdā secum, vel ex illis ipsis oppidanis, vel saltem p̄simili habitu & vestitu adornatos: hos ex nauib<sup>9</sup> ad oppida vicina dimittunt, vt familiaritate cum illius loci hominib<sup>9</sup>, atq; adeò pueris ipsi inita, eos ex oppidis in solum locum ad littora, tanquam inābulandi causa educunt. Quos vbi primum illi eduxerint, isti rapiunt, ac in naues cōiectos, secum in medios fluct<sup>9</sup> asportāt. Plagiarijs sunt p̄similes ceteri heretici: Augustana ipsa, ex hoc est genere hominum insidiosorum, qui similitudine victus, & habitus, homines ex tuto Ecclesiæ Catholicæ sinu in littora, pyratis obnoxia, deducunt: idq; propter eam quā se cum Catholica Ecclesia habere simulant, & qua incautis & simplicib<sup>9</sup> hominibus facile imponunt, similitudinem & cognitionē. Exaudire. n. licet illas voces, eandem hāc religionem esse, iisdem principijs & fundamentis initi: incultu & c̄rimonijs hescio qd discrepare. Quos vbi semel ex loco tuto eduxerit, hunc Sacramentarius,

tarius, illum Anabaptista, istum Ebi-  
 onita, aut Trinitari<sup>9</sup> quispiam rapit;  
 cum eoq; in ipsos certissimæ perditio-  
 nis scopulos fugit. Quem. n. isti fu-  
 nesti Plagiarij ex Augustanæ sinu nō  
 rapuerunt? quem ista insidiosa Syren  
 ex portu Ecclesiastico nō eduxit? aut  
 quis ex istis Augustanā fidem à prin-  
 cipio non laudavit, quis sequutus nō  
 est? Habetis veram, vt puto, Augusta-  
 næ formā & imaginem: si hoc idem  
 res ipsa non docet, nolite credere; si  
 autem veritatem dico vobis, quare  
 non creditis mihi? Attendite igitur  
 vobis à falsis Prophetis; sed maturè,  
 priusquàm hoc incendium ita auge-  
 atur, vt postea nisi vestra ruina extin-  
 gui non possit. Deus misereatur ve-  
 stri, & hoc tantum malum, quo tot  
 respub. florentissimæ collapsæ  
 sunt, à vobis, ceruicibus  
 que vestris auertat,  
 Amen.

Laus Christo Optimo & Maximo.

Oretur pro Auctore.





INDEX CAPITVM.

- mino & eius Apostolis designatus & in-  
choatus, vsq; ad hanc etatem integer con-  
seruatus. 282
- Octauum insigne: Communionis san- VIII.  
ctorum sensus & consensus. 287
- Nonū insigne: Virtus miraculorū. 295 IX.
- Decimum insigne: Lumen & veritas X.  
Prophetia. 302
- Vndecimum insigne: Præsens ubiq; & XI.  
perenne Dei adiutorium. 309
- Duodecimum insigne: Opportuna & XII.  
salutaris correctio ac depressio. 315
- Tredecimum insigne: Perpetuus in me- XIII.  
lius profectus. 319
- Quatuordecimum insigne: Nouitatem XIV.  
omnem fugere, ac suspectam habere, vene-  
randa autem vetustati in omnibus adha-  
rere. 323
- Quintumdecimum vera Ecclesia insi- XV.  
gne: Extrema non sequitur, medio tu-  
tissima incedit. 332
- Sedecimum Ecclesia insigne: Perpetu- XVI.  
um contra illam omnium hereticorum &  
schismaticorum bellum ac impugnatio-  
nes. 335
- Decimumseptimum insigne: Quòd sit XVII.  
canon & regula omnis veritatis; & quòd  
ulti-

INDEX CAPITVM.

*ultimò omnes heretici ad eam prouocent  
acredeant.* 338

**XVIII.** *Decimumoctauum insigne: Quòd  
Deus ordinauit ex eius ore audire gentes  
Euangelium & credere.* 345

**XIX.** *Decimumnonum insigne: Omnium  
Ecclesiarum presentis & prateriti tem-  
poris verissimum testimonium.* 349

**XX.** *Vigesimum & vltimum insigne: A-  
postasia, hoc autem est ab ea defectio-  
nis presentissima, tam publicè quàm priua-  
tim Dei vindicta.* 362

*Peroratio operis.* 368

M. BA.

M. BASIL. GOLINENSIS  
Prof. Crac. in Ecclesiam.

Ἀλότατος πέλεται πάντων ἐκκλησία δυνωη  
τὴν οὖν τίπτε τινές μήτι δύνανται δρᾶν  
Ὀφθαλμῶν μετέχην βλεφάρων καὶ φύλλι ἀνοιγᾶν  
Λισχρόν καὶ αἰεὶ ὄψιος ἔμμέν ἄνευ  
Ὀμματα εἰσὶ μάτῳ τῷ σώματος ἀντι νόοιο  
Νός ἄτερ χάριτος κ' εἰσὶ θεοιο μᾶτῳ.

Idem eiusdem.

*Spektatur dudum magnumque Ecclesia  
mole est,*

*Quaeso quid hanc necdum plurima tur-  
ba videt?*

*Corporis est oculus nullus sine lumine  
mentis.*

*Et sine, sunt mentis lumina nulla, Deo.*

**Eiusdem, de tribus operibus Autoris  
ad aduersarios.**


*Nudi, pallia dum notat, stetitis:*


*Dum tractat male transfugas, timeris:*

*Quid nunc dum caput amputat? iacetis.*

SEXAGINTA SVNT REGI-  
NAE, ET OCTOGINTA CON-  
CVBINAE, ET ADOLESCEN-  
TVLARVM NON EST NV-  
MERVS. VNA EST COLVM-  
BA MEA, PERFECTA MEA:  
VNA EST MATRIS SVAE,  
ELECTA GENITRICI SVAE.  
VIDERVNT EAM FILIAE,  
ET BEATISSIMAM PRAE-  
DICAVERVNT REGINAE  
ET CONCVBINAE, ET  
LAUDAVERVNT  
EAM. Cant. 6.


STANIS.











B. 410-411